

**OECODOMIA  
MINORITICAE  
SCHOLAE  
SALOMONIS  
DOCTORIS...**

---


Antonius Bruodinus, Johann  
Friedrich Hess, ...







~~III~~ 3.



















# OECODOMIA

MINORITICÆ SCHOLÆ SALOMONIS

## DOCTORIS

SVBTILIS,

QVADRAGINTA QVINQVE  
COLUMNIS SUSTENTATA,  
TOTIDEMQVE EPISTTLLIS  
problematicè ornata.

HOC EST:

VNIVERSÆ THEOLOGIÆ

Scholasticæ manualis Summa, Ma-  
terias omnes, in scholis tradi solitas, or-  
dine congruo, stylo claro, & succinctâ  
Methodo complectens.

AUTHORE

R. P. F. ANTONIO BRUODINO

Tuomoniensi Hiberno, Ord: Min: Strict: Ob-  
servant: Reform: Lectore Jubilato, Almæ Pro-  
vinciæ Bohemiæ quondam Definitor, nec non Con-  
ventûs Pragensis B. V. ad Nives Professore  
Primario.


PERMISSU SUPERIORUM

PRAGÆ, Typis Universitatis Carol. Ferd. in  
Collegio Societ: Jesu ad S. Clementem.

M. DC. LXIII.

*Di. A. N. f. l. D. Laj, ex arch. de*





ILLUSTRISSIMO AC EXCELLENTISSIMO  
DOMINO, DOMINO

FERDINANDO  
GVILIELMO,

S. R. I. COMITI SLAVATÆ

DE CHLUM ET KOSSMBERG,  
GUBERNATORI DOMUS  
NEODOMENSIS.

DOMINO IN NOVA DOMO, TELTZ,  
Bistricz, Chlumez, Straz, Zerovitz,  
Mnich, & Rubra Lhota, &c.

Sacræ Cæsareæ Regiæq; Majestatis  
Consiliario, Camerario Actuali, Su-  
premo Feudorum Judici, Regio Locumte-  
nenti, hæreditario in Regno Bohemiæ Pocillatori,  
nec non Conventus Neodomensis S. Catharinæ Vir-  
ginis, & Martyris Fundatori munificentissimo, Do-  
mino Patrono ac Mecænati suo gratiosissimo,  
observandissimoque.



Volvo tandem EXCEL-  
LENTISSIMÆ & ILLUSTRISSIMÆ  
COMES, Domine ac Patrono mu-  
nificentissime, velut laboriosus  
& tardus Bombyx, Scholasticū hoc meū opus,  
& laboriosum ingenij sæctum, qui hætenus  
in privatis studiorum meorum lucubrationi-  
bus, & secretis tantummodo Scholarum Le-



## EPISTOLA

tionibus, veluti in primis suis originibus, & initialibus, ut ita loquar, seminibus delitescens maturuit; evolvo, inquam, Scholasticum hunc meum partum, in communem hanc Lucis usuram, & quidem sub Excellentissimis Tuis Auspicijs Patrone munificentissime; illum evolvo, ut nimirum ibi habeat Nativitatis suæ punctum, ubi foecundissimum sensit Conceptionis suæ horoscopum; ut ibi primam sortiatur Lucem, ubi primam sui Incrementi & augmenti suscepit influentiam Planetalem; ut denique sub Excellentissimo illo Nomine publici fiat Juris, sub cujus munificentiae nomenclatura prima coepit beneficiorum elementa. Nam si verum est (uti verissimum arbitrantur Jurisconsulti) illud juris axioma: *Accessorium sequitur suum principale*: Opusculum hoc meum, quale, quale Scholasticum, quod accessorium tantummodo est, debuit sequi naturam sui principalis, unanimes videlicet & verè pios totius Ordinis nostri Seraphici, & potissimè Almae nostrae Provinciae Bohemiae affectus, quibus Excellentissimam Dominationem Vestram abundè colit, & prono devotionis poplite continuò veneratur. Debuit, inquam, structura hæc mea, medullam totius

Theo-



## DEDICATORIA.

Theologiæ Speculativæ, Theologorum Aquilæ, Doctoris Subtilis, Laconicè complectens, veteris, candidissimæ que affectûs mei, accessorius affectus, ad patentes, semperque mihi hætenus apertos Illustrissimi Patrocini Tui Lares accedere, quòd cùm à me Authore suo Minorita, non nisi Minoriticè plantari potuit, & irrigari, à Te Patrono suo Excellentissimo, Tuæque Illustrissima, Pijssima, & in Orbe Germanico æstimatissima Familia, majora sumeret æstimationis ac valoris incrementa, utpotè ab illa, quæ per complures sæculorum periodos, veluti radiantissimus Germanici nostri Firmamenti Zodiacus, non in duodecim tantùm, sed innumerabilia penè ascendentis & descendentis Illustrissimæ Tuæ Propaginis signa distinctus, avitæ Nobilitatis suæ jubar copiosè sparfit; & quemadmodum juxta Mathematicorum irrefragabilem doctrinam, Zodiacus cœlestis in duo dimidia secatur, quorum unum super visibilem nostrum volvitur horizontem, alterum in inferiori rotatur Orbis hemisphærio; ita sanè Illustrissimus Familiæ Tuæ Zodiacus, non contentus in Germanico nostro radiare horizonte, dimidiavit Nobilitatis suæ Lucem, & in Orbem Italicum, per Illustrissimos

## EPISTOLA

& Excellentissimos Principes Urſinos (ab his enim Roſenbergiani Principes, Antecellores Tui, rectâ descenderunt lineâ) transfudit, ut ab Oriente usque ad Occidentem magnum, esset Nomen Tuum in gentibus, Magnum, sanè Nomen Tuum in gentibus exteris, COMES EXCELLENTISSIME, ex Origine, sed magis ex zelantissima Catholicæ Religionis observantia, ejusdémque Orthodoxæ fidei, diffusissima ab Illustrissima Slavatiana, Domo factâ propagatione. Unde factum est, ut tot divinis desuper benedictionibus, Illustrissima Familia tua præ alijs sit impinguata: totque deinde bonorum operum, & maximè misericordiæ, pietatisque fructibus cumulata, qui etiamnum elucent in tot præclaris sanctis Foundationibus, & erectis publicorum Cœnobiorum monumentis & structuris, quibus veluti Davidicis Turribus, mille pietatis Slavatiænæ Clypeis exornatis, pientissima, hæc Domus circumvallatur. Loquatur hîc non mea hæc, licet veridica Epistola, sed in primis memorabile illud S. CATHARINÆ Virginis & Martyris Fratrum nostrorum Minorum Strict: Observ: Reform: Neo-Domi erectum Cœnobium, frequentata Provincia- lium Capitulorum Sedes, & quasi quædam,

com-

## DEDICATORIA:

communis Delphica Patrum nostrorum vocalium Cathedra, ex qua singulis triennijs, Electionum & Ordinationum Seraphicarum responsa promunt; quæ insignis Seniorum Cathedra, copiosâ sanè fundatione, & magnificentiâ Slavatianâ fundata erectâque est, & consummata, ita ut numerosa Fratrum Familia, rebus omnibus Franciscano necessarijs abundans, pijsimâ Tuâ liberalitate quotidie sustentetur. Loquatur deinde per amplum & præclarum RR. Patrum Societatis Jesu ibidem Collegium, cum adjecto sibi opulento Juvenum Seminario, ejusdem Illustrissimæ Familiæ, verâ Illustri pietate erectum & abundè provisum. Loquatur & alterum non dissimile Collegium, in Tua Telezensi Civitate ijsdem Patribus, Tuâ, Tuorumque Illustrissimorum Parentum munificentia, à fundamentis extructum & dotatum. Loquatur pervetusta illa & Religiosissima Eremitæ RR. Patrum Paulinorum in Tuo Bistriczensi Dominio, quæ cum immortalis posteritatis memoria, ipso adhuc S. Fundatore Francisco de Paula in humanis versante, erecta; ac bellis devastata furoribus, injuriosisque hæreticorum destructa tempestatibus, munificentissimam Liberalitatis Tuæ sensit dexteram,

## EPISTOLA

quando lapsam erexisti: deformatam, ut in perfectam Religiosæ Solitudinis figuram evaderet, amplis adauctam redditibus, gratiosè renovari fecisti: quin imò Ecclesiam ipsam, à fundamentis quasi, nullis parcens expensis, reædificari solerter demandasti. Loquantur denique complures aliæ sacræ ædes, Nosocomia, Hospitalia, & similia Slavatinæ pietatis monumenta, quæ passim in recentissimis adhuc exstant fundamentis. Et ut Illustrissima hæc Slavatarum Domus, non super unam fortè avitæ Nobilitatis basim erecta, aut super solas fortè Orthodoxæ Religionis, & integerrimæ pietatis laterales parietes tantum innixa subsistere videretur, accessit, etiam firmissima probatæ fidelitatis Columna ad eam fulciendam; imò tot Atlanticæ Columnæ, quot Illustrissimi Tui Antecessores integerrimam suam fidem, pro DEO & Cæsare, totaque Augustissima Austriaca Domo intrepidè semper conservârunt. Nonne Atlantica fuit fidelitatis Columna, pro Austriaca Cæsaris Domo, Excellentissimus Tuus AVUS GVILIELMVS COMES SLAVATA magnus Regni Boëmiae Cancellarius, Aureique Velleris invictus Eques, qui maluit præceps ex alto in auras ejci (ut puriorem scilicet inte-

mera-



## DEDICATORIA.

meratae fidei auram biberet ) quam in periculosè recalcitrantium Officina, aliquam conjurationis caliginem deglutire, ac vel unum latum unguem à fide sui Cæsaris recedere. Gloriosior Mutio Scevolâ, qui unam duntaxat dexteram ardentibus focis urendam immerfit pro Romani populi salute; hic verò totam corporis sui molem conquassandam & collidendam concessit. Par felicior Coclite, qui pro Urbis Romanæ conservatione, in Tyberis fluentia se devolvit; hic verò collisa pro Cæsare ossa, Cæsari immolavit indemnis, cum grandi & Germaniæ & Regis lætitia, ac Familiæ suæ sempiterno decore. Patiare quapropter COMES EXCELLENTISSIME, ut hæc Theologiæ meæ Scholasticæ Summula, Illustrissimo Tuo Nomini Slavatiano inscripta à præfato hoc Familiæ Tuæ Jubare, novam nunc accipiat favoris & lucis accessionem, ut inter Gentilitios Tuos Ursos, benevolam inveniat Patrocinij Tui sedem, ad quorum munificentissimam custodiam eam depono, veluti signum & argumentum perpetuum gratitudinis, in quo frequentissimi, & quidem specialis favoris Tui, gratiæ ac beneficia, per tot annorum intervalla, continuò mihi submini-



## EPIST: DEDIC:

strata, in speciali compendiata, & effectuo-  
sis grati animi characteribus sunt expressa.  
Vive Deo, Tibi, Tuisque Nestoreos ad an-  
nos, ita cordicitus vovet.

Excellentiss: & Illu-  
striss: Domin: Vestræ

*In aeternum devotus  
Cliens*

Fr. ANTONIVS  
Bruodinus.

# SVMMA PRIVILEGII

Sac: Cæs: Majestatis.

**L**EOPOLDUS Divinà favente Clemen-  
tià electus Rom: Imperator semper Augu-  
stus, ac Germaniæ, Hungariæ, Bohemiæ, Dalma-  
tiæ, Croatiæ, Sclavoniæ, &c. Rex, Archidux  
Austriæ, &c. singulari decreto sanxit, nè quis  
intra S. R. Imperij, Regnorumq; ac Provincia-  
rum hereditariarum fines, librum, cujus titulus  
est: Oecodomia Minoritiæ Scholæ Salomo-  
nis, Doctoris Subtilis, universæ Theologiæ  
Scholasticæ summam complectens, Authore  
P. Fr. Antonio Bruodino Hiberno, Ord: Mini-  
Stri: Obs: Reformatorum, simili aut alio quo-  
vis typo, vel forma, sive in toto, sive in parte re-  
cudere, vel alibi impressum vendere, vel distra-  
here clam vel palàm, citra voluntatem, & absq;  
ipsius Fratris Antonij Bruodini in scriptis obten-  
tâ licentiâ, per decennium à prima editionis die  
computandum, præsumat, sub confiscatione li-  
brorum aliisque pœnis contra delinquentes fusè  
expressis, in literis datis Vienna die 5. Mensis Ja-  
nuarij, Anno Domini 1663.

Leopoldus.

Wildericus Baro de Walderdorff  
Vice Cancellarius.

Ad Mandatum S. C. M. propri-  
J. Walderode.

# F A C V L T A S

Reverendis: Patris Ministri Generalis totius Ordinis S. Francisci.

**F**Rater Michaël Angelus de Sambuca, totius Ordinis Minorum Seraphici Patris Nostri S. Francisci Minister Generalis & Servus, Dilecto nobis in Christo Patri Fratri Antonio Bruodino Hiberno, Lectori Iubilato Almae nostrae Provinciae reformatae Bohemiae, ex Diffinitori salutem in Domino sempiternam.

*Opusculum, cui titulus est: Oecodomia Minoriticae Scholae Salomonis Joannis Duns Scoti, sive Universae Theologiae Scholasticae manualis Summa, materias omnes in Scholis tradi solitas ordine congruo, stylo claro, & succinctâ methodo complectens, à te editum, servatis servandis, revisum & approbatum, ut typis excudatur, facultatem concedimus. Datum Roma in Conventu nostro Aracælitano, die 16. Februarij, Anno Domini 1663.*

F. Michaël Angelus de Sambuca  
Minister Generalis.

*De Mandato Reverendissimae  
Suae Paternitatis*

F. Joannes Eslenan, Secretarius  
Generalis Ordinis.

# FACULTAS

Admodum Reverendi Patris Mi-  
nistri Provincialis,

**C***um* iudicio & approbatione multorum  
Theologorum, liber intitulatus Oeco-  
nomia Minoriticæ Scholæ Salomonis  
Doctoris Subtilis, diligenti labore, & cu-  
rà R. P. F. Antonij Bruodini nostræ hujus  
Provinciæ Bohemiæ Ord: Min: Strict: Obs:  
Reformatorum, Lectore Iubilato, quondam  
Diffinitore, & primario Studij nostri Niven-  
sis Professore, compositus, ad multorum utili-  
tatem, publicam mereatur lucem; harum te-  
nore præfato R. P. facultatem impertior,  
quatenus servatis servandis jam dictum li-  
brum typis mandare valeat. Dabam Pra-  
ga in Conventu nostro B. V. ad Nives, I.  
Decembris, Anno 1663.

F. Constantinus Dubsky  
Minister Provincialis.

# CENSURÆ DOCTORUM.

**L**Egi accuratè *Compendium totius Theologiae Scholasticae, ad mentem Doctoris Subtilis, compositum à Reverendo Patre Antonio Bruodino, Ordinis Strictioris Observantiae S. Francisci, SS. Theologiae Lectore lubilato, in quo non solum nihil ab Orthodoxa Fide, sana doctrina, aut bonis moribus alienum reperi; verùm etiam omnia Theologiae Mysteria ita succinctè & clarè proposita sunt, ut cum non mediocri plurimorum, sed præcipuè Scholæ Scotisticae commodo publicam lucem mereri videatur. In cuius rei fidem propriâ manu subscripsi. Praga in Collegio Academico Societatis IESV, die 28. Septembris, Anno à partu Virginis 1662.*

Maximilianus Reichenberger  
è Soc: JESV, SS. Theol: Doctor,  
ejusdémq; Facultatis in Universitate  
Pragensi Professor Primarius,  
nec non Facultatis Philosophicae Decanus.



**O**pus inscriptum Oecodomia Minoriticae Scholae Salomonis, Doctoris Subtilis, Universae Theologiae Scholasticae materias complectens, Autore Adm. Reverendo Patre Antonio Bruodino Tuomonensi Hiberno, Ordinis Minorum Strict: Obs: Refm. SS. Theologiae Lectore Iubilato, ejusdemque Facultatis in Conventu Pragensi B. Virginis ad Nives Professore primario, & Provincia Bohemia Definitor. Ex mandato Venerabilis Consistorij Pragensis perlegi, & diligenter examinavi, & nihil deprehendi, quod aut bonis moribus, aut sanctae Fidei Catholica adversaretur, sed omnino dignum, ut ad communem Studiosorum utilitatem, ob doctrinae firmitatem in modo dicendi, & arguendi claritatem, typis tradatur, existimo. In cujus rei fidem propria manu subscripsi. Praga in Conventu S. Iacobi, die 9. Novembris, Anno 1662.

Fr. Blasius Antonius de Comitibus à Mediolano, AA.LL.  
& Sacrae Theologiae Doctor,  
Ord: Min: Conventualium.

**D**omum alteram Minoriticæ Scholæ Salomonis, quàm laboriosè simul ac subtiliter, ad imitationem Magni illius Salomonis, R. P. F. Antonius Bruodinus, Ordinis Minorum Strict. Observ. SS. Theologiæ Lector lullatus, & Definitor actualis, erexit, interiorius, exterioriusque mirâ varietate exornatam, diligenti mentis acie perlustravi, in qua nihil, quod Fidei Catholicæ, bonis moribus contrarium foret deprehendi, multa verò, quæ subtilis Doctrinæ Scholasticæ amatoribus perquàm utilia & proficua sunt futura, dignissimam proinde lucē publicā censeo. Dabam ex Collegio Archi-Episcopali Pragensi, die 9. Novembris, Anno 1662.

Georgius Adalbertus  
Aster, Protonotarius  
Apostolicus, Canonicus  
Vetero-Boleslaviensis, & præfati Collegij Rector.

**V**idi cum singulari gustu totius Theologiae  
Speculativæ manualement Summam, Authore  
R. P. F. Antonio Bruodino, Ordinis Min: Strict:  
Obs: Reform: Provinciae nostræ Bohemiae Lecto-  
re Iubilato, Diffinitore actuali, nec non Conven-  
tûs nostri Pragensis B. V. ad Nives Professore  
primario, editam, in qua non solum nihil depre-  
bendi fidei Catholicae, sanæ doctrinae, aut bonis  
moribus contrarium: verum etiam reperi om-  
nia nostræ Scholæ principia ita succinctè & clarè  
in ea proposita, ut non immeritò à multis cum  
desiderio expectetur. Prodeat itaque in publi-  
cam lucem, quâ eam dignissimam judico. Pra-  
ga in Conventu nostro ad Nives, die 31. Septem-  
bris, Anno 1662.

F. Franciscus Beges, Lector  
& Provinciae Custos actualis.

**Q**uem dudum summo studio inclyta hæc  
Provincia Bohemiae publica in luce promif-  
sum subtilissimi ingenij A. V. Patris Antonij Bruo-  
dini, SS. Theologiae Lectoris Iubilati, nec non  
præfate Provinciae Diffinitoris actualis, mei  
quondam Professoris dignissimi, nunc verò in Sa-  
cra Theologia Collegæ charissimi, partum videre  
cupiebat, prodijt tandem felicissimè, & subtili  
brevitate, & brevi subtilitate ornatus: Oeco-

domiæ Minoritiæ Scholæ Salomonis, nomine  
ab Authore intitulatus, quem ex commissione  
A. R. P. Ministri Provincialis, ejusdem Provin-  
ciæ magnâ animi voluptate iterum atque iterum  
legen, nihil fidei Orthodoxæ, bonis moribus,  
sanæ Doctrinæ, menti Subtilium Principis con-  
trarium, nihil inveni adversum. Dignum pro-  
inde censeo, ut ab omnibus sanæ Doctrinæ ama-  
toribus, non secus ac Ilias Homeri ab Alexandro  
servetur, foveatur & custodiatur. quem sedulò  
è quatuor Sententiarum Doctōris subtilis mirâ  
dexteritate Author compilavit, ita ut verè ma-  
gnum & parvum jure vocari possit. Ita testor  
ex Conventu nostro Neo-Pragensi B. Virginis  
ad Nives, die 28. Octob. Anni 1662.

**F. Guilielmus Antonius Brauczek,**  
ejusdem Ordinis ac Provinciæ Alu-  
mnus, SS. Theologiæ in præfato  
Conventu Pragensi B. V. ad Nives,  
& in Seminario Archi-Episcopali  
Philosophiæ Lector Generalis.

**Imprimatur.**

*Franciscus Rasch ab Aschenfelde*  
Præpositus, & Officialis Prag:



## Ad Authorem de suo opere.

**I** Liadem exiguâ quidam nuce clausit Homeri,  
Tota quod obstupuit posthuma posteritas :  
Tota Theologiæ maris hoc, Bruodine libello  
Gaza tuo inclusa est ; laus sua utrique manet.

## Ad Lectorem de eodem opere.

**M** Ole licet parvum, Lector, nè sperne libellū,  
Sæpe sub exiguo corpore magna latent :  
Hoc contentarum si penses pondera rerum,  
Vix erit ullus eo major in orbe liber.

Antonius Bruodinus.

*Anagramma,*

Notus durabis in uno.

**I** Ngenij monumenta tui si cetera nunquam  
Lucem aut emeritos sint habitura typos :  
Notus in hoc uno durabis multa libello  
Sæcula, & æternum nomen habebit opus.

Amicitiaæ ergò præfixit

*Popularis suus*

Edmundus Magrana,  
SS. Theol: Licent: &  
Canonicus Brunensis.

De Authore, Primario ad Nives  
SS. Theologiæ Lectore.

**I**ngenij partus Salomon tuus est Pater, inde  
Nec Iunone minor, nec Iove, Phœbus eris.

Ad Lectorem de libro.

**D**at liber hic flores, licet hinc decerpere  
fructus,

Si sapias ut carpas, Lector amice, vocat,

• Omnia ne carpas, ut sis sinè vulnere, suadet,

Nam sic carpenti quid nisi spina manet.

Aliud de libro ad Lectorem.

**G**randes naturæ partus miramur, in illis  
Est magè sed gratus qui minor esse solet.

Ingenio Scotus laudatur magnus ubique,

Dat liber hic parvum, nunc puto gratus erit.

Filialis observantiæ, & gratitudinis  
ergò posuit

F. Amandus Hermann,  
Silesius Nissensis, ejusd:  
Ord: & Provinciæ Bohe-  
miæ professor, obligatus  
discipulus.

# P R Æ F A T I O A D L E C T O R E M.

**B**Enevole Lector, mirabitur fortè, cur scriboso nostro sæculo, quo diligentia tot doctissimorum virorum theologicis libris Bibliothecæ replentur ( ut non sit nisi oleum quasi & operam perdere, velle, amplius eis aliquid addere ) opusculum hoc, in quo non nisi vulgaris, & trita jam in Scholis nostris doctrina continetur, publicare voluerim; sed mirari, ut spero, desinet, dum recordabitur ( non obstantibus tot librorum, novorum impressionibus ) *nihil esse sub oleo novum*, teste sapientissimo Regum Salomone; intelligetque me non proprio motu, vanæ gloriandi cupiditate incitatum, sed potius multorum precibus amicorum victum, unâ accedente Superiorum ( quibus resistere nefas est ) beneplacito, laborem hunc talem qualem publicasse. Anni enim sunt multi, quibus non sinè copioso tot discipulorum fructu, continuè in hac alma Bohemiæ Provincia studijs incumbo, profitendo nunc Philosophiam, nunc Theologiam, nunc utrumque simul, tam domi in hoc nominatissimo Pragenſi Conventu S. MARIE ad Nives; quàm extra, in celeberrimo Eminentissimi Prin-

*Ad Lectorem.*

Principis Cardinalis ab Harrach (cujus annos diu adhuc prolongandos summis & incessabilibus votis sacer Ordo noster exoptat) Archiepiscopi Pragensis Seminario, in quo præter numerosam Alumnorum Ecclesiasticorum multitudinem, tam Sacri & Canonici Præmonstratensium Ordinis, quàm aliorum, utpote Benedictinorum, Cisterciensium, & Paulinorum religiosissimi in his partibus professi, sub Patribus nostris assiduè studiis incumbunt, ita ut computando eos, qui sub me, & Patruæ meo Bonaventura Bruodino, utrobique studia absolverunt, magna sit multitudo Ecclesiasticorum, tam Sæcularium quàm Regularium, qui traditam in hoc libello eò compendiosius, quò fusiùs in Scholis dictatam doctrinam, scripserunt. Cum autem difficile sit prædictis Religiosis, præsertim hujus nostræ Provinciæ filijs in varijs Ordinis consuetis officijs constitutis, & occupatis (ex his enim tres actuales Diffinitores, quindecim Lectores, qui vel Philosophiam, vel Theologiam, vel utramque facultatem simul, tam in hac nostra Bohemiæ, quàm Croatia Provinciæ laudabiliter professi sunt, vel nunc honorificè profitentur, prodierunt, ut taceam numerosam copiam in Guardianatibus & Cathedris occupatorum,

alio-




*Ad Lectorem.*

aliorumque ad Lecturas, Concionaturas, & etiam ad præessendum Fratribus aptissimorum) sua scripta per tot milliaria Germanica secum semper portare, ne dicam inter tot alias distractiones, relegere; rogârunt me ex illis plurimi, quatenus pro illorum solatio, ex omnibus materijs à me tam prolixè in Scholis traditis, Summam aliquam extrahere vellem, quam sinè incommodo per modum Manualis secum portare, eoque frequentius eam legere valeant; annui illorum votis, & (relictâ curâ publicandi Philosophiam, pari methodo & stylo, discipulorum meorum quondam charissimo R. P. F. Guilielmo Brauczek, nostri Conventûs ad Nives Generali, SS. Theologiæ Lectori primario, & simul Philosophiæ in jam nominato Archiepiscopali Seminario Professori, qui feliciter, meis aliorumque abundè jam satis fecit votis) quâ potui diligentiam materias omnes Theologico-Speculativas in hoc uno comprehendendi libello: & quidem taliter, ut studio nullam omiserim difficultatem, quam non uno vel altero argumento, pro & contra, enodare conatus sim. A citationibus Doctoris nostri, sicut & aliorum abstinui, ne libellus magnitudinem manualis excederet: & quia Assertiones omnes meas in Scoto fundatas

*Ad Lectorem.*

datas esse, Scotistas, me legere volentes, non latebit. Titulum *Oecodomiæ seu Structuræ Minoritiæ Scholæ Salomonis*, præfigere libello volui, totumque opus quadraginta quinque columnis comprehendere, ut sic Doctori Subtili ( qui Scholæ nostræ Salomon dici meretur ) cum palatium ædificare ( prout sibi construxit Regum ille sapientissimus 3. Regum 7. ) hoc est totam Theologiam fusè publicare pro nunc non possim, saltem cameram ad illius imitationem, structuram nempe parvæ molis, pro illius doctrinæ amatoribus fabricare, & quadraginta quinque columnis, seu tractatibus, sustentare, totidemq; epistilijs, assertionibus scilicet problematicis ornare volui. Hæc tibi benevole Lector insinuare sat est. Utere igitur hoc meo labore, grato quo decet animo, & quas desiderare possis de virtute & Statu Religionis, Purgatorio, Indulgentijs, Censuris & Privilegijs ( hæc enim magis sunt morales & Canonistica, quàm speculativæ ) materias, mox habebis.

Vale.



# COLVMNA I.

## *Ex Prologo Sententiarum.*



**O**ECODOMIÆ NOSTRÆ fabricam exordimur , cum Minoritico Scholæ nostræ Salomone, Doctore subtili, à Prologetica in Theologiam speculativam Introductione , unde ut illius explicemus naturam , sic

**ASSERTIO I.** Theologia bene describitur , doctrina certa , & infallibilis , quâ de *Definitio Theolog:* DEO , rebûsq; supernaturalibus lumine fidei cognitis , tractatur. *Patet* , quia habet omnia requisita ad bonam descriptionem , ut ex dicendis patebit. Ergo est bona.

**ASSERTIO II.** Theologia sic describitur , variè dividi potest , & primò dividitur *Divisio e-* in Positivam , cui incumbit fidei articulos inter se reconciliare , eosq; sacre Scripturæ , *jusdem.* Ecclesiæ , & Patrum rationibus ac declarationibus confirmare , & explicare , non curando de ordine , aut methodo scholastica interdiscurrendum ; & scholasticam , quæ certam methodum & ordinem in confirmandis fidei articulis servat. Secundò dividitur in Theologiam in se ; estq; cognitio ab objecto Theologico causata in intellectu DEI , & Beatorum,

rum; & Theologiam in nobis, & est cognitio illa, quam intellectus noster pro hoc statu natus est habere, de objecto Theologico. Tertio dividitur in Dei, Beatorum, & Viatorum Theologiam, de quibus postea. Has divisiones bonas esse, probant conditiones bonæ divisionis, quæ his non desunt.

*Deus est  
objectum  
materiale;  
formale  
verò idem  
sub respec-  
tu ad re-  
velationē.*

ASSERTIO III. Objectum materiale primum & attributionis Theologiæ est Deus; formale autem Theologiæ in se, est idē Deus sub ratione Deitatis: In nobis verò, Deus sub respectu, quem dicit ad revelationem.

*Probatur 1. pars.* Omnia quæ tractantur in Theologia, referuntur ad Deum partiali aliquo modo; sed hoc sufficit, ut dicatur objectum materiale attributionis Theologiæ, præsertim cum nulla alia conditio ipsi deficiat. Ergo est.

*Probatur 2. pars.* quæ est Scoti q. 3. Prolog: q. 2. laterali. Essentia Divina, quæ in se infinitæ virtutis est, sola sufficit ad movendum intellectum divinum ad se, & alia objecta omnia cognoscenda: ergo Deus sub ratione hujus Essentiæ, meritò assignatur pro objecto attributionis Theologiæ DEI. Simili argumento probatur, quod Deitas sit etiam objectum formale Theologiæ Beatorum.

*Probatur 3. pars.* Quæ est genuina mens Doct: in 3. d. 27. q. unica. n. 6. Illud est objectum formale cujuscunq; facultatis, per ordinem, ad quod objectum materiale ejus determinatur ad considerationem illius scientiæ, potius quàm alterius; sed Deus determinatur ad considerationem Theologiæ nostræ,

per



per ordinem, quem ad revelationem dicit; ergo, &c.

*Obijcies contra 1. partem.* Theologia nostra agit de peccatis, sed illa ad Deum non referuntur: ergo Deus malè assignatur pro objecto attributionis Theologiæ. *ꝛ.* distinguendo minorem, non referuntur per se, concedo minor: per accidens, nego min: & consequentiam. Per accidens autem Theologia de peccatis agit, quatenus nimirum (juxta vulgare illud, opposita juxta se posita, magis elucescunt) cognitio mediorum conducentium ad acquisitionem ultimi finis, de quibus per se agit Theologia, magis innotescit, explicando naturam vitiorum, ab illo fine nos avertentium.

*Obijcies 2. contra ultimam partem.* In Theologia multa considerantur, quæ nullam habent à revelatione dependentiam, ut quòd gratia non distinguatur à Charitate; quòd detur distinctio formalis in divinis; quòd Angelus possit occupare punctum, & hujusmodi alia, quæ tantum sunt in opinione Doctorum: ergo non omnia objecta partialia illius habent talem dependentiam. *ꝛ.* negando antec: nam illa omnia dependent mediata vel immediata à revelatione, quatenus unum, vel utrumq; extremarum illarum conclusionum cognoscitur dependenter à revelatione.

ASSERTIO IV. Theologia Sapientia est, & scientijs naturalibus simpliciter est, sed non certior, etiam ex parte subjecti: non tamen scientia, certior tamen scientia rigorosa.

*Probatur 1. pars.* Nihil illi obstat, nisi scientijs.

quòd Theologia nostra sit subalternata; sed gratis ad rationem Sapientiae illa conditio requiritur, ergo, &c. Prob: maj: agit de rebus innumerabilibus, quæ sub revelationem cadunt; Considerat res difficiles, & à sensu remotissimas; Certior est scientijs naturalibus, (ut infra videbimus;) Versatur circa causas universales rerum omnium, easque dirigit; sed istæ sunt veræ sapientiae conditiones: ergo Sapientia est.

*Probatur 1. pars.* Motivum formale Theologiae nostræ; ipsa nimirum prima veritas in dicendo, est multò certior motivo scientiarum naturalium; ergo ipsa est certior scientijs naturalibus. Quod etiam ex parte subjecti sit certior, *probatur*; Intellectus noster firmius assentitur, & adhæret principiis fidei, quam principiis naturalium scientiarum; sed hoc non esset verum, nisi cognitio Theologica ex parte subjecti esset certior cognitione naturali. ergo. Prob: maj: tum ex illo Chrysostomi hom: 12. in epist: ad Hebr: *Fides*, inquit, *dici non potest, nisi cum circa ea quæ non videntur, amplius quàm circa ea, quæ videntur, certitudinem quis habeat.* Tum etiam experienciâ, quâ videmus fidelem quemlibet (si revera talis est) sic esse affectum, ut mallet mori, & negare omnes alias assertiones, quàm veritates fidei: ergo ex parte etiam subjecti, certior est.

*Probatur 3. pars.* Cognitiones Theologicae non sunt evidentes: ergo nec scientificæ. Consequentia est evidens, suppositâ communi acceptione scientiæ rigorosæ.

*Obijc: contra 2. partem.* Motivum formale The-

Theologiæ obscure proponitur, & naturalium scientiarum clarè, ergo Theologia non est certior alijs scientijs.

*Confirm:* secundum Scotum in 3. d. 2. q. 14. n. 12. aliqua dubitatio potest stare cum fide; sed cum scientijs naturalibus nulla talis stat: ergo hæ sunt certiores illâ. *R.* negando consequentiam, nam obscura illa propositio non facit, nisi quod in nobis non generat notitiam evidentem, & certam; sicut generat motivum aliarum scientiarum. *Ad Confirm:* *R.* distinguendo maj: aliqua dubitatio, id est, timor aliqualis, seu formido indeliberata de veritate fidei, concedo maj: Dubitatio aliqua attrahens potentiam in oppositum fidei, nego maj: & concessa min: nego consequentiam.

ASSERTIO V. Quamvis Conclusiones Theologicæ secundum se consideratæ, partim sint practicæ, partim speculativæ, absolute tamen, & simpliciter Theologia nostra practica dicenda est.

*Probatur 1. pars.* Quædam sunt Theologicæ cognitiones, quæ dirigunt praxim, ut illæ quibus cognoscitur, quod Deus sit diligendus, amandus, colendus, pœnitentia agenda; & quædam quæ praxim non dirigunt, ut sunt, hæ, & similes: Deus est Trinus, est unus, canis Tobix movit caudam, &c. sed quæ dirigunt praxim, sunt practicæ, & quæ non dirigunt, sunt speculativæ. Ergo partim sunt practicæ, partim speculativæ.

*Probatur 2. pars.* Ut aliqua facultas dicatur simpliciter Practica, sufficit, ut præcipue ejus, & plurimæ cognitiones, sint directivæ praxeos; sed præcipue & plurimæ Conclusiones

nes Theologicae sunt per se tales; imò nulla est Conclusio Theologica, quæ saltem indirectè, & secundariò, non sit regulativa praxis, putà horum actuum, Deus est amandus, colendus, diligendus, &c. ergo ipsa Theologia simpliciter dicenda est practica.

*Subalternatur Sci-* ASSERTIO VI. Theologia nostra  
*entia Dei.* Scientijs naturalibus non subalternatur, bene tamen Theologiae Dei.

*Probatur 1. pars.* Ut subalternaretur, deberet accipere principia sua ab illis scientijs, & de illarum objecto, modo aliquo accidentali agere, sed neutra conditio convenit Theologiae nostrae. Ergo scientijs naturalibus non subalternatur.

*Probatur 2. pars.* Conveniunt illi conditiones scientiae subalternatae; ergo est subalternata. Probatur antec: Principia Theologiae nostrae demonstrantur in Theologia secundum se, & ab alia accipiuntur; insuper nostra agit de objecto Theologiae in se, sub ratione accidentali, nimirum, ut est notum, dependenter à revelatione; sed haec sunt conditiones scientiae subalternatae. Ergo.

*Necessaria est ad salutem.* ASSERTIO VII. Theologia non solum utilis, sed etiam necessaria est ad salutem; Ejus Conclusiones materialiter consideratae sunt diversae speciei.

*Probatur 1. pars.* Theologia comprehendit fidem, sed fides ita est necessaria, quòd sine illa impossibile sit placere Deo, teste Apostolo ad Hebr: II. Ergo.

*Confirmatur.* Ad fovendam & roborandam fidem Theologia, etiam Scholastica (haec ante tempora Petri Lombardi quoad methodum & mo-



& modum, quo jam in scholis traditur, non exitit) maximè conducit; ergo ad illum finem necessaria, saltem secundum quid, quoad omnes partes dici potest.

*Probatur 2. pars.* Quæ dicunt ordinem essentialem ad diversas specie præmissas, sunt diversæ speciei, materialis saltem; sed Conclusiones Theologiæ dicunt talem ordinem: ergo sunt diversæ speciei.

ASSERTIO VIII. Principia Theologiæ nostræ, ut distinguitur à scientijs naturalibus, sunt propositiones fidei: Inter illas autem primum & principale principium est hoc: Omne revelatum à Deo est verum. *Principia Theologiæ nostræ.*

*Probatur 1. pars.* Theologia in hoc ab alijs scientijs, & maximè à Metaphysica differt, quòd illa nitatur principijs supernaturaliter tantum notis, aliæ verò principijs naturaliter tantum notis; sed illa principia supernaturaliter tantum nota, sunt propositiones fidei. Ergo principia Theologiæ nostræ sunt propositiones fidei.

*Probatur 2. pars.* Tum quia principium illud ingreditur omnem discursum Theologicum; tum etiam, quia omnes aliæ fidei propositiones ultimè in illud resolvuntur. Interroganti enim, cur credamus Deum esse Trinum & unum, v. g. bene respondetur, quia Deus hoc revelavit, & omne revelatum à Deo, est verum: Ergo principium illud primum est, & principale totius Theologiæ.

*Obijcies contra 1. partem.* In Theologo lapsa in hæresim manet Theologia; sed hoc non esset verum, si principia illius essent propo-

tiones fidei : ergo non sunt. *ix.* distinguendo maj: Theologia supernaturalis, nego maj: Theologia naturalis, acquisita (loquor hic de habituali) ex frequenti discursu circa veritates Theologicas, concedo maj: & distincta similiter min: nego consequentiam.

*Obijcies contra 2. partem.* Principium illud: *Omne revelatum à DEO, est verum*, resolvi potest in hoc aliud, *DEUS est*: ergo hoc potius debet poni pro principio primo Theologiæ, quàm illud. *ix.* disting: antec: resolvi potest in quantum hoc aliud per lumen naturæ nobis innotescit, concedo antec: in quantum lumine fidei nobis innotescit, nego antec: & consequentiam.

*Loci Theologici.*

ASSERTIO IX. Loci Theologici varij à varijs assignantur: nobis sex sequentes sufficiunt, ex quibus Theologus efficaciter argumentari potest. Primus assumitur ex veritate Scripturæ. Secundus, ex traditionibus, seu dogmatibus, quæ expressè, & formaliter in Scriptura non habentur. Tertius, ex Decretis Conciliorum Generalium, quæ à Petri legitimis successoribus sunt approbata. Quartus, ex Decretis summorum Pontificū, qui in decidendis fidei articulis errare non possunt. Quintus, ex communi Sanctorum Patrum consensu. Sextus, ex ratione naturali, quâ ostenditur, principia & conclusiones fidei, non adversari humanæ naturæ.

*Sensu scripturæ multiplex.*

ASSERTIO X. Sacra pagina duplicem habet sensum, literalem, seu historicum, & spiritualem. Literalis est, quem verba sive propriè; sive metaphorice accepta, im-

medi-

mediatè significant; Spiritualis verò est, qui significatur per res ipsas verbis significatas. Sensus spiritualis adhuc subdividitur, in allegoricum, topologicum, seu moralem, & analogicum, quorum primus ad instructionem fidei, secundus ad instructionem morum, & tertius ad statum futuræ vitæ pertinet.


ASSERTIO XI. Conclusio Theologica, quæ talis, de fide non est. *Probat.* Assensus fidei, quæ talis, nititur immediatè lumine fidei, & motivo veritatis revelantis; sed conclusio Theologica quæ talis, non nititur illis, sed potius lumini naturali, seu evidentia connexionis ejus cum præmissis, mediante naturali discursu. Ergo quæ talis, de fide non est.

*Conclusio  
Theologica  
de fide  
non est.*

*Obijcies.* Hæc propositio Christus est homo, potest esse Conclusio Theologica, & tamen est de fide, ergo, &c. R. disting: 2. partem antecedentis, est de fide, quæ Conclusio Theologica præcisè, ñego antec: quæ propositio revelata, concedo antecedens, & nego consequentiam.

## EPISTYLIUM PROBLEMATICUM COLUMNÆ PRIMÆ.

*An demonstrabile est Theologum non posse damnari?*



## COLVMNA II.

*De DEO uno, ejusq; attributis  
negativis.*

*Deum esse,  
per se notū  
non est.*

**A**SSERTIO I. Primarium Cœlitum-  
Objectum, Deum, esse, seu existere, per  
se notum non est. *Probatur.* Proposition per  
se nota est illa, quæ potest evidenter cogno-  
sci à quolibet apprehendente terminos ipsius,  
sine ulteriori ullo medio; sed experienciâ  
constat, propositionē hanc, *Deus est*, non esse  
sic per se notam, ergo. *Probatur min:* Athei  
& Philosophi veteres (è quorum numero erat  
ille insipiens, qui teste Psalmistâ, psal: 13. *Di-  
xit in corde suo, non est DEUS*) non obstante  
cognitione illorum terminorū negarunt dari  
DEUM: sed si esset per se nota illa propositio,  
hoc non possent: ergo non est.

*Obje:* Illa propositio est per se nota, cu-  
jus prædicatū essentialiter involvitur in con-  
ceptu subjecti, sed prædicatum hujus propo-  
sitionis *DEUS est*, sic involvitur; ergo. *Re:*  
distingu: maj: si est per se notum quod subje-  
ctum existat, aut sit possibile, concedo maj:  
si non sit, nego maj: & concessa min: nego  
consequentiam.

*Dei existē-  
tia proba-  
tur, nō de-  
monstra-  
tur tamē.*

**A**SSERTIO II. DEUM existere non so-  
lūm fide credi debet, sed etiā evidenti ratione  
naturali probari, si non demonstrari, potest.

*Prima pars probatur ex illo ad Hebræ: 11.  
Accedentem ad DEUM oportet credere quia est.  
Ergo de fide est, Deum existere.*

*Pro-*





*De Deo uno, ejusq; attrib: negat: 11*

*Probatur 2. pars. 1. ex illo Sapient: 13. à magnitudine speciei, & creaturae, cognoscibiliter poterit creator horum videri. Idem docet D. Paulus Rom: 1. ergo.*

*Probatur 2. ratione. Collectio rerum omnium quæ in universo sunt, vel est causata, vel in illa aliquid est incausatū, à quo reliqua sunt producta? si secundum, illud erit Deus, quia per Deum intelligimus causam incausatā: si primū: ergo producta est illa collectio ab aliquo inproducto existente extra numerū eorum, quæ producta sunt, & consequenter à Deo.*

*Probatur 3. secundum Philosophū in causis essentialiter subordinatis non debet admitti processus in infinitum; sed deberet, nisi daretur Deus: ergo datur. Ut probem min: suppono lumine naturæ notum esse, dari aliquod productum; jam sic probatur min: Quodlibet productum debet produci ab alio, vel à se, vel à nullo; non à nullo, quia à nihilo effectivè nihil fit. Non à se, quia idem, loquendo saltem de prima productione, se ipsum producere non potest; aliàs esset simul prius, & posterius, in actu & potentia; ergo quidquid producitur, ab alio producitur. Nunc de illo alio quæro, an sit à se, vel ab alio; si primum habeo intentum, quia illud voco Deum; si secundum, quæram similiter de illo alio eodem modo, & sic in infinitum; ergo si non daretur Deus, processus in infinitum admitti deberet. Legè Scotum in 1. d. 2. q. 2.*

*Dixi in Conclusionē, si non demonstrari, quia in sensu quo Philosophi demonstrationē accipiunt strictè, hactenus nullam vidi demonstrationem, quā evidentè hæc Assertio probaretur.*

*Quid sit  
Deus, &  
an ignora-  
ri possit?*

ASSERTIO III. Deus est substantia singularis, intellectualis, completa, & spiritalis existens per essentiam. Ignorari potest toto vitæ tempore, ab adulto rationis compote, sed non invincibiliter.

*Bonitas* descriptionis ex sequentibus patebit, interea *probatur secunda pars*. Posset ab infantia aliquis educari in loco aliquo à confortio hominum remoto, putà inter bestias, ut de Romulo & Remo legitur; ibique post multos annos mori, antequam de DEO cogitaret; sed talis haberet ignorantiam DEI, quamvis alias esset rationis compos: ergo aliquis in particulari potest habere ignorantiam Dei: nec permittere hominem cum tali ignorantia mori, esset contra bonitatem divinam, plus quàm est permittere parvulum, supposito peccato originali, discedere ex hac vita absq; baptismo, aut alio efficaci medio ad salutem necessario.

*Probatur 3. pars.* (in hujus sensu loquitur Beda lib: 3. in Job c. 1.) Illud cujus existentia ratione naturali evidenti probari potest, ignorari invincibiliter nequit; sed existentia divina sic probari potest: ergo ignorari nequit invincibiliter.

*Identitas  
essentia &  
existentia  
in divinis.*

ASSERTIO IV. Nec realiter, nec formaliter in divinis, existentia distinguitur ab Essentia. *Probatur 1. ex illo Exod: 3.*

*Ego sum, qui sum. Qui est, misit me.* Tum etià ex Aug: l. 7. de Trinit: c. 4. *Ab eo quod est esse, verissime dicitur existentia esse.*

*Probatur 2. ratione.* Tum quia nulla est necessitas ponendi ullam distinctionem à parte rei, inter essentiam & existentiam: ergo. Tum  
etiam

*De Deo uno, ejusq. attrib. negat: 13*

etiam, quia si existentia emanaret ab essentia, præsupponeret illā in esse existentia; sed hoc implicat: ergo non emanat. Major est certa, probat: min: si existentia præsupponeret essentiam in esse existentia, illa non esset ejus existentia; sed implicat, ut existentia essentia, non sit ipsius existentia; ergo non præsupponit. Aliās probationes hujus Conclusionis, sicut & solutiones objectionum, vide in Metaphysica, ubi de ea fusè egi.

*Obijc: 1.* Existentia non est de essentia attributorum, aliās darentur multæ existentia in Deo; ergo nec Essentia. R. negando antec: nam quælibet formalitas in Deo distinctè conceptibilis, conceptu verò, sine alia, habet suam existentiam peculiarem distinctam ab existentia alterius, eo modo, quo ipsæ formalitates sunt distinctæ, sine ullo inconveniēti.

ASSERTIO V. Deum unum tantum esse, fide, & ratione, contra Marcionem probamus. *Unitas Dei probatur.* *Fide*, Deuter: 4. *Dominus Deus noster, Dominus unus est.* Esai: 3. *Extra me non est Deus.* *Ratione etiam probatur:* Tum quia, nulla est necessitas plurium Deorum; ergo. Tum quia non est major ratio admittendi tres, vel duos Deos, quàm infinitos; sed infinitus Deorum numerus esset inutilis; ergo. Tum deniq;, quia sequeretur, quòd illi plures Dij inter se realiter distinguerentur, & non distinguerentur, sed hoc implicat; ergo & pluralitas Deorum. Prob: maj: Distinguerentur ex hypothesi, non distinguerentur autem, quia nullum distinctionis signum inter illos ostendi potest. ergo.

*Con-*

*Confirmatur.* Ex illis pluribus Dijs nullus esset omnipotens, quia contradicente Deo A. v. g. Deus B. nec culicem quidem creare posset, vel annihilare, aliàs Deus A, non esset Deus; sed implicat Deum non esse omnipotentem; ergo implicat pluralitas Deorum.

*Obijcies* Apost: 1. Corinth: 8. *Siquidem sunt Domini multi, & Diij multi:* ergo. R. ipsum loqui de idolis gentium, quæ nuncupativè ab ipso dii appellantur.

*Diviso attributorum.*

ASSERTIO VI. *Attributa Divina,* alia sunt Negativa, quæ explicari non possunt nisi per negationes; alia verò Positiva, quæ sine negationis auxilio sic explicantur; suntq; perfectiones simpliciter simplices, afficientes Essentiam divinā, jam adæquatè constitutam in sua ratione formali, quasi secundariò, & per modum qualitatis, seu proprietatis Metaphysicæ. *Attributa negativa sunt sequentia:* Infinitas, simplicitas, immutabilitas, æternitas, immensitas, invisibilitas, incomprehensibilitas, & infallibilitas; de quibus per ordinem hic agemus. Hæc conclusio patebit ex mox dicendis.

*Infinitas DEI.*

ASSERTIO VII. Infinitas tam essentialis quàm attributalis DEO rectè attribuitur. *Probat*ur 1. ex Scriptura, psal: 144. *magnitudinis ejus non est finis.* Baruch: 3. *Magnus est, & non habet finem.*

*Probat*ur 2. *ratione.* Quod à se necessario existit, est infinitæ existentia, & consequenter essentia; sed ex dictis Deus à se necessario existit; ergo. *Probat*ur maj: illa essentia est infinita, quæ perfectior cogitari non potest; sed essentia divinā, quæ à se necessario existit,

per-



perfectior cogitari non potest: ergo est infinita.

*Confirmatur.* Infinitas perfectionis essentialis est illa, secundum quam rei, nil entitatis, aut perfectionis deest, eo modo, quo possibile est omnem entitatem, & perfectionem haberi in aliquo uno, sed eo modo nil entitatis aut perfectionis Deo deest: ergo est essentialiter infinitus.

*Hic obiter nota,* cum doctissimo meo quondam Magistro, Joanne Pontio; quod infinitas essentialis Dei (idem dic de infinitate attributali ipsius, id est, quæ convenit perfectionibus attributalibus, positivis Dei) nil positivum dicat distinctum ullo modo ab ipsa essentia divina, unde superaddit tantum essentia: divinæ negationem superioris, & alterius entis perfectioris, & similiter, proportionem servatâ, discurre de alijs attributis negativis Dei.

*Obje:* Deus in sua essentia non includit lignum, & lapidem, v. g. ergo nec omnem perfectionem, & consequenter non est infinitus. *Re.* disting: antec: lignum & lapidem formaliter, concedo antec: virtualiter, & eminenter, nego antec: & consequ: hoc ultimo modo res omnes creatæ in Deo continentur.

ASSERTIO VIII. Summæ Dei simpli. Cōpositio citati repugnat compositio omnis dicens imperfectiōem. Hæc est definita in cap: Firmi-  
ter, de sum: Trinit: Probat: Compositio omnis rigorosa dicit imperfectiōem: ergo simplici citati divinæ repugnat. Probatur anteced: tum ex August: de qualit: animæ cap: 3. *Præponendum est,* inquit, *quod dividi non potest, &*  
omni

*omni compositione caret* : ergo. Tum etiam, quia compositio physica exigit partes, quarum una sine altera esse potest; vel quarum ambæ ab aliquo tertio quoad existentiam dependent, & hoc ultimū compositio rigorosa metaphysica etiam exigit: sed Deo dependere ab alio, aut ex partibus separabilibus ab invicem cōponi, repugnat; ergo & compositio.

*Obijcies.* Datur in Deo unio formalitatum à parte rei formaliter distinctarum, ergo & compositio. R. disting: antec: formalitatum habentium se per modum actūs & potentiæ, seu quæ ab aliquo tertio realiter distincto, quoad sui existentiam, & unionem dependent, nego antec: formalitatum, quæ à nullo tertio sic dependent, aut se per modum actūs & potentiæ rigorosæ habent, concedo antec: & nego consequentiam.

*Quomodo  
Deus sit  
mutabilis.*

ASSERTIO IX. Quamvis Deo non repugnat nunc habere denominationem novam realem, quam antea non habuit, subjectivè tamen immutabilis est respectivè ad quascunq; formas reales.

*Probatur 1. pars.* Deus dat Petro nunc gratiam, quam antea non dedit; concurrit ad productionem ignis nunc, ad quā antea non concurrebat; conservavit hominem in vivis heri, & hodie non conservat; sed istæ sunt denominationes novæ reales; ergo Deo tales non repugnant.

*Probatur 2. pars,* quæ est definita in cap: *Firmiter*, ex Scriptura num: 23. *Non est Deus quasi filius hominis, ut mutetur.* Malach: 3. *Ego sum Deus, & non mutor.* *Probatur 2. ratione.* Enti summè simplici, in omni perfectione

ne infinito, & necessario per essentiam existenti, repugnat intrinsecè mutari subjectivè; sed Deus est tale ens: ergo repugnat illi subjectivè mutari.

*Obijcies contra 1 partem.* Denominatio nova realis, sine forma nova reali dari non potest; sed Deo formas novas habere repugnat. ergo & denominationes novas. R. distingu: maj: sine forma reali intrinseca denominato nego maj: intrinseca vel extrinseca illi, concedo maj: & similiter distincta min: nego consequentiam.

*Obijcies contra 2. partem.* Deus in agendo ad extra liberrimus est, libertate exercitij & specificationis; ergo potest multas habere volitiones novas, quas antea non habuit, & non habere, quas antea habuit.

Pro intelligentia difficilis hujus objectionis, *adverte*, quòd in voluntate divina unus, & simplicissimus sit actus improductus secundum suum esse absolutum, necessario, & inseparabiliter existens, (voluntarius tamen, & liber, libertate essentiali) quo, propter sui illimitationem, ab æterno Deus se ipsum amat, & vult tam se, quàm quodcunq; volubile; cum hac tamen differentia, quòd ad intrinseca Dei necessario; ad res verò ad extra ita liberè tendit, & terminatur, ut potuerit non terminari; vel ad oppositum terminari, unde libertas ad extra consistit in libera tendentia unici & simplicissimi actus suæ voluntatis in opposita objecta, quæ libera tendentia seu terminatio, cum nil intrinsecum addat divinæ voluntati, aut ejus actui, per hoc quod adesse vel abesse potuerit, ab æter-

*Unicus & simplicissimus est in Deo actus.*

*Ejus diversa tendentia.*

C no,

no, non arguit in Deo ullam mutabilitatem, subjectivam.

Jam in forma ad objectionem, non cum Cajetano, qui ingenuè, sed non ingeniosè, concedit totum quod objectio prætendit; sed cum *Hibernorum Gloria*, JOANNE DUNS Scot. in 1. d. 39. q. unica. n. 21. R. concedendo maj: in sensu jam explicato, & nego min: nā ad salvandam omnimodam libertatem divinæ voluntatis ad extra, sufficit, quòd potuerit ab æterno actus ille divinæ voluntatis in se unicus, & necessarius, liberè terminari, vel non terminari, ad objecta creata; unde nego consequentiam.

*Æternitas Dei.*

ASSERTIO X. Æternitas increata est illa, à qua habet DEVS secundum se totum, sine dependentia ab alio, necessariò existere, absq; principio, & fine. Deo attributaliter convenit hujusmodi perfectio. 1. *Pars patet*, quia descriptio illa habet omnia ad bonam descriptionem requisita; ergo est bona.

*Probatur jam 2. pars.* tum ex scriptura ps. 89. *à sæculo, & usq; in sæculum tu es DEVS.* Ecclesiast. 18. *Qui vivit in æternum, creabit omnia simul.* Tum etiam ratione; quod necessariò à se existit ortu, & interitu caret, & consequenter est infinitum; sed Deus sic existit: ergo. Ex hac conclusione infertur, quòd nullum sit tempus præsens, præteritū, aut futurum, cui necessariò Deus non coëxisterit, coexistat, vel coexistet; & in hoc sensu verum est, quòd sit præsens omni tempori; Præterita etiā, & futura, sunt æternitati præsentia; quatenus à Deo tam perfectè cognoscun-



ſcuntur, acſi actu præſentia, & realiter exiſtentia eſſent.

ASSERTIO XI, Immenſitas, ratio-*Immenſi-*  
ne cujus convenit Deo ubiq; eſſe, eſt perfe-*tas Dei.*  
ctio attributalis, conveniens Deo; ſed non  
quia ubique operatur.

*Probatur 1. pars*, tum ex capite *Firmiter*;  
tum ex Scriptura Baruc. 3. *Magnus eſt*, (id eſt,  
Deus) *excelfus, & immenſus*. Jeremiæ 13. *Cæ-*  
*lum & terram ego impleo*; tum ex communi  
SS. PP. conſenſu, quos fuſè citat noſter Smi-  
ſing hic diſp. 5. n. 14. Hanc Concluſionem ra-  
tioni evidenti naturali non poſſe probari exi-  
ſtимо cum Doct. in report: d. 37. Tamen

*Probatur 2. ratione*. Eſſe ubiq; eſt perfe-  
ctio non repugnans Deo, & maximè condu-  
cens ad ejus immutabilitatem ſalvandam, er-  
go eſt tribuenda illi.

*Probatur 2. pars*. Non repugnat Deo (imò  
nec creaturæ, ut probavi in phyſica) in di-  
ſtans agere: ergo per hoc quod Deus ubique  
operetur, malè colligitur ejus immenſitas.

*Hic obiter nota*, Deum dici præſentem. *Quot mo-*  
omnibus rebus per eſſentiam, quia quo ad *dis Deus*  
ſubſtantiam ſuam eſt realiter indiſtans à re- *ſit præſens*  
bus omnibus: per præſentiam, quia res o- *nobis.*  
mnēs, earumq; naturas cognoscit: & deniq;  
per potentiam, quia ubiq; operatur, produ-  
cendo, conſervando, vel deſtruendo res o-  
mnēs.

ASSERTIO XII. Deus naturaliter in-  
viſibilis eſt, & incomprehenſibilis ab intelle-  
ctu creato, etiam de potentia absoluta, non  
tamen ineffabilis.

*Invisibilitas & incomprehensibilitas Dei.* Probatur 1. Pars ex script: 1. Tim: 1. Regi-  
 seculorum immortalis & invisibili. Ergo.  
 Probatur 2. ratione. Nulla potentia natu-  
 raliter potest tendere in suum objectum, quæ  
 naturaliter non posset habere principia re-  
 quisita ad eliciendum suum actum, sed ad e-  
 licendam visionem intuitivam, non habet  
 intellectus (multò minùs oculus, cujus obje-  
 ctum est color) naturaliter, principia requi-  
 sita, ut est de fide, & postea videbimus: ergo  
 non potest illam naturaliter elicere.

Probatur 2. pars. tum ex cap: Firmiter: tum  
 ex script: Jeremiæ 32. Magnus consilio, & in-  
 comprehensibilis cogitatu, tum deniq; ex Pa-  
 tribus, quos citat Smising. hic. d. 7, q. 1. n. 20.  
 Probatur 2. ratione. Repugnat creaturæ, co-  
 gnitio in perfectione æqualis cognitioni di-  
 vinæ, aliàs aliæ divinæ perfectiones illi non  
 repugnarent; sed cognitio comprehensiva est  
 talis: ergo. Probatur min: Cognitio com-  
 prehensiva debet adæquari intelligibilitati tam  
 intensivæ, quàm extensivæ objecti; sed co-  
 gnitio divina non habet majorem perfectio-  
 nem, quàm quòd sic adæquetur intelligibili-  
 tati objecti: ergo si cognitio creaturæ posset  
 esse comprehensiva, adæquaretur in perfe-  
 ctione cognitioni divinæ.

*Deus est ineffabilis.* Probatur ultiraa pars. Non est inconveni-  
 ens, ut viator imponat nomen Deo, quo au-  
 dito Beatus posset Deum directè cognoscere,  
 ergo in illo sensu non est ineffabilis. dicitur  
 ergo ineffabilis, quatenus nullo nomine ex-  
 primi potest, quo audito posset creatura com-  
 prehensivè quidditatem ejus cognoscere.

*Obijcies 1.* Deus continetur intra latitudi-  
 nem

nem objecti adæquati naturalis intellectûs, nempe entis ut sic: ergo naturaliter ab intellectu cognosci potest. R. distingu: antecedens, objecti adæquati connaturaliter motivi intellectus, aut terminativi ejus naturaliter, quoad cognitionem intuitivam, nego antec: quoad cognitionem abstractam & confusam, concedo antec: & distinguo similiter consequ: naturaliter abstractivè, concedo consequent: intuitivè nego consequentiam.

*Obijcies contra 2. partem.* Creatura intuitivè videns Deum sic eum videt, ut nihil ipsius videntem lateat; sed hoc est secundum August: rem comprehendere; ergo, creatura potest Deum comprehendere. R. distingu: maj: ut nihil ipsius quoad absoluta quæ dicit, videntem lateat, transeat maj: quo ad relativa omnia seu respectus, eorûmq; terminos, nego maj: & distincta similiter mino: nego consequentiam.

## EPYSTILIUM PROBLEMATICUM COLUMNÆ SECUNDÆ.

*Somniantné qui DEO in spatijs imaginarijs sedem parant?*



## COLUMNÆ III.

*De supernaturalitate Entis, & visione beatifica.*

**A**SSERTIO I. Forma supernaturalis *Quæ dicē-*  
da sit for-  
in substantia est illa, quæ non exigitur *ma super-*  
per naturalis.

per se ab ulla substantia creata, sine principio aliquo supernaturali. Hujusmodi ratio repugnat omni substantiæ creatæ.

*Probatur 1. pars.* Tum quia omni, & soli convenit; tum etiam quia ideo dicimus quod lumen gloriæ, v. g. sit supernaturale, quia sic non exigitur; & quod visio beata sit supernaturalis, quia exigit principium supernaturale. Ergo.

*Repugnat substantia supernaturalis creata.* *Probatur 2. pars.* Non potest ostendi conceptus ullus supernaturalis competens ulli substantiæ creatæ; ergo non potest dari substantia creata quæ esset supernaturalis: probatur antec: solvendo fundamenta adversariorum.

*Dices.* Potest dari substantia creata, quæ connaturaliter exigeret accidens supernaturale, sed talis esset supernaturalis: ergo. *R.* negando maj: nam eo ipso, quod forma illa accidentaliter connaturaliter exigeretur à tali substantia, non esset supernaturalis, ut patet exemplo animæ rationalis, quæ quia connaturaliter exigitur à corpore, dicitur formæ naturalis.

*Dices 2.* Non implicat substantia creata, quæ nec produci, nec naturaliter intuitive cognosci possit ab ulla substantia, quæ defecto datur; sed talis esset supernaturalis: ergo: *R.* negando min: nam talis non exigeret connaturaliter formam supernaturalem, & sic non esset in se supernaturalis,

*Obijciens contra 1. partem.* Tota illa descriptio convenit actui, quo damnatus naturaliter recordaretur se aliquando habuisse actum supernaturalem, ergo non est bona. probatur antec:



*De supernat: Entis, & vis: beatif: 23*

antec: actus ille non exigitur ab ulla substantia, nisi ex suppositione principij supernaturalis, nimirum actus, aut habitus supernaturalis præteriti: ergo. R. negando antec: & disting: antec: ejus probationis: nisi ex suppositione principij supernaturalis concurrentis cum potentia ad illius productionem, nego antec: non concurrentis, concedo antec: & nego consequ: Conclusio autem loquitur de principio supernaturali physicè cum potentia concurrente ad productionē actūs.

ASSERTIO II. Visio beata, forma- *Visio beata*  
lis Dei similitudo, est actus formaliter incō- *est actus*  
plexus, & virtualiter tantum reflexus. *incomple-*

Quod sit formalis, & expressa Dei simili- *x9 forma-*  
tudo probatur, tum ex script: 1. Joann: 3. *liter.*  
*mus; cum apparuerit, similes ei erimus* (id est, *Est for-*  
ratione visionis beatæ) *quia videbimus eum si-* *malis DEI*  
*cuti est.* Tum ex August: lib: 14. Trinit: c. 12. *(similitudo*  
*Tunc, inquit, perfecta erit Dei similitudo, quan-* *expressa.*  
*do perfecta erit Dei visio:* tum deniq; ratione;  
Ideo repugnaret similitudo expressa Dei, vel,  
quia si daretur, deberet esse infinita, vel Deus:  
sed neutrum requiritur; ergo non repugnat:  
prob: min: Species expressa albedinis v. g.  
quæ est illi formaliter similis, non est albedo,  
nec tam perfecta ac est albedo: ergo expressa  
Dei similitudo, non debet esse DEVS, aut in-  
finita, ut DEUS est.

*Probatur 2. pars.* Non est inconueniens,  
ut beatus unicā simplici apprehensione vi-  
deat intuitive DEUM, & omnia alia in illo:  
ergo. Confirm: actus ille per se unus, potest  
divisibiliter omnia prædicata per ipsum co-

gnita repræsentare cum ordine, quem inter se habent ex natura rei, & sic æquivaleret discursui formali, sed hoc sufficit: ergo.

*Probatur 3. pars;* In reflexione formali duo concurrunt actus, quorum posterior priorem habet pro objecto; sed visio beata est tantum unus actus, ergo non est formaliter reflexa, & consequenter virtualiter tantum; nam potest terminari ad se ipsam, ut est repræsentabilis in verbo.

*Invisibilis Deus viribus naturæ ab intellectu creato non videtur;* ASSERTIO III. Viribus naturæ ab intellectu creato non videtur Deus; nec de potentia absoluta ab oculo corporeo visibilis est.

*Prima pars,* quæ est definita de fide, contra Begardos, & Beguinos in Clementina, ad nostrum, probatur: Principia omnia effectiva visionis Dei, non sunt connaturalia intellectui; ergo naturaliter visionem illam elicere non potest. Consequentia est evidens: probatur antec: Lumen gloriæ non est connaturale intellectui, & tamen est principium effectivum partiale visionis. ergo.

*Etiā divisus ab oculo corporeo invisibilis est.* *Probatur 2. pars.* Tum ex script. Exodi 33. *Faciem meam videre non poteris,* id est, corporeo oculo, ut exponit Ambrosius serm: 8. in psal: 118. tum etiam ratione. Nulla potentia, etiam supernaturalis, potest ferri in aliquod objectum, in quod naturaliter aliquo modo tendere non potest; sed oculus corporeus nequit naturaliter tendere in Deum ullo modo: ergo. prob: min: Deus est extralitudinem objecti oculi; ergo in illum ferri non potest naturaliter.

ASSER-

*De supernat: Entis, & visi: beatif: 25*

ASSERTIO IV, Lumen gloriæ habituale, est qualitas supernaturalis residens in intellectu, ipsum permanenter elevans, & ad eliciendum actum adjuvans. Ad videndum Deum defacto, requiritur huiusmodi habitualis luminis concursus physicus; non tamen respiciendo potentiam absolutam.

*Probatur 1. pars, ex regulis bonæ descriptionis. Probatur 2. pars, ex dictis assertione præcedenti.*

Quod verò lumen gloriæ sit quid habituale, prob: tum quia non est potior ratio, cur comprincipium requisitum ad eliciendum actum fidei supernaturalis sit quid habituale, se tenens ex parte potentiae, quàm quòd comprincipium necessarium intellectui ad eliciendam visionem beatam, sit quid habituale se tenens ex parte intellectus; sed illud, secundum omnes communiter, est habitus: ergo & hoc erit: tum etiam quia hoc tenendo facilius explicantur loca sacrae Scripturae, quæ de hoc lumine loquuntur; hæc nimirum, Psal: 35. *in lumine tuo videbimus lumen.* Isaia 6. *Erit tibi Dominus in lucem sempiternam.*

*Probatur 3. pars.* Quidquid potest Deus producere cum duabus causis secundis partialibus efficientibus, potest divinitus cum una illarum, saltem magis principali sine altera producere, supplendo efficienter causalitatem alterius, sed potest cum intellectu ac lumine gloriæ partialiter concurrentibus, producere visionem beatam; ergo potest concurrente, solo intellectu, supplendo causalitatem luminis producere visionem, & consequenter lumen non est simpliciter necessarium ad vi-

*Quid sit  
lumē glo-  
rie.*

*Necessitas  
Luminis  
gloriae.*

*Potest Deus*

*supplere  
defectum  
luminis.*

tionem producendam : maj : patet mille exēplis , nam concurrente solā fāmīna , potest Deus efficienter generare Filium , & defacto genuit. *Confirm* : non repugnat Deo supplere defectum luminis , respectu visionis : ergo id ipsi denegari non debet.

*Concursus  
partialis  
intellectus  
ad Visio-  
nem Dei.*

ASSERTIO V. Non solum lumen , sed etiā intellectus viribus proprijs concurrat partialiter ad visionem producendam. Visio hæc connaturalis est effectus intellectus elevati per lumen gloriæ.

*Probatur 1. pars.* Actus vitalis petit produci physice à potentia vitali , sed visio beata est act<sup>9</sup> vitalis : ergo debet produci à potentia vitali ; sed non ab alia quàm intellectu. Ergo.

*Confirm* : Supernaturalitas visionis nil impedit , quo minùs ad illam intellectus physice concurrat. Ergo : prob : antec : actus contritionis , & charitatis , sunt supernaturales , & tamen ad illos voluntas liberè concurrat , ut docet Trident : sess. 6. c. 4. Ergo.

*Obijci* : Lumen gloriæ est tota virtus agendi intellectus. Ergo. R. negando antec : nam nil est in visione , quod non producit ab intellectu effectivè agente , & etiā à lumine , simul cum illo coagente : & hoc est intellectū elevari per lumen.

*Probatur ultima pars.* Visio naturalis , est connaturalis intellectui non elevato ; ergo & visio supernaturalis intellectui elevato per lumen. Nec hoc facit , quod visio beata non sit reverà in se supernaturalis , & ordinis gratiæ , sed tantum quod comparata ad lumen gloriæ , & ad intellectum ut illo informatum ,

non



non sit supernaturalis, quia non est supra exigentiam talium agentium.

ASSERTIO VI. Quamvis beati de-  
facto Deum vident intuitivè, & quidquid for-  
maliter in Deo est; de potentia tamen abso-  
luta essentia divina videri potest sine eo, quod  
formaliter, & explicitè videantur relationes,  
& attributa; & similiter unum attributum si-  
ne altero videri potest.

*Prima pars*, patet ex script: 1. Joann:3. *Vi-  
debimus eum sicuti est.*

*Probatur 2. pars.* Unum ex formaliter di-  
stinctis, videri potest divinitus sine altero,  
saltem correlative sibi non opposito; sed es-  
sentia divina formaliter distinguitur ab attri-  
butis, & relationibus, (similiter dic de attri-  
butis positivis inter se) ergo videri potest sine  
illis; maj: est certa, & min: fuse probavi in  
Logica, agendo de distinctionibus; & hic  
breviter probatur. Prædicata contradicto-  
ria à parte rei, uni & indivisibili entitati ab  
intrinseco convenire non possunt, sed Divinæ  
essentiæ, & relationibus conveniunt prædi-  
cata contradictoria: ergo. probatur min: es-  
sentia est communicabilis tribus personis, pa-  
ternitas autem non est communicabilis, ut  
est de fide: sed esse communicabile à par-  
te rei, & non esse communicabile, sunt præ-  
dicata contradictoria, ergo essentiæ, & pa-  
ternitati conveniunt: sed hoc non esset possi-  
bile, nisi distinguerentur à parte rei, saltem  
formaliter; ergo.

*Datur di-  
stinctio for-  
malis.*

*Probatur Conclusio 2.* Naturaliter potest o-  
culus videre albedinem, non visa ratione,  
qua-

qualitatis, quæ est idem cum albedine; ergo de potentia, saltem absoluta, non implicat unum ex identificatis videri non viso altero, & consequenter essentia videri potest sine relationibus.

*Obijcies.* Qui in Deo non videret omnipotentiam, sapientiam, & iustitiam, nil videret: ergo qui videret essentiam, sine attributis nil videret. R: negando antec: nam videret ille essentiam, quæ est radix attributorum.

*Limitatio  
Visionis  
beata.*

ASSERTIO VII. Licet cognoscant beati in Verbo vi visionis Verbi, non solum aliquas creaturas, sed etiam aliquos actus liberos Dei; nulla tamen creatura defacto videt omnia, quæ videt ipsum Verbum.

*Probatur 1. pars.* quod scilicet vi visionis Verbi, autoritate D. August: l. 4. de Genesi ad litteram cap: 3. *Creatura, inquit, aliter est cognita in se ipsa, & aliter in illo, in cujus veritate facienda videbatur;* Ergo vi visionis illius, id est Verbi, videtur.

*Probatur 2. pars.* Non repugnat essentia divina virtus representandi creaturas quas-cunq; objectivè; ergo talis representatio illi denegari non debet. Quod etiam beati cognoscant aliquas creaturas futuras, & actus liberos Dei probatur, tū quia cognitio multorum futurorum videtur spectare ad illorum statum: ergo; tum etiam, quia sunt securi de continuatione suæ beatitudinis; sed hoc non esset verum, nisi cognoscerent Deum sic decrevisse: ergo cognoscunt illud decretū, quod est actus liber Dei.

*Probatur ultima pars.* Ipsi Angeli ignorant mul-

multa, quæ Deo nota sunt, nam Matth: 24 dicitur, *quod de die Iudicij nil sciant.* Et 1. Corinth. 2. dicitur, *quod quæ sunt Dei, nemo novit nisi Spiritus Dei.* Ergo.

Confirm: Repugnat creaturæ cognitio æq̃s perfectæ, ac est cognitio Dei, sed si cognosceret omnia quæ novit Verbum, hoc non esset verum: ergo non cognoscit.

*Obijc: contra primam partem.* Cognitio in Verbo, non terminaretur ad rem ut in se præsentem, & existentem; sed potius ad rem, ut in alio repræsentatam: ergo non esset intuitiva; & consequenter non cognoscitur Creatura vi Visionis Verbi. R. negando consequentiam: nam ad intuitivam sufficit, quod terminetur ad rem ut in se existentem, præsentem, & moventem potentiam, vel in alio eminentiori, & perfectiori modo illam continente, & repræsentante; perfectiùs autem creaturæ continentur & repræsentantur in essentia divina, quam possint in se ipsis esse, & repræsentari.

*Obijc: contra 2. partem.* Illud Greg: lib: 2. moral: c. 2. *Quid, inquit, non vident, qui omnia videntem vident?* ergo beati vident omnia, quæ Verbum videt. R. negando consequentiam, nam sanctus tantum vult, quod nil est, quod non vident ex ijs, quæ ad eorū statum pertinent, quod quidem verum est, sed non ad propositum adversariorum.

ASSERTIO VIII. Beati non æqualiter, sed alius alio perfectiùs vident Deum, *Inaqualitas visionū in beatis.* juxta meritorum, & intellectuum inæqualitatem.

*Prima pars* est definita de fide, in Florentino: & prob: tum ex script: Joann: 14. *In Domo Patris mei mansiones multe sunt.*

tum etiam quia Deus in puniendo servat æqualitatem pœnæ, juxta illud Apoc: 18. *quantum glorificavit se, & in delicijs fuit, tantum date illi tormentum, & luctum.* Ergo & in retribuendo servat æqualitatem præmij ad meritum.

*Probatur 2. pars.* Nil impedit, quò minùs perfectior intellectus cæteris paribus producat perfectiorem visionem; ergo potest producere.

*Obijcies contra hanc partem.* Ex conclusione sequeretur, quò visio non daretur cum proportionem ad merita, ita ut qui æqualia haberent merita, æqualem etiam haberent visionem; sed hoc est parum consonum fidei: ergo. prob: maj: Intellectus perfectior hominis habentis merita ut duo, v. g. & lumen ut duo (datur semper lumen cum proportionem ad merita) perfectius videret Deum, quàm intellectus imperfectior hominis habentis merita, & lumen ut duo, secundum nos: sed sic non daretur præmium cum proportionem ad meritum: ergo. R. distingu: maj: non daretur defacto, nego maj: in casu conclusionis, concedo maj: & distincta similiter min: nego consequentiam. Intellectus enim creati hominum, defacto æqualis sunt perfectionis, & sic cum proportionem ad eorù merita communicatur ipsis visio, & hoc solummodo probant authoritates Conciliorum, & PP. quas, non sine ordinaria censurandi libidine, adversarij ad nauseam citant, & exaggerant. *Scotista nostri* aliter respondent, ut videre est apud Smising hic.



ASSERTIO IX. Deum intuitivè vi- *Intellectus*  
dere non implicat intellectui conjuncto cor- *conjunctus*  
pori mortali, & quòd sic defactò Deus sit vi- *corpori*  
sus, improbable non est. *mortali*

*Probatur 2. pars*, tum autoritate August: *poteſt in-*  
lib: 12. de Genesi ad literam c. 27. & Ambro- *tuitivè Deū*  
sij, qui dicunt Paulum in raptu DEUM sic vi- *videre.*  
disse, & Basilij, qui de Moyse idem sentit;  
nec non Doctoris subtilis, qui in 2. d. 3. q. 9.  
n. 8. de Paulo idem sentit. taceo, quod nec  
adversarij audent dicere, visionem illam non  
fuisse in hac vita B.V. communicatam.

*Obijcies contra 2. partem*, varias Sanctorū  
Patrum & Scripturæ autoritates, quibz in-  
finuatur oppositū assertionis. Joann: 5. *Deum*  
*nemo vidit unquam.* 1. Tim: 6. *Quem nullus*  
*hominum vidit.* ergo. R. illas aliud non pro-  
bare, quàm quod DEUS, sine speciali privi-  
legio, à nullo intuitivè est visus. quod non  
est contra nos.

## EPISTYLIUM PROBLEMATI CUM COLUMNÆ TERTIÆ.

*An beata visio Seraphici Francisci infini-  
ta sit perfectionis?*



# COLVMNA IV.

## De Scientia D E I, ejusq; Intel- lectu.

*Datur in  
Deo intel-  
lectus ha-  
bens rati-  
onem actus  
primi.*

**A**SSERTIO I. Datur in D E O in-  
tellectus (idem dic de voluntate re-  
spectu volitionis) habens rationem ac-  
tus primi respectu scientiæ, seu cognitionis  
perfectissimæ.

*Probatur 1. pars.* Intellectus est potentia  
potens intelligere, si ipsi uniatur intellectio;  
sed DEUS habet talem potentiam; ergo & in-  
tellectum. Probat: min: si non haberet hujus-  
modi potentiam, nil intelligeret, etiamsi ha-  
beret intellectionem, sed de fide est D E U M  
omnia intelligere. Ergo. Prob: maj: ideo la-  
pis, quamvis in se haberet intellectionem,  
non intelligeret, quia non haberet potentiã  
ad intelligendum; ergo, si D E U S talem po-  
tentiã non haberet, nihil intelligeret, quam-  
vis haberet intellectionem.

*Probatur 2. pars.* Non est potior ratio, cur  
daretur in Deo principium radicale, ex quo  
à parte rei emanant alia attributa, quàm  
principium radicale, & emanativum intelle-  
ctionis; sed, etiã secundum adversarios mul-  
tos, in Deo datur radicale principium alio-  
rum attributorum: ergo & intellectionis.

*Obje:* Ratio actus primi infert distin-  
ctionem realem inter ipsum, & actum secun-  
dum; sed talis repugnat in divinis, nisi inter  
relationes: ergo. Confirm: Si intellectio ef-  
set actus, secundus emanans ab intellectu,  
per-

perficeret illum : sed perfectio talis repugnat in divinis : ergo intellectio non est actus secundus emanans. R. distingu: maj: in divinis, nego maj: in creatis concedo maj: & concessa min: nego consequ: *Ad Confirm: R. distingu: maj: perficeret, id est, identificaretur intellectui, concedo maj: perficeret, modo aliquo dicente imperfectionem, nego maj: & distincta similiter min: nego consequent:*

ASSERTIO II. Intellectio Divina, *Intellectio scientia est perfectissima, formaliter ab intellectu, & essentia divina distincta. divina scientia est.*

*Probatur 1. pars.* Rom:8. *ô Altitudo divitiarum Sapientie & scientie DEI.* Esther 14. *Domine, qui habes omnem scientiam.* *Probatur secundo ratione.* Intelligere, cognoscere, & scire, est perfectio sine imperfectione; ergo Deo, qui est infinitæ perfectionis, attribui debet.

*Probatur 2. pars.* Tum ex dictis in Logica *Uterior* de distinctione formali; tum etiam quia si intellectio esset idem formaliter cum essentia, *probatio distinctio-* deberet esse formaliter radix omnium attributorum, & aliorum prædicatorum intrinsicorum Dei, sicut est essentia; sed hoc est falsum: ergo non est idem formaliter cum essentia. prob: maj: quia *idem manens idem non est natum facere nisi idem.* Prob: etiam min: intellectio, & idem dic de intellectu, non est radix voluntatis, aut volitionis divinæ: ergo non est radix attributorum aliorum.

*Confirmatur.* Datur à parte rei distinctio formalis (moderni Neutristæ hanc distinctionem, sub nomine virtualis, in divinis admittunt) inter paternitatem in divinis, & essen-

tiam : ergò & inter essentiam, & intellectum, ac intellectionem. Consequentia est evidens à paritate. probatur ergo antecedens: nisi essentia formaliter distingueretur à paternitate, Pater non distingueretur realiter à Filio; nec esset verum, quòd Relationes numerantur, & essentia non numeraretur; aut quòd Pater generet Filium, & essentia non generat; sed de fide est, quòd Pater distinguatur realiter à Filio; item, quòd Relationes numerentur, & Pater generet, non verò essentia; ut definit Tolet: 2. in Confess: fidei: ergo essentia distinguitur formaliter à Paternitate.

*Probatur major* quoad primam partem; (aliae partes à paritate primæ probantur) si essentia divina non distingueretur ante operationem intellectus, seu formaliter, à paternitate, non haberet Pater, per quòd distingueretur à filio realiter: ergò non distingueretur sic ab illo. *Probatur antecedens*, si Paternitas non distingueretur verè ante operationem intellectus ab essentia, Pater nihil esset nisi essentia; sed essentia non est aliquid, per quòd Pater distinguitur à filio; cum fide certum sit, eandem esse essentiam in Patre & Filio: ergo si Paternitas non distingueretur formaliter, seu virtualiter (Synonymia enim sunt, modò per virtualementem intelligatur,

*Definitio* diversitas plurium formalitatum seu graduum, distinctio- *Metaphysicorum, realiter inter se identificato-*  
*nis forma-* rum, quibus intrinsecè, ante operationem intel-  
*lus Scoti-* lectus, competunt predicata contradictoria:  
*stica.* sic enim bene describitur distinctio formalis Scotistica) ab Essentia divina, Pater non haberet, per quòd realiter distingueretur à filio.

*Proba-*



*Probatur ultimò eadera pars.* De fide est ex Toletano jam citato, Filium æternum produci per intellectum, & non per voluntatem, aut essentiam, aliàs essentia generaret; item Spiritum Sanctum produci per voluntatem, & non per intellectum, idq; sine dubio ante operationem, & fictionem nostri intellectûs; sed hoc esset falsum, nisi in DEO, essentia, intellectus, intellectio, voluntas, & volitio, inter se ante operationem intellectûs nostri distinguerentur: ergò distinguuntur. Major est certa. Probatur min: Implicat aliquid produci per unum, ex omnino identificatis (propriè loquendo, quæ nullo modo verè distinguuntur, inter se identificari, dici non possunt) seu indistinctis, & non produci per alterum, sicut implicat aliquem occidi per gladium, & non per ensem: ergo si à parte rei nulla esset diversitas inter essentiam, intellectum, voluntatem, intellectionem, & volitionem; implicat ut intellectus sit principium productivum alicujus rei, cujus non sunt principium, essentia, voluntas, & volitio.

*Obijcies contra 1. partem.* Si Deus haberet notitiam, seu scientiam rerum, deberet de novo cognoscere, quod de novo fit; sed hoc non posset absq; mutatione sui: ergo non habet talem scientiam. R. concedi maj: & negando min: nam eadem illa indivisibili cognitione, quam Deus ab æternò habet, cognoscit præsentia, præterita, & futura, sine ulla sui intrinseca mutatione.

*Perfectio  
Visionis  
quã Deus  
habet.*

*Obijcies contra 2. partem.* Essentia divina est infinita, & in omni genere perfectionis il-

limitata; ergo debet formaliter involvere omnem talem perfectionem; sed intellectio est talis perfectio: ergo. *R.* negando consequentiam: nam ad hoc ut sit essentia in omni genere entis perfecta, sufficit quod exigat sibi identificari omnem omnino perfectionem, realiter, vel formaliter. *Obijcies 2. contra eandem.*

Perfectissimus Conceptus Dei, ejusque essentiae maximè proprius est, quod sit substantia vivens vitâ intellectuali: ergo debet constitui essentialiter per intellectionem actualem, qui est perfectissimus conceptus vitæ. *R.* concedendo antec: & negando consequentiam; sufficit enim, quod sic constituatur per intellectionem radicalem.

*Obijcies 3.* Si daretur ante operationem intellectus distinctio inter essentiam divinam, intellectum, & etiam intellectionem, daretur compositio Metaphysica in Deo, sed talis repugnat summæ Dei simplicitati, ergo. Probatur maj: Compositio est distinctorum unio, teste Philosopho; sed si daretur in divinis, inter jam nominatas formalitates diversitas à parte rei daretur distinctorum unio: ergo & compositio saltem Metaphysica. *R.* distinguendo maj: Compositio metaphysica dicens imperfectionem, nego maj: nullâ dicens imperfectionem, concedo maj: & distinctâ similiter mino: nego Consequentiam.

*Itaque* nulla compositio imperfectionem dicit, cujus extrema essentialem connexionem inter se habent in existendo, seu cujus extrema independenter ab omni extrinseco necessariò existunt; sed certum est, quod in Deo essentia, intellectus, intellectio, & voluntas  
ne-

necessariò existunt: ergo inter se quamvis compositionem faciant, non tamen compositionem dicentem imperfectionem; sicut in creatis, gradus metaphysici ejusdem entis, v.g. animal & rationale in homine, faciunt; quia se habent per modum actûs, & potentia; & in sui existentia & identitate, dependent ab aliquo extrinseco, nempe à Deo, quo volente statim desinerent esse.

*Obijcies 4.* Gilbertus in Concilio Rhemenfi damnatus est, eò quòd doceret Patrem non esse suam bonitatē; sed nos idem docemus: ergo, inquit Vasquez, damnandi sumus. *R.* distinguendo maj: Damnatus est, eò quòd doceret DEUM non esse suam bonitatem, aut sapientiā realiter concedo maj: formaliter nego maj: minorem, & consequentiam; Hæreticus enim ille realem distinctionem strictè sumptam posuit inter Deum, & suam bonitatem; nos verò Scotistæ illam cum Catholicis negamus; & bonis Theologis & Metaphysicis formalem admittimus inter DEUM, & suā bonitatem: & in hoc sensu intelligendi sunt PP. & Concilia, si quando dicunt nullam esse in divinis distinctionem, nisi ubi obviat relationis oppositio.

ASSERTIO III. Objectum primum motivum Scientiæ Dei, est ipsa essentia divina secundum se formaliter considerata; secundarium verò aliæ res omnes; quas à Deo mediatè tantum cognosci putamus.

*Objectum  
primariū  
Scientiæ  
Dei est Es-  
sentia.*

*Prima pars patet* ex dictis in Prologo, ubi etiā probavi Deum res omnes videre. *Probat*ur ergo *ultima pars.* Nulla est imperfectio ponenda in Deo; sed hoc non esset verum, nisi

nisi objecta secundaria ab ipso mediata (hoc est, quatenus immediate videt suam essentiam, in qua representantur) viderentur: ergo, sic videntur: prob: min: limitatio est imperfectio; sed si actus, quo Deus se ipsum cognoscit, non terminaretur secundario ad omne intelligibile, etiam creatum, limitaretur actus ille; ergo esset imperfectus.

*Quomodo  
futura à  
Deo cognos-  
cantur.*

**ASSERTIO IV.** Futura contingentia tam absoluta, quam conditionata cognoscuntur à Deo in sua essentia, & se ipsis, supposita eorum futuritione; non ergo in presentia eorum reali in æternitate, nec præcisè in ideis ab ipsis distinctis, nec in dispositione, ulla causæ liberæ proximæ; aut decreto efficaci physice prædeterminante voluntatem creatam, videntur.

*Probatur 1. Pars.* Tum ex Scriptura Ecclesiæ 23. *Domino Deo, antequam crearentur omnia, sunt cognita.* Psal: 138. *Omnes vias meas prævidisti.* Tum etiam, quia si Deus omnia futura non cognosceret, non esset omniscius; sed hoc nemo dicet. ergo cognoscit.

*Probatur 2. Pars.* Tum quia Essentia divina est objectum motivum Intellectus, tam ad sui, quam aliarum rerum cognitionem, & sic *Deus in se omnia, & nihil extra se intuetur.* ut ait August: & probavi mox antea: ergo futura cognoscuntur à Deo in sua essentia, supposita illorum futuritione: tum etiam, quia frustra requireretur aliud medium, in quo viderentur.

*Non cognoscuntur  
in æternitate.*

*Probatur 3. Pars.* Non potest creatura co-existere Deo in æternitate, absq; reali ejusdē existentia in æternitate: ergo non cognoscun-



fiuntur ob realem præsentiam eorum in æternitate. Maj: est certa, quia coexistentia creaturæ importat necessariò ipsius existentiam: min: etiam patet, quia si extitissent, hoc ipso non essent futura, sed semper præsentia; ergo non coexistirunt.

*Probatur 4. pars.* Ideæ divinæ sunt ipsæmet res futuræ, probabiliter loquendo, ergo cum in se ipsis præcisè, futura à Deo non videntur, nec etiam in Ideis cognoscuntur. *Non in se ipsis.*

*Probatur jam 5. pars.* De dispositione causæ proximæ, id est voluntatis creatæ, causâ libera quâ talis, quantumcunq; disposita, indifferens est ad eliciendum, & non ad eliciendum actum. ergo in dispositione talis causæ, non potest præcisè videri creatura futura. *Nec in dispositione causæ secundæ.*

*Probatur 6. pars.* Decretum illud in quo præcisè creaturæ cognoscerentur, vel deberet esse decretum secundum se consideratum, vel in actu primo, vel in actu secundo; non in actu primo, quia sic consideratum, nil est aliud quàm ipsa voluntas, vel actus amoris, quo Deus se ipsum primò & necessariò diligit, absq; ullo respectu ad creaturam; ergo in actu primo non potest esse ratio cognoscendi futuritionem creaturæ. Non etiam in actu secundo, quia sic consideratū nihil dicit, præter respectū rationis ad creaturā terminatū, sed respectus rationis non potest esse mediū cognoscendi futura, ut per se patet; ergo. *Non in decreto effi- caci præ- determi- nante.*

*Per hoc autem* non negamus necessarium, esse ad videndas creaturas absolutè futuras, videri decretum, à quo habent esse futuræ; unde tantum dicimus decretum illud non esse præcisam rationem movendi intellectum di-

vinum ad futurarum cognitionem; & multò minus prædeterminans decretum Thomisticum, (quod cum libertate stare non posse, probabimus, & in physica antea ostendimus) posse esse tale motivum fateri possumus.

*Obijc: contra 1. partem.* Si Deus haberet hujusmodi scientiam infallibilem de futuritione rerum, frustranea esset omnis diligentia ad effectus contingenter ponendos, sed hoc non est dicendum: ergo. prob: maj: supposita illa scientia, res illa futura necessario erit, sive adhibeatur diligentia, sive non: ergo. R. negando maj: & dist: ejus probationē, necessario necessitate consequentis concedo antec: necessitate antecedentis, nego antec: & consequ:

*Cause creaturarum futurarū contingentē.*

ASSERTIO V. Creaturæ absolute futuræ dependenter à causā libera, non habent esse formaliter tales, à solo Decreto Dei excludente actionem futuram causæ secundæ. *Probatur.* Ab illo habent creaturæ esse futuræ, à quo ponentur extra suas causas; sed per solum Decretum Dei, excludens actionē causæ secundæ, nec per actionem solam causæ secundæ excludentem decretum, sic ponentur, sed potius per utrumq; simul; ergo ab utroq; habent suam futuritionem, & non ab alterutro seorsum.

*Obijcies.* Nisi decretum divinum actu, & realiter existeret ab æterno, non posset Deus in illo ullo modo videre futuritionē effectūs, sed concursus creatus non existit realiter ab æterno, ergo non potest intellectus divinus in illo videre futuritionem ab æterno. R. distingu: maj: Si absq; eo quod ab æterno existeret,

*De Scientia Dei, ejusq; Intellectu.* 41

steret, posset esse futurum, nego maj: defacto concedo maj: & concessa min: nego consequentiam.

*Obijcies 2. contra eandem.* Si Deus haberet decretum æternum de absolutè futuris, tolleretur libertas, sed hoc non est dicendum: ergo non habet tale decretum, prob: maj: decretum illud antecederet exērcitium libertatis, & eo posito necessariò sequi deberet effectus: ergo eo posito tolleretur libertas. R. negando maj: & distingu: ejus probationis antec: antecederet exercitium voluntatis, quoad esse actuale ipsius exercitij, concedo antec: quoad esse futurum ejusdem exercitij, seu consensus, nego antec: & consequi: Itaq; decretum Dei ab æterno est, dependens à futuritione effectus, nam cum sit decretū concurrendi cum voluntate ad effectum producendum, necessariò concomitantem habet concursum voluntatis, vel actualem, vel futurum; & sic, sicut si decretum illud non existeret actu, nisi quando in tempore est consensus actualis voluntatis, nullam haberet præcessionem ad consensum voluntatis, sed potiùs concomitantia haberet cum illo: eodem modo licet ab æterno sit, ob immutabilitatem Dei necessariò, non habet præcessionem ad consensum futurū voluntatis, quoad esse futurum ejus, & sic nil officit libertati.

ASSERTIO VI. Unicus & simplicissimus actus scientiæ Dei, secundum diversas terminationes divisibilis, adæquatè participatur in scientiam simplicis intelligentiæ, seu naturalem, & visionis, seu liberam.

*Probatur.* Nil à Deo potest cognosci, nisi quod

*Divisio scientiæ in simplicis intelligentiæ, ac visionis scientiam.*

quòd simpliciter & necessariò existit, vel in statu puræ possibilitatis manet, vel denique quod habet esse futurum dependenter à suo decreto; sed priora duo cognoscuntur per scientiam simplicis intelligentiæ, seu necessariam; & posterius per scientiam liberam, seu visionis: ergo adequata est divisio illa scientiæ, Dei; in simplicis intelligentiæ & visionis.

*Authores scientiæ mediæ*, circa illam inter se hactenus non convenerunt, ita ut unam aliquam illius nobis assignarent definitionem. *Pater Molina ipse Inventor*, docuit in Deo ante omne decretum absolutum voluntatis, dari scientiam, quâ scivit, quidquid creatura libera quantum est ex parte sua, sit factura, si hæc vel illæ circumstantiæ ponantur, habeatq; omnia ad agendum requisita, ac paratū Dei concursum; & hanc cognitionem mediā scientiam, inter naturalem, & liberam, docuit esse. Ex illius sectatoribus, aliqui apud nostrum Pontium, explicant hanc scientiam; dicuntq; per eam intelligi scientiam, quā Deus cognosceret, quid futurum esset, positā conditione non necessariò connexa cum effectu, ex eo, quòd habeat defectum, vel haberet positā eā conditione, decretum concurrenti cum voluntate, concursu quodam indifferenti, & non determinato ad unam partem contradictionis, & in hoc sensu Molinā fuisse locutum dicunt. *Pater Arriaga* (vir aliàs doctissimus, mihiq; varijs titulis charus) post prolixam de scientia mediā disputationem, solum probat dari scientiam de conditionatè futuris in Deo, quam Theologorum nullus unquam negavit, aut salvā fide, nega-

Judicium  
de autho-  
ribus sci-  
entia me-  
diæ.



re potuit. Ut ego meam aperiam mentem,  
fit

ASSERTIO VII. Scientia media, *Scientia*  
Moliniana, vel non datur, vel non consti- *media Neu*  
tuit tertium membrum condistinctum, à *tristarum*  
Scientia naturali, & libera; & consequen- *reijcitur.*  
ter nil facit ad conciliandam libertatem  
creatam cum infallibilitate præscientiæ, &  
prædestinationis divinæ. Et ut probem Con-  
clusionem:

*Suppono 1.* Hanc scientiam mediam non  
facere, sed præsupponere suum objectum se-  
cundarium, & terminativum, nempe ipsam  
propositionem contingentem conditionatè  
futuram; sicut scientia absoluta præsuppo-  
nit futurum contingens, absolutè futurum.

*Suppono 2.* Nil posse intelligi conditionatè  
futurum, nisi ex præsuppositione alicujus  
causæ proximæ sub conditione dantis, vel da-  
turæ illi futuritionem, adeoq; nil contingens  
esse determinatè futurum, nisi dependenter  
à causa dante ei sub conditione futuritionem  
contingenter, v. g. conversio libera Petri, jã  
ab æterno est determinatè futura, quia vo-  
luntas Petri positã tali vel tali conditione, est  
se determinatura ad conversionem. His sup-  
positis

*Probatur Conclusio contra Molinam.* Per te *Reijcitur*  
Deus videt conversionem Petri hic, & nunc *Molina.*  
sub conditione futuram, antequam vel vi-  
disset, vel decrevisset eam absolutè futuram;  
ergo vel vidit illam pro illo priori, futuram  
ex sola determinatione voluntatis Petri, in-  
dependenter ab omni concursu supernatura-  
li Dei, absolutè vel conditionatè sibi præpa-  
rato,

rato, vel vidit illam ex suppositione quidem, non solum suæ liberæ determinationis, sed etiā ex præsuppositione gratiæ, auxiliij efficacis, & aliarum circumstantiarum ad ejusmodi conversionem conducentium, & determinantium? Primum non nisi Pelagianus dicet; & secundum non favet adversarijs: ergo. Probatur min: interrogando ipsos an videat conversionem Petri Deus sic futuram, ex suppositione omnium illorum jam prædictorū, antecedenter ad omne decretum suum, sive absolutum, sive conditionatum, quo concurreret cum voluntate Petri, in illis circumstantijs, nec ne? si primum; ergo scientia illa est fictitia, & impossibilis; si secundum, erit pro nobis: probatur prima consequentia, sicut impossibile est, aliquid contingens esse absolutè futurum, nisi dependenter à Decreto Dei absoluto, quod est prima radix omnis contingentiæ; ita impossibile est, aliquid contingens esse conditionatè futurum, sine dependentia à Decreto Dei absolutè vel conditionatè ponendo; ergo non potest Deus videre conversionem Petri antè futuritionem absolutam vel conditionatam sui decreti, & consequenter scientia talis in ipso est impossibilis.

*Respondent Adversarij*: Scientiam conditionatam præsupponere Dei Decretum conditionatum, in hunc modum ab ipsis explicatum: Video (inquit intellectus divinus) ab æterno, si Petrus tali, vel tali tempore vocetur, & divinis gratiæ auxilijs adjuvetur, divinumq; præterea habeat ad hoc concursum, converteretur.

*Contra hanc explicationem* duo infero; primum, scientiam mediam neutrificam, non differre à scientia simplicis intelligentiæ; secundum, scientiam mediam sic explicatam, nil facere ad conciliandum infallibilitatem. Decretorum Dei, cum libertate & contingētia causarum secundarum in agendo.

*Primum sic probo*, positis omnibus illis jam dictis conditionibus, adhuc conversio Petri manet in statu puræ possibilitatis, ergo conversio Petri conditionata, continetur sub objecto scientiæ simplicis intelligentiæ. Prob: antec: positis illis conditionibus, conversio Petri retinet totam, ac plenam indifferentiā ad esse, vel non esse, æq; bene, ac si non ponerentur istiusmodi conditiones: ergo manet adhuc in statu puræ possibilitatis: antec: prob: hæc conditionalis: *Si Petrus tali tempore non vocetur, nec ego voluero ad conversionem ejus concurrere, certò non convertetur.* Est tam vera, quàm illa jam posita, & tam bene hanc vidit intellectus divinus ab æterno, ac illam priorem, & tamen hæc manet in esse, puro possibili; ergo & illa.

*Probatur etiam 2.* & simul ultima pars Conclusionis. Admissa gratis illa scientia, ejusq; objecto sic conditionatè futuro, adhuc non intelligitur conversio Petri re ipsâ absolute futura; at tota difficultas Theologorum in hac materia est, in reconcilianda libertate, ad hic & nunc in tēpore determinatè, & absolute, cooperandū cum absoluto Dei decreto, & scientia de conversione Petri absolute futura, quam difficultatem nullo modo tollit scientia illa conditionata antecedens absolutum.

Dei decretum ; ergo scientia illa nihil facit,  
ad reconciliandam libertatem creatam, cum  
infallibilitate præscientiæ & prædestinatiōnis  
divinæ.

*Obijcies.* Deus ab æterno, non aliter determinavit vocare Petrum, quàm prout in tempore eum vocat; sed in tempore non vocat eum, nisi secundùm quod ante vocationem prævidit congruere, ut Petrus vocantē sequatur, sed hoc non prævidit per scientiam mediam. ergo prob: min: quia aliàs, cæco & improvido modo agerët Deus. R: concedendo maj: & distingu: min: quod ante vocationem actualem in tempore; ab æterno prævidit, in suo absoluto decreto, involvente concomitanter determinationem liberi arbitrij, concedo min: secundùm quod ante vocationem actualem prævidit ab æterno sic congruere, antecedenter ad Decretum Dei de concurrendo cum Petro ad liberè operandũ, nego min: & consequentiam; sicut & quod cæco vel improvido modo sic agendo, Deus sua Decreta poneret: quia ut prudenter ea ponat, sufficit quod per scientiam simplicis Intelligentiæ, antecedenter ad omne decretum suum absolutum, præviderit omnes causarum proportionès respectu suorum effectuum, adeoq; congruitatem omnium auxiliorum gratiæ, temporum opportunitates, hominum dispositiones, quidq; possit, vel non possit liberum arbitrium, cum, vel sine gratia: & hoc solùm volunt SS. PP. quos pro se Adversarij citant.

*Idea divi-  
nae descri-*

ASSERTIO VII. Idea divina, est exemplar æternum, & incommutabile, in mente.



te divina, secundum quod quælibet res à Deo formabilis est, antequam formetur. Non consistunt Ideæ Divinæ in conceptibus intellectualibus, quibus Deus clarè & distinctè res faciendas concipit. 1. *Pars est* Aug: l. 83. QQ. q. 46. 2. *Pars* manet probata ex dictis in physica, ubi ostendi, quod Idea sit illud, quod agens respicit dum operatur; sed Deus non respicit suum conceptum formalem dum operatur, sed potiùs objectivum. Ergo Idea in conceptu objectivo consistit.

ASSERTIO VIII. Essentia Divina, *Prima & principalis* quæ objectivè intellectui divino perfectissimè omne factibile repræsentat, modumq; id faciendi, *Idea intellectus divini* prima est & principalis Idea intellectus Divini: secundariæ verò Ideæ sunt ipsæ met res idealiter faciendæ. Nec personarum divinarum, nec negationum, aut entium rationis ideas in Deo admittimus.

*Probatur 1. pars* ex August: loco jam citato his verbis: *Idearum visione animæ sunt beatæ*; sed animæ beantur visione essentia divina: ergo essentia divina prima est & principalis Idea respectu intellectus divini.

*Probatur 2. Pars.* Deus cognoscit res fiendas, ut in essentia repræsentatas; ergo ut sic cognita ideæ secundariæ dici possunt. Et in hoc sensu verum est, quod in mente Divina sunt multiplices Ideæ.

*Probatur 3. pars.* Non cognovit Deus personas divinas, antequam illas produxit; ergo illarum ideæ in mente divina non sunt.

*Probatur ultima pars.* Nec negationes, nec entia rationis ullam positivam, aut veram habent entitatem; ergo nec Ideam in mente divina.

*Virtutes intellectuales admittuntur in Deo.* ASSERTO IX. Reperiuntur in Deo virtutes intellectuales seclusis imperfectionibus, non tamen distinctæ ab intellectu divino. *Probatur 1. pars.* Actus correspondentes virtutibus in Deo reperiuntur, ut actus prudentiæ, cognitionis, & artis, &c. Ergo & ipsæ virtutes,

*Probatur 2. pars.* Ipse intellectus divinus est sufficiens principium cum objecto, ad elicendam quamcunque perfectissimam cognitionem: ergo ut eliciat quamcunque talem, non requiritur aliquod aliud comprincipium determinans illum ad actus virtutum intellectualium.

## EPYSTILIUM PROBLEMATICUM COLUMNÆ QVARTÆ.

*An condemnare scientiam mediam, rei scholastica sit nocivum?*



## COLUMNÆ V.

*De Voluntate Divina, & Omnipotentia.*

*Libertas  
Voluntatis  
divinae.*

ASSERTIO I. In Deo est voluntas, quâ se ipsum necessario vult & amat, & creaturas omnes liberè, libertate contradictionis produxit.

*Probatur 1. pars.* tum ex script: Rom 9. *Voluntati ejus quis resistet.* Psal: 113. *Omnia quæ-*

*quæcunq; voluit, fecit.* tum etiam ratione, quia habere voluntatem, est perfectio sine imperfectione; ergo Deo convenit.

2. *Pars non eget probatione*; nam frustra Deus esset voluntate præditus, nisi se ipsum, amaret, objectum nimirum infinitè amabile, ergo necessario se amat. *Confirm:* Est imperfectionis in potentia potente amare, non amare necessario quod est infinitè amabile; sed Deus est sic amabilis: ergo necessario à divina voluntate amatur.

*Pro intelligentia ultimæ partis*, adverte, illud dici liberū libertate essentiali, seu *quoad substantiam*, quod solum requirit principium agens ex electione, seu præviâ cognitione finis; & hæc libertas directè opponitur naturali operationi. Liberum, seu libertas *quoad modum*, quæ & *accidentalis* dicitur, est illa, secundum quam voluntas indifferens est ad utrumq; extremum contradictionis & contrarietatis, ut ad velle, & non velle, nunc

*Probatur ultima pars*, tum ex script: ad Ephesi 1. *Omnia operatus est secundum consiliū voluntatis suæ.* tum etiam ratione, si causa prima ad extra necessario ageret, causa secunda liberè nihil produceret, ut probabimus inferius Assert: 4. hujus Colum: sed fide, & experientiâ constar hoc non esse verum; ergo causa prima liberè agit.

*Obijcies.* Si divina voluntas esset libera, libertate contradictionis, & exercitij, posset habere, vel non habere actū; sed hoc non potest sine sui mutabilitate: ergo non est libera. R. disting: maj: posset habere vel non habere actum terminativè, concedo maj: subjecti-

vè, seu quoad entitatem absolutam actûs, nego maj: & distincta similiter min: nego consequentiam.

*Divisio divina voluntatis.*

ASSERTIO II. Divisio divinæ voluntatis in liberam, & necessariam, signi & beneplaciti, efficacem, & inefficacem, sive antecedentem, & consequentem, adæquata est, & bona.

*Signa voluntatis divinæ.*

*Probatur Conclusio* ipsam per partes explicando. Voluntas signi (de libera & necessaria jam diximus) est illa, quæ exteriori aliquo signo nobis patet; nempe *præcepto, prohibitione, consilio, permissione, & operatione*; quæ signa diverso modo indicant nobis voluntatē in Deo. *Voluntas beneplaciti* est volitio interior quam habet Deus, ratione cujus complacet sibi in quavis re creata. *Voluntas inefficax*, seu antecedens est volitio, seu complacentia quam habet DEUS de aliquo bono, in ordine ad quod applicat medium, ad quod non sequitur effectus, & talem volitionem habuit de salute IUDÆ. *Voluntas efficax* seu consequens est illa, quæ ita vult aliquem effectum, ut eā volitione positā, infallibiliter ponatur effectus; & hac volitione vult salutem omnium prædestinatorum.

*Verborum D. Pauli 1. Tim: 4. explicatio*

ASSERTIO III Verba illa D. Pauli 1. Tim: 4. *Deus vult omnes homines salvos fieri, & ad cognitionem veritatis venire, in uno sensu intelligi possunt esse prolata, de volitione efficaci seu consequenti, & in alio de volitione antecedenti, seu inefficaci.*

*Probatur 1. pars*, authorit: D. Aug: de corrept: & gratia cap: 14. qui verba illa sic intelligit, cum distributione tamen accommodata, & et-



& etiam pro generibus singulorum, ut Fautores Immaculatæ Conceptionis, intelligunt aliud illud Pauli, *omnes in Adam peccaverunt.*

*Probatur 2. pars.* Certum est, quod pluri-  
mi homines damnentur, ergo Deus non ha-  
bet voluntatem consequentem, seu efficacem  
salvandi illos.

ASSERTIO IV. Si Deus ad extra a-  
geret ex necessitate naturæ, nec liberè nec  
necessariò causa secunda aliquid ageret. *Modus a-  
gerendi Dei  
ad extra.*

*Probatur.* Causa necessariò agens, agit se-  
cundum ultimum suæ potentia, seu operatur  
quantum potest; sed causa prima, etiam de-  
facto, potest se solo in genere causæ efficien-  
tis, producere quidquid cum causa secunda  
potest efficere; ergo si ageret ex necessitate  
naturæ, deberet se solo totum effectum causæ  
secundæ producere. Defacto autem non sic  
agit, sed liberè, concomitanter ad concur-  
sum causæ secundæ.

ASSERTIO V. Voluntas divina non  
est subjectivè mutabilis à volitione, ad noli-  
tionem ejusdem rei, seu objecti. Omnis Dei  
volitio efficax, consequitur suum effectum;  
imò nullam habet voluntatem liberam, quæ  
quantum ad aliquem effectû, non impletur. *Quomodo  
divina vo-  
luntas mu-  
tabilis est.*

*Prima pars probatur,* tum ex dictis de im-  
mutabilitate Dei, tum etiam quia sine ratio-  
ne diceretur quòd esset sic mutabilis; ergo  
non est.

*Probatur 2. pars.* Isaïæ 36. *Voluntas mea fiet.*  
Esther 13. *Non est qui possit resistere voluntati  
sue.* *Probatur etiam ratione.* Non esset Deus  
omnipotens, si impediri posset in ijs produ-  
cendis, quæ efficaciter vellet: ergo non po-  
test sic impediri.

*Efficacia  
divine vo-  
luntatis.*

*Probatur 3. pars*, tum quia talis voluntas esset otiosa & inutilis: tum etiam, quia nec ratione, aut autoritate probari potest, quod in Deo detur talis voluntas. Ergo non datur.

*Obijcies contra 1. partē script: Genes: 6. Pœnitet me fecisse hominem. 1. Regum 15. Pœnitet me quod constituerim Saul Regem*; sed hujusmodi pœnitentia nequit fieri absq; voluntate, contraria voluntati priori, quam habuit: ergo subjectivè mutabilis est de volitione ad nolitionem. R. negando min: quia loca illa non significant pœnitentiam, quæ adferre solet displicentiam aliquam molestam, sed potius volitionem castigandi, puniendi, ac destruendi: talis autem volitio non est opposita ullo modo priori voluntati, quam habuit Deus de creando homine, ac constituendo Saul in Regem.

*Obijcies contra 3. partem*, illud Ezech: 13. *Nolo mortem peccatoris*: ergo habet aliquam voluntatem, quæ nullum habet effectum. R. negando consequ: quia plurima media dat Deus peccatoribus, ad salutem maximè conducentia, si illis uti vellent.

*Habitus  
virtutum  
negatur  
Deo.*

ASSERTIO VI. Exercitium virtutū moralium Deo non repugnat; defacto tamen in ipso non admittimus habitus virtutū moralium.

*Probatur 1. pars*, quia in hoc nulla est repugnantia, ergo Deo denegari non debet.

*Probatur 2. Pars.* Esset imperfectio in voluntate infinita Dei, non posse faciliter ex se tendere, in quodcunq; objectum sibi ab intellectu propositum, sine ullo habitu superaddito: ergo sic tendit.

ASSERTIO VII. Providentia DEI *Providen-*  
communis prædestinationi, reprobationi, ac *tia descri-*  
directioni creaturarum; est dispositio æterna *ptio.*  
quam habet DEVS de rebus omnibus, ad fines  
determinatos, ab ipsomet prævisos, dirigen-  
dos, secundum illum ipsum modum, quo in-  
tempore consequuntur illos fines. Est in ter-  
minis Pontij hîc, & prob: quia convenit o-  
mni, & soli: ergo est bona.

ASSERTIO VIII. Providentia hæc *In quo cõ-*  
divina formaliter loquendo consistit in solo *sistit.*  
voluntatis actu. *Prob:* Providentia est effi-  
cax ordinatio rerum in suos fines; sed hoc  
esset falsum, si non in voluntatis, sed in solo  
actu intellectûs consisteret; ergo non consi-  
stit. *Prob: min:* tum quia sola voluntatis ordi-  
natio in Deo efficax esse potest, juxta illud  
script: *omnia Deus operatur juxta consilium vo-*  
*luntatis sue*; ergo sola voluntatis ordinatio  
est providentia in DEO: tum etiam, quia si  
solum manerent in Deo omnes actus intelle-  
ctûs, quibus noscit fines, & media proportio-  
nata ad illos, nullius rei diceretur habere  
providentiam, ergo non in actibus intelle-  
ctûs, sed potius in actu voluntatis consistit  
Providentia.

*Obicies.* Prædestinatio est actus intelle-  
ctûs, ex Apost: Rom: 8. *Quos, inquit, præsci-*  
*vit, hos & prædestinavit*; ergo & providentia.

*Confirm:* Aug: de bono perse: cap: 18. dicit,  
quod *prædestinatio est præscientia*, sed præsci-  
entia est actus intellectûs: ergo & Prædesti-  
natio. R. negando antec: nam Apost: loco  
citato, tantum intendit recensere seriem o-  
mnium actuum, qui tam ex parte intellectûs,

quàm ex parte voluntatis, ad prædeterminationem concurrunt, ut sunt: *prædestinare*, *præscire*, *vocare*, *justificare*, & *glorificare*. Quod verò prius ponat ly *præscibit*, quàm ly *prædestinabit*, ordo quidem præposterus est, nam prius prædestinavit, quàm prædixit scientiæ, visionis, sed non perperam positus, quia si prius poneret ly *prædestinabit*, deberet bis postea ponere ly *præscibit*; ad quod evitandū posuit primò ly *præscibit*.

*Ad Confirm.* R. 1. negando min: ex mente Aug: qui frequenter pro synonymis *præscibit* & *prædestinabit* sumit. R. 2. distingu: min: est præscientia formaliter nego min: præsuppositivè concedo min: & nego consequentiā. August: enim tantum vult, quòd Deus nullū poterat prædestinare, quem non præsciverat ab æterno posse convenienter perducì ad finē ipsi propositum, per mediā defectò ordinatā, antequàm prædestinaverat ipsum, quod verum est.

*Prædesti-  
nationis  
definitio.*

ASSERTIO IX. Prædestinatio bene describitur, quòd sit actus divinæ voluntatis præordinantis efficaciter ab æterno, creaturā rationalem ad salutem æternam, & mediā efficaciter conducentia ad illam. Consistit formaliter in actu divinæ voluntatis.

*Probatur 2. Pars.* de qua est difficultas, tum ex dictis de providentia, tum quia prædestinatio in illo formaliter consistit actu, vi cuius prædestinati salvantur. sed vi actus voluntatis electi salvantur: ergo in actu voluntatis consistit.

*Prædesti-  
nandi mo-  
dus.*

ASSERTIO X. Ordine intentionis, prædestinavit misericors Deus electos omnes ad



ad gloriam, ante prævifa, vel absolutè, vel conditionatè eorum merita. Hæc est Doct: 1. d. 45. q. unica. n. 11.

*Probatur 1. ex script: plerisq; in locis ei favente, & speciatim Matth: 24. Sapient: 4. & Ioannis 10. ubi scriptura agit de speciali cura Dei erga prædestinatos. Favet etiam apertè, Paulus ad Rom: 9. ubi adducto exemplo de Jacob, & Esau, nostram Conclusionem apertè docet, teste Augustino, in Enchiridio, cap: 98. & lib: 2. ad Bonifac: cap. 7. his verbis: Cum, nondum nati fuissent (id est, Jacob & Esau) aut aliquid boni egissent, aut mali, ut secundum electionem propositum Dei maneret, non ex operibus, sed ex vocante. Dicitur est ei (id est Rebecca) Jacob dilexi, Esau autem odio habui.*

*Prob: Conclusio ratione Doctoris.* Omne agens à proposito (id est, ex prævia cognitione finis) priùs vult finem, quàm media ordinata ad eundem finem, sed in prædestinatione electorum Deus est agens à proposito, & gloria est finis electorum, & merita sunt media ad illam: ergo priùs vult Deus gloriam in intentione, quàm merita; & consequenter electio ad gloriam, non est ex prævisione meritorum intentione.

*Confirm: tum ex communi illo axioma, quod prius est in intentione, posterius est in executione; & è contra: sed in executione, gloria est posterior meritis: ergo in intentione, est prior illis; tum etiam, quia pro eodem signo prædestinavit Deus (excipe Christum) omnes quos efficaciter elegit ad gloriam, sed fide certum est, defacto aliquos esse prædestinatos ad gloriam independenter à meritis,*

puta parvulos, qui statim post baptismum moriuntur. Ergo & omnes.

*Acceptor* *Obijc:* Si conclusio esset vera, Deus esset  
*Personarū* acceptor personarum: ergo non est vera. R.  
*Deus non* negando antec: quia vitium acceptionis per-  
*est.* sonarum, in operibus puræ misericordiæ, in-  
 ter quæ numerari debet prædestinatio, locum  
 non habet.

*Obijc:* 2. Non haberet Deus verum, &  
 sincerum affectum salvandi Iudam, v. g. si il-  
 lum non elegisset efficaciter ad gloriā cum  
 Petro. aut si independenter à meritis utrius-  
 que, & demeritis prævisis, solum Petrum ele-  
 gisset, ergo in intentione illum sic non elegit.  
 R. 1. quod in contraria sententia, idem mo-  
 dus invenitur; nam quaro, quomodo Deus  
 sincerè dici possit velle salvare Iudam, cum  
 cum non elegit ad auxilia efficacia, & ad fina-  
 lem perseverantiam, ad quam ex mera sua  
 misericordia elegit Petrum. R. 2. distinguē-  
 do antec: sincerum affectum efficacem, con-  
 cedo antec: affectum inefficacem nego antec:  
 & consequentiam.

*Obijc:* 3. Decretum dandi gloriā, etiam  
 in intentione, respicit gloriā dandam per  
 modum coronæ, ac præmij: sed ratio coro-  
 næ & præmij dicit necessariò respectum ad  
 meritum: ergo non potest Deus efficaciter  
 velle dare gloriā, nisi prævisis prius meri-  
 tis. R. transeundo maj: & distingu: min:  
 ratio coronæ, & præmij dicit respectum ad  
 meritum formaliter, vel virtualiter, concedo  
 min: formaliter semper & in omni signo, ne-  
 go min: & consequ:

*Obijc:* 4. Si Conclusio esset vera, electus  
 ad

ad gloriam quantumvis flagitiosè per totam vitam viveret, & nil boni ageret, salvaretur; & è contra, reprobis non obstante quòd semper bene operaretur, damnaretur, sed utrùq; est absurdum. Ergo, &c.

*Hoc imperitorum commune argumentum, specialem in nostra sententia non habet difficultatem, quam in contraria non habet; nam certum est in illa etiam sententia, quod quidquid prævídít Deus absolutè futurũ in tempore, infallibiliter fiet: ergo si prævídít me dependenter à bonis meis operibus, (ut volunt adversarij) finaliter salvandum, infallibiliter salvabor. Unde ad object: g. disting: maj: salvaretur in intentione concedo maj: in executione nego maj: & distincta similiter min: nego consequentiam. Itaq; decretum in intentione de gloria danda, respicit subsequens decretum de conferenda illa in executione, dependenter tantum à meritis ipsius prævídínati.*

**A S S E R T I O X I.** Quãvis in sensu composito nec prævídínatus possit damnari, nec reprobis salvari, absolutè tamen, & in sensu diviso, contrarium fieri potest.

*Probatur 1. pars.* Quamvis paries albus simpliciter loquendo possit esse sine albedine, tamen in sensu composito albedinis de nulla potentia potest esse non albus: ergo nec prævídínatus, à paritate, in sensu composito prævídínationis, potest non esse talis.

*Probatur 2. pars.* Prævídínatus liberè elicit media necessariò ad suam prævídínationem: ergo simpliciter & absolutè potest damnari.

*Effectus  
prædesti-  
nationis.*

ASSERTIO XII. Donum finalis perseverantiae, & quidquid conducit ad illam, ac præsupponit merita, & ipsa collatio gratiæ, quibus accedit permissio peccati ex intentione efficaci pœnitentiæ, effectus sunt prædestinationis.

*Prob: Conclusio generaliter*; quidquid procedit ex motivo ac proposito salvandi finaliter electos, inter effectus prædestinationis numerari debet; atqui omnia jam numerata, *cooperantur in bonum his, qui secundum propositum sunt vocati*: ergo sunt effectus prædestinationis.

*Obijc:* Gratia interrupta per peccatum, qualis, quæ est bonum animæ, non potest esse à Deo volita; ergo non est effectus prædestinationis. *R.* negando consequ: nam ut sit effectus prædestinationis, sufficit quod sit secundum se, ut abstrahit ab interruptione illa, positivè à Deo volita, & permissivè volita, ut interrumpatur.

*Reprobationis causa.*

ASSERTIO XIII. Neminem Deus positivè reprobat, nisi peccato ejus finali absolute præviso. *Prob:* tum ex script: Osee 13. *Perditio tua ex te-Israel*, tum ex Aug: de bono persever: c. 8. *Qui liberatur, inquit, gratiam diligat, qui non liberatur, debitum agnoscat.* Tum etiam ratione; esset contra summam bonitatem divinam positivè velle pœnâ æternâ aliquem punire sine ulla culpa. ergo hoc non facit.

ASSERTIO XIV. Causa reprobationis positivæ, ex parte reprobi, non est peccatum originale præcisè, nec personale præcisè, sed alterutrum indifferenter, quatenus præ-



prævisum futurum, & non dimittendum.  
*Probatur 1. pars.* Multi damnantur propter  
solum originale, & multi post baptismum  
propter solum actuale: ergo neutrum præ-  
cisè est causa reprobationis.

*Probatur 2. pars.* Quodcumq; peccatum,  
ex illis sufficit, & multo magis utrumq; si-  
mul. ergo.

ASSERTIO X.V. Omnipotentia Dei, *Omnipo-*  
fide & ratione naturali probari potest. Non *tentia Dei.*  
distinguitur, nec quidem formaliter, à volun-  
tate divina.

*Probatur 1. pars.* tum ex script: Genes: 17.  
*Ego Deus omnipotens.* Sapient: 18. *Omnipotens*  
*sermo tuus.* tum etiam ratione, quia posse o-  
mnia factibilia (secluso peccato pro formali)  
facere, est perfectio sine imperfectione: ergo  
est tribuenda Deo.

*Probatur 2. pars.* tum ex scriptura tribu-  
enti voluntati omnia opera omnipotentiae.  
ad Ephesios 5. *Operatur omnia secundum con-*  
*silium voluntatis suae.* tum ex S. Leone serm: 2.  
de Nativ: *Deus*, inquit, *cujus natura bonitas,*  
*cujus voluntas potentia est;* tum etiam ratio-  
ne: non sunt multiplicandae entitates sine  
necessitate; sed nulla est necessitas dicendi  
omnipotentiam, aut potentiam Dei esse per-  
fectionem distinctam à voluntate ipsius; er-  
go hoc non debet dici.

## EPISTYLIUM PROBLEMATI CUM COLUMNÆ QVINTÆ.

*An numerus electorum excedat nume-*  
*rum reproborum.*



# COLVMNA VI.

## DE SS. TRINITATIS

### Mysterio.

*Trinitatis  
descriptio.*

**A**SSERTIO I. Datur Sanctissima Trinitas in divinis, consistens in tribus personis realiter inter se distinctis, & ejusdem numero divinæ naturæ. Est de fide quoad omnes partes.

*Probatur 1. pars.* Datur Pater, Filius, & Spiritus Sanctus, sed quilibet ex his est Deus, ut habetur Matth: ultimo, & in varijs alijs Scripturæ locis: ergo datur Trinitas. Quod verò realiter inter se distinguantur, probatur: in scriptura dicitur aliquid competere illis, quod reverà non possit illis convenire, nisi essent inter se realiter distinctæ; ergo debent esse sic distinctæ. Prob: antec: psal: 2. dicitur, quòd *Pater genuit filium*; & alibi dicitur, quòd *Spiritus Sanctus à Patre procedit*; sed eadē res non potest se ipsam generare, nec à se ipso procedere; ergo aliquid cōpetit personis, quod revera illis convenire nō posset, nisi essent inter se realiter distinctæ.

*Obijc:* *Quæ sunt eadem uni tertio, sunt eadē inter se*; sed Pater & Filius sunt eadem uni tertio: ergo & inter se. R. dist: maj: Sunt eadem inter se, eodem modo quo uni tertio, concedo maj: majori unitate, nego maj: & concessa min: nego consequ: Pater enim & Filius inter se sunt essentialiter tantum idem, sic

Sicut etiã sunt in uno tertio, non verò suppositaliter, quia inter se non sunt sic idem.

ASSERTIO II. Existencia hujus myſterij, seclufâ fide, nullâ ratione naturali evidenti probari potest. *Demonstrari non potest.* *Probatur:* tum ex communi consensu SS. PP. ac Doctorum omnium, si Lullum nostrum excipias; Tum, etiam, quia nullum est medium lumine naturali notum, à priori, aut à posteriori, quo hæc veritas evidenter ostendi potest, ergo ratione evidenti probari non potest. Prob: antec: Pater æternus nullam sui causam habet, & idem dic de Filio, & Spiritu sancto, loquendo de causa rigorosa, ergo à priori, seu per causam, myſterium hoc demonstrari non potest. Non etiam à posteriori per effectum, quia omnes effectus creati procedunt à Deo ut unus est, & non trinus, juxta illud vingaræ; *opera Trinitatis ad extra sunt indivisibilia;* ergo nec à priori, aut à posteriori demonstrari potest.

ASSERTIO III. Intellectus creatus, *Conveniente fide* formatus, potest invenire rationes, quibus convenientiam hujus myſterij efficaciter *ostenditur.* *Prob:* Quod de sua ratione formali est sufficiens principium productivum, illud in quocunq; est sine imperfectione, est principium productivum, sed intellectus habens objectum intelligibile actu sibi præsens, est ex ratione sua formali principium productivum Verbi: ergo ubicunq; est intellectus sic dispositus, erit productivus Verbi. Subsumo, sed in Deo est intellectus, qui & memoria fœcunda dicitur, habens objectum sibi præsens, essentiam scilicet divinam: ergo verè

verè producit notitiam genitam in Deo, & sic datur persona producens per intellectum, & persona producta, seu genita. Tali modo discurratur de voluntate respectu processionis Filij, & Conclusio habebit intentum. *Confirm:* Exemplo sensibilis ignis, in quo est Trinitas quædam, nam est ibi ignis, splendor, & lumen, quorum unum sine altero esse non potest: ergo inveniri possunt rationes, & congruentiæ, quibus hujus mysterij convenientia efficaciter ostendi potest.

*Obij:* Anima separata potest naturaliter videre visionem beatam, quæ est in anima alterius, ergo & objectum illius, quod est Deus unus, & trinus. *R:* distingu: antec: quoad esse absolutum quod dicit visio illa, transeat antec: quoad omnem omnino respectum; quæ dicit; nego antec: & disting: etiam consequ: Objectum primum, id est, essentiam divinam, transeat consequ: secundariam, quales sunt personæ; nego consequentiam.

*Constitutio personarum divinarum.*

ASSERTIO IV. In Deo tres tantum sunt personæ, quæ per se primò & formaliter constituuntur, & distinguuntur proprietatibus relativis.

1. Pars est de fide, & colligitur ex scriptura, quæ docet in divinis duas dari productiones, & unam personam improductam; sed hoc est probare, dari tantum tres personas: ergo dantur. probo maj: Psal: 2. *Filius meus es tu.* Joann: 5. *Ego ex Deo processi.* Item Joann: 6. *Paracletus qui à Patre procedit:* ergo Filius, & Spiritus Sanctus procedunt, & sic dantur duæ productiones.

*Probatur 2. ratione.* Principium productivum



vum habens terminum productum intensi-  
vè, & extensivè sibi adæquatum in uno sup-  
posito, non potest in illo, nec alio supposito  
habere alium terminum ejusdem rationis, sed  
intellectus divinus in supposito Patris habet  
terminum utroq; modo sibi adæquatum; Fi-  
lium nimirum æternum; ergo nullum alium  
terminum potest habere; maj: & conseq: sunt  
certa. Prob: min: generatio, seu productio  
per intellectum ad intra, in Deo (idem dic de  
productione per voluntatem) est de se *hæc nu-  
mero*; ergo implicat aliam ejusdem rationis  
in Deo reperiri. Prob: antec: si non esset de  
se *hæc*, deberet esse de se plurificabilis in plu-  
ra ejusdem rationis, & sic darentur innume-  
rabiles Filij, cum in divinis idem sit *posse*, &  
*esse*: sed hoc non est dicendum; ergo, sicut  
unica ratio cur non sunt plures Dij est, quia  
Deitas est de se *hæc numero*, ut omnes dicunt;  
ita unica ratio cur in Deo non sit nisi unica  
productio per intellectum, & una per volun-  
tatem est, quia utraq; est de se *Hæc*. & utri-  
usq; principium *quod*, & *quo*, est de se deter-  
minatum ad unicum ejusdem rationis termi-  
num, & per hoc patet solutio ad objectiones,  
quas speculativi hic opponere solent.

*Probatur 2. pars.* Ubicunq; de divinis perso-  
nis scriptura mentionem facit, eas exprimit  
nominibus relativis, ut patet Matth: ultimo.  
Joan: 5. & alibi sæpè. ergo signū est quod sen-  
tiant illas, relationibus constitui. Idem pro-  
batur ex symbolis Apostolorum, Nicæno, &  
S. Athanasij; nec non ex Toletano II. quod  
in initio Confessionis hæc habet: *Sancta Tri-  
nitas, nec recedit à numero, nec numero com-  
pre-*

prehenditur, in relationibus enim personarum cernitur numerus; idem habet Florentinum in decreto Vnionis: ergo personæ divinæ cōstituuntur proprietatibus relativis.

*Divina  
personæ  
per absolu-  
tū non cō-  
stituuntur.*

*Probatur 2. ratione.* Non sunt multiplicandæ entitates sine necessitate; sed nulla est necessitas in divinis admittendi absolutum formaliter constitutivum personarum, ergo non debet admitti. Prob: min: nil impedit, quò minùs tres divinæ personæ formaliter constituentur per ipsas tres relationes, quas dari fides docet. ergo sic constituuntur, & non per absolutum.

*Obijc: contra primam partem.* In Deo datur principium liberum agendi, nempe voluntas; ergo potest habere plures productiones per voluntatem. R. distingu: antec: liberum libertate essentiali, quæ coincidit cum voluntario, concedo antec: libertate accidentali seu contingentia (loquendo ad intra) nego antec: & consequentiam.

*Obijcies contra 2. partem.* Omnis relatio præsupponit extremum, quod per ipsam refertur; sed hoc esset falsum, nisi daretur aliquod constitutivum formaliter Patris, præter relationem. ergo datur. R. negando maj: præsertim quando ipsamet relatio est ratio constitutiva sui extremi, sicut in proposito est Paternitas. *Per hoc patet*, quòd Pater Paternitate, seu generatione activâ constituitur in Esse primæ personæ, quod & ulterius probatur, tum à paritate secundæ personæ, quæ Filiatione constituitur; tum etiam, quia innascibilitas vel improducibilitas, quæ soli primæ personæ convenit, ultra Paternitatē, non dicit

dicit niſi negationem producibilitatis, juxta Aug: quinto de Trinit: c. 6. *Cum, inquit, inge- nitum dicitur, non quid ſit, ſed quid non ſit oſtē- ditur*, ſed Pater non conſtituitur per negati- onem in eſſe perſonæ; ergo per ſolam Paterni- tatem conſtituitur.

ASSERTIO V. Præter annumeratas tres relativas proprietates conſtitutivas per- ſonarum, adhuc in divinis datur quarta rela- tio originis, nempe ſpiratio activa, Patri & Filio identificata realiter, & à ſpiratione paſ- ſiva realiter diſtincta. *In Divinis quatuor dantur Re- lationes o- riginis.*

*Probatur 1. pars.* Ad duas divinas proceſ- ſiones, quatuor relationes ſunt neceſſariæ: ergo dantur. Prob: antec: ad proceſſionem primam, per quam progreditur Filius à Pa- tre, requiruntur duæ relationes, Paternitatis ſcilicet, & Filiationis, & non plures; Item ad proceſſionē Spiritūs Sancti requiruntur tan- tū alia duæ relationes, ſpirationis nimi- rum activæ, & paſſivæ; ſed iſta ſunt quatuor tantū: ergo quatuor tantū dantur Rela- tiones originis. Nec ex hoc ſequitur, quòd in divinis detur vera quaternitas; quia talis exigit ut quodlibet ex quatuor, ab omnibus alijs, & ſingulis realiter diſtinguatur, quod in propoſito noſtro non habetur, nam ſpira- tio activa non diſtinguitur realiter à Patre, aut Filio.

*Probatur jam 2. pars Concluſionis.* Spiratio activa eſt componibilis cum Paternitate & Filiatione in ijsdem ſuppoſitis: ergo realiter ipsis identificatur: quod verò diſtinguatur realiter à ſpiratione paſſiva, probatur, cum quia ſunt directè & correlativè oppoſitæ ſibi;

tum etiam quia comparibiles non sunt in eodem supposito, seu persona; ergo realiter distinguuntur.

*Obijcies contra 1. partem.* Si daretur spiratio activa, deberet constituere personam Patris in esse Personæ: ergo non datur. R. negando antec: quia præsupponit personam illam jam constitutam per Paternitatem; & sic non constituit illam.

*Obijcies contra 2. partem.* Distinctio terminorum, arguit distinctionem relationum, sed generatio activa, & spiratio activa, habent distinctos realiter terminos, Filium, nimirum, & Spiritum Sanctum: ergo distinguuntur inter se realiter. R. distingu: maj: quando relationes distinguuntur realiter à fundamentis, concedo maj: quando non sic distinguuntur, nego maj: & concessa min: nego consequentiam.

*Proprietates notionales 9. sunt.*

ASSERTIO VI. In divinis novem assignari possunt proprietates notionales, & sunt sequentes, Paternitas, Filiatio, Spiratio activa, spiratio passiva, ingenitum, seu simpliciter improductum, inspirabilitas, improductibilitas, ingenerativitas, & ingenerabilitas. *Prob: Notio*, (à notificando dicitur) importat semper aliquid speciale in una persona, quod per aliam notionem non ita clarè, & distinctè innotescit, sed quælibet ex novem assignatis hoc præstat, ut patet discurrenti per illas: ergo quælibet est vera notio.

*Relationes divinae.*

ASSERTIO VII. Relationes divinæ in suo conceptu formalj, varias dicunt perfectiones: nullam tamen imperfectionem, aut perfectionem simpliciter simplicem.

*Pro-*



*Probatur 1. pars.* Perfectio entitativa, integralis, & convenientiæ ad naturam divinā, sunt perfectiones, & tamen certum est, quod tales convenient relationibus divinis: ergo & perfectiones.

*Pro Resolutione 2. partis.* Adverte perfectionem simpliciter simplicem, ab Anselmo cap: 9. Monot dici illam, quæ in quolibet habente illam, melior est ipsâ, quàm non ipsâ. Hujus descriptionis sensus est, quod perfectio simpliciter simplex sit, quæ in quolibet supposito, præcisè ut suppositum est, melior est ipsa, quàm omne secum incomponibile in eodem. Vel ut loquitur Pontius hic disp: 9. est illa, quæ est compossibilis ex ratione sua formali in eodem supposito, cum omni perfectione non includente imperfectionem, & talis est perfectio scientiæ divinæ, & attributorum, quæ sunt in quolibet supposito compatibilia, cum omnibus perfectionibus excludentibus omnem imperfectionem. Jam.

*Probatur 2. pars.* (de imperfectione non est difficultas) Perfectio simpliciter simplex est illa, quæ in quovis supposito entis, melior est quàm alia secum impossibilis; sed Filiatio divina, v. g. non est melior in uno quoque supposito, ut suppositum entis est, quàm Paternitas, quæ est cum illa incompatibilis; ergo Filiatio divina non est perfectio simpliciter simplex.

*Confirm:* Entitas perfecta perfectione simpliciter simplici, exigit ex ratione sua formali, identificare sibi omnem aliam perfectionem simpliciter simplicem, aliàs posset tali entitati deesse aliqua infinita perfectio simpliciter

*Descriptio  
perfectio-  
nis simpli-  
citer sim-  
plicitis.*

simplex, sed Paternitas v. g. non identificatur sibi Filiationem, ut Fides docet, ergo neutra est perfectio simpliciter simplex.

*Obijcies contra hanc partem.* Soli enti infinito convenit esse incomprehensibile; sed relationes originis sunt incomprehensibiles ab intellectu creato: ergo sunt entia infinita. *R.* distinguimur: Soli enti formaliter, vel idè- tice infinito transeat maj: formaliter tantum infinito, nego maj: & concessa minori, nego consequentiam.

*Obijcies 2.* Quodlibet ens est formaliter finitum, vel infinitum; ergo relatio divina, quæ est ens, debet esse infinita; cum non sit finita. *R.* negando antec: nam sicut ipsa finitas v. g. formaliter considerata, non est ens, nec non ens, sed potius differentia contrahens ens, licet bene realiter; sic nec quodlibet ens est formaliter infinitum, aut finitum, unde sufficit, quod sit ens realiter finitum, vel infinitum.

*Subsistentia  
absoluta  
admitti  
debet.*

ASSERTIO VIII. Admittenda est in Deo substantia etiam absoluta, communis tribus personis. *Probatur.* Per talem substantiam intelligimus substantiam communicabilem, per se existentem independentem ab omni alio subjecto, & supposito creato, & incommunicabilem omni realiter à se distincto, sed essentia divina ut præscindit à relationibus, & subsistentiis personalibus, est talis; ergo admitti debet substantia absoluta. Patres, & Concilia, ab adversariis citata, tantum volunt, & probant in Deo esse tres tantum substantias personales, & incommunicabiles; & in Christo non esse nisi unam substantiam

tiam

*Dè Sanctiss: Trinit: Mysterio. 69*

riam personalem, & incommunicabilem; quod & nos libenter fatemur, nam subsistentia absoluta, personam, quæ necessario incommunicabilis esse debet, non constituit.

ASSERTIO IX. Personæ divinæ ser- *Prioritas*  
vant inter se prioritatem originis, & una- *originis in*  
quæq; ex ipsis in altera est per circuminseffi- *ter perso-*  
onem. *Probatur 1. pars.* Una ex perso- *nas.*  
nis divinis procedit ab altera, ut Filius à Pa-  
tre, & Spiritus Sanctus ab utroq; ; ergo Pa-  
ter est prior origine Filio, & Filius Spiritu  
Sancto.

*Probatur 2. pars.* Circuminseffio est mu- *Vna Per-*  
tua quædam inexistencia unius personæ in- *sona in a-*  
alia; sed certum est, quòd tres personæ di- *lia est per*  
vinæ sint in se invicem mutuò, juxta illud *circumin-*  
Joannis 14. *Ego in Patre, & Pater in me est.* *seffionem.*  
& alterum illud Ambrosij; *In Patre totus fi-*  
*lius, & totus in Verbo Pater.* ergo per circum-  
inseffionem una persona in altera est,

*Obijcies.* Si Persona Filij esset in Patre, Pa-  
ter de nominaretur Filius; sed hoc non po-  
test dici; ergo una persona non est in alia.  
Prob: maj: Ideo Pater dicitur Pater, quia ha-  
bet relationem Paternitatis, ergo si in ipso est  
relatio Filij, poterit dici Filius. *Cur pater*  
maj: & probationis antec: nam non ideo præ- *non dica-*  
cisè, sed quia illa relatio est in Patre per mo- *tur filius.*  
dum formæ constituentis, & denominantis  
personam, quo modo relatio Filij non est in  
Patre; sed potius est per modum subsistentis  
in subsistente, per intimam præsentiam, sive  
informatione, aut alio simili modo.

*Principiū Quo, divi-*  
*narū per-*  
*sonarum.* ASSERTIO X. Essentia divina formā-  
 liter considerata, non est principiū quo for-  
 male, aut quod divinarum processionum, un-  
 de illarum principium quo formale & adæ-  
 quatum est intellectus, fœcundus, & volun-  
 tas fœcunda.

*Probatur 1. pars,* tum quia principium  
 quod debet realiter distingui à termino pro-  
 ducto; sed essentia divina, non distinguitur  
 sic à Filio, aut spiratione passivā: ergo non  
 est Principium *Quod* unius vel alterius: tum  
 etiā, si Essentia esset principium quo vel quod  
 processionum, non esset ratio, cur una esset  
 prior alterā; aut cur una processio sit ab u-  
 na persona, & altera à duabus: ergo non est  
 Principium *Quo*, aut *Quod*.

*Probatur 2. pars.* Tum quia in ente purē  
 spiritali, non aliter processio, quā per in-  
 tellectū vel voluntatē excogitari potest: ergo  
 intellectus & voluntas sunt principia *quo*, &  
*quod* illarum processionum: tum etiā, quia  
 filius egreditur à memoria fœcunda, sed hæc  
 non est alia, quā intellectus cum suo ob-  
 jecto primario, nempe Essentiā; ergo Intel-  
 lectus fœcundus erit principium *quo* Filij; &  
 hæc quidē loquendo de Intellectu in actu  
 primo, quia ipse intellectus sic consideratus  
 est sufficiens principium *quo* processionis filij.  
 Eodem modo discurre de voluntate fœcunda,  
 respectu spirationis passivæ: ergo intellectus  
 & voluntas sunt principia *Quo* Filij & Spiri-  
 tus sancti.

*Obijcies.* Patres dicunt Verbum procedere  
 à Patre, quatenus sapiens est; hoc est, actu in-  
 telligens; ergo intellectio essentialis erit  
 prin-



principium *Quo* Filij. R. distingu: anteced: quatenus sapiens est in actu primo, id est, bene inclinatus ad intelligendum, concedo antec: quatenus sapiens est in actu secundo, nego antec: & consequ: Vel aliter sic, distinguo antec: quatenus sapiens est concomitanter ad productionem Filij, conc: antec: in sensu re-duplicativo, nego antec: & consequ:

*Obijc: 2.* Principium, & Principiatum distinguuntur inter se realiter; sed intellectus fecundus non distinguitur realiter à Filio: ergo non est principium Filij. R. distingu: maj: principium quod, concedo maj: principium quo, nego maj: *Et si quæras*, quodnam sit principium *quod* generationis Filij. R. esse Paternitatem, seu generationem activam in Patre, sicut & principium *Quod* spirationis passivæ, est spiratio activa in Patre, & Filio, & ratio est: quia nil est in Patre, quod non cōmunicavit Filio, præter ipsam Paternitatē; ergo Paternitas est principium *Quod* generationis Filij.

ASSERTIO XI. Verbum divinum, *Verbū non procedit* non procedit ex cognitione personarum divinarum, aut ullius creaturæ etiam possibilis. *ex cognitione creaturarū.*

*Probatur 1. pars.* Impertinens est, cognitio Personarum ad generationem Verbi; imò implicat cognitio illarum ante generationem Verbi, ut patet ex dictis de Ideis. ergo verbū non procedit ex cognitione illarum.

*Probatur 2. pars.* Si nulla esset possibilis creatura, Verbū procederet eodē modo quo defacto: ergo præcognitio creaturarum, etiā possibilium, est impertinens ad productionē Verbi, consequentia est evidens. Prob: antec: seclusis per possibile vel impossibile omnibus

creaturis, adhuc intellectus fecundus haberet omnia requisita ad productionem verbi, ut per se patet; ergo verbum divinum non procedit ex cognitione creaturarum.

*Obicies.* Pater antequam producit Filium, habet omnem perfectionem simpliciter simplicem; sed cognitio creaturarum in Deo est talis, ergo præcessit in Patre productionem verbi. R. distingu: maj: secundum omne absolutum quod est in ipsa, omnemq; respectum ad essentialia *ad intra*, concedo maj: secundum omnem respectum ad objecta secundaria, maximè *ad extra*, qualis est respectus ad creaturas, nego maj: & concessa min: disting: similiter consequens.

*Pater non voluntate, sed volens generat.*

ASSERTIO XII. Pater æternus volens generat Filium, non tamen volitione, tanquam principio *quo*, aut *quod*.

*Probatur 1. pars*, tum autho: D. Hilarij in lib: de Synodib: *Eos, qui dicunt*, inquit, *quod neg, consilio, neg, voluntate Pater genuerit Filium, anathematizat sancta Ecclesia*; tum etiam quia per hoc aliud non denotatur, quàm quod Pater æternus in primo signo originis, priusquam intelligatur Filius productus, habet actum volendi essentialem, formaliter terminatum ad essentiam divinam, tanquam ad objectum primarium, & per se istius actus, sed hoc à nemine negari debet: ergo neque illud.

*Probatur 2. pars.* Quia ipsa memoriâ fecunda est sufficiens principium quo dictionis seu generationis: ergo voluntas non est principium *quo*, aut *quod* illius.

ASSERTIO XIII. Secunda Persona Trinitatis, dicitur Verbum, Filius, imago, & figura substantiæ Patris, ejusq; processio ideo dicitur generatio, & Spiritus Sancti non sic dicitur, quia illa est naturalis, & non voluntaria; hæc verò voluntaria & libera.

*Probatur 1. pars.* ex Scriptura & PP. frequenter secundam personam illis nominibus appellantibus. *Probatur 2. pars,* & simul etiam prima: illa sola productio debet dici ex conceptu suo, generatio; quæ ex natura sua est à principio agente per modum naturæ; sed talis est productio per intellectum, non autem productio per voluntatem, ut de se patet: ergo productio per intellectum merito dicitur generatio, Filius, & Verbum; & productio per voluntatem non.

*Quòd autem productio Spiritus Sancti sit etiã libera probatur;* est perfectè voluntaria, ergo & libera, antec: est certū, prob: consequentia, si quid obstaret, quò minus omne voluntariū posset dici liberum, maxime quia omne liberum deberet esse contingens; sed hoc est falsum, ut patet tum ex Aug: in Enchir: cap: 15. *Multò, inquit, liberius erit arbitrium, quod omnino non poterit servire peccato, quàm quod poterit.* Tum etiam ex Ansel: de lib: arb: c. 1. *Liberior est, inquit, voluntas, quæ à rectitudine non peccandi declinare nequit, quàm quæ illam possit deserere:* ergo omne voluntarium potest dici liberum: tum deniq; quia naturale, & liberum sunt differentiæ dividentes adæquatè agens, ut sic: ergo si voluntas divina liberè non produceret Spiritum Sanctum, naturaliter deberet illū producere; & sic pro-

cederet non *ut datus*, sed *ut natus*, & consequenter esset Filius.

*Obijc:* Voluntas divina in productione Spiritûs Saancti operatur cum determinatione ad unum: ergo non liberè, sed naturaliter operatur. *W.* negando consequentiam, quia, ad hoc ut dicatur agere liberè, libertate essentiali, sufficit ut agat eligibiliter, & ex perfecta cognitione finis.

*Ratio distinctiva  
secunde per  
sona à ter-  
tia.*

ASSERTIO XIV. Spiritus Sanctus procedit immediatè à Patre, & Filio; at si per impossibile à solo procederet Patre, adhuc distingueretur realiter à Filio.

*Prima pars est de fide*, definita in varijs Concilijs, ut patet ex varijs Scripturæ locis, Joann: 5. *Cum venerit, inquit Filius, Paracletus, quem ego mittam vobis à Patre.* & cap: 16. *Si abiero, mittam illum ad vos.* sed nulla persona dicitur mitti ab alia, nisi à qua procedit, ut docet August: de Trinit: c. 19. ergo cum Spiritus Sanctus à Patre & Filio mittitur, ab utroque simul procedit.

*Probatur 2. pars.* Per illud per quod aliquid constituitur formaliter in suo esse, distinguitur res illa à quocunq; alio simile esse non habente; sed Filius in esse personali constituitur Filiatione: ergo Filiatione distinguitur à quocunq; alio, adeoq; à Spiritu Sancto; & consequenter circumscripta per impossibile spiratione activà à Filio, adhuc distingueretur à Spiritu Sancto.

*Confirm:* Si per impossibile Pater non spiraret, adhuc intelligeremus Patrem Paternitate distinguì à Spiritu Sancto, ergo à paritate,



tate, esto Filius non spiraret, adhuc distingueretur à Spiritu Sancto per Filiationem.

*Obje:* In divinis omnia sunt unū, ubi non obviat relationis oppositio; sed si Spiritus Sanctus non procederet à Filio, inter illos non esset talis oppositio, ergo essent idem. R. concedendo maj: & distingu: min: Non esset oppositio correlativa propriè dicta, concedo min: oppositio realis & disparata, nego min: & consequentiam. Pater enim ut talis, realiter distinguitur à Spiritu Sancto, quamvis illi correlativè non opponatur, ergo & Filius ab illo distingueretur, quamvis non occurreret talis oppositio.

*Obje: 2.* Major perfectio est identitas, quàm distinctio, ubi non obviat relatio producentis, & producti; sed in casu nostro, non obviaret talis relatio, ergo in illo casu identitas est asserenda. R. neg: maj: quia sicut non est inajor perfectio, ubi obviat illa relatio, quia ibi est impossibile, & nullum impossibile potest esse perfectius; ita non erit major perfectio in casu nostro, in quo obviat aliquid, cum quo identitas illa est impossibile, nimirum in impossibilitas spirationis passivæ exeuntis à voluntate, & Filiationis seu generationis passivæ, exeuntis à memoria fecunda.

EPYSTILIUM PROBLEMATICUM  
COLUMNÆ SEXTÆ.

*An reprehendendus esset, qui ingeniosè  
Trinitatis Mystèrium demonstraret?*



## COLVMNA VII.

### De Angelis.

*Dari An-  
gelos fides  
probat.*

**A**SSERTIO I. Dari Angelos non ratio naturalis, sed fides evidenter probat. *Probatur 1. pars.* Effectus omnes qui de facto Angelis attribuuntur, possunt attribui Deo vel animæ separatae, ergo ex illis effectibus nequit quis probare evidenter existentiam Angelorum.

*Probatur 2. pars.* tum ex innumeris utriusque testamenti locis, in quibus de Angelis fit mentio: tum ex cap: *Firmiter*, in quo definitur, quod Deus ab initio temporis utramque de nihilo condidit naturam, spirituales & corporales, Angelicam & mundanam, ac denique humanam. ergo de fide est dari Angelos.

**A**SSERTIO II. Angeli creati sunt à Deo, in cælo sidereo, non ab æterno, sed in primo instanti temporis, simul cum cælo & terra. *Quod sint creati, prob:* tum ex script: Job: 1. psal: 118. *Ipsè mandavit, & creata sunt:* tum ex cap: *Firmiter*, jam citato.

*Quo loco  
sunt creati*

*Probatur etiam 2. pars.* tum quia creationi Angelorum commodior locus assignari non potest; tum etiam quia hæc dicendo facile, non solum textus ille Sacra Scripturae Isai: 14. de Lucifero loquens: *In cælum ascendam, similis ero altissimo.* sed & alia loca, in quibus de lapsu angelorum fit mentio, explicari poterunt: ergo in cælo sidereo creati sunt.

*Pro.*

*Probatur 3. pars.* tum ex cap: *Firmiter.* tum etiam ex scripti Proverb: 8. & Eccl: 24. quibus in locis dicitur, quòd sapientia incarnata fuerit ab æterno ante omnem creationem, & ante Angelos, sed hoc non esset verum, si essent creati ab æterno. Ergo non sunt.

*Probatur ultima pars.* tum ex cap: *Firmiter,* tum ex illo Eccl: 18. *Qui vixit in æternum, creabit omnia simul.* Job 4. *Ipse,* id est, Lucifer, *est initium viarum Dei,* id est, rerum creatarū; ergo simul cum cælo, & terra creati sunt.

ASSERTIO III Angeli sunt puri Spiritus, naturaliter indestruibiles, & physicè simplices. *Nature Angelice explicatio.*  
*1. pars probatur.* tum ex cap: *Firmiter;* tum ex Scriptura, quæ frequenter Angelos spiritus vocat; tum etiam ratione, quia Angeli sunt perfectiores homine, ut patet ex illo psal: 8. *minuisti eum paulò minus ab Angelis;* sed anima rationalis est purè spiritualis: ergo & Angelus.

*Probatur 2. pars.* Anima rationalis est ex natura sua (id est, exigit quantum est ex se, & respiciendo potentiam ordinariam Dei) indestruibilis, ut docet *Conc: Later: sess: 8.* ergo idem dicendum est de Angelo.

*Probatur 3. pars* sine ratione, & necessitate, diceretur, quòd Angeli essent physicè compositi ex materia prima, & formâ substantiali: ergo non sunt sic compositi, & consequenter erunt Physicè simplices. Patres qui docuerunt Angelos esse corporeos, non errarunt, contra fidem, quia tum controversia hæc non fuit definita; qui vero post *Later: Conc:* decisionem idem docent, meritò temeritatis notâ arguuntur,

*Obijcies contra primā partem.* Angeli Gen: 6. acceperunt sibi uxores, *videntes*, inquit Scriptura, *filij Dei filias hominum*, &c. sed hoc non facerent nisi essent corporei; ergo sunt corporei, & non spiritus. *℞.* negando maj: quia non de Angelis, sed de hominibus justis, qui ex stirpe Zeth descenderunt, loquitur ibi scriptura; vide nostrū Liranum in commentario supra illum locum.

*Obijc: contra ultimam partem.* Si Angeli carent compositione, essent simplices sicut est Deus: ergo non carent. *℞.* distingu: antec: compositione physicā, nego antec: metaphysica transeat antec: & nego consequentiam. componuntur enim metaphysicē, ex genere, differentia, natura, & suppositualitate ab ea realiter distincta.

*Angeli omnes ejusdem sunt speciei.*

ASSERTIO IV. Quamvis non repugnant diversæ speciei Angeli, omnes tamen defacto existentes ejusdem sunt speciei.

*Probaturs 1. pars.* quia in hoc nulla est repugnantia, ergo non repugnant.

*Probaturs 2. pars.* Nulla est necessitas multiplicandi species Angelorum; ergo omnes sunt ejusdem speciei. Consequentia est evidens, quia non sunt multiplicanda entia sine necessitate. *Probaturs antec:* quia nec pulchritudo universi, nec diversitas Hierarchiarum, contrarium suadent, quia mundo majorem pulchritudinem dare non debemus, quam ratio, vel autoritas dicat; & ejusdē speciei Angeli, juxta Dei ordinationem, diversas Hierarchias, id est, Respublicas sacras, constituere possunt, sicut ejusdem speciei homines, diversa habent officia, & dignitates.



ASSERTIO V. Intellectus Angelicus *Intellectus Angelicus* est ex natura sua discursivus, & ab humano specie distinctus. *Probatur 1. pars.* Est ab humana perfectionis in intellectu humano discurrere, *no specie inferendo notum ex ignoto, mediante discursu; ergo intellectui Angelico posse sic discurrere, negari non debet.* *distinguitur.*

*Probatur 2. pars.* tum quia intellectus humanus ex natura sua exigit pro aliquo statu, nempe viæ, dependentiam à phantasmatibus; Angelicus vero nunquam; ergo hic ab illo, specie distinguitur; Prob: consequentia: quotiescunq; unum connaturaliter aliquid exigit, quod ab altero non exigitur, illud debet specie distingui ab illo altero; ergo cum intellectus humanus aliquid exigit, quod ab Angelico non exigitur, distinguetur specie ab illo, tum etiam, quia Angelicus intellectus est perfectior humano, ut postea dicemus: ergo est specie diversus ab illo.

ASSERTIO VI. Angelus cognoscit, *Secreta cordium soli Deo nota.* aliqua possibilia futura, & præterita, secreta tamen cordis alterius, ipso invito, absq; revelatione cognoscere nequit. *Probatur 1. pars.* nos homines talia cognoscimus: ergo cognitio talium objectorum angelo negari non debet.

*Probatur 2. pars.* tum ex Script: 3. Regū 8. Joann: 12. psal: 7. quibus in locis dicitur, quod solus Deus sit scrutator cordium; ergo. tum etiam ratione, non debetur Angelis concursus Dei necessarius ad cognoscenda secreta cordis alterius, ut docent SS. PP. qui dicunt, certò cognoscere secreta cordis, certissimum esse divinitatis indicium. ergo non cognoscunt illa secreta.

*Possit Angelus cum concursu connaturali Dei cognoscere secreta cordis.*

*Potestas Angeli ad sui cognitionem.*

*At si Deus vellet* connaturaliter cum Angelo concurrere, certum mihi est, quod possit cognoscere secreta cordis, nam secretum illud, puta cogitatio actualis, est ens naturale, actu intelligibile, debite proportionatum, & applicatum intellectui angelico; ergo illud naturaliter possit cognoscere, si Deus cum illo connaturaliter vellet concurrere.

ASSERTIO VII. Potest Angelus se ipsum tam intuitivè, quàm abstractivè cognoscere, non tamen necessariò se sic cognoscit defacto.

*Probatur 1. pars.* Substantia Angelica est objectum intuitivè intelligibile, & proportionatum suo intellectui; ergo est intuitivè ab Angelo cognoscibile.

*Probatur 2. pars.* In tali abstractiva cognitione nulla est difficultas, ergo Angelo negari non debet.

*Probatur 3. pars.* Intellectus Angelicus est potentia subordinata voluntati ejus liberæ, taliter ut voluntate volente, ut maneat in consideratione alicujus objecti, debeat ad illud se convertere: sed hoc non esset verum, si necessariò se ipsum, aut alia omnia sibi præsentia cognoscere: ergo non cognoscit.

*Obijcies.* Angelus se ipsum semper intuitivè videt: ergo se nunquam abstractivè cognoscere potest. *W.* concedendo antec: & disting: consequens, defacto, concedo consequentiã, de potentia absoluta, nego consequentiam.

ASSERTIO VIII. Potest Angelus naturaliter videre visionem beatificam alterius, & existentiam aliorum actuum, & habituum supernaturalium. *Prob:* tum quia in hoc nulla est inconvenientia: tum quia

nos ipsi experimur actus nostros supernatu- *Potestas*  
 rales: ergo Angelus potest non solum ipsos *angeli in*  
 actus & habitus, sed etiam rationem super- *ordine ad*  
 naturalitatis in illis cognoscere: Prob: con- *alia obje-*  
 sequ: potest cognoscere, quod habitus natu- *cta.*  
 rales faciliunt ad operandum, & augeantur  
 per actus; & similiter videre, quod habitus  
 supernaturales, quos entitativè videt, nec au-  
 geantur, nec faciliunt; ergo potest rationa-  
 biliter inferre, quod sint infusi, & superna-  
 turales.

*Obje:* Non potest Angelus naturaliter pro-  
 ducere cognitionem supernaturalem, sed co-  
 gnitio qua cognosceret visionem beatificam;  
 v. g. esset supernaturalis, ergo Angelus non  
 potest naturaliter illā cognoscere. Prob: min:  
 haberetur dependenter à concursu principij  
 supernaturalis, nempe visionis beatificæ ob-  
 jectivè causantis illam cognitionem, sed co-  
 gnitio dependens causaliter à principio su-  
 pernaturali, est supernaturalis: ergo cog-  
 nitio illa esset supernaturalis. R. concedendo  
 maj: & negando min: & disting: ejus proba-  
 tionem, haberetur dependenter à concursu  
 principij supernaturalis, elevantis potentiam  
 ad actum, quem naturaliter elicere non po-  
 test, nego majorem: dependenter à concu-  
 rsu principij supernaturalis, non elevantis po-  
 tentiam, sed se tantum habentis per modum  
 objecti, concedo majorem, & distincta simi-  
 liter min: nego consequentiam.

ASSERTIO IX. Quamvis angeli pos-  
 sint inter se per signa aliqua supernaturalia  
 loqui; defacto tamen non sic loquuntur; nec  
 etiam per hoc, quod unus Angelus vellet al-

rerum intelligere conceptum suum de ea re ,  
de qua loquitur.

*Non lo-  
quuntur ,  
neq; per si-  
gna, neq;  
per voliti-  
onem in-  
telligendi  
conceptū  
alterius.*

*Probatur 1. pars.* Quia nulla potest offen-  
di implicantia in hoc , quòd sic possint loqui:  
ergo non est illis negandum.

*Probatur 2. pars.* Ut Angeli loquerentur  
per signa , deberet ab ipsis institui , quòd ta-  
lia signa , hæc, & illa significarent ; sed non  
possent ab Angelis sic institui, nisi alio aliquo  
modo possent sibi invicem significare , quòd  
velint illa instituire : ergo loquela ipsorum  
non bene universaliter defacto explicatur per  
talìa signa , prob: min: quia antequam insti-  
tuissent Angeli signa illa , aut dum deliberas-  
sent de eorum institutione , quæro per quid  
se mutuò intelligebant ? non per signa talia ,  
aliàs daretur processus in infinitum, ergo per  
aliquam aliam loquelam independentem à si-  
gnis.

*Probatur 3. pars.* tum quia sine om-  
ni fundamento dicitur , quòd voluntas u-  
nius Angeli, habeat vim determinativam in-  
tellectûs alterius , ad intelligendum conce-  
ptum illius Angeli , cuius est ipsa volitio ;  
tum maximè , quia si sic loquerentur , non  
possent inter se mentiri , sed hoc est falsum ,  
loquendo solum de malis Angelis , & etiam  
in statu viæ , loquendo de bonis , ergo non  
est dicendum : Prob: sequela maj: secun-  
dum Pontium , cuius est illa sententia , Deus  
producit speciem , & intellectiōnem conce-  
ptûs unius Angeli in intellectu alterius , aut  
saltem ipsam intellectiōnem ; sed Deus non  
producit speciem, nec concurrit ad intellectu-  
onem conceptûs , qui reverà non est , & con-  
sequenter Angelus nunquam potest mentiri ,  
quia

*Reijcitur  
Pontius.*



quia alter Angelus nunquam intelligit conceptum illius de aliqua re, quæ revera non sit. Confirm: sine necessitate recurritur ad Deum in tali casu. Ergo non est recurrendum.

ASSERTIO X. Unus Angelus alteri *Modus be-*  
loquitur, per hoc, quod Angelus loquens, me- *rus, quo*  
diante suo intellectu, producat in intellectu *Angeli sibi*  
audientis cognitionem sui conceptus, ut ab *loquuntur*  
eo procedentis de re aliqua. *Prob:* tum au-  
thorit: SS. PP. dicentium intellectum esse lin-  
guam Angelorum; tum quia modus ille ex-  
plicandi loquelam Angelorū est facilis, nam  
sicut potest Angelus producere intellectiōē  
sui conceptus de re aliqua, in se ipso, non vi- *Quomodo*  
deo, cur etiam non possit illam in intellectu *Angeli su-*  
alterius angeli, debite applicato, & non im- *periores*  
pedito producere, & hoc modo angeli supe- *illuminēt*  
riores illuminant inferiores, revelando illis *inferiores.*  
arcana, sibi solis à Deo antea revelata.

*Obijc:* Intellectus est potentia immanenter *Intellectus*  
agens: ergo non habent virtutem producti- *Angeli in-*  
vam talis conceptus. w. negando antec: vel *diget spe-*  
illud distinguendo, immanenter agens quoad *ciebus.*  
aliquos suos actus, concedo antec: quoad  
omnes, nego antec: & consequentiam.

ASSERTIO XI. Intellectus Angeli-  
cus indiget speciebus ad res non præsentes  
cognoscendas. *Probatur.* Intellectus An-  
gelicus non est causa adæquata intellectiōis,  
nam ad ipsam concurrir objectum, vel ali-  
quid supplens vices ipsius, sed ad cognitiōē  
rei absentis non concurrir ipsum objectum;  
ergo aliquid aliud supplens vices ejus concur-

rere debet; sed illud est species: ergo Angelus indiget speciebus ad intelligendum.

Dixi *non præsentes*, quia cum species *vica-*ria sit objecti, præsente objecto, non concurret cum intellectu Angelico ad cognitionem, quia talis concursus esset superfluous; ergo non est admittendus.

*Angeli nō habēt speciem universalem.* ASSERTIO XII. Angeli defacto non habent species universales, hoc est, speciem unam repræsentativam omnium, quāvis talem non repugnare putamus.

*Probatur 1. pars.* Species tales non producerentur ab objectis, quia non sunt nata aliter causare sui speciem, quā ut quodvis unā singularem producat: non etiam à Deo infunderentur, quia sine fundamento id diceretur. ergo non dantur.

*Probatur 2. pars.* In productione talium specierum nulla est repugnantia. ergo non repugnant.

ASSERTIO XIII. Angelus habet esse in loco per ubi spirituale in ipso subjectatū. *Prob:* à paritate corporis, quod in loco constituitur per ubi materiale: ergo & Angelus per ubi spirituale.

*Locus Angelorum qualis.* ASSERTIO XIV. Angelus habet determinatum locum quoad magnitudinem, sic ut maiorem occupare non possit. *Prob:* Si non haberet talem locum, esset immensus sicut Deus, sed hoc non est dicendum. ergo habet determinatum locum.

*Angelus assumit sed non informat corpus.* ASSERTIO XV. Potest se ipsum Angelus localiter movere, & assumere corpus, non tamen informando ipsum.

*Probatur 1. pars* Lucæ 10. *Vidi Sathan descen-*

*scendentem de calo* : sed non descenderet, nisi se posset movere ; ergo potest. Deinde in hoc nulla est inconvenientia.

*Probatur 2. pars.* tum ex exemplo Dæmonum, qui defacto sic assumunt corpora, illisq; mediantibus varias exercent operationes vitales ; tum etiam, quia id non est denegandum virtuti angelicæ.

*Probatur ultima pars.* Si Angelus informaret corpus, faceret cum illo unum per se ; sed hoc illi repugnat, quia est ens completum : ergo non informat illud.

ASSERTIO XVI. Angeli in primo instanti creationis suæ, receperunt à DEO gratiam sanctificantem, cujus collationem, pro illo instanti mereri poterant : sed non meruerunt.

*Gratia  
Angeli.*

*Probatur 1. pars.* Adam, ut docet Trident. Sess. 5. c. 1. conditus erat in gratia sanctificante : ergo & angelus, præsertim cum nulla sic ratio, ob quam collatio illius deberet differri.

*Probatur 2. pars.* Non implicabat, ut angelum elicerent aliquos actus bonos prius natura, quam infundebatur ipsis gratia sanctificans : ergo intuitu illorum actuum, potuit illis infundi talis gratia.

*Probatur 3. pars,* quia nec ratione, nec auctoritate constat, quod defacto meruerint illam gratiam : ergo non est dicendum, quod *In primo instanti* illam meruerint.

ASSERTIO XVII. Verisimilius est, quod defacto nullus Angelus peccavit in primo instanti creationis ; poterant tamen omnes, de absoluta potentia, pro illo instanti *re tamen* peccare.

*instanti*

*non pecca-*

*vit, pecca-*

*potuit An-*

*Pro-*  
*gelus.*

*Probatur 1. pars.* Omnes creati sunt pro illo instanti in gratia sanctificante: ergo pro instanti illo non peccârunt.

*Probatur 2. pars.* Omnia principia quæ habebant Angeli ad peccandum in secundo, vel tertio instanti, post creationem, habuerunt in primo; sed insequentibus illis instantibus poterant peccare, secundum omnes: ergo & in primo. prob: maj: nullum proximum principium habuerunt ad peccandum pro secundo, & tertio instanti, nisi voluntatem liberâ; cognitionem mali, & concursum generalem Dei; sed hæc omnia habuerunt pro primo instanti: ergo pro primo instanti poterant peccare.

*Primum  
Angeli pec-  
catum.*

**ASSERTIO XVIII.** Peccavit Angelus varijs modis; primum tamen peccatum ipsius non fuit probabiliter loquendo superbia proprie dicta, sed amor inordinatus sui.

*Probatur prima pars.* Diabolus inordinatè concupivit unionem hypostaticâ, & beatitudinem supernaturalem; item inordinatè appetijt superioritatem super alias creaturas, & se æqualem esse cum Deo, ut Theologi fatentur communiter: sed ista sunt peccata diversa. Ergo Angelus diversimodè peccavit.

*Probatur 2. pars,* quamvis poterat peccato superbiæ primo peccasse, tamen verisimilius est, quod fuerit magis propensus ad inordinatum amorem sui, quam ad aliud malum; ergo prius illo amore peccavit, quàm alio.

*Confirm:* Amor ille optimè assignari posset pro radice superbiæ: ergo si ulla est prioritas inter superbiam & hunc amorem, potius dicendum est hanc fuisse priorem, quàm illam.

*Obj.*



*Obijcies illud Ecclesi: 10. Initium omnis peccati est superbia. Tobia: 4. In superbia initium sumpsit omnis perditio: ergo superbia, & non amor ille fuit primum Angeli peccatum.*

*R. loca illa intelligi de superbia radicali, amore scilicet illo inordinato sui, qui est ordinariè causa, ob quam quis incidit in superbiam formalem; & per hoc patet ad alias objectiones, quas hic multi adducunt.*

ASSERTIO XIX. Peccatum *Luciferi* fuit alijs occasio peccandi. Ex novem *Angelorum* ordinibus angelorū aliqui tantum lapsi sunt, *Lucifer.* & perierunt.


*1. Pars patet ex Apoc: 12. ubi dicitur, quod cauda Draconis (id est Luciferi) traxerit secundam tertiam partem stellarum, sed hoc non esset verum, nisi Lucifer seduxisset alios: ergo seduxit. Probatur 2. pars. quia certum est ex novem Angelorum ordinibus, aliquos jam esse beatos; ergo nullus integer ordo ex ipsis cecidit.*

ASSERTIO XX. Dantur Angeli *Custodes* hominum. & ex quolibet ordine ad custodiam *hominum.* aliqui mittuntur. *Hec est cert. 2. de fide, quoad primam partem, ex script: psal. 90. Angelis suis mandavit de te, ut custodiant te, &c. & Matth: 18. 2. etiam pars patet ex communi consensu PP. ac Doctorum, quorum autoritate potius quam evidenti ulla ratione probatur.*

## EPISTYLIUM PROBLEMATICUM COLUMNÆ SEPTIMÆ.

*An in sedē nobilissimi quondā Archangeli Luciferi, Seraphicus Franciscus sit sublimatus?*

CO-



## COLVMNA VIII.

*De opere sex Dierum, statu Innocentie, ac Beatitudine supernaturali.*

*Proprie dictæ dies creationis.*

**A**SSERTIO I. Labore sex dierum proprie dictorum Orbis universus creatus est. Probatur, tum ex scriptis Genes: I. & Exod: 20. tum etiam, quia sine fundamento allegoricè pro cognitionibus matutinis, & vespertinis, dies illi explicantur. ergo non debent sic explicari.

*Obijc:* Illud Eccl: 18. *Qui vivit in æternum, creabit omnia simul:* sed non esset verum, quòd omnia simul crearet, si loca illa scripturæ intelligi deberent de sex diebus proprie dictis: ergo non debent sic intelligi. *R.* Iy *simul* ibi, sicut in cap: *Firmiter*, non denotare simultatem temporis, sed potius rei, hoc est dicere, quòd Deus tam unā, quàm omnia creavit, quod non est ad rem.

*Opus primæ & secundæ diei.*

**A**SSERTIO II. Opus primæ diei sunt coelum, terra, aqua, lux sensibilis, & materialis: secundæ verò diei, Firmamentum dividens aquas veras elementares, quas supra se tenet, ab aquis hisce inferioribus. *Hæc assertio* quoad omnes partes colligitur expressè ex genesi, præterquàm quòd expressè non dicat, lucem factam primâ die esse sensibilem, & materialem, & aquas supra firmamentum esse elementares.

*Prob:*

*De opere 6. dierū, staty Innoc: &c. 89*

*Prob:* Conclusio de luce; tum ex communi consensu SS. PP. sic sentientium: tum etiam, quia hoc dicendo, verba scripturæ propriè accipientur, prout sonant. ergo debet sic dici:

*Dices*, die quartâ fecit Deus luminaria magna: ergo malè dicimus lucem factam primâ die, fuisse veram lucis qualitatem. *℞.* negando consequentiam, quia lux illa fuit, vera illuminatio hujus nostri Hemisphærij, facta à Sole creato etiam illa die in altero hemisphærio, & movente se ad hoc nostrum.

*Dices 2.* Solē & lunam fuisse creatos quartâ die, ut habetur Genes: 1. v. 19. ergo. *℞.* negando antec: nam simul cum alijs corporibus cœlestibus creati sunt quoad substantiam; & quartâ die quoad augmentum luminis majoris tantum, quod sufficit ad satisfaciendum Scripturæ loco, ab adversarijs adducto.

*Probatur etiam Conclusio de aquis*, quia sine fundamento asseritur, quòd non sint veræ elementares aquæ; sunt enim aquæ nubium, & aliarum similium impressionū, quæ quandoq; decidunt ad partes has inferiores; ergo sunt veræ aquæ.

ASSERTIO III. Tertia die congregavit Deus aquas in locum unum, ministerio *Opus tertia diei.* fortè Angelorum, vel per infinitam suam, omnipotentiam, concavitatem magnam in visceribus faciendo; in quam virtute divina, vel naturali propensione aquarum ad descendendum, aquæ statim confluxerunt: Hac die etiam plantas, & herbas, nec non vegetabilia alia in debita magnitudine, & multitudine sufficienti producta sunt, & consequen-

quenter Paradisus herbis, & plantis ornatus est. Hæc quoad omnes partes est communis, & patet ex Scriptura supra citata.

*Opus quarta, quinta & sexta diei.* ASSERTIO IV. Quartâ die præter augmentū luminis in sole, luna & stellis productum, nil singulare invenio factum. Pisces, & aves, in varietate, & multitudine magnâ quintâ die, & simul cum Proto-Parentibus nostris, reliqua animantia sextâ die creata sunt. *Hec etiam quoad omnes partes habetur* expressè in Scriptura. Unde de Proto-parentibus nostris, hæc subsequētia obiter noranda sunt.

*Proto-parentes à solo Deo producti sunt. Eva ex vera costa.* I. Ipsum Deum, sine ullo Angelorum ministerio illos produxisse; Adamum quidem ex limo loci illius, in quo creatus est: qui limus terra fuit rubra, seu rufa, teste Josepho. Evam verò ex vera Adami costa, quæ costa sine ulla inconvenientia potuit esse à Deo studio producta in Adamo, ad formandum ex ea corpus Evæ; & sic ex illius absentia in Adamo non fuit defectus corporalis.

*Statura pulchra & proportionata protoparentū* II. Quod statura utriusq; fuerit valde proportionata, & accommodata ad actiones tam corporis, quàm animæ exercendas, sicut ordinariè solet esse statura hominum, anno 34. ætatis eorum.

III. Utrūq; fuisse creatum cum magna pulchritudine, ac dispositione corporum.

IV. Adamum sine controversia fuisse rufum, ut docet Josephus lib: 1. Antiquitatum c. 4. *Et ratio est, quia color ille in se pulcher est, temperate complexionis indicium, & in scriptura, præ alijs coloribus sæpè laudatus; ergo Adamo à Deo creato tribuendus est. Tum denique,*  
quia



*De opere sex dier: statu Innoc: &c. 92*

quia sicut Adam cuncta animalia nominibus illis convenientibus vocavit, sic etiam credendum est Deum illum nominasse, nomine illi convenienti, sed vocavit illum Adam, quod latine, teste Josepho, significat rufum. Ergo fuit rufus.

*Quod dico de Adamo, idem de Christo Do-* *Non solū*  
*mino sentio, ob has rationes. Primo Chri-* *Adamus,*  
*stus, qui secundus Adam est, fuit præfigura-* *sed etiam*  
*tus in proto-parente Adamo, & in Davide, Christus*  
*qui, sine controversia, rufus erat: ergo cum* *rufus erat.*  
nullam in Christo arguat imperfectionem, tenendum est, quod fuerit rufus, & sic perfectius appareat figuræ veritas. Secundò credendum est, Deum, qui se solo primum hominem creavit, inter alias perfectiones, optimum illi tribuisse colorem; sed ut jam ostendi, tribuit ei colorem rufum, ergo color ille optimus est & præferendus alijs coloribus; Subsumo, sed præstantior color Christo Domino, qui *speciosus fuit præ filijs hominum*, simul cum alijs perfectionibus corporalibus tribuendus est: ergo & rufedo. Tertiò, experientià constat, rufos ordinariè ingeniosos esse, suaves, misericordes, magnanimos, fideles, & mites; sed perfectiones illæ in Christo maximè eminebant: ergo fuit rufus.

*Reprehendendi* ergo sunt pictores (nisi dicas illis licere æquè ac Poëtis fingere) qui proditorem illum Judam, in notam ignominie, rufum pingunt, cum deberet potius pingi niger, sicut dæmon, nam si perversitas animi ex ullo colore rectè colligitur (quod non credo, nam boni & mali rufi, castanei & nigri inveniuntur) saltem ex rufedine, in Scrip-  
ptura

ptura toties laudata, non colligitur; unde vulgare illud adagium, *à nigro, calvo, & bleſo, libera me Domine quaſo.* ruforum mentionem non facit.

*Autor ſuorum parentum mentionē facit.*

Nec juvat dicere, me hic pro mea agere domo; nam ex 27. filijs, & filiabus, quos cariffima mea Domina Mater, Margarita nata de Mollonij, cum dilecto meo Domino Parente, Milero Bruodino (uſq; ad Crumvelis Tyrannidem, hæreditario jure hæc in Tuomonia poſſederunt Bona, *Balliogan, Drum-bannuſ, Cluonàvillen, Cnoknamuki, & Boliduſ;* quorum hic facio mentionem, ut ſic optimis meis Parentibus, *quorum memoria in benedictione eſt*, pro tot acceptis beneficijs, filialis mei affectûs indicium aliquod rependere videar) habuit; nullus fuit in capillis rufus; licet bene in barba, prout ego ſum; ſic non gratiâ mei, ſed gratiâ potiùs veritatis indagandæ hæc ſcribo.

*Dices cum P. Bonaventura Bruodino* (Patruelis meus eſt, qui per duodecim continuos annos, ex quibus per ſeptem annos in celeberrimo hoc Nivenſi Conventu habitavit, & etiam docuit, in nominatiſſimo Eminentiffimi Principis Cardinalis ab Harrach Pragenſi Seminario, ſumma cum laude, primò Philoſophicam, & poſteà primariam Theologicam Cathedram rexit) Protoparentem poſt lapſū fuiſſe primò à Deo ſibi offenſo, Adam ſeu ruſum in ſignum diſplacentiæ, vocatum; ergo non debemus ignominiam illam Chriſto tribuere, qui Patrem nunquam offendit, ut eum dicamus ruſum. *Contra*, in Scriptura Genef. 2. v. 19. 20. & 21. primus parens nomi-

*Rejicitur  
Bruodinus  
junior.*

natur

natur Adam, & hoc antequam peccavit: ergo falsum est, quod in signum offensionis divinæ, post peccatum primò fuerit Adam vocatus. Alia quæ ipse contra hanc meam assertionē in suo tractatu de opere sex dierum, habet, non adduco, quia reverà nihil concludunt, & tractatus ipse adhuc lucem publicam non vidit.

ASSERTIO V. Paradisus defacto existit, lignum vitæ, moralem tantum virtutem causandi talem effectum habuit.

*Probatur 1. pars.* tum ex communi consensu SS. PP. tum ex script: quæ docet Eliam & Enoch fuisse illos translatos.

*Probatur 2. pars.* Non est potior ratio, cur Sacramentis negatur, in probabili sententia, physica virtus causandi gratiam, quam lignis vitæ, ac scientiæ boni, & mali, physica virtus causandi illos effectus: ergo non physice, sed moraliter illos causant.

ASSERTIO VI. Status Innocentiæ compatibilis erat cum peccato mortali. In eo parentes prius venialiter quàm mortaliter peccare potuerunt.

*Probatur 1. par.* Quamvis Charitas, quæ maxima perfectio erat illius status, per quodcunque peccatum mortale tolleretur, adhuc quoad reliquas perfectiones posset status ille manere, præsertim quoad subjectionem partis sensitivæ ad rationem, & immortalitatem, si ab esu pomi vetiti abstinerent: ergo aliud aliquod mortale peccatum distinctum ab esu pomi potuit absolutè esse compatibile, cum statu innocentie.

*Probatur 2. pars.* Non est potior ratio, cur prius

*Paradisus de facto existit. Lignum vitæ moralem tantum habuit virtutem.*

*Compatibilitas status Innocentiæ cū peccato.*

prius potuisset Adam peccare mortaliter, quàm venialiter; sed defacto peccavit prius mortaliter: ergo potuit peccare venialiter.

**Peccatum** *Obijcies contra hoc, peccatum veniale tol-*  
*primū eo-* leret statum innocentiae, & summam ejus re-  
*rū poterat* ctitudinem: ergo esset mortale in illo statu.  
*esse venia-* R. negando antec: nam nil nisi negationem  
*le.* fui, quæ est pars aliqua innocentiae, & recti-  
 tudinis tolleretur.

**Dona que** ASSERTIO VII. Adam in primo in-  
*accepit A-* stanti suæ creationis, præter virtutes mora-  
*dā in cre-* les, & gratiam sanctificantem, recepit fidem,  
*atione.* spem, & charitatem. *Prima pars* de vir-  
 tutibus & scientijs naturalibus colligitur ex-  
 pressè ex Ecclesi: 17. *Cor dedit illis excogitandi:*  
*Et disciplina intellectus replevit illos: creavit*  
*illis scientiam spiritus; Et sensus complevit cor-*  
*da eorum, &c.* De gratia sanctificante dubi-  
 tare non possumus post Trident: sess: 5. cap: 1.  
 ubi habetur: *quod Adam per peccatum justiti-*  
*am, Et sanctitatem amisit, in qua à Deo erat*  
*conditus.* De virtutibus tribus Theologicis,  
 quod nimirum illas habuerit, *probatur*, à pa-  
 ritate donorum naturalium, & gratiæ justifi-  
 cantis Adæ pro illo instanti concessorum.

**Justitia** ASSERTIO VIII. Omnes posteri Adæ  
*originalis* durante statu Innocentiæ, haberent justitiā  
*statu Inno* originalem; non confirmarentur tamen in-  
*centiæ du-* gratia, antequam vincerent primam tenta-  
*rante, du* tionem. *Probatur 1. pars.* Haberent im-  
*raret.* mortalitatem, virtutes morales infusas, ac  
 scientias naturales, gratiam sanctificantem,  
 Fidem, Spem, & Charitatem, alias (loquen-  
 do de his ultimis donis) non essent Filij Dei,  
 nec consequenter innocentes, quoad omnem  
 perfe-



perfectiorem illius statûs, sed in his consistit  
justitia originalis: ergo haberent justiciam  
originalem.

*Probatur 2. pars.* Ipse Adam non erat con- *Quando*  
firmatus in gratia, ut patet ex ipsius lapsu, sed *existantes*  
descendentes ex illo non deberent habere *in statu In*  
meliorem conditionem, quàm ille habuit: *nocentia*  
ergo non statim confirmarentur in gratia. *fuisse cõ-*

*Probatur ultima pars, secundum Ansel: l. 1. firmati in*  
Cur Deus homo. Si ipse Adam vicisset primâ *gratia?*  
tentationem, fuisset confirmatus in gratia:  
ergo si perseverâisset ille status, descendentes  
ex illo statim ac vicissent primam tentatio-  
nem, confirmarentur in gratia.

ASSERTIO IX. Beatitudo formalis *Subiectum*  
subiectatur immediatè in potentijs animæ *Beatitudi-*  
rationalis; Ejus objectum formale est ipse *nis forma-*  
Deus. *Probatur 1. pars.* Beatitudo for- *lis ejusq;*  
malis non distinguitur à visione & fruitione; *objectum.*  
sed hæ subiectantur in potentijs animæ, ut  
anteà diximus; ergo & Beatitudo formalis:

*Probatur 2. pars.* Objectum beatitudinis  
est illud, quo perfectissimè quietantur poten-  
tiæ rationalis animæ; sed solâ visione & frui-  
tione DEI, satiantur prædictæ potentiæ: er-  
go Deus est objectum Beatitudinis formalis.

*Obicies.* P. cuncta omnia obediunt; ergo  
erit objectum beatitudinis formalis. R. ne-  
gando consequent: quia locus ille intelligen-  
dus est de hisce transitorijs, & venalibus re-  
bus, non vero de æterna felicitate.

ASSERTIO X. Beatitudo formalis *In quo cõ-*  
animæ, principalius consistit in fruitione, *sistat Bea-*  
quàm in visione beatifica. *Prob: ex August: titudo a-*  
de Doct: Christ: cap: 6. Summa, inquit, mer- *nima.*

*ces est, ut ipso fruamur*; sed beatitudo est summa merces laborum nostrorum, ergo consistit magis principaliter in fruitione, seu amore amicitiae, quam in visione.

*Confirm*: tum quia operatio voluntatis, qualis est fruitio, magis commendatur in scriptura, quam operatio intellectus, ut patet ex illo Pauli, *si linguis hominum loquar, &c.* tum etiam, quia perfectissima beatitudo consistit in operatione perfectissimae potentiae, sed voluntas est perfectior intellectu, ut probavi in libris de anima; ergo in operatione illius consistet principaliter beatitudo.

Dixi *principaliter*, quia certum est, quod intellectus jungatur Deo per visionem, & consequenter quod visio illa extensive perfectionem formalem beatitudinis ingrediatur, & hoc est quod fortè volunt Thomistae, nec aliud probant ipsorum objectiones.

*Obijc*: Summa miseria consistit in poena damni, quae nil aliud est, quam privatio visionis beatificae; ergo ipsa visio, & non fruitio, est summa, & principalis beatitudo. *R.* negando antec: pro secunda parte, quia consummata illa miseria, in utriusque actus. visionis scilicet, & amoris, privatione consistit; & quidem ultimare in privatione fruitionis, quia simpliciter pejus est Deum odire, seu non amare, quam non videre.

*Appetitus  
viatoris  
ad Beati-  
tudinem.*

ASSERTIO XI. Beatitudinem appetit viator necessario, appetitu innato, non vero appetitu elicito.

*Prob*: Non potest voluntas non appetere suam perfectionem, seu non habere inclinationem naturalem ad illam; sed appetitus innatus, in tali inclinatione

tione

tione consistit. ergo voluntas necessariò, appetitu innato, appetit Beatitudinem. *Ex hoc patet*, quod appetitu innato, etiam Demones beatitudinem appetant.

*Probatur 2. pars.* Voluntas creata circa, quodcunq; objectum suum, est taliter libera, etiam libertate contradictionis, ut nisi extrinsecè impediatur, possit re ipsà convertere se, vel avertere à quocunq; objecto, ad quodcunq; aliud sibi sufficienter applicatum: ergo in statu viæ proposità sibi beatitudine, per nudam apprehensionem objecti, potest se ab illa avertere, & consequenter appetitu elicitò non necessariò illam appetit.

*Obijcies contra hanc partem.* Voluntas non potest non velle illud, in quo nullus est defectus boni, nec mali ratio; sed in fine ultimo nullus est defectus boni, nec ratio mali; ergo non potest voluntas non velle istum finem. *Res.* negando maj: nam supposita quacunq; apprehensione, potest voluntas suspendere omnem suum actum, ut postea dicemus.

ASSERTIO XII. Voluntas beati non physicè, sed moraliter necessitatur ad amandum Deum clarè visum.

*Probatur 1. pars.* Eadem est entitas & natura voluntatis in via, & in patria; sed in via Beati non necessitatur physicè ad amandum Deum, taliter tamen sub ratione omnis boni propositum: ergo nec in Patria. *Voluntas taliter tamen necessitatur ad*

*Probatur 2. pars.* Objecta delectabilia in hac vita, ita moraliter necessitant voluntatem ad ea amanda, ut sine gratia particulari, non possit non amare illa, non obstante periculo incurrendi damnationem eternam,

ut patet experientia : sed certum est, Deum esse magis delectabilem videnti ipsum clarè, quàm sint illa quomodocunq; percepta : ergo moraliter necessitat voluntatem ad amandum illum.

*Perpetuitas beatitudinis.*

ASSERTIO XIII. Beatitudo formælis perpetua est à parte post : de ejus tamen essentia nec perpetuitas est, nec securitas, nec gaudium, quamvis ad perfectionem ejus extrinsecam spectent.

1. *Pars* est definita contra Begardos. *Probat*ur 2. *pars*, & simul etiam alie. Duratio de nullius rei permanentis est intrinsecâ ratione, nam res quævis talis post sui existentiam, potest statim divinitus annihilari, sed hoc non esset verum, si perpetuitas esset de essentia Beatitudinis. Ergo non est. Eadem ratione probatur, quòd securitas, quæ semper respicit perpetuitatem, non sit de perfectione intrinseca beatitudinis. De gaudio non est magna difficultas, quia præsupponit beatitudinem : ergo non est de illius essentia.

## EPYSTILIUM PROBLEMATICUM COLUMNÆ OCTAVÆ.

*An si perseverasset Status Innocentia, electi jam ex reprobis nati, nascerentur?*





## COLVMNA IX.

## De Actibus humanis.

**A**SSERTIO I. Voluntarium est actus *Definitio*  
 quo ab intrinseco potentia appetitiva, *Voluntarij.*  
 fertur in objectum præviâ cognitione. Hoc  
 modo, etiam bruta agunt.

*Probatur 1. pars.* quia sufficienter, & bene  
 declarat naturâ definiti: ergo est bona. Pro-  
 batur antec: illud explicando. per ly *actus*  
*quo ab intrinseco*, convenit cum omni actu vi-  
 tali. Per ly *potentia appetitiva*, excluduntur  
 operationes intellectûs quâ tales; ly *præviâ*  
*cognitione*, additur claritatis potius, quàm  
 necessitatis gratiâ, ad denotandum, quòd vo-  
 luntariû debeat necessariò esse ex præviâ co-  
 gnitione illius, qui actum elicit.

*Probatur 2. pars.* (de Deo, Angelis & ho- *Volunta-*  
 minibus non est difficultas) bruta spontaneè *riè etiam*  
 agunt: ergo & voluntariè. Deinde certum, *bruta a-*  
 experienciâ est, bruta agere ex præviâ cogni- *gunt.*  
 tione finis, ut patet in canibus, felibus, & hu-  
 jusmodi alijs animalibus, quæ latratu, pedû  
 extensione cibum petunt, ergo & volunta-  
 riè.

*Obijcies contra primam partem.* Nostri de-  
 scriptio non convenit purè omissioni liberæ;  
 ergo non est bona. Prob: antec: Omissio illa  
 non est actus, sed voluntarium est actus. er-  
 go. R. negando antec: & distingu: ejus pro-  
 bationis maj: non est actus positivus concedo  
 maj: non est actus interpretativus, id est, ali-

quid æquivalens actui positivo in ordine ad prosequendum, vel fugiendum liberè objectum, nego maj: & consequentiam.

*Qualis divisio voluntarij in liberum & necessarium.*

ASSERTIO II. Divisio voluntarij in liberum, & necessarium est tantum subjecti in accidentia. Datur in nobis libertas etiam in ordine ad actus conducentes ad vitam æternam; ratione licet naturali, saltem quâ talis est indemonstrabilis.

*Probatur 1. pars.* Idem voluntatis actus est indifferens ut sit liber, vel necessarius, imò de libero in necessarium potest transire, ut postea dicam, sed neutrum esset verum, si liberum & necessarium specie physicâ inter se realiter distinguerentur, ergo non distinguuntur, & consequenter illa divisio erit subjecti in accidentia tantum.

*Probatur 2. pars.* tum ex Apost: ad Cor: 5. *Non habens necessitatem, potestatem autem habens sue voluntatis:* tum etiam, quia in nobis datur potentia, quæ positis omnibus prærequisitis ad agendum, potest agere & non agere; sed nomine liberi arbitrij talem intelligimus: ergo talis in nobis datur.

*Confirm:* tum experientiâ, quâ etiam Lutheranus sibi conscius est, se liberè observare aliqua Dei præcepta: aliàs omnes Lutherani essent fures. *tum etiam,* potest quis liberè legere librum aliquem, & non legere (successivè loquor) ergo possit hoc facere, quamvis à Deo esset præceptum, sed tunc eliceret actum meritoriè conducentem ad vitam æternam:

*Libertas ergo talis actus liberè elici potest.*  
*hac indemonstrabilis est.* *Probatur ultima pars.* Ipsa vita æterna est naturaliter indemonstrabilis: ergo indemonstrabilis est.

strabile est, quòd in nobis detur libertas in ordine ad actus conducentes ad vitam æternam.

ASSERTIO III. Actus dicitur produci liberè, denominatione extrinseca proveniente à potentia, potente, positis omnibus prærequisitis ad actionem, effectivè eam ponere, vel non ponere. *Probatur.* Actus liber per hoc solùm distinguitur à necessario, quòd liber actionem talis potentix terminet: ergo dicitur liber denominatione desumpta ab illa terminatione.

*Vnde allegatur liber.*

*Obijc:* Manente actione ejusdem rationis in voluntate, actus fit de libero necessarius, & è contra; ergo non à terminatione actionis habet actus, quòd sit liber. *Prob:* antec: quànò DEUS necessitaret voluntarè ad conservandum actum jam productum, ut potest, transfiret tunc actus de libero in necessarium, & tamen actio esset ejusdem rationis, quia principium & terminus illius, id est voluntas, & actus ejusdem, essent ejusdem rationis semper: ergo non à terminatione actionis potentix actus dicitur liber. *R:* negando antec: & distingu: consequens: à terminatione actionis præcisè concedo consequentiã; actionis potentix potentis. actum ponere, & non ponere, conservare, vel non conservare, nego consequentiam, hoc ultimum nos requirimus ad hoc, ut actus à terminatione actionis dicatur, & sit liber, & cum sola voluntas sit talis potentia, propterea concludimus libertatem formaliter & radicaliter in illa consistere.

Potest da-  
ri omissio  
purè libe-  
ra.

ASSERTIO IV. Potest dari omissio  
pura libera, etiam sine ullo præcepto.

*Probatur 1. pars.* tum quia potest voluntas  
nullum elicere actum, sed tunc haberet o-  
missionem puram liberam omnis actus posi-  
tivi: ergo talis est possibilis. tum etiam, quia  
admittendo, quod voluntas posset purè omit-  
tere (cujus rei inconvenientiam, nec ratio,  
nec autoritas ostendit) libertas maximè ju-  
varetur, & extolleretur, ergo hoc est admit-  
tendum.

*Probatur 2. pars.* Ut volitio sit libera, non  
requiritur præceptum, ergo nec requiritur,  
ut pura omissio sit libera. antecedens est cer-  
tum, & consequentia à paritate patet.

*Obijcies contra primā partem.* In exercitio  
libertatis, actus secundus debet necessariò a-  
liquid superaddere actui primo; sed pura o-  
missio nil superaddit voluntati sumptæ per  
modum actus primi: ergo pura omissio non  
potest esse libera, maj: est certa: prob: min:  
Voluntas cum pura omissione nil aliud est,  
quàm voluntas cum privatione omnis actus,  
sed in actu primo est talis. ergo pura omissio  
nihil superaddit voluntatis. & negando min:  
cum minori suæ probationis; voluntas enim,  
quatenus præcisè dicit illa, quæ in actu pri-  
mo illi conveniunt, non est voluntas cum  
privatione, sed potius cum negatione pura  
omnis actus; quando autem est cum priva-  
tione omnis actus, tunc est in actu secundo,  
non minus quàm quando est cum volitione,  
aut nolitione.

Quid sit  
necessariū.

*Pro intelligentia subsequantium adverte, il-  
lud dici necessarium, quod sine libertate indif-  
feren-*



ferentia fit. *Violentum* dicitur, quidquid fit *Violentum*  
 contra inclinationem, seu potius resistantiā &  
 naturæ suæ subjecti. *Involuntarium* & *coa-* *Involūtq-*  
*ctum* dicitur, quidquid fit contra inclinatio- *rium.*  
 nem, seu actus appetitus. hoc notato, fit.

ASSERTIO V. Voluntas creata po- *Voluntas*  
 test divinitus necessitari, violentari, & cogi *poteft vio-*  
 ad omnes actus imperatos. *Prob:* quia in- *lentari.*  
 hoc nulla est implicantia: ergo non debet  
 negari potentia divina.

ASSERTIO VI. Quæ fiunt ex me- *Actus ex*  
 tu, aut ex concupiscentia, sunt semper simpli- *metu pro-*  
 citer voluntaria. *Probatur 1. pars.* Illis, *cedentes an*  
 quæ fiunt ex metu, convenit definitio volun- *voluntarij*  
 tarij supra assignata; ergo sunt simpliciter *sint?*  
 voluntaria. *Confirm:* quæ sic fiunt, sunt  
 ordinariè libera, libertate etiam indifferen-  
 tiæ, nam in potestate hominis est tolerare,  
 quodcunq; malum, quo hic & nunc terretur,  
 ergo & voluntaria.

*Probatur 2. pars* eodem modo, nam concupiscentia non magis minuit voluntarium, quàm metus; ergo si metus non tollit voluntarium, nec concupiscentia tollet.

*Obijcies.* Metus subinde est tam gravis (idē dic de concupiscentia) ut tollat usum rationis; ergo quæ tunc ex metu fiunt, non erunt simpliciter voluntaria. R. negando consequentiam; nam ad voluntatem simpliciter, usus rationis non requiritur.

ASSERTIO VII. Metus, & concupiscentia minuant quandoq; voluntarium, & etiam liberum. *Metus mi-*  
*nuit vo-*  
*luntariū.* *Prob:* quæ sic fiunt, cum  
 minori deliberatione, & majori determinatione ab extrinseco fiunt, sed hoc sufficit ad

minuendum voluntarium, & liberum: ergo minuunt utrumq;.

*Vnde actus  
dicatur  
humanus  
& mora-  
lis.*

*Hic pro intelligentia sequentium adverte, actum liberum hominis, & etiam Angeli, dici à Theologis Humanum, quia procedit liberè ab illis libertate perfectâ indifferentiæ. Dicitur etiam hujusmodi actus, moralis, quia, ut procedit ab eliciente, judicio prudentum, est laude, vel vituperio dignus. nunc sit.*

*Actus in-  
differens  
est dabilis.*

ASSERTIO VIII. Datur actus humanus, non solum ex objecto, sed etiam ex circumstantijs indifferentis.

*Probatur 1. pars.* tum quia objecta aliquorum actuum sunt indifferentia ad bonum & malum, ut elevare festucam, fricare barbam, ergo datur actus, vel dari saltem potest ex objecto indifferentis. *Confirm:* hoc ex Concilio Constantiensi, in quo hæc propositio Joannis Hus: *Nulla sunt opera indifferentia*, damnata est.

*Etiam in  
circum-  
stantijs.*

*Probatur 2. pars de circumstantijs*, tum ex jam dictis, quia fricare barbam potest esse talis; tum quia probabile est, quod detur actus humanus indifferentis, tã in specie, quàm in individuo, motio v. g. digiti; ergo qui eliceret talem actum, ex illa opinione, eliceret actum indifferentem in specie, & individuo; tum denique, quia potest aliquis operari liberè, absq; eo quod videat, aut intendat bonitatem ullam, aut malitiam objecti, vel circumstantiarum actus; sed operatio illa non esset bona, aut mala moraliter; ergo esset indifferentis. Prob: min: quia nec objectum, nec circumstantiæ communicant bonitatem, aut malitiam actui, nisi in quantum

præ-

prævideantur, & intendantur: ergo qui operaretur sine eo, quod neutrum intenderet, eliceret actum indifferentem.

*Objc:* 2. Tenetur homo semper ordinare, actum suum ad finem virtutis, juxta Apost: 1. Corinth: 10. sed actus qui sic ordinatur est honestus, & qui non ordinatur, inhonestus. ergo. *ꝛ.* distingu: maj: Si advertat illam obligationem, transeat maj: si non advertat, nego maj: & consequentiam, nam potest non advertere illam obligationem.

ASSERTIO IX. Actus moralis bonus est ille, qui habet essentiam aliquam specialem, ob quam apparet esse dignum creaturâ rationali illum elicere. *Actus moraliter bonus quis sit.* *Prob:* quia convenit omni, & soli. ergo est bona descriptio.

ASSERTIO X. Ad bonitatem, seu honestatem actûs moralis, sequentia requiruntur: 1. Si est actus prosecutionis, *De ijs quæ ad bonitatem actûs sunt necessaria.* debet præcognosci quod objectum illius sit bonum, bonitate honestâ; et si sit actus bonus fugæ, debet præcognosci, quod objectum illius sit inhonestum. 2. requiritur ut actus feratur in illud objectum (si sit prosecutio) sub ratione boni honesti in illo cogniti; & recedatur ab illo, si sit fuga, sub ratione mali inhonesti. 3. Requiritur, ut nulla circumstantia mala videatur annexa illius objecto; hæc omnia apparent ex terminis vera.

ASSERTIO XI. Actus humanus constituitur formaliter in esse boni honesti, per conformitatem ad rationem rectam hic, & nunc proponentem legem, seu approbationem superioris voluntatem. *Ratio formalis actûs boni quæ?* *Prob:* Quia omnis,

mnis, & solus, qui operatur conformiter ad legem, vel approbativam superioris voluntatem, bene & honestè operatur: ergo nil est in actu honesto, in quo potius constitui debet ratio formalis illius, quàm in conformitate tali.

*Dices.* Potius deberet sic constitui per tendentiam in objectum honestum, nullà circumstantià malà affectum: ergo. *R.* negando antec: quia objectum non est honestum, nisi quatenus proponitur per rationem rectam, quod legi, aut approbativæ superioris voluntati, sit conforme illud prosequi, aut fugere; ergo tendentia in objectum, ut præscindit ab illis, non potest esse ratio formalis constitutiva actûs boni.

Dixi in Conclusionem, *aut approbativam superioris voluntatem*, propter actûs consilij, qui licet sint boni, non tamen sunt conformes legi, quia consilium non est lex, sed approbativa tantum Superioris voluntas.

*Actus externus addit malitiam interno.*

ASSERTIO XII. Actus externus bonus addit bonitatem, & externus malus, malitiam, actui interno. *Probatur ratione.*

Actus externus malus addit malitiam actui interno malo; ergo à paritate, & bonus bono. Prob: antec: actus externus malus debet confiteri, etiam secundum Adversarios; ergo superaddit malitiã actui interno malo; Prob: consequentia, nulla est causa, ob quam actus externus malus confiteri debeat, nisi quia malitiam superaddit actui interno malo: ergo addit. Hoc argumento maxime premuntur adversarij, unde ad illud diversimodè respondent.



1. Dicunt causam esse, cur debeat actus externus confiteri, quia per confessionem actus externi, significatur efficacia, aut major intentio actus interni. *Contra*, potest confitens sine expressione actus externi dicere, quod habuerit actum intensissimum & efficacissimum, ergo ob illam rationem malè infertur, quod debeat confiteri.

R. 2. Ideo actum illum esse confitendum, *Responsio- quia malitia derivatur ab externo in inter- nes diver-*  
num. *Contra*, non potest malitia derivari ab *se AA. ad*  
uno actu in alium, qui penitus nullam habet *nostra fū-*  
malitiam propriam, distinctam à malitia al- *damenta*  
terius, sed actus externus est talis, secundum *reijciuntur.*  
ipsum; ergo non derivatur ab illo malitia in  
internum actum.

R. 3. cum *Arriaga*, actum externum ideo  
esse confitendum, quia est verè peccatum; *Contra*: vel est unum peccatum cum interno,  
vel non? si primum ergo sufficit hunc confi-  
teri; si secundum, ergo est diversum, & sic  
habemus intentum. Deinde non tenetur quis  
confiteri nisi numerum, & speciem suorum,  
peccatorum; sed hæc potest sine confessione  
externi actus, si nullam habet malitiā distin-  
ctam ab interno, ergo non tenetur illud con-  
fiteri.

*Obijc*: In actu externo non est distincta li-  
bertas; ergo nec distincta malitia. R. ne-  
gando consequent: & ratio est, quia major  
bonitas, aut malitia, non desumitur à liber-  
tate, imò nec ulla bonitas, aut malitia, aliā  
non possit dari actus liber indifferens, aut  
duo actus æqualis bonitatis, vel malitiæ. po-  
test etiam antec: absolutè negari.

*Quando  
circūstan-  
tia diver-  
sificāt bo-  
nitatē &  
malitiam  
actūs.*

ASSERTIO XIII. Circumstantiæ quibus augentur bonitas & malitia actuum moralium, tunc solum diversificant specie actū, quando faciunt illum spectare ad virtutem, specie diversam (loquor de actu bono) ab ea, ad quam spectat ex objecto, aut quando faciunt ut habeant honestatem, aut decentiam aliquam (vice versā discurre de actu malo) aut modum tendendi in objectum, in opinione prudentum, notabiliter diversum, ab eo, quem actus habuit ex objecto.

*Prob:* quia non potest ostendi, quā aliā ratione circumstantiæ possint diversificare actus. ergo aliquomodo ex dictis in Assertionē diversificant.

*Qua cir-  
cūstantia  
communi-  
cent boni-  
tatem a-  
ctui.*

ASSERTIO XIV. Omnis circumstantia, & nocumentum, quod per se sequitur ad actum malum, communicat ei suam malitiam, licet directē non intendatur. Circumstantiæ se tenentes ex parte objecti, non communicant bonitatem actui, nisi ab operante cognoscatur, quod bonitas aliqua ab illis in actum derivetur, & similiter est dicendum, ut communicent malitiam.

*Probatur 1. pars.* Indecens est creaturæ rationali elicere actum, cui, sive ex conditione operis, sive ex intentione operantis, est annexa circumstantia mala; ergo talis circumstantia communicat actui malitiam.

*Probatur 2. pars.* Si malitia circumstantiæ non deberet præcognosci, sequeretur furantem ex ignorantia invincibili, in loco sacro committere sacrilegium, sed hoc est absurdum. ergo malitia illa præcognosci debet.

ASSERTIO XV. Circumstantiæ a- Numerus  
ctûs moralis reducuntur à Doctore nostro 4. *circūstan-*  
d. 14. ad septem sequentes, *Quis, quid, ubi, tiarum.*  
*quibus auxilijs, cur, quomodo, quando.* *Quis,*  
qualitatem & conditionem operantis signifi-  
cat; *Quid,* objectum. *Vbi,* locum. *Quibus*  
*auxilijs,* media, quibus ad operandum quis u-  
titur. *Cur,* circumstantiam finis. *Quomodo,*  
actionis modum. *Quando* deniq;, significat  
tempus, seu durationem actûs, ut scilicet, an  
diu duraverit nec ne, an die festo, vel feria-  
li, &c.

ASSERTIO XVI. Regulæ actuum. *Regulæ a-*  
humanorum sunt, divina voluntas, ut com- *etq; huma-*  
prehendit leges divinas, & Conscientia. *ni.*  
divinæ voluntati præcipienti, vel prohibenti a-  
liquid, tenetur homo se conformare.

*Probatur 1. pars.* Quia alia nulla regula,  
assignari potest; ergo illæ solæ sunt humano-  
rum actuum regulæ. *Patet 2. pars,* ex il-  
lo Matth: 19. *Si vis ad vitam ingredi, serva*  
*mandata.* ergo voluntati divinæ præcipienti  
aliquid tenetur homo se conformare.

ASSERTIO XVII. Conscientia spe- *Definitio*  
ctat totaliter ad intellectum; & bene descri- *conscien-*  
bitur, Judicium practicum intellectus, quo *tia ut sic.*  
cognoscitur hic & nunc, quid faciendum,  
quidve fugiendū, & id quod fecimus, aut non  
fecimus, esse bene aut male factum, aut o-  
missum.

*Probatur 1. pars* Ecclesiast: 7. *Scit conscien-*  
*tia tua, quia tu crebro male dixisti alijs.* Rom:  
1. *Testimonium perhibente illis conscientia.* sed  
scire & testari ad intellectum spectat, unde,  
Damasc: 7. de fide, vocat Conscientiam *Le-*  
*gem*

*gem intellectus*; & meritò, quia est regula, & directrix actuum voluntatis in praxi.

*Probatur 2. pars. ipsam explicando*, dicitur *judicium intellectus*, ut excludantur actus voluntatis, & simplex apprehensio. Dicitur *hic*, & *nunc*, seu in particulari, quia ad synteresim, ut, in communi sententia, distinguitur à conscientia, spectat in communi judicare, seu dictare bonum esse amandum: additur *quid faciendum*, *quidve fugiendum*, ut ostendatur objectum conscientiae esse actiones praeteritas, praesentes & futuras indifferenter.

**Probabilis  
Conscientia  
sufficit ad  
operandū  
bene.**

ASSERTIO XVIII. Ad bene operandum sufficit plerumq; conscientia probabilis. *Prob:* tum ex communi sensu Doctorum, tum quia aliàs essemus valde perplexi in multis casibus, in quibus non potest haberi infallibilis certitudo; ergo sufficit probabilis certitudo ad bene operandum.

**Conscientia  
erronea  
obligat ad  
sequelam  
sui.**

ASSERTIO XIX. Conscientia erronea invincibilis, actu proponens hic, & nunc, ex obligatione operandum sub culpa mortali, vel veniali, juxta dictamen propositum, obligat ad sui sequelam. *Hac est communis*, & colligitur ex scriptura varijs in locis, ut ad Galatas 5. *Testificor omni homini circumcidenti se, quia debitor est universae legis faciendae*; sed hoc debitum est ex sola conscientia erronea, Ergo &c. idē habetur ad Rom: 14.1. Corint: 8. & ratio est, quia per tale dictamen proponitur nobis lex superioris obligans; ergo ad operandum obligat.

*Obijc:* Ex Conclusionē sequeretur aliquem fore ita perplexum, ut quidquid agat necessario peccet, sed hoc non est dicendum; ergo.

R. ne-



negando sequelam, quia quamvis peccaret talis, adhuc tamen non necessario, sed liberrimè peccat.

*Hic restat, ut advertat, conscientiam dubiā esse illam, quæ facit mentem inter duo extrema fluctuare. Conscientia dubia.*

*Dubium* hujusmodi unum est speculativum, & alterum practicum. *Speculativum* est, quando dubitatur in generali, ut, an liceat in die festo studere, pingere, &c.

*Dubium practicum* est, quando dubitatur in particulari, v. g. an in hoc festo, vel hic, & nunc liceat hoc facere. *Dubium, quotuplex* Certum est, quod non liceat operari manente conscientia practice dubia, quia sic operans, exponit se periculo peccati, quod non licet sub peccato.

ASSERTIO XX. Illa sola censenda, est opinio probabilis, quæ principiis legis naturalis, vel positivæ, est conformis; vel non repugnans, sive sit unius, sive plurium Doctorum. *Quæ putanda sit opinio probabilis.* Licet subinde in praxi sequi opinionem minùs probabilem, relictâ probabiliori, sed non semper.

*Probatur 1. pars.* Regula omnis bonæ actionis est lex: & consequenter sicut per conformitatem ad illā, intelligitur quævis actio bona, ita per recessum ab eadem, dicitur mala: ergo cū conscientia sit instrumentum proponens nobis legem, illa sola poterit dici probabilis & segura, quæ ratione ostendit, aliquam actionem talem esse conformem, vel certè non repugnantem legi.

*Probatur 2. pars.* tum ex communi consensu Doctorum, tum etiam, quia opinio minùs probabilis, potest esse conformis ad legem; ergo in praxi licitè amplectitur. *Licet sequi opinionem minùs probabilem.*

*Pro-*

*Probatur ultima pars.* ubi dubitatur de materia & forma Sacramentorum, aut de eorū validitate, exponeret se magno periculo nil efficiendi, qui minùs probabilem sequeretur opinionem. Ergo in tali casu non licet sequi opinionem minùs probabilem.

2. Judex in ferendis sententijs tenetur sequi probatiorem opinionem secundum allegata & probata. & ratio est, quia etiam pars probabilior potiori jure, meretur per se sententiam. Ergo in favorem probabilioris partis, sententia ferri debet.

## EPISTYLIUM PROBLEMATICUM COLUMNÆ NONÆ.

*An ignorantia invincibilis excuset à peccato?*



## COLVMNA X.

### *De Peccatis.*

*Quid sit  
peccatum?*

**A**SSERTIO I. Peccatum morale, est actus moralis, habens indecentiam aliquam specialem, ob quam apparet, dedecere creaturam rationalem illum elicere. Formaliter constituitur per positivum. *Prima pars* non habet difficultatem; unde *probatur* 2. *pars.* Peccatum, secundum adversarios, consistit in privatione rectitudinis debitæ inesse: ergo aliquod peccatum, & consequenter

ter omne peccatum commissionis (de hoc solo est controversia, nam certum est omissionis peccatum in negativo consistere) consistit in positivo. Prob: consequentia, peccatum occisionis v.g. in hoc formaliter consistit, per quod tollitur debita rectitudo in esse occidendi; sed hæc tollitur per positivum, per ipsam nimirum occisionem; ergo peccatū occisionis consistit formaliter in positivo, seu in ipsa occisione: maj: est certa, prob: min: rectitudo debita in esse occidendi, est carentia occisionis; sed hæc tollitur per ipsam occisionem, & non per ullam privationem, alioquin daretur privatio privationis, ergo rectitudo debita in esse occidendi tollitur per positivū; *Peccati ratio in positivo consistit.* & consequenter peccatum occisionis in positivo consistit: sed est eadem ratio de omnibus alijs peccatis commissionis; ergo omnia illa in positivo consistunt.

*Confirm:* Lex prohibens furtum, v. g. vel odium DEI, non exigit à me aliud, quàm carentiam odij, vel furti, ergo non aliter violo istam legem, quàm habendo ipsum odium, vel voluntatem furandi; sed odium & voluntas furandi sunt entitates positivæ, ergo per entitates positivas peccata illa constituuntur.

*Confirm: 2.* Actus odij, seu furti habet aliquid, ob quod necessario sequitur ad ipsum privatio illa rectitudinis, ante ipsam privationem, aliàs non esset ratio, cur ad illam sequeretur illa privatio, potius quàm ad actum bonum: ergo habet ab illo esse malus ante privationem; subsumo, sed illud non est alia privatio, aut negatio, aliàs daretur processus in infinitum:

ergo est entitas positiva, & consequenter per positivum peccatum constituitur.

*Obijc:* Scripturam quæ docet res omnes esse bonas, sed quævis entitas positiva est res aliqua; ergo quævis talis est bona. rum etiã SS. PP. quos fusè citat Suarez, qui videntur dicere, quòd peccatum in privatione consistat; ergo. *Ad primum R.* res omnes esse in se, si physicè considerentur bonas, licet ex eis aliqua alijs sint mala, sicut calor, qui in se bona qualitas est, alijs subjectis multis mala est. *Ad 2. R.* PP. loqui de peccato omissionis, non verò commissionis, & hoc modo explicari potest *Doctor noster*, qui adversarijs favere videtur.

*Obijc: 2.* Illud est de essentia peccati, sine quo nec esse, nec intelligi potest; sed peccatum neutro modo sine privatione intelligi potest; ergo privatio est de essentia peccati. *Confirm:* si non consisteret peccatum in privatione, Deus esset causa peccati; ergo consistit. *R.* negando maj: nam relatio sine fundamento & terminò intelligi nequit; & tamen non sunt de ipsius essentia: ergo quamvis peccatum intelligi non possit sine privatione, adhuc privatio non esset de illius essentia. *Ad Confirm: R.* Illud argumentum æq; posse urgeri contra Adversarios, nã non aliter privatio illorum causatur ab homine, quàm producendo entitatem physicam, ad quam sequitur privatio illa; sed Deus producit æq; illam entitatem physicam, ac homo, ergo erit causa peccati, sicut est homo. *R.* negando sequelam, quam Adversarij non pro-



probant, in sensu aliquo, quo dedeceret Deū esse causam peccati.

ASSERTIO II. Divisio peccati in originale, & actuale, bona est. Originale nostrum, est illud ipsum Adæ peccatum, manens in nobis moraliter, eò quòd moraliter peccavimus cum ipso, quando ipse physicè & realiter transgressus est mandatum Dei.

*Divisio peccati bona.*

1. Pars est certa. Probatur 2. pars. tum quia non potest ostendi, in quo alio confiteret; tum etiam quia posterì Adæ peccaverunt in ipso, quando transgressus est legem Dei; ut patet ex illo Rom: 5. *In quo omnes peccaverunt.* sed illud peccatum non condonatur illis, nisi per baptismum, ergo natione illius sunt peccatores.

*In quo consistit originale nostrum.*

Dices Peccatum originale non distingui à concupiscentia, hoc est, ab illo, quo inclinamur ad bonum delectabile. Contra. Concupiscentia illa manet in nobis post baptismum: ergo non est peccatum; nec sic dici potest, nisi in quantum inclinat ad peccatum, & ab illo promanat, ut loquitur Trident: Sess: 5. cap: 5. vel num: 5.

Dices Peccatum illud consistere in privatione justitiæ originalis. Contra, peccatum, semper liberè procedit ab ipso peccatore, sed privatio justitiæ originalis non procedit ab ipso peccatore, sed à solo Deo, qui solus potest ipsam justitiam originalem ponere. Ergo. Deinde in peccatore baptizato invenitur carentia justitiæ, tã originalis, quàm sanctificantis, sed in illo non est originale, ut fides docet; ergo in tali carentia non consistit.

Obijcies. Sententia nostra non differt

ab illa Acatholica , quæ docet peccatum originale esse tantum denominationem extrinsecam ; desumptam à peccato Adæ ; ergo non est tenenda. & negando antec: quia nos dicimus , quòd ipsissimus actus inobedientiæ , qui in Adamo fuit personale , sit in unoquoq; nostrum , intrinsecè , moraliter tamen , & originaliter , & per hoc patet ad Trident: loca jam citata cap: 3. *ubi dicit originale inesse cuiq; proprium, &c.*

*Mors est  
pœna ori-  
ginalis.*

ASSERTIO III. Mors tam animæ , quàm corporis , non verò mortalitas , inter pœnas originalis peccati numerari debet.

1. *Pars* est de fide Gen: 1. & 3. & Roman: 5.  
2. *Pars prob:* Corpus Adami potuit pati à contrarijs. Deinde certum est , quòd fame , gladio , & suffocatione durante illo statu potuisset quis perire ; ergo mortalitas non est pœna originalis peccati.

*Quid ha-  
beant in-  
fantes in  
origine de  
functi.*

ASSERTIO IV. Probabile valde est , quòd infantes decedentes cum solo originali , non solum non puniantur pœnâ sensûs , sed quòd multa eis naturalia dona concedantur , in loco aliquo subterraneo , tam lucido & capaci , ut possint ibi ambulare se invicem visitare , & agnoscere. Hac est Doct: in 2. d. 33. q. unica in 2. Lyrani nostri in cap: 4. Eccles: & multorum aliorum , contra Bellarminum , Conrium Tuamensem ArchiEpiscopum , Pontium , & Tannerum , qui in miseros infantes crudeles videntur esse , dum docent illos puniri intolerabili illâ pœnâ exteriori , ignis æterni.

*Probat* 1. *pars.* tum authorit: Innocentij III. citati in cap: Majores , Nazianzeni in o-  
rat:

rat: ad S. Lavaerum. & etiam August: lib: 5. ad Julianum cap: 8. qui re ipsâ, idem docent. Tum etiam ratione, quia videretur esse non solum durum, sed etiam contra divinam misericordiam punire, poenâ sensus, parvulos qui nec sensualitate, nec voluptate inordinatâ illum unquam offenderunt aliter, quàm in Adamo peccando: ergo cum nec ratio, nec urgens autoritas contrarium suadet, tenendum est, quod sic non puniantur.

*Obijc:* Varia Scripturæ loca, & præsertim illud Matth: 3. & 15. *Ite maledicti in ignem æternum.* ex quibus oppositū conclusionis ostenditur; ergo. R. non parvulorum, sed fidelium, qui Ecclesiam per Baptismum intrârunt, in illis locis mentionem fieri, ut docet Aug: lib: contra Donatistas cap: 10. unde nego antec: & consequentiam.

*Obijc:* 2. Pelagiana hæresis est, promittere parvulis non renatis, æternam & beatam quandam vitam, extra regnum Dei; sed talem nos illis promittimus; ergo. R. disting: maj: æternam & beatam quandam vitam, excludentem omnem peccati miseriam, transcat maj: non excludentem originalis peccati miseriam, nego maj: & distincta similiter min: nego consequentiam.

*Obijcies* 3. Illud Aug: in Enchyridio cap: 23. *Quomodo Firmissime, inquit, tene, & nu'latenus dubites, locus D. omnes, qui sine sacro baptismatis lavacro de hoc Aug: intel- saculo transeunt, æterni ignis supplicio punier-* legendus *dos.* sed parvuli sic transeunt: ergo æterni sūt. ignis supplicio puniuntur. R. antec: posse intelligi in sensu accommodo, sicut intelligitur ille locus Apostoli: *Omnes in Adam pec-*

*caberunt.* R. 2. explicando sanctum Doctorem, æterni ignis supplicio aliquo, concedo maj: omni nego min: Itaq; in illo supplicio præter pœnam sensus, includitur etiam pœna damni, quo parvuli puniuntur, & hoc factis est ad mentem Augustini.

*Peccata venialia.* ASSERTIO V. Peccata venialia facta sunt talia ex natura sua, quod Deus ex se non possit propter illa punire aliquem pœnâ possunt pœternâ sensûs, aut damni, aut subtractione, niri pœnâ gratiæ sanctificantis. *Prob:* quia aliàs *gehenne.* non essent venialia, sed mortalia; nam hujusmodi vocamus ea, quæ enumeratis jam pœnis puniuntur; & per hoc patet ratio distinctionis specificæ mortalis à veniali, nam, unum meretur æternam pœnam sensus & damni; alterum verò non.

*Multipliatio veni-* ASSERTIO VI. Venialia, nullam *alium non* inter se habentia connexionem, quantumvis *facit mortale.* multiplicata, non efficiunt unum mortale. *Prob:* per multiplicationem individuorum tantum, nullius rei natura specificè mutatur: ergo quod ex natura sua veniale est, solâ multiplicatione similium, non potest fieri mortale.

*Si non habeant cō-* Dixi, *non habentia connexionem*, quia si talem inter se haberent venialia, ratione cujus *nexionem.* advertenter, grave proximi damnum sequeretur, tunc multiplicando venialia, putâ minuta furta, peccaret quis mortaliter.

*Nullū peccatum est infinita malitia.* ASSERTIO VII. Nullum peccatum, etiam mortale, infinitæ est malitiæ; veniale, nec etiam per conjunctionem sui cum mortali, punitur pœna æterna.

*Probat* 1. pars. Si mortale esset infinitæ malitiæ



malitiæ, omnia mortalia essent æqualis malitiæ, sed hoc est falsum, ut patet ex Scriptura Joann: 19. *Qui me tibi tradidit, majus peccatum habet.* ergo non est infinita malitiæ.

*Probatur 2. pars.* Si veniali etiam per accidens, seu per conjunctionem sui cum mortali corresponderet pœna æterna, veniale esset mortale; sed hoc non est verum, ergo. prob: maj: veniale distinguitur à mortali, per hoc, quod huic correspondet pœna æterna, illi verò non, sed temporalis: ergo si in casu conclusionis, corresponderet ipsi pœna æterna, esset mortale.

*Obijc: contra hoc.* Debet semper manere, & puniri peccatum, usq; dum fiat satisfactio requisita pro ipso; sed damnati non possunt satisfacere: ergo peccata venialia eorum debent semper manere, & puniri. R. disting: maj: donec fiat satisfactio consistens in retractione peccati, aut in opere aliquo bono, ob quod condonaretur, nego maj: satisfactio, id est persolutio debitæ pœnæ concedo maj: & distincta similiter min: nego consequentiam. Hoc ultimo modo damnati satis faciunt, seu potius satis patiuntur pro veniali in inferno.

ASSERTIO VIII. Peccati causa per Deum non se & specialis Deus non est. *Probatur Con- est causa clusio ex Script: Sapient: 11. Nihil odisti eorum, peccati. quæ fecisti;* sed certum est, quod Deus odit peccatum, & expressè colligitur Sapient: 14. *Odio sunt Deo impius, & impietas ejus:* ergo Deus nec fecit; nec faciet peccatum; & consequenter non est illius causa.

*Prob: 2.* Ad hanc veritatem probandam.

congerere foret inutile, cum in illam unanimiter omnes conspirarunt. Adferam solum S. Fulgentium à D. Thoma hic citatum; *Deus*, inquit, *non est author ejus rei, cujus est ultor*; sed clarum est, quod Deus sit peccati ultor, ut ex infinitis propemodum Scripturæ locis constat: ergo non est illius author.

*Probatur  
ratione.*

*Probatur 3. ratione.* Concurfus Dei ad actum peccaminosum, est tantum causæ universalis, necessario requisitus ad operationem causæ secundæ; sed sic universaliter tantum concurrens, non rectè dicitur causa per se, aut specialis effectus producti; & multò minus defectus: ergo Deus non potest dici causa per se peccati. *Confirmatur*, & probatur conclusio, solvendo Adversariorum fundamenta, pro quibus:

*Obijc:* 1. ex varijs Scripturæ locis colligitur, quod Deus sit causa per se peccati: ergo est. *Probantur* Psal:43. *Declinasti semitas nostras à via tua.* Psal:104. *Convertit cor eorū, ut odirent populum ejus, & dolum facerent.* Idem habetur 2. Regum 16. 3. Regum, ultimo. Genesi: 45. quibus in locis dicitur quod Deus ordinat, præcipit, ac suadet peccatum: ergo.

*Satisfit  
Scriptura  
locis.*

2. negando antecedens, & ad ejus probationem respondeo primò, illud non posse esse peccatum, quod ex Dei ordinatione, præcepto, vel suasionem fit; & per hoc patet ad ultima Scripturæ loca.

3. secundo, ad omnia generaliter illa intelligi debere de voluntate seu concursu permissivo Dei; nam ut ostendat suam gloriam per administrationem justitiæ, quæ relucet in supplicijs damnatorum, & malè operantium, permittit,

rit, sicut frequenter permisit, multa mala fieri, relinquendo hominem, divinis inspirationibus, & auxilijs acquiescere nolentē, in consilio manuum suarum.

*Obijcies 2. ratione*, ad omnes effectus positivos, & liberos creaturæ rationalis, concurrat Deus concursu immediato; sed furtum, v. g. homicidium, adulterium, & hujusmodi, quæ sunt entitates positivæ, & materiales peccatorum, sunt tales effectus: ergo ad illos immediatè & physicè concurrat Deus; & consequenter non solum est causa immediata physica illorum, sed etiam causa moralis omnis deformitatis annexæ illis.

*Hoc argumentum* compulit Durandū negare immediatum DEI concursum ad effectus causarum secundarum: sed incidit in Scyllam (ut fusiùs ostendi in physica) cupiens vitare Charybdim; nam præterquam quòd dura illa ipsius sententia, à Catholicis communiter rejiciatur Doctoribus, adhuc si vera esset, in proposito nobis præberet subsidium, quod sic ostendo.

*Rejicitur  
Durandus*

*Secundùm Durandū*, non concurrat Deus etiam ad bonos effectus causarum secundarum, nisi tantum mediatè; & tamen certum est, quod sit causa per se, & specialis illorum bonorum effectuum; ergo quamvis non concurreret ad effectus peccaminosos nisi tantum mediatè; adhuc posset dici vera causa illorum effectuum. Probatur antecedens, pro secunda parte; tum ex communi consensu omnium Theologorum, tum ex Trid: Sess: 6. can: 6. his verbis: *Si quis dixerit mala opera*

congerere foret inutile, cùm in illam unanimiter omnes conspirârunt. Adferam solum S. Fulgentium à D. Thoma hîc citatum; *Deus*, inquit, *non est author ejus rei, cujus est ultor*; sed clarum est, quòd Deus sit peccati ultor, ut ex infinitis propemodum Scripturæ locis constat: ergo non est illius author.

*Probatur  
ratione.*

*Probatur 3. ratione.* Concurfus Dei ad actum peccaminosum, est tantum causæ universalis, necessariò requisitus ad operationem causæ secundæ; sed sic universaliter tantum concurrens, non rectè dicitur causa per se, aut specialis effectûs producti; & multò minus defectûs: ergo Deus non potest dici causa per se peccati. *Confirmatur*, & probatur conclusio, solvendo Adversariorum fundamenta, pro quibus:

*Obijc:* 1. ex varijs Scripturæ locis colligitur, quòd Deus sit causa per se peccati: ergo est. *Probantur* Psal:43. *Declinasti semitas nostras à via tua.* Psal: 104. *Convertit cor eorû, ut odirent populum ejus, & dolum facerent.* Idem habetur 2. Regum 16. 3. Regum, ultimo. Genes: 45. quibus in locis dicitur quòd Deus ordinat, præcipit, ac suadet peccatum: ergo.

*Satisfit  
Scriptura  
locis.*

2. negando antecedens, & ad ejus probationem respondeo primò, illud non posse esse peccatum, quod ex Dei ordinatione, præcepto, vel suasionem fit; & per hoc patet ad ultima Scripturæ loca.

3. secundo, ad omnia generaliter illa intelligi debere de voluntate seu concursu permissivo Dei; nam ut ostendat suam gloriam per administrationem justitiæ, quæ relucet in supplicijs damnatorum, & malè operantium, permit-

tit,



rit, sicut frequenter permisit, multa mala fieri, relinquendo hominem, divinis inspirationibus, & auxilijs acquiescere nolentē, in consilio manuum suarum.

*Obijcies 2. ratione*, ad omnes effectus positivos, & liberos creaturæ rationalis, concurrat Deus concursu immediato; sed furtum, v. g. homicidium, adulterium, & hujusmodi, quæ sunt entitates positivæ, & materiales peccatorum, sunt tales effectus: ergo ad illos immediatè & physicè concurrat Deus; & consequenter non solum est causa immediata physica illorum, sed etiam causa moralis omnis deformitatis annexæ illis.

*Hoc argumentum* compulit Durandū negare immediatum DEI concursum ad effectus causarum secundarum: sed *incidit in Scyllam* (ut fusiùs ostendi in physica) *cupiens vitare Charibdem*; nam præterquam quòd dura illa ipsius sententia, à Catholicis communiter rejiciatur Doctoribus, adhuc si vera esset, in proposito nobis præberet subsidium, quod sic ostendo.

*Secundum Durandum*, non concurrat Deus etiam ad bonos effectus causarum secundarum, nisi tantum mediatè; & tamen certum est, quod sit causa per se, & specialis illorum bonorum effectuum; ergo quamvis non concurreret ad effectus peccaminosos nisi tantum mediatè; adhuc posset dici vera causa illorum effectuum. Probatur antecedens, pro secunda parte; tum ex communi consensu omnium Theologorum, tum ex Trid: Sess: 6. can: 6. his verbis: *Si quis dixerit mala opera*

*Rejicitur  
Durandus*

congerere foret inutile, cum in illam unanimiter omnes conspirarunt. Adferam solum S. Fulgentium à D. Thoma hic citatum; *Deus*, inquit, *non est author ejus rei, cujus est ultor*; sed clarum est, quod Deus sit peccati ultor, ut ex infinitis propemodum Scripturæ locis constat: ergo non est illius author.

*Probatur  
ratione.*

*Probatur 3. ratione.* Concurfus Dei ad actum peccaminosum, est tantum causæ universalis, necessario requisitus ad operationem causæ secundæ; sed sic universaliter tantum concurrens, non rectè dicitur causa per se, aut specialis effectus producti; & multò minus defectus: ergo Deus non potest dici causa per se peccati. *Confirmatur*, & probatur conclusio, solvendo Adversariorum fundamenta, pro quibus:

*Obijc:* 1. ex varijs Scripturæ locis colligitur, quod Deus sit causa per se peccati: ergo est. *Probantur* Psal: 43. *Declinasti semitas nostras à via tua.* Psal: 104. *Convertit cor eorū, ut odirent populum ejus, & dolum facerent.* Idem habetur 2. Regum 16. 3. Regum, ultimo. Genes: 45. quibus in locis dicitur quod Deus ordinat, præcipit, ac suadet peccatum: ergo.

*Satisfit  
Scripturæ  
locis.*

R. negando antecedens, & ad ejus probationem respondeo primò, illud non posse esse peccatum, quod ex Dei ordinatione, præcepto, vel suasionem fit; & per hoc patet ad ultima Scripturæ loca.

ix. secundo, ad omnia generaliter illa intelligi debere de voluntate seu concursu permissivo Dei; nam ut ostendat suam gloriam per administrationem justitiæ, quæ relucet in supplicijs damnatorum, & malè operantium, permittit,

rit, sicut frequenter permisit, multa mala fieri, relinquendo hominem, divinis inspirationibus, & auxilijs acquiescere nolentē, in consilio manuum suarum.

*Obijcies 2. ratione*, ad omnes effectus positivos, & liberos creaturæ rationalis, concurrat Deus concursu immediato; sed furtum, v. g. homicidium, adulterium, & huiusmodi, quæ sunt entitates positivæ, & materiales peccatorum, sunt tales effectus: ergo ad illos immediatè & physicè concurrat Deus; & consequenter non solum est causa immediata physica illorum, sed etiam causa moralis omnis deformitatis annexæ illis.

*Hoc argumentum* compulit Durandū negare immediatum DEI concursum ad effectus causarum secundarum: sed incidit in Scyllam (ut fusiùs ostendi in physica) cupiens vitare Charybdim; nam præterquam quòd dura illa ipsius sententia, à Catholicis communiter rejiciatur Doctoribus, adhuc si vera esset, in proposito nobis præberet subsidium, quod sic ostendo.

*Reijcitur  
Durandus*

*Secundum Durandum*, non concurrat Deus etiam ad bonos effectus causarum secundarum, nisi tantum mediatè; & tamen certum est, quod sit causa per se, & specialis illorum bonorum effectuum; ergo quamvis non concurreret ad effectus peccaminosos nisi tantum mediatè; adhuc posset dici vera causa illorum effectuum. Probatur antecedens, pro secunda parte; tum ex communi consensu omnium Theologorum, tum ex Trid: Sess: 6. can: 6. his verbis: *Si quis dixerit mala opera*

*caberunt.* R. 2. explicando sanctum Dócto-  
rem, æterni ignis supplicio aliquo, concedo  
maj: omni nego min: Itaq; in illo supplicio  
præter pœnam sensus, includitur etiam pœ-  
na damni, quo parvuli puniuntur, & hoc fa-  
tis est ad mentem Augustini.

*Peccata venialia.* ASSERTIO V. Peccata venialia de-  
facto sunt talia ex natura sua, quod Deus  
ex se non possit propter illa punire aliquem pœnâ  
possunt pu æternâ sensûs, aut damni, aut subtractione,  
niri pœnâ gratiæ sanctificantis. *Prob:* quia aliàs  
gehennæ. non essent venialia, sed mortalia; nam hu-  
jusmodi vocamus ea, quæ enumeratis jam  
pœnis puniuntur; & per hoc patet ratio di-  
stinctionis specificæ mortalis à veniali, nam  
unum meretur æternam pœnam sensus & da-  
mni; alterum verò non.

*Multipli- catio veni-* ASSERTIO VI. Venialia, nullam  
*alium non* inter se habentia connexionem, quantumvis  
*facit mor-* multiplicata, non efficiunt unum mortale.  
*ale.* *Prob:* per multiplicationem individuorum.  
tantum, nullius rei natura specificè mutatur:  
ergo quod ex natura sua veniale est, solâ mul-  
tiplicatione similium, non potest fieri mor-  
tale.

*Si non ha-* Dixi, *non habentia connexionem*, quia si ta-  
*beant cõ-* lem inter se haberent venialia, ratione cujus  
*nexionem.* advertenter, grave proximi damnum seque-  
retur, tunc multiplicando venialia, putâ mi-  
nuta furta, peccaret quis mortaliter.

*Nullū pec-* ASSERTIO VII. Nullum peccatum,  
*catum est* etiam mortale, infinitæ est malitiæ; veniale,  
*infinite* nec etiam per conjunctionem sui cum mor-  
*malitia.* tali, punitur pœna æterna.

*Probaturs. pars.* Si mortale esset infinitæ  
mali-



malitiæ, omnia mortalia essent æqualis malitiæ, sed hoc est falsum, ut patet ex Scriptura Joann: 19. *Qui me tibi tradidit, majus peccatum habet.* ergo non est infinita malitiæ.

*Probatur 2. pars.* Si veniali etiam per accidens, seu per conjunctionem sui cum mortali corresponderet pœna æterna, veniale esset mortale; sed hoc non est verum, ergo. prob: maj: veniale distinguitur à mortali, per hoc, quod huic correspondet pœna æterna, illi vero non, sed temporalis: ergo si in casu conclusionis, corresponderet ipsi pœna æterna, esset mortale.

*Obijc: contra hoc.* Debet semper manere, & puniri peccatum, usq; dum fiat satisfactio requisita pro ipso; sed damnati non possunt satisfacere: ergo peccata venialia eorum debent semper manere, & puniri. R. disting: maj: donec fiat satisfactio consistens in retractione peccati, aut in opere aliquo bono, ob quod condonaretur, nego maj: satisfactio, id est persolutio debitæ pœnæ concedo maj: & distincta similiter min: nego consequentiam. Hoc ultimo modo damnati satis faciunt, seu potiùs satis patiuntur pro veniali in inferno.

ASSERTIO VIII. Peccati causa per Deum non se & specialis Deus non est. *Probatur Conclusio ex Script: Sapient: 11. Nihil odisti eorum, peccati. qua fecisti;* sed certum est, quod Deus odit peccatum, & expressè colligitur Sapient: 14. *Odio sunt Deo impius, & impietas ejus:* ergo Deus nec fecit; nec faciet peccatum; & consequenter non est illius causa.

*Prob: 2.* Ad hanc veritatem probandam.

tit, sicut frequenter permisit, multa mala fieri, relinquendo hominem, divinis inspirationibus, & auxilijs acquiescere nolentē, in consilio manuum suarum.

*Obijcies 2. ratione*, ad omnes effectus positivos, & liberos creaturæ rationalis, concurrat Deus concursu immediato; sed furtum, v. g. homicidium, adulterium, & hujusmodi, quæ sunt entitates positivæ, & materiales peccatorum, sunt tales effectus: ergo ad illos immediatè & physicè concurrat Deus; & consequenter non solum est causa immediata physica illorum, sed etiam causa moralis omnis deformitatis annexæ illis.

*Hoc argumentum* compulset Durandū negare immediatum DEI concursum ad effectus causarum secundarum: sed *incidit in Scyllam* (ut fusiùs ostendi in physica) *cupiens vitare charybdim*; nam præterquam quòd dura illa, ipsius sententia, à Catholicis communiter rejiciatur Doctoribus, adhuc si vera esset, in proposito nobis præberet subsidium, quod sic ostendo.

*Secundùm Durandū*, non concurrat Deus etiam ad bonos effectus causarum secundarum, nisi tantum mediata; & tamen certum est, quod sit causa per se, & specialis illorum bonorum effectuum; ergo quamvis non concurreret ad effect<sup>9</sup> peccaminosos nisi tantum mediata; adhuc posset dici vera causa illorū effectuum. Probat<sup>ur</sup> antecedens, pro secunda parte; tum ex communi consensu omnium Theologorum, tum ex Trid: Sess: 6. can: 6. his verbis: *Si quis dixerit mala opera*

*Rejicitur  
Durandus*

zatum, nam Deus ex se causativus erat actus moraliter boni, & talem voluntate saltem, antecedenti causare semper vult, & voluit, si causa secunda libera, quæ semper paratum, habet Dei succursum, ad bene operandum necessarium, moraliter bene agere veller.

*Exemplū huius* habe in distorto passu claudicantis, ad quem & anima, seu virtus locomotiva ipsius, & simul tibia concurrunt; ubi certum est, quod defectus ille in passu, animæ, seu virtuti locomotivæ ipsius, quæ quantum est ex se, tam bene est in illo pede, ac est in altero, attribui rationabiliter non potest, sed potius vitiō tibie, quod solum causat distortum illum passum: ergo similiter non Deo, qui semper, quantum est ex se, ad bene operandum concurrere intendit, sed potius Creaturæ, quæ voluntariè à regula deviat, tribuendus est defectus operis peccaminosi; & sic non Deus, sed creatura vera causa illius defectus dici debet.

ASSERTIO IX. *Distinctio specifica peccatorum*, colligi potest ex rectitudinibus specie diversis, quibus privant. *Prob:* qui consideraret omissionem alicujus peccati esse honestam, honestate temperantiæ, v.g. & tamen committeret illud, peccaret peccato distinctæ speciei, à peccato, in cuius omissione non consideraret honestatem temperantiæ, sed potius justitiæ, religionis, aut alterius virtutis; sed huius est sufficiens ratio, quod quidem periret rectitudine distinctæ speciei, à rectitudinibus quibus posterius hoc peccatum privat. ergo ex rectitudinibus specie diversis, *specifica peccatorum distinctio colligi potest.*

potest. Itaq; distinctio illa specifica, non solum ex diversitate rectitudinum, seu virtutum, quibus peccata opponuntur, & privant; sed etiam ex diversitate objectorum prohibitorum, legum, finium, & circumstantiarum, in sensu antea explicato, colligi potest.

*Vnde meretur  
mortale  
pœnam æternam.*

ASSERTIO X. Peccatum mortale, non ex natura sua, sed ex justa Dei ordinatione meretur pœnam æternam.

*Probatur 1. pars.* Nullum meritum ex natura sua meretur vitam æternam, ergo similiter nullum peccatum meretur pœnam æternam.

*Probatur 2. pars.* Sicut Deus misericorditer voluit non peccantibus, intuitu meritorum, vitam æternam promittere, & dare; sic etiam justè ordinavit, ut peccantes punirentur pœnâ æternâ, si sine pœnitentia discederent ex hac vita: ergo ex justa Dei ordinatione tali pœnâ puniuntur.

*In quo consistat ratio formalis habitualis peccati.*

ASSERTIO XI. Peccatum habituale non consistit in privatione gratiæ sanctificantis formaliter loquendo, nec in obligatione, aut condignitate ad pœnam, sed potius in ipso actuali peccato præterito, non remisso.

*Probatur 1. pars.* Potest aliquis peccare mortaliter, & defacto peccat, sine eo, quod ponatur privatio gratiæ; ergo peccatum habituale in illa privatione non consistit. Probatur antec: in peccato mortali constitutus, potest adhuc, & frequenter solet, peccare mortaliter; sed per illud secundum peccatum non ponitur privatio gratiæ, quia fuit antea posita; ergo peccatum habituale non consistit in privatione gratiæ. *Confirm:* Privatio gratiæ est effectus peccati, ergo non est ipsum peccatum.



peccatum, seu non est illud, quod transacto actu peccaminoso, in nobis remaneat.

*Probatur 2. pars.* In justificatione peccatoris deletur totum, quod habet rationem culpæ, ut est de fide; sed non tollitur tota obligatio, nec reatus seu condignitas ad pœnam temporalem, ut definit Trident: Sess: 6. ergo in tali reatu non consistit. *Confirm:* Reatus ad pœnam præsupponit ipsum peccatum; ergo non est ipsum peccatum.

*Probatur 3. pars.* Tum, quia meliùs explicari non potest ratio peccati habitualis; tum etiam à paritate meriti habitualis, quod nil aliud est, nisi præteritum actuale non deletum, sed imputatum moraliter ad præmium: ergo peccatum habituale est ipsum actuale, præteritum non remissum.

*Dixi in Conclusionem, non remissum, non vero non retractatū,* quia de potentia absoluta potest remitti peccatum, quoad culpam, & pœnam, sine ulla peccatoris retractatione, quia in hoc nulla est implicantia.

*Obijc:* Per pœnitentiæ Sacramentum tollitur aliquid, sed præteritum tolli nequit, quia ad illud non datur potentia; ergo peccatum habituale, quod per Sacramentum tollitur, non est præteritum non remissum. *R.* concedendo maj: & disting: min: præteritum non remanens moraliter, concedo min: manens moraliter nego min: & consequentiam.

## EPISTYLIUM PROBLEMATICUM COLUMNÆ DECIMÆ.

*Utrùm Deus igne infernali torquere posset  
innocentem?* CO-



## COLVMNA XI.

## De Legibus.

*Definitio  
Legis.*

**A**SSERTIO I. Lex rectè describitur præceptum stabile, iustum, & commune, obligans ad rem aliquam faciendam, vel ommittendam. *Prob:* quia habet conditiones bonæ descriptioni. Per *ly stabile* convenit cum præceptis, unam vel alteram personam obligantibus. *Ly stabile, & commune*, est differentia legis, tam ab his, quàm alijs obligantibus, ad breve tantum tempus: ergo est bona descriptio.

*Lex ut sic  
spectat ad  
voluntatē.*

**A**SSERTIO II. Lex positiva ut sic, divinæ, & humanæ communis, spectat potius ad voluntatem, quàm ad intellectum.

*Prob:* tum ex Script: Psal: 33. *Notas fecisti filijs Israël, voluntates tuas.* Tum etiam ratione, illius potentix est leges concedere, cuius est imperare, sed voluntatis solius est imperare; ergo. *prob:* min: illius potentix est imperare, cuius est dicere *fac hoc*, sed solius voluntatis est hoc dicere; ergo solius voluntatis est imperare. *Adversariorum* argumenta aliud non probant, quàm quòd lex directivè consistat in actibus intellectus, quod nos non negamus.

*Conditio-  
nes Legis.*

**A**SSERTIO III. Ut lex obliget, debet esse iusta, promulgata & acceptata; non tamen perpetua. *Probatur 1. pars.* tum ex

Aug: 4. Civit: c. 6. *Lex, inquit, mihi non videtur,*

*detur, quæ iusta non fuerit.* tum etiam ratione, quia lex; sicut & quævis vera potestas à Deo est; sed quod à Deo est, debet esse iustum: ergo & Lex.

*Probatur 2. pars.* tum ex cap: 1. de concessionem Præbendæ, in Sexto. tum quia lex naturæ dicitur hominem non obligari ad observationem præcepti, quod invincibiliter ignorat. ergo ad hoc ut lex obliget, requiritur, ut conditio saltem, promulgatio.

*Probatur 3. pars, ex dicendis inferius. Ultima etiam pars, loquendo de perpetuitate, actuali, probatur.* Lex hodie à Principe lata, & promulgata, ab eodem principe, vel ejus successore cras abrogari potest, iustas ob causas; sed hoc non esset verum, si essentialiter lex deberet esse perpetua. ergo non debet.

ASSERTIO IV. Non solum ad divi- *Christiani*  
narum legum, sed etiam humanarum obser- *quibus le-*  
vationem Christiani obligantur. Est de fide, *gibus te-*  
ex Trident: sess: 6. c. 11. *Prob:* tum ex Apo- *nentur.*  
sto: Rom: 12. *Omnis, inquit, anima potestatibus*  
*sublimioribus subdita est.* & 13. *Qui potestati*  
*resistit, &c.* tum etiam ex illo Joann: 18. *Vos*  
*amici mei estis, &c.*

*Obijc:* Lex iusto imposita non est, sed impijs, teste Apost: ad Timo: 1. ergo iusti non obligantur servare legem. R. (omissis aliorum explicationibus) explicando illum passum; & distingu: antec: non iustis, id est occasione operum iustorum, concedo antec: non iustis, sed iniustis, id est, occasione malorum operum iniustorum, lex posita est, nego antec: & consequentiam. Cui hæc explicatio non placet, quærat meliorem, & adducat.

*In quo cō-*  
*sistit lex*  
*æterna na-*  
*turalis.*

ASSERTIO V. Lex æterna naturalis, quatenus præcipit aut prohibet aliquid nobis, non consistit formaliter in ipsismet rebus, prout obijciuntur intellectui divino. hæc, non contra Scotum, sed Scotistas est. *Prob:* tum quia lex æterna habet suā existentiam ab æterno (qui diceret quod non, quia tunc non erant homines, quibus promulgaretur, excitaret quæstionē de nomine) sed nulla res creata, etiam secundum adversarios, existit ab æterno; ergo lex æterna in illis nō consistit. tum etiam, quia lex semper provenit à Legislatore, sed res ab æterno objectivè cognitæ non proveniunt à Deo, ut probavi in Metaphys: ergo lex æterna Dei in illis non consistit; & per hoc patet ad fundamenta adversariorum.

*Lex æter-*  
*na Dei, in*  
*ipsum Deum*  
*obligat, con-*  
*sistit in dictamine*  
*actû intel-*  
*lectionis exis-*  
*tente in intel-*  
*lectu divino;*  
*ut verò nos*  
*obligat, con-*  
*sistit in actû*  
*voluntatis,*  
*quo ab æter-*  
*no Deus voluit,*  
*ut in tempore,*  
*hoc faceremus,*  
*& illud om-*  
*mitteremus.*

ASSERTIO VI. Lex illa æterna, ut ipsum Deum obligat, consistit in dictamine rationis existente in intellectu divino; ut verò nos obligat, consistit in actû voluntatis, quo ab æterno Deus voluit, ut in tempore, hoc faceremus, & illud omitteremus. *Probatur 1. pars.* quia non potest ostendi, in quo alio consisteret.

*Probatur 2. pars.* quia per talem actû nobis imperat Deus aliquid ab æterno; ergo in illo consistit formaliter ratio legis æternæ.

*Obijcies contra 2. partem.* Si per impossibile non haberet Deus ullam volitionem ab æterno respectu nostri, sed solum dictamen rationis, quo judicaret furtum v. g. esse fugiendum, adhuc nos per illud dictamen obligaremur, si proponeretur: ergo in illo dictamine cōsistit ratio legis æternæ. R. negando ante-



tec: quia dictamina personæ superioris, si non accedat ejus volitio, subditum non obligant: *Cujus potē-  
tiæ sit actio*  
ergo lex in illis consistere non potest.

ASSERTIO VII. Lex naturalis creata est actus intellectus. Ut probem hanc assertionem, *adverte*, sensum illius esse, quod judicium practicum, quo recta ratio practice dictat furtum, v. g. esse contra naturam rationalem, & propterea vitandum, sit lex naturalis. jam

*Prob:* In illo consistit lex naturalis, quo independenter ob omni positiva lege obligamur ad aliquid faciendum, vel omittendum; sed illud est actus intellectus; ergo lex naturalis in actu intellectus consistit. maj: est certa: prob: min: conscientia uniuscujusq; obligat illum, ad hoc faciendum, & illud omittendum. sed conscientia est actus intellectus, ut probavi antea col: 9. de actib: hum: ergo illud quod nos obligat est actus intellectus.

*Confirm:* tum ex Apost: Rom: 2. *Gentes que legem non habent, &c.* tum etiam ex PP. multis, docentibus synteresim esse nostram legem, sed in probabili sententia conscientia est synteresis: ergo.

*Obyc:* Actus intellectus non habet rationem imperij: ergo in illo non consistit lex naturalis. *Confirm:* Lex naturalis Dei consistit in actu voluntatis, ergo & creata. *R.* distingu: antec: rationem imperij, seu præcepti formalis, concedo antec: virtualis, nego antec: & consequ: *Ad Confirm:* *R.* etiam distingu: antec: naturalis Dei quâ nos obligat, nego antec: quâ se ipsum obligat, concedo antec: & nego consequentiam.

*Quomodo lex æterna differat à positiva.* ASSERTIO VIII. Lex æterna differt à positiva, per hoc, quod hæc contingenter tantum est imperata, æterna vero necessario. Obligatio rerum humanarum mediatè saltè dependet à lege naturæ, non verò immediatè.

*Probatur 1. pars.* quia non potest ostendi, in quo alio differrent..

*Dependētia legum positivarū à naturali* *Probatur 2. pars.* Nulla est lex positiva, quæ reduci non possit ad hoc naturale principium; *Obediendum est superiori legitime alitè* quid præcipienti; ergo nulla est lex humana positiva, quæ non dependet à lege naturæ.

*Probatur ultima pars.* Aliquæ leges humanæ immediatè dependent à positivis legibus, ut patet in præcepto *de non comedendis carnibus die Veneris*: ergo mediatè tantum dependent à lege naturæ.

*Quomodo obligatio legis tollatur.* ASSERTIO IX. Obligatio legis varijs modis tolli potest, irritatione nimirum, abrogatione, dispensatione, declaratione, & Epickéia; Non solum in aliquibus, sed etiam in omnibus Decalogi præceptis, de potentia absoluta dispensare potest D E U S; & consequenter in omnibus tam negativis, quam positivis præceptis legis naturæ, non verò Papa.

*Deus potest dispensare in toto Decalogo.* *Explicatio primæ partis* obvia est apud Authores communiter, unde breviter adverte, quòd *Irritatio legis* fiat, quando annullatur, antequàm perfectè confirmaretur, ut v. g. si Nationale Episcoporum Concilium aliquam ferret legem, quæ ut obligaret, Romani Pontificis indigeret approbatione, reclamante Pontifice statim irritaretur lex; & sic fieret, quasi non fuisset.

*Abrogatio fit*, quando lex quæ perfectè obligabat, ex toto cessat. *Descriptio Abrogationis.*

*Dispensatio describitur*, relaxatio juris facta cum causæ cognitione, ab eo qui potestatem habet. Hæc semper respicit unum, vel plures in particulari; & casum aliquem, respectu cuius tollitur obligatio legis, licet respectu aliorum, vel ejusdem hominis extra illum casum maneat in suo vigore. *Descriptio Dispensationis.*

*Epickeia* est emendatio, seu interpretatio rationabilis legis. Sic si Legislator omnes universaliter prohiberet casus: v. g. ut absolute Religiosi in sæculari domo non comederent; sed tamen si prævidisset hunc in particulari casum, v. g. quòd Excellentissimus simul & pijsimus Dominus D. Bernardus Comes à Martinitz, Supremus Regni Bohemix Burggravius, &c. urgeret, ut cum illo Fr. Antonius prandium sumeret, omnino excepisset illum, nec ad illius observantiam, in talibus circumstantijs, subditum obligare voluisset; tunc subditus ipse, vel ejus immediatus seu localis Superior, uti posset Epickeià; & sic, excipiendo illum casum, quem ipse Legislator, v. g. generale Capitulum, non excepit, quia non prævidit illum futurum, sine scrupulo desiderio jam nominati Excellentissimi, vel alterius similis conditionis satisfacere: & hæc meo videri, est genuina Epickeiæ explicatio. *Descriptio Epickeiæ.*

*Probatur 2. pars.* tum quia in hoc nulla potest ostendi implicantia; ergo omnipotentix Divinæ (extollenda est omni meliori modo, quo potest fieri sine implicantia) denegari non debet: tum etiam quia ex opposito se-

queretur, quod independenter ab imputatione voluntatis Divinæ, possit aliquis actus esse demeritorius, sed hoc est, secundum Scottistas præsertim, falsum: ergo in omnibus præceptis legis naturæ potest dispensare. major est certa: Probi: min: nullum opus potest habere rationem meriti independenter à Dei acceptatione, ut docet passim *Doct̃or noster*, cum suis (contra quos videor hic agere) ergo nec rationem demeriti, & offensæ divinæ independenter ab illius imputatione, sed hoc esset falsum, si DEUS non possit dispensare in omnibus legibus naturæ: ergo potest.

*In lege natura Papa dispensare non potest.* Probatur ultima pars. Tum quia non constat, quod Deus dederit Pontifici talem auctoritatem. Tum etiam, quia inferior non habet potestatem dispensandi in legibus Superioris, obligantibus etiam ipsum; sed Papa est DEO inferior, & tenetur ad observantiam legis naturæ; ergo in illa lege dispensare non potest. Tum deniq; auctoritate Bedæ, qui in lib: de præcepto & dispensatione, Conclusionem in terminis habet. Ergo est vera.

*Obijcies contra ultimam partem.* Communitas rerum auctoritate humana abrogata est, & tamen fuit de lege naturæ; ergo Lex naturæ auctoritate humanâ abrogari potest. *xy.* distinguendo antecedens pro secunda parte, permissivè concedo antecedens: præceptivè, seu absolutè & simpliciter, nego antecedens & consequentiam.

*Obijc: 2.* Pontifici Romano, legitimo Petri Successori, data est potestas ligandi & solvendi omnia super terram, *Matth: 18.* ergo & dispen-



dispensandi in lege naturæ. R. distinguendo antecedens, ligandi & solvendi ea, quæ ad salutem animarum in ordinato regimine Ecclesiastico pertinent, concedo antecedens, solvendi ea, quæ ad illorum salutem non pertinent, sicut non pertinet relaxatio legis naturæ, nego antecedens, & consequentiam.

*Obijciēs 3.* Pontifex solet dispensare in juramentis & votis, quorum obligatio est de lege naturæ: ergo potest dispensare in lege naturæ. R. distinguendo antecedens, propriè loquendo, nego antecedens, impropriè, concedo antecedens, & nego consequentiam. Itaq; Pontifex solum declarat votum, vel juramentum, in his vel illis circumstantijs tunc occurrentibus non obligare. *Nec valet dicere*, quod dispensando in votis Pontifex utatur verbo *Dispenso*; quia verbum illud æquè potest intelligi de dispensatione propriè dicta, ac de impropriè dicta. *Quomodo Papa in votis dispensat.*

*Obijciēs 4.* Non potest Deus mutare naturas rerum, sed ex natura rerum actus qui prohibentur in Decalogo sunt mali, & qui præcipiuntur sunt boni; ergo in illis nequit Deus dispensare. R. distin: min: nisi dispensetur in illis, concedo min: si dispensetur, nego min: & consequentiam.

*Dices*, Independentè à voluntate Dei, actus in Decalogo prohibiti sunt mali; ergo in illis non potest Deus dispensare. R. distinc: mali, id est peccaminosi, sicut defectu sunt, nego antec: mali, id est contra rationem rectam, transeat antecedens, & nego consequentiam.

*Dices 2.* Præcepta Decalogi continent in-

trinsecè ordinem virtutis & justitiæ; ergo in illis nequit Deus dispensare. & dist: antec: inseparabiliter nego antec: separabiliter concedo antec: & nego consequentiam. Itaque malitia moralis præceptorum omnium primæ tabulæ, ita est separabilis ab ipsis divinitus, ut suppositâ dispensatione Dei non esset formalis injuria, nec peccatum imputabile, elicere actum oppositū præcepto de diligendo, aut colendo Deo: defactò tamen Deus nunquam dispensavit in præceptis primæ tabulæ, propterea indispensabilia meritò dicuntur, non solum in ordine ad potestatem humanam, sed etiam de potentia ordinaria Dei; & hoc tantum vult Doctor noster, qui videtur favere magis oppositæ sententiæ, quam nostræ.

*Quis legis  
veteris au-  
thor.*

ASSERTIO X. Lex vetus à DEO condita, & ministerio Angelorum data Moyse, vera fuit & Sancta. *Ultima pars, de qua potest esse difficultas, probatur, tum ex Script: Psal: 10. Lex Domini immaculata. Psal: 118. Beati immaculati, &c. tum etiam, quia lex illa, quæ condita est ab Authore omnis boni, mala esse non debuit; sed lex vetus est à Deo condita: ergo mala non fuit.*

*Legis Mo-  
saicæ præ-  
cepta.*

*Pro intelligentia sequentium adverte, Legis Mosaycæ præcepta alia esse moralia, alia ceremonialia, & alia judicialia. Moralia, quæ dirigebant mores in ordine ad amorem Dei, & proximi, sunt præcepta primæ & secundæ tabulæ. Ceremonialia, erant illa, quæ docebant usum quarundam cœremoniarum, ad cultum veri DEI ordinararum. Judicialia, deniq; docebant modum, quo subditi cum*

*Super-*

Superioribus, & è contra, se gerere deberent.  
his notatis, sit.

ASSERTIO XI. Post mortem Christi *Cessatio*  
si quoad omnia jam dicta præcepta, cessavit *legis veteris etiam*  
lex Mosayca simpliciter, & absolutè.

*Probatur* tum ex Script: Hebræ: 9. Rom: 6. *quoad Ce-*  
& 7. quibus in locis id asseritur: tum etiam *remonia-*  
ex Concilio Apost: act: 14. *Visum est Spiritui lia.*  
*Sancto, &c.* ubi conclusio videtur definita:  
ergo est vera.

*Nec valet dicere*, quod promissit Deus illā  
legem futuram æternam: nec quod inter  
Christianos exercitium multarum cæremo-  
niarum, quæ in veteri lege vigeant, ut patet  
de solutione decimarum, dedicatione, tem-  
plorum, &c. defacto vigeant; non valet in-  
quam, quia *ly æternum* in primo loco accipi-  
tur pro longo tempore: cæremoniæ illæ non  
observantur vi legis Mosaicæ, neq; ut erant  
futura signa figurantia Christum, & Eccle-  
siam, sed potius vi consuetudinis, & statuti  
Ecclesiastici.

*Obijc:* Præcepta moralia defacto obligant;  
ergo obligatio veteris Legis quoad omnes  
partes non cessavit. *re. disti:* antec: obligant  
quia per naturalem, & novam Christi legem  
sunt præcepta, concedo antec: obligant, vi  
præcepti veteris legis, nego antec: & conse-  
quentiam.

ASSERTIO XII. Lex vetus, univer- *Non cessa-*  
saliter loquendo, non cessavit in puncto mor- *vit in pun-*  
tis Christi, bene tamen post sufficientē Evan- *cto mortis*  
gelij promulgationem. *Christi.*

*Probatur i. pars.* Nova lex non fuit intro-  
ducta universaliter loquendo, ante illius pro-

mulgationem sufficientem; sed non fuit promulgata in morte Christi, sed potius in die Pentecostes post Christi mortem, ergo non obligabat in puncto mortis Christi; subsumo, sed non cessavit lex vetus nisi post sufficientem promulgationem novæ Legis; ergo non cessavit in puncto mortis Christi.

*Probatur 2. pars.* Post illam promulgationem, nova secundum omnes, obligabat; ergo cessavit obligatio veteris, *Dixi universaliter*, quia certum est, quod obligatio Legis Moyseicæ cessavit ante Christi mortem, respectivè ad Apostolos, quibus ipse Christus novam publicavit legem.

*Obijc.* In Christi morte novum testamentum fuit confirmatum, ut docet Apost. Hebræ 8. & 9. ergo in eodem momento antiquum perijt. R. dist: antec: Confirmatum, taliter ut pro tunc obligaret, nego antec: confirmatū taliter ut habuerit requisita ad hoc, ut factā promulgatione obligaret, concedo antec: & nego consequentiam.

*Præcepta  
novi Testa-  
menti ve-  
ra.*

ASSERTIO XIII. In novo testamento continentur, vera & proprie dicta mandata obligantia nos ad sui observacionem. Hæc est de fide, & *probatur* ex varijs Evangelicæ Legis locis, in quibus Christus suorum mandatorum mentionē facit. Joann: 15. *Hoc mando vobis.* Idē habetur Matth: 5. & Joan: 2. ergo.

*Quanta sit  
potestas le-  
gislativa  
in Papa.*

ASSERTIO XIV. Nec in Pontifice, nec in Imperatore potestas est ferendi leges civiles, obligantes totum mundum.

*Prob:* Eorum nullus verum habet totius mundi dominium: ergo nec potestatem condendi leges, ad quarum observantiam totus mun-



mundus obligaretur. antecedens est certum,  
& consequentia bona est.

ASSERTIO XV. In Summo Pontifice datur potestas condendi leges Ecclesiasticas, & etiam civiles, obligantes sibi subiectos: similis etiam potestas, loquendo de lege civili, invenitur in omnibus Regibus, & absolutis Principibus; *Est de fide*, quoad omnes partes re ipsâ definita in Constantiensi contra Hussitas, & in Bulla Leonis 10. ac novissimè in Trident: Sess: 7. cap: 8. ergo est vera.

ASSERTIO XVI. Lege humanâ, *Materia* etiam civili prohiberi possunt publici actus *quam le-* externi, moraliter vitiosi, imò & aliqui actus *ges civiles* moraliter boni. *Probatur 1. pars.* Lex *precipere* naturalis defactò prohibet omnes tales actus; *possunt.* ergo lex civilis, quæ naturali conformari debet, illos prohibere potest.

*Probatur 2. pars.* Actus ex se bonus potest esse impedimentum maioris boni, v. g. si quis sacrum audire vellet, quando ad resistendum hosti invadenti civitatem, necessarius esset; ergo in tali casu lege civili prohiberi potest actus ille.

ASSERTIO XVII. Lege humanâ *Actus in-* Ecclesiasticâ directè præcipi possunt actus *terni lege* purè interni. Hæc est Caramuellis Viri do- *humanâ* ctissimi, meiq; hic quondam Patroni magni, *præcipi* cap: 4. fundament: Theol: *Prob: Hæresis possunt.* purè mentalis interdicitur in Clement: 1. de hæreticis, & propter talem fulminantur excommunicationes, ut patet in Can: *Si quis per stipendium.* dist: 30. sed hæresis illa est actus purè internus, ergo actus purè internus præcipi potest. *Probatur 2. Superior præ-*

cipere potest omnia, quæ prudenter putat esse necessaria ad assequendum & conservandum finem, quem respicit institutio Reipublicæ; sed Reipublicæ religiosæ ad assequendum suum finem, gratiam nimirum in hac vita, & gloriam in altera, actus purè interni maximè sunt necessarij, & utiles, v. g. oratio mentalis: ergo Prælati tales actus directè præcipere possunt. *Confirm:* Pontifex potest præcipere actum internum, & externum simul, secundum Adversarios; ergo & ipsum internum secundum se. Probat consequentia ex illa Reg: 53. Juris. *Cui licet id quod est plus, utiq; licet quod est minus*: sed plus est posse præcipere internum & externum simul, quàm solum internum: ergo qui potest illud, poterit etiam hoc.

*Probatur ultima Conclusio.* Ecclesia in cap: *Dolentes*, de celebratione Missarum, præcipit attentionem in recitandis horis canonicis, & Sacri celebratione, alias non peccaret, qui sine attentione legeret illa; sed attentio illa est actus purè internus; ut omnes fateri debent, ergo præcipit actum internum.

*Dices* Ecclesiam directè præcipere recitationem officij, & indirectè tantum attentionem. *Contra:* Illa indirectè tantum præcipiuntur, sine quibus poni non possunt, quæ præcipiuntur directè; sed sine attentione interna, externa lectio divini officij poni potest: ergo attentio illa indirectè non præcipitur, & consequenter directè; vel nullo modo peccat, qui eam negligit.

*Dices 2. cum Diana*, p. 2. tract. 12. reso. 2. & alijs apud ipsum, neminem obligari præcepto Eccle-

Ecclesiæ ad internam attentionem in recitatione officij, licet bene ad externam, quia non potest Ecclesia vetare, aut præcipere illud, quod non potest punire; sed non potest punire actus purè internos, quia sunt occulti per se, & sic illos nec cognoscere, nec judicare potest Ecclesia, quæ *de occultis non judicat*, teste Trident: sess: 24. c. 1.

*Habeat hæc Dianæ opinio* probabilitatem, quam potest habere; inde tamen *infero*: ergo qui occultè negligit lectionem divini officij, non facit contra præceptum Ecclesiæ; sed hoc dici nequit, aliàs subditus non peccaret, privatim violando præcepta omnia Ecclesiastica, & secularia; ergo. Prob: tamen illatum illo ipso argumento, quo Diana probat neminem obligari ad eliciendum actum purè internum; ergo nemo etiam peccat occultè omittendo actum externū; nemo enim peccat, nisi faciat contra præceptum vel legem.

*Dices* 3. Attentionem internam esse per se occultam, omissionem verò officij secretò, esse per accidens tantum occultam, quia merè contingens est, quod non fuerit præsens aliis, qui sciret de illa omissione: ergo qui occulte omittit officium, facit contra præceptum Ecclesiæ, quamvis qui negligit attentionem, non facit contra illud. *Contra*, non est potior ratio, cur unum esset contra præceptum Ecclesiæ, & non alterum. Illa deinde occulta, de quibus Ecclesia teste Trident: supra citato, judicare non potest, sunt tantum per accidens occulta: ergo aq; occultum per se, ac occultum per accidens, excluditur à præcepto Ecclesiæ. Prob: antec: Trident:

*Refutatur  
sententia  
probabilis  
Dianæ,  
quâ semel  
admissâ,  
mala multa  
seque-  
rentur.*

ibi loquitur de matrimonio clandestino ; sed matrimonium illud est æq; per accidens occultum, ac est omissio secreta divini officij, ut per se patet, ergo Ecclesia de occultis per accidens non judicat, & consequenter, si probabilis est opinio Dianæ, ut esse non nego, qui secretò omittit officiū divinum, non facit contra præceptū Ecclesiæ. Bone Deus, si hæc opinio semel admitteretur, quanta non aperiretur via ad occulta mala ; admitti tamen debet ab eis, qui docent oppositum nostræ Conclusionis. Pro quibus

*Obijc: cum Pontio.* Ecclesia actus purè internos nunquam præcepit: ergo nec potest præcipere. *R.* 1. negando consequentiam, quia multa possumus, quæ non facimus. *R.* negando antec: & ratio patet ex dictis.

*Obijcies 2.* Non potest Ecclesia punire actus purè internos: ergo nec præcipere. *R.* 1. transeundo antec: & negando conseq: aliàs nec actus externos, ut supra dixi, secretos præciperet. *R.* 2. neg: antec: nam defacto, ut patet ex *Can: Si quis*, jam citato, fulminat excommunicationem contra hæresim internam, quam non cognoscit.

*Obijc: 3.* Ecclesia fatetur se non posse judicare de occultis; ergo lex humana non extenditur ad actus purè internos, qui occultissimi sunt. *R.* dist: antec: non posse judicare potestate coërcitiva, concedo antec: potestate præceptiva seu directiva, nego antec: & consequentiam.

*Duplex da* Ut hoc melius intelligas, adverte in Eccle-  
*tur tribu-* sia tribunalia seu fora esse duo, internum  
*nal Eccle-* unum, externum alterum: in externo Ec-  
*sia.* clesiæ



clesia præcipere, judicare & punire solet; in interno verò præcipere, & prohibere, at judicium, & punitionem Deo relinquere solet; & conformiter ad illa Tribunalia duplicem, in Ecclesia potestatem admittimus, *præceptivam*, seu directivam scilicet, & *coërcitivam*, hæc forum externum tantum respicit, illa verò internum & externum simul.

ASSERTIO XVIII. Nemo potest pro- *ExtraTer-*  
prijis legibus alium obligare, dum est extra *ritorium*  
suum territorium. Peregrinus potest se con- *nemo liga-*  
formare legibus loci, per quem transit. Ec- *tur legibus*  
clesiastici obligantur legibus civilibus non *territorij.*  
dedecentibus statum suum quoad vim dire-  
ctivam.

*Probatur 1. pars.* tum ex cap: de Constit: in *Peregring*  
*Sexto:* tum etiam, quia legislatores habent, *quibus le-*  
sphæram activitatis suarum jurisdictionum, *gibus se*  
ultra quam se earum leges non extendunt: & *possit con-*  
per hoc patet veritas 2. partis; nam libera- *formare.*  
tus à legibus patriæ, potest se submittère Ju-  
ribus loci, in quo est: ergo etiam se illis con-  
formare.

*Tertia ergo pars probatur.* Clerici sunt etiā  
membra Reipublicæ, ergo in his, quæ non  
sunt contra illorum statum, parere debent  
legibus Reipublicæ, & consequenter quoad  
vim directivam, subsunt illis, hoc est, qua-  
tenus illis obedire debent, non verò quoad  
vim coërcitivam, quia per sæculares puniri  
licite non possunt, quamvis violarent legem,  
& hoc est, quod tantum vult Conc: Lateran:  
sub

sub Leone X. dum dicit: *Laicos nullam habere in Ecclesiasticas personas potestatem.*

## EPISTYLIUM PROBLEMATI CUM COLUMNÆ UNDECIMÆ.

*An Legislatur tenetur suis Legibus?*



## COLVMNA XII.

*De Virtutibus moralibus ac supernaturalibus per se infusis.*

*Definitio  
Virtutis &  
Sity.*

**A**SSERTIO I. Virtus est habitus inclinans potentiam ad actum moraliter bonum; vitium verò est habitus inclinans potentiam ad actus moraliter malos.

*Hec communis est, & difficultatem etiam non habet, nisi quòd descriptio vitij conveniat concupiscentiæ, quæ inclinat hominem ad peccandum, quamvis non sit in se vitium; Ad quam ex. nos ad vitium requirere, ut sit productum, vel saltem producibile per actus vitiosos, qualiter non est producibilis concupiscentia.*

*Una Entitas habitus  
ad actus  
contrarios  
inclinare  
potest.*

**A**SSERTIO II. Idem in entitate physica habitus, potest esse nunc virtus, nunc vitium; *Probatur.* Habitus quo facilitatur Christianus ad abstinendum, orandum, ob cultum veri Dei, est habitus virtuosus; & habitus quo facilitatur infidelis ad abstinendum,

dum, & orandum ob cultum idoli, est habitus vitiosus; sed primus potest facilitare ad posteriores actus, & posterior ad priores actus; ergo habitus virtutis potest concurrere ad vitium, & è contra, habitus vitiosus ad actum virtutis, prob: min: quando Christianus fit à Religione Apostata, idem ille habitus, qui facilitabat ipsum, dum esset fidelis ad orandum vel abstinendum, ob cultum veri Dei, faciliat etiam ipsum ad abstinendum, & orandum, ob cultum idoli, similiter discurrere de infideli ad fidem conversi, ergo habitus faciliat ad actus vitij & virtutis.

*Obijc:* Dantur actus ex intrinseca sua ratione boni; ergo & habitus, qui non possunt esse mali. *R.* Quod quamvis totum esset verum, nihil esset in præjudicium nostræ Conclusionis, ad cuius veritatem sufficeret, quod aliquis habitus virtutis possit vitium esse, & è contra. *R.* 2. negando absolutè antec: cuius falsitas patet ex dictis de Legibus, Assert: 9.

*Obijc:* 2. Si conclusio esset vera, posset aliquis per vitiosos actus acquirere intensissimū habitum virtutis; sed hoc est inconveniens, ergo non est vera. *R.* dist: maj: habitum virtutis quoad entitatem suam physicam, concedo maj: habitum virtutis, quoad bonitatem moralem, nego maj: & distincta similiter min: nego consequentiam. Itaq; habitus ille per actus vitiosos acquisitus, quamvis ex entitate sua physica non repugnet illi ad actum virtutis concurrere, quamdiu tamen actu non concurrat, non virtutis sed vitij dicetur habitus.

*Virtutes  
Volunta-  
ris que  
sint.*

ASSERTIO III. Dantur in voluntate virtutes, non solum circa bonum alienum, sed etiam circa proprium; & consequenter subiectum virtutum non solum ordinarum ad aliud, sed etiam fortitudinis, temperantiae, & aliarum ad proprium bonum ordinarum, dici debet. *Probatur.* Voluntas potest velle bonum temperantiae & fortitudinis, non minus quam bonum iustitiae; ergo potest ex frequentibus volitionibus huiusmodi acquirere habitum facilitantem illam ad similes iterum volitiones eliciendas, sicut acquirit habitum iustitiae virtutis, per reiteratos actus iustitiae; & consequenter potest esse subiectum utriusque.

*Probatur 2. conclusio universaliter*, quoad omnes partes. Illud debet dici subiectum virtutum, in quo experitur facilitas ad actus virtuosos eliciendos, sed facilitas huiusmodi in voluntate reperitur: ergo. Prob: min: voluntas experitur se facilius, & cum maiore inclinatione amare bonum temperantiae & fortitudinis post frequentes actus, quam antea; sed illa maior facilitas provenit ab habitu harum virtutum, qui in voluntate per frequentes actus generatur: ergo habitus ille in voluntate subiectatur.

*Obyc:* Voluntas est potentia libera: ergo ipsa potest se determinare ad prosecutionem boni temperantiae, & fortitudinis, sine omni habitu in ipsa subiectato. R. 1. retorquendo argumentum; ergo & ad prosecutionem boni iustitiae sine habitu, quod est contra adversarios. R. 2. dist: consequens, potest se determinare, &c. simpliciter & absolute concedo



cædo consequentiam : cum tanta facilitate, & propensione , nego consequi: Habitus requiruntur ad faciliter operandum , non verò ad simpliciter.

ASSERTIO. IV. Virtus moralis par- *Divisio vir-*  
titur non malè , in quatuor Cardinales, *tutis mo-*  
*dientiam* scilicet , *Fortitudinem* , *Iustitiam* , & *ralis in 4.*  
*Temperantiam* , in quibus tanquàm in cardini- *Cardini-*  
ne , vita humana versari debet. Hæc est com-  
munis , & bona , quamvis non in omni rigore , juxta Logicales bonæ divisionis regulas.

*Hic obiter nota* , non solum (in communi sententia) quòd virtutes morales duo respiciant extrema , unum excedens , & alterum. *Quæ ex-*  
deficiens ; sed etiam , quòd medium , in quo *trema &*  
consistit virtus , in triplici sit differentia : *media re-*  
unum est *rei, vel objecti* , sic in abstinentia , qua- *spiciat, vir-*  
tuor uncia panis sunt *medium rei* , alterum est *tus mora-*  
*medium rationis* , hoc est tale , quale recta ra- *lis.*  
tio dicat ; cujus exemplum habes in temperantia respectu cibi , cujus medium est illa quantitas , quam dicat recta ratio ; tertium medium est , ipsius *actus* , hoc est , ut sit tantæ , vel tantæ intensiõis , vel durationis. Nunc sit.

ASSERTIO V. Non omnis virtus *Virtus non*  
consistit in medio inter duo extrema ex parte *consistit in*  
objecti , sic , ut quis non perveniendo ad illud *medio.*  
medium , aut illud excedendo peccaret.

*Probatur 1. pars.* Non peccat contra temperantiam , qui minùs comedit , quàm per temperantiam licet ; ergo temperantiæ virtus ex parte rei , seu objecti , non habet tale medium , ut quis ad illud non perveniendo peccet.

*Probatur 2. pars.* Non peccat, qui excederet medium justitiæ commutativæ, dando nimirum ex liberalitate, aut misericordia plus, quàm deberet; sed ille excederet medium illius virtutis, quod est dare tantum, quantum debet. Ergo excedendo mediū non semper peccat quis.

*In aliquo  
tamē sen-  
su medium  
tenent.*

ASSERTIO VI. Virtutes morales, communiter loquendo taliter consistunt in medio, ut ex aliquo capite possit quis peccare contra quodvis extremum earum.

*Prob:* Multæ sunt virtutes, in quibus peccatur non perveniendo ad medium, ut clarū est in justitia, quæ non servatur, nisi quis det tantum, quantum debet. Item multæ sunt virtutes, in quibus peccatur excedendo medium, ut patet in temperantia. Imò servando mediū virtutis, potest quis peccare, in casu v. g. quo restitueret quis gladiū suū furioso, talis enim exactè ponit medium justitiæ, & tamen peccat; ergo servando medium potest quis peccare.

*Nulla est  
necessaria  
connexio  
virtutum  
inter se.*

ASSERTIO VII. Virtutes naturales, ut sunt quatuor cardinales, quibus adde castitatem, nec inter se sunt connexæ, nec à supernaturalibus dependent, aut è contra, supernaturales ab ipsis.

*Probatur 1. pars.* Ex illis virtutibus una potest haberi sine altera: ergo inter se non sunt connexæ. *Prob:* antec: potest aliquis esse castus, & non humilis; temperans, & non iustus; liberalis, & non castus; devotus, & impatiens, ut constat experiētiā: ergo potest habere unam ex illis virtutibus, sine altera.

*Probatur 2. pars.* Certum est de fide, quod in

in parvulis per baptismum renatis, sint virtutes supernaturales fidei, spei, & charitatis; sed in illis non sunt virtutes naturales; ergo naturales non dependent à supernaturalibus, aut è contra.

*Deinde* certum est, quòd in hominibus, etiā non elevatis per habitus infusos, ad eandem supernaturalem, inveniatur habitus facilitans eorum potentiam ad actus bonos naturales, & honestos: ergo invenitur habitus naturalis sine supernaturali.

*Adversarij* quod nobis objicerent, hæc- *Quomodo* nus non ostenderunt, præter auctoritates SS. PP. in quorundam PP. qui videntur dicere, quòd *hoc passu* una virtus non potest esse sine alia; sed facile *intelligen-* satisfacimus illis, intelligendo Patres, quasi *di.* vellent dicere, quòd nemo censendus est absolute bonus, qui unam solam, aut etiam certum aliquem numerum virtutum, sine alijs habeat, quia *bonum ex integra causa, malum* *verò ex quocunq; defectu.*

ASSERTIO VIII. Prudentia virtus; *Definitio* bene describitur, habitus intellectualis, quo *prudētia* inclinatur intellectus ad cognoscendū, quænam sint actiones bonæ, & malæ moraliter, & quænam sint opportuna media eas eliciendi, aut vitandi. Est in terminis Pontij hic disp: 23. Prob: quia habet bonæ descriptionis conditiones. Per ly *habitus intellectualis* distinguitur ab habitibus tam appetitus sensitivi, quam rationalis, & convenit cum arte, scientia, sapientia, intellectu, & opinione, de quibus egi in præcæmialibus Logicæ. Per ly *quo inclinatur intellectus, &c.* distinguitur à jam dictis habitibus intellectualibus; ad-

ditur, & *quæ nam sint media, &c.* ad denotandum, quod prudentia non solum tendat in finem, sed etiam in media, & quod hoc faciat.

*Prudentia  
tendit etiã  
ad media.*

*Prob:* Quando aliquis hic & nunc consideratis rectè circumstantijs omnibus, cognoscit bonum esse castè vivere, & propterea resolvit se ad castè vivendum, elicit tunc actum virtutis moralis appetitivæ; sed secundum adversarios nullus talis actus elici potest absq; prudentia; ergo tunc habet actum prudentiæ versantem, non solum circa finem, sed etiam circa media. *Confirm:* Est actus virtuosus, in his, vel illis circumstantijs, proponere hoc medium potius eligendum, quàm aliud, in ordine ad consecutionem talis, vel talis finis; sed hoc facit frequenter prudentia. ergo tendit etiam in media. De partibus tam integrantibus, quàm subjectivis prudentiæ lege Conimbricenses, qui de illis ad nauseam agunt.

*Definitio  
temperã-  
tiæ.*

ASSERTIO IX. Temperantia est habitus inclinans potentiam ad moderatè indulgendum voluptatibus gustûs, & tactûs. Partes ejus integrantes sunt verecundia, & honestas: partes verò subjectivæ sunt castitas, pudicitia, abstinencia, & sobrietas.

*Prima pars probatur* communi argumento, quia nimirum habet conditiones bonæ descriptionis. *2. Pars patet*, nam *verecundia*

dicitur pars temperantiæ, quatenus temperans dicitur, qui solet timere dedecus, ex intemperantia proveniens, & ex tali timore,

*Partes temperantiæ.* sapè in facie hominum rubor excitatur. *Honestas* verò ad temperantiam spectat, quatenus est habitus inclinans hominem ad non liben-



benter loquenda, audienda, aut tangenda, ea quæ spectant ad venereas res; unde communiter, qui talia evitant, honesti dicuntur.

3. pars non indiget probatione, nam cum *castitas* moderatur voluptatibus venereis, *pudicitia* modum imponit signis provocantibus ad voluptates; *abstinentia* inclinatur ad temperatè comedendū, & *sobrietas* ad temperatè bibendum; certum est, quod sint partes temperantix.

ASSERTIO X. Fortitudo, quæ est *In quo cō-*  
virtus moralis, non consistit in robore, ac fir- *sistat pro*  
mitate corporis, sed potiùs in habitu incli- *formali*  
nante ad ferenda, vel propulsanda mala, præ- *fortitudo.*  
sertim gravia, quæ accidere possunt propter honestatem, quæ in ijs ferendis, aut propulsandis apparet ex natura sua, & non quatenùs perperessio, aut propulsatio eorum est medium ad aliquod aliud bonum.

*Prima pars patet,* quia flagitiosissimus quisque potest sic esse fortis. 2. *etiam pars per*  
se clara est; & sic ex ambabus partibus inferre possumus: 1. Quod fortitudo respiciat omnia mala, in quorum perperessione, aut propulsatione apparet honestas. 2. *etiam colligere possumus,* duos esse præcipuos fortitudinis actus, quorum unius est sustinere mala; & alterius, ea propulsare cum expedit. *Actus fortitudinis præcipui.*  
Habet etiam fortitudo partes suas integrantes, patientiam scilicet, quæ ad sustinenda æquanimiter mala inclinatur: longanimitatem, quâ quis superat res magnas cum procul sint; & magnanimitatem, quâ quis disponitur ad ardua pericula subeunda.

*Datur vir-  
tutes per  
se infusæ.*

ASSERTIO XI. Dari virtutes per se infusas Theologi meritò affirmant; illas tamen esse habituales per se infusas, de fide non est. *Prob. 1. pars* ex Clemente 5. in Conc: Vienn: ubi expressè docetur his verbis: *Nos attendentes generalem efficaciam mortis Christi, quæ per baptismum applicatur omnibus baptizatis, opinionem quæ dicit, tam parvulis, quàm adultis, conferri in baptismo gratiam, & virtutes, dictis sanctorum, ac Theologiæ Doctorum magis consonam, sacro approbante Concilio dicimus eligendam: ergo dantur virtutes per se infusæ, quæ in baptismo conferuntur.*

*Dices* Pontificem tantum velle, quòd dentur virtutes tantum per accidens infusæ, id est, quæ possunt acquiri exercitio actuum: ergo ex mente Pontificis non bene inferitur Conclusionis veritas. *Contrà*, virtutes per accidens infusæ dant facilitatem secundum omnes; sed virtutes quæ in baptismo conferuntur parvulis, & adultis, non conferunt operandi facilitatem: ergo non sunt per accidens infusæ. Maj: est certa: probatur min: parvuli baptizati, quando perveniunt ad adultam ætatem, non sentiunt majorem facilitatem ad eliciendos actus virtutum, quàm si non baptizarentur, ut patet experientiâ: ergo illæ quæ conferuntur in baptismo, non dant facilitatem operandi, adeóq; non sunt per accidens tantum infusæ; sed potius per se.

*Probatur 1. pars 2. ex Trident: sessi: 6. capi: 2. ubi sic habet: In hac ipsa justificatione cum nemissione peccatorum hæc tria simul infusa accipit homo per JESUM Christum, cui inseritur, per se in-* *Fidem, Spem, & Charitatem.* ergo dantur hæc virtutes etiam per se infusæ. *Di-*

*Dices*, Auctoritatem illam tantum probare, quod dentur actus per se infusi, Fidei, Spei, & Charitatis, qui sunt virtutes actuales. *Contra*: Conciliū dicit, quod nobis infundantur virtutes, sed non infunduntur actus, seu actuales virtutes; ergo. prob: min: tum quia actus virtutum producuntur à nobis saltem partialiter agentibus; ergo non infunduntur; tum etiam, quia clarum est, quod parvuli nullos habeant virtutum actus; ergo non actus, sed habitus illis infunduntur.

*Probat̃ 2. pars.* quia nec Viennense, nec *Dari vir-* expresse Trident: docet dari virtutes per se, *tutes per* infusas, sed potius quod dentur virtutes in- *se infusas* fusæ sine additione particulæ *per se*. ergo dari *de fide non* hujusmodi virtutes non est de fide. *Contra-* *est.* *rium tamen* asserere temerarium esset; nam, qui in re gravi fidem concernente, contra torrentem Theologorum omnium agit, temerariè loquitur; sed qui negaret dari virtutes per se infusas, ageret in re gravi contra torrentem Theologorum omnium. ergo esset temerarius.

*Obijc: contra primam partem.* Virtutes acquisitæ possunt nobis sufficere: ergo frustra dicimus, quod communicentur nobis virtutes per se infusæ, quarum experientiam non habemus. R. transeundo antec: & negando consequ: nam ut perducamur ad supernaturalem beatitudinem congruum est, ut applicentur nobis media maximè proportionata illi fini; sed virtutes per se infusæ maximè sunt talia; ergo frustraneæ non sunt. Deinde frustraneum dici non potest, quod à Deo

fit; sed teste Trid: jam citato, virtutes illæ à Deo sunt; ergo non sunt frustraneæ.

*Obijc: contra 2. partē.* Doctorem in 3. d. 23. q. unica, n. 4. *Sicut, inquit, credo DEUM esse trinum & unum, ita credo me habere fidem infusam:* ergo secundum ipsum, de fide est, dari fidem per se infusam. *R.* negando consequens quia *Scotus* tantum dicit se credere dari fidem infusam, non verò quòd detur fides *per se* infusa, quæ esset habitus, quod salvâ nostrâ conclusione, verum esse potest.

*Virtutes per se infusæ in substantia sunt.* ASSERTIO XII. Virtutes per se infusæ sunt supernaturales in substantia. *Prob:* Virtus supernaturalis in substantia est illa, quæ à solo Deo producitur, sine eo, quod connaturaliter exigat produci ab ulla causa secunda, sed tales sunt virtutes fidei, spei, & charitatis, ergo sunt supernaturales in substantia.

*Habitus naturalis à virtutibus per se infusis generatur.* ASSERTIO XIII. Per actus virtutum supernaturalium, generantur in nobis habitus naturalis ordinis. *Prob:* Fidelis reiterando actum fidei supernaturalis, acquirit facilitatem credendi; sed illa facilitas est habitus naturalis; ergo per actus supernaturales fidei generatur habitus ordinis naturalis. *Prob:* min: tum quia habitus supernaturales non faciunt potentiam, sed tantum dant posse producere effectum, ergo facilitas illa quæ generatur per actus supernaturales, non supernaturalis, sed naturalis erit habitus. cum etiam, quia illa facilitas manet in potentia, non obstante, quòd per hæresim perdat habitum supernaturalem fidei, sed hoc esset falsum, si esset habitus supernaturalis in substantia.



stantia : ergo non est, sed naturalis ; & consequenter causatur talis habitus ab actibus supernaturalibus.

*Obijc:* Naturalis ille habitus, quem nos admittimus, produceretur dependenter à principio supernaturali, nempe ab actibus fidei : ergo esset supernaturalis. *R.* dist: antec: produceretur necessariò, nego antec: per accidens, concedo antec: & nego consequ: habitus enim illi, qui producuntur per actus supernaturales, possunt produci independentè ab illis actibus, per actus naturalis ordinis, & sic non præsupponunt principium supernaturale necessariò, sicut deberent præsupponere ad hoc, ut essent supernaturales.

ASSERTIO XIV. Habitus supernaturales requiruntur simpliciter ad suos actus, eorum tamen concursus per auxilium Dei extrinsecum divinitus suppleri potest. quoad omnes partes ijsdem rationibus, quibus Assert: 4. columnæ 3. de visione beatifica, probavimus necessitatem luminis gloriæ, & ijsdem argumentis, quibus ibi ostendimus, quòd intellectus physicè, & naturali suâ virtute concurrat etiam ad visionem, probamus hic, quòd voluntas physicè attingat productionem actuum supernaturalium in substantia : unde quæ ibi de lumine diximus, proportionè servatâ, de virtutibus supernaturalibus hic affirmamus.

*Necessitas habituum supernaturalium.*

*Virtutis supernaturalis objectum attingi possunt naturaliter.*

ASSERTIO XV. Nullum est objectum Virtutis supernaturalis, in quod non potest tendi actu, & virtute naturali ; aut contrà, objectum virtutis naturalis, in quod non

non potest tendi actu, & virtute supernaturali. *Secunda pars sequitur ex prima.*

*Probatur ergo 1. pars.* Fides acquisita potest tendere in quodcunque objectum, in quod potest tendere infusa; sed est eadem ratio de omnibus alijs objectis virtutum supernaturalium; ergo virtute naturali in tale quodvis objectum tendi potest. Prob: maj: Potest Fides acquisita tendere in hoc objectum, *Deus est Trinus, & unus*; sed si esset aliquod objectum fidei supernaturalis, in quod non possit tendere fides naturalis, esset illud; ergo nullum est tale objectum, in quod virtute naturali tendi non potest. Prob: maj: Si inter Christianos educarentur duo parvuli, quorum unus esset baptizatus, & alter non, & specialiter inter alia fidei mysteria; in jam nominato articulo instruerentur, sicut & in motivo, propter quod deberent credere, videlicet, quia Deus verax revelavit; uterque parvulus crederet illum articulum propter idem motivum; sed baptizatus crederet illum fide divinâ, ut omnes concedunt; non baptizatus verò crederet fide tantum humanâ, propter defectum habitus infusi, ut rationabiliter quivis concedere debet; ergo potest aliquis fide humanâ credere DEUM esse Trinum, & unum, & consequenter cognoscere omnia objecta virtutum supernaturalium.

*Obje:* Si virtus naturalis, & supernaturalis, versarentur circa idem objectum, non distinguarentur specie inter se; sed hoc est falsum; ergo non possunt versari circa idem objectum. Prob: maj: Non solum actuum, sed etiam habituum specificatio desumi debet

ab objecto, ergo si in idem objectum habitus naturales, & supernaturales tendere possent, specie inter se non distinguerentur. *R.* negando maj: nam defacto volitio, & intellectio, visio ocularis, & tactus versantur circa idem objectum, & tamen inter se specie distinguuntur, ergo male semper ex diversitate objectorum diversitas actuum colligitur.

*Obijcies 2.* Si Conclusio esset vera, virtutes supernaturales superfluerent, sed hoc non est dicendum; ergo non est vera. *Prob:* maj: Si virtutes naturales tenderent in objecta virtutum supernaturalium, ad nil inservirent, supernaturales; ergo superfluerent. *R.* negando maj: nam non requiruntur virtutes supernaturales præcisè, ut illis mediantibus attingatur objectum; sed etiam, ut potentia illud attingat perfectioribus actibus, hoc est, supernaturalibus, qui ex natura sua longè perfectiores sunt, quàm naturales.

ASSERTIO XVI. Præter jam annumeratas tres virtutes Theologicas, nullæ aliæ dantur per se infusæ. *3. tantum datur virtutes per se infusæ.* *Prob:* Nulla est necessitas, ratione, aut authoritate fulcita, quæ probaret ullas alias virtutes per se infusas dari: ergo nullæ dantur.

*Obijc:* Patrum, & Concil: authorit: docentes; actus virtutum moralium esse dona Dei, & ad illos requiri gratiam particularem: ergo sunt per se infusæ, & sic dantur plures quàm tres. *R.* negando consequentiã, nam quamvis virtutes illæ non essent supernaturales.

les in substantia, adhuc possent esse dona Dei, quatenus ex particulari gratia Dei essent collatae, & in hoc sensu pluvia concessa intuitu orationis fidelium, donum Dei dici potest, quamvis ordinis sit naturalis.

*Explicatio Obijc: 2.* Concilium Vienn: dicit illam esse *Conc: Viē-* magis probabilem opinionem, *que docet in-* nensis in *baptismo infundi gratiam, & virtutes:* ergo *hoc pūcto.* præter tres Theologicas virtutes, dantur virtutes aliæ morales, per se infusæ. *¶* Concilium ibi nihil determinasse in præjudicium nostræ Conclusionis, nā tantum docet, quod infundantur gratiæ, & virtutes, abstrahendo ab illa difficultate Theologica, an dentur ullæ tales per se infusæ, distinctæ à virtutibus Fidei, Spei, & Charitatis. *Deinde* per hoc, quod infundantur per se solæ virtutes Theologicæ, verum est dicere, quod infundatur gratia, & virtutes; & in hoc sensu intelligi debet Catechismus Romanus, quando dicit, quod gratiæ adhæreat nobilissimus virtutum comitatus, quæ in anima simul cum gratia infunduntur; nam simul cum charitate, quæ à gratia non distinguitur, infunduntur fides, & spes, quæ sunt nobilissimæ virtutes.

*Obijc: 3.* Sequeretur ex Conclusionem, quod parvuli baptizati, & mortui ante usum rationis, non haberent virtutes morales alias in patria, sed hoc esset inconveniens; ergo aliæ virtutes infunduntur illis simul cum tribus Theologicis. *¶* negando sequelam, nam sicut Deus liberaliter usum rationis istis parvulis in cælo confert, quem non habuerunt



in hac vita, ita etiam virtutes illis morales conferre potest, & fortè solet.

EPISTYLIUM PROBLEMATI CUM  
COLUMNÆ DUODECIMÆ.

*An dona beatitudinis, & fructus Spiritûs  
Sancti, distinguantur specie à virtuti-  
bus moralibus, & Theologicis?*



COLVMNA XIII.

*De natura, & divisionibus Iustitiæ.*

Cum Iustitia una sit ex quatuor virtuti-  
bus cardinalibus, postquam jam egimus  
de alijs tribus, recto ordine, ante alias ma-  
terias de illa agemus; unde sit.

ASSERTIO I. Iustitia est constans, &  
perpetua voluntas, jus suum cuiq; tribuendi.  
*Prob: ly constans, & perpetua, erit genus in,*  
quo iustitia cum cæteris virtutibus convenit;  
cæteræ particulæ sunt differentia; ergo con-  
stat genere & differentia.

*Descriptio  
Iustitiæ ut  
sic.*

*Probatur* 2. ipsam declarando, dicitur *con-*  
*stans, & perpetua voluntas*, ad denotandum,  
quod sit actus, vel habitus voluntatis incli-  
nans illam ad actus ex electione procedentes  
eliciendos, idq; constanter, & perpetuò, quā-  
diu manent in voluntate. Dicitur *jus suum,*  
*cuiq; tribuendi*, ut ostendatur objectum iusti-  
tiæ, quod est unicuiq; suum jus distribuere,  
ergo.

*Obijc:*

*Obijc:* Illa descriptio convenit Religioni, obedientiæ, pietati, ergo non est bona. *R.* negando antec: quia objectū Religionis non est jus, sed suprema potiùs excellentia superioris. Similiter objectum obedientiæ non est jus, sed superioritas, in quantum hæc bonum subditorum respicit. Ad illud de pietate dicemus inferiùs, interea sit.

*Inter quos possit intercedere rigorosa justitia.*

ASSERTIO II. Inter Patrem & Filiū, Dominum, & servum, hominem, & Angelum, maritum, & uxorem; non verò inter Deum, & creaturam, justitia rigorosa intercedere potest; *Probatur 1. pars.* Aliqua bona possunt esse Patris, quæ non sunt Filij, ut omnes concedunt; & aliqua Filij quæ non sunt Patris, ut sunt bona castrensia, id est, in bello acquisita, seu quasi castrensia, id est, quæ ex beneficio Ecclesiastico, aut ex donatione alicujus Principis, aut ratione Clericatus acquirunt: ergo non minùs debet intercedere justitia rigorosa inter alias personas, quàm inter Patrem, & Filium.

*Inter Dominum, & servum.*

*2. Pars patet,* quia Dominus ex justitia, tenetur non occidere, aut mutilare servum; & è contra, servus tenetur ad ea facienda, quæ Domino sunt debita: ergo inter illos justitia rigorosa intercedere potest.

*Angelum & hominem.*

*Probatur 3. pars.* Angelus habet jus in famam; & idem dic de homine respectu Angeli, ergo inter illos intercedere potest justitia rigorosa.

*Probatur etiam 4. pars.* Maritus multa potest habere, de quibus, sine injustitia, disporre non potest uxor, illo invito, & similiter dic

dic de uxore, respectu mariti. ergo inter illos iustitia intercedit.

*Probatur ultima pars.* Omnes actiones humanæ, resq; creatæ, debentur DEO multis titulis, puta gratitudinis, humilitatis, & summæ dependentiæ: ergo inter DEUM, & creaturam iustitia rigorosa intercedere non potest. Prob: consequ: ad iustitiam rigorosam sequentes requiruntur conditiones. 1. ut debitor satisfaciatur ex proprijs suis bonis, non verò ex creditoris. 2. Ut independenter à gratia Creditoris, satisfactio fiat. 3. Ut illud per quod satisfacit, non debeatur Creditori alio titulo. 4. Ut iustitia sit ad alterum, quia sibi ipsi de iustitia nemo satisfacere potest. 5. Quòd in satisfactione detur passum & repassum, hoc est, quòd is qui obligatur, id est, *debitor*, debeat pati dando aliquid; & ille, cui obligatur, hoc est, *Creditor*, similiter pati debeat, quatenus debuit aliquid alteri facere, ratione cuius alter obligabatur. 6. Ut inter datum & acceptum sit æqualitas arithmetica, sic ut si acceperit centum, debeat centum restituere; nam si creditor pro centum, à debitore acciperet quinquaginta, erit quidem satisfactio de iustitia; sed non de rigore iustitiæ, quia non datur æquale secundum se, sed tantum ex favore & acceptione creditoris; sed certum est, quòd iustitiæ, quæ inter Deum & hominē intercedit, illæ conditiones non conveniāt; ergo non est rigorosa. Prob: min: seclufis gratuitis Dei donis, ejusq; voluntaria acceptione, opera nostra meritoria non essent; ergo per illa de rigore Iustitiæ satisfacere non valemus.

*Non verò  
inter Deū,  
& creatu-  
ram.*

*Conditio-  
nes iustitia  
rigorosa.*

ASSERTIO III. Æqualitas, seu res debita juri stricto alterius, est objectum materiale *Quod*, & remotum justitiæ, proximū verò materiale objectum illius, est actus externus, quo ea æqualitas servatur. *1. Pars probatur.* Justitia versatur circa illam æqualitatem; ergo objectum materiale *Quod* & remotum justitiæ, erit res illa æqualis.

*Probatur 2. pars.* Objectū materiale *Quod* proximum cujuscunq; virtutis per se operativæ, seu imperativæ actus externi, est ipse actus externus, quem imperat, quia circa illum proximè versatur; sed justitia est talis virtus; ergo ejus materiale proximum objectum, erit actus externus quem imperat.

*Objectum  
ejus for-  
male.*

ASSERTIO IV. Objectum formale proximum justitiæ est particularis honestas, seu moralis rectitudo, quæ est in actu externo, quo jus strictum alterius servatur.

*Probatur.* Objectum formale proximum cujuscunq; virtutis est illud, quod objectivè propositum allicit, & determinat voluntatē ad operandum; sed honestas, seu moralis rectitudo, quæ est in actu externo, allicit & determinat voluntatem ad internum justitiæ actum eliciendum; ergo rectitudo illa erit formale objectum justitiæ.

*Prima In-  
stitiæ divi-  
sio.*

ASSERTIO V. Justitia primò partitur in *legalem*, & *particularem*, particularis autem, in *commutativam*, & *distributivam*. *Prob:* explicando singulas partes. Legalis est, quæ inclinatur ad jus suum communitati, seu Reipublicæ tribuendum; & dicitur *legalis*, quia sicut leges respiciunt bonum commune, ita hæc bonum Reipublicæ. Justitia *parti-*  
*cula-*



*cularis*, est virtus inclinans unum particulare ad jus suum alteri particulari tribuendum.

Justitia *commutativa* est, quæ æquale redditur pro æquali secundum proportionem *arithmetica*; sic pro duobus acceptis duo dantur, & pro tribus tria. Justitia autem *distributiva* est, quæ redditur æquale pro æquali, non simpliciter, sed secundum proportionem quam vocant *geometricam*, hoc est, habito respectu ad merita, & dignitates personarum, ita ut in quantum dignitas, & merita unius excedunt merita, & dignitatem alterius, sic illud quod datur uni, excedat id quod datur alteri. Ad hanc justitiam spectat distribuere commoda, & onera communia inter partes civitatis; ad commutativam verò spectat versare circa contractus, & commutationes; quapropter de ea principaliter per decursum hujus tractatus agemus, quanquam non nihil etiam de distributiva tractabimus, unde fit.

ASSERTIO VI. Justitia distributiva per se essentialiter respicit plures, quibus juxta proportionem geometricam, quando id fieri potest, distribuendum dicitur. *Prob: Distributor bonorum Reipublicæ, iniquè agit distribuendo illa bona, nisi respiciat personas Reipublicæ, & merita illarum, sed hoc est, quod vult Conclusio; ergo debet illas personas respicere.*

*Obje:* Si ex duobus beneficijs vacantibus, & æqualibus, unum detur magis merito, & alterum minus merito, servatur ratio justitiæ distributivæ, ergo malè dicimus, quod justitia illa servat proportionem geometricam.

R. negando consequ: quia ex parte affectûs justitiæ, si unum illorum beneficiorum esset pretiosius altero, illud digniori daretur, quod sufficit ad asserendum, quòd justitia distributiva servet semper proportionem geometricam.

*Quid cō-  
mutativa  
exigit.*

ASSERTIO VII. Justitia commutativa non exigit simpliciter, & absolutè servari proportionem geometricam. *Prob:* Justitia commutativa solùm dictat singulis dandum esse æquale absolutè loquendo, pro æquali; ergo non exigit servari proportionem geometricam. *Prob:* antec: qui debet pauperi centum aureos, & Regi totidem; aut Regi decem, & pauperi quinquaginta, non obstante diversitate dignitatum personarum illarum, non satisfacit justitiæ, nisi det cuique illud quod debebat, & nil infra, sed hoc non esset verum, si justitia commutativa respiceret proportionem geometricam semper: ergo non respicit.

*Objc:* Quando aliquis ex contractu multa debet multis, v. g. Petro centum florenos, & Paulo quinquaginta, & non potest integrè utriq; satisfacere, tenerur utriq; secundùm justitiam commutativam satisfacere quantum potest, & sic si tantum habeat centum florenos, debet Petro in duplo plus dare quàm Paulo; nec potest totum dari uni, relicto altero, quia sic alteri faceret injuriam: ergo in hoc saltem casu, justitia commutativa servat proportionem geometricam. R. quòd in tali casu possit sine ulla injuria totum dare Petro, nihil dando Paulo, & multò magis, tantum dare uni, quantum alteri; ratio est, quia

quia dando Petro, quod debet, & habet, committit actum iustitiæ, sed debet, & habet centum florenos; ergo dando illos Petro, nihil dando Paulo, committit actum iustitiæ.

ASSERTIO VIII. Iustitia commu- *Distinctio*  
 rativa & distributiva simpliciter inter se dif- *utrinusq;*  
 ferunt, & ab utraq; specialis virtus iustitiæ *inter se &*  
 legalis distinguitur. *Probatur. Quod de-* *ab alijs.*

betur ex iustitia commutativa, debetur simpliciter sine respectu ad alios; sed non est sic de iustitia distributiva; ergo commutativa à distributiva distinguitur. *Confirm:* Iustitia distributiva respicit æqualitatem tantum geometricam, commutativa verò arithmeticam. ergo hæc ab illa verè distinguitur.

*Probatur 2. pars.* Quotiescunq; una virtus tendit in aliquod objectum, in quod non tendit alia virtus, distinguitur specie ab illa alia virtute, sed iustitia legalis tendit in bonum communis, seu Reipublicæ, tanquam in objectum, & in illud nulla alia virtus sic tendit, ergo iustitia legalis est virtus specialis, distincta ab alijs.

*Obijc:* Nulla virtus est bona, nisi tendat in bonum commune: ergo iustitia legalis male diversificatur ab alijs virtutibus, per hoc, quod sic tendat in bonum commune. *Prob:* antec: nulla virtus est bona, nisi finis illius sit bonus, sed solius virtutis respicientis bonum commune finis potest esse bonus: ergo nulla virtus est bona, nisi tendat in bonum commune. *R.* negando antec: ad cuius probationem *R.* distinguendo min: nisi ordinetur in bonum commune, positivè nego min: negativè, hoc est, non impediendo bonum com-

mune, concedo min: & nego consequentiam. Temperatè enim vivere semper bonum est, quantum est ex parte virtutis; licet peccaret, qui cum jactura Reipublicæ sic viveret.

## EPYSTILIUM PROBLEMATICUM COLUMNÆ XIII.

*An justitia vindicativa, respiciat proportionem Arithmeticam?*



## COLVMNA XIV.

*De Vsu, & Dominio.*

*Definitio  
juris stri-  
cti.*

*Ejus divi-  
sio in reale  
& perso-  
nale.*

**P**RO resolutione hic obiter nota, *jus strictum* rectè describi; potestas moralis de re aliqua, aut actione disponendi, per se obstandi, ne alter alium rationabiliter invitum impediat. Jus hoc dividitur in *Jus in Re*, & *ad Rem*, seu *in reale*, & *personale*; *Jus in Re*, est facultas, quæ tribuit creditori actionem realem in rem existentem (actionem realem vocant Juristæ, eam quæ adhæret rei, non verò personæ semper) *Jus ad rem*, est facultas, quæ tribuit actionem personalem, id est obligationem in personam, seu quæ personæ adhæret, non verò rei; exemplum sit in eo, qui mutuò alteri pecuniam dedit; ille enim in personam alterius actionem habet, non verò in pecuniam, quæ amplius non est ipsius. At si equum mutuò dedisti, jus habes in Re, quia  
equus



equus semper tuus est, & sic actionem realem in ipsum habes, ratione cujus possis licite illum accipere ubicunq; est.

*Jus in re*, aliud est perfectum, aliud imperfectum; perfectum, quod & Dominium dicitur, aliud est jurisdictionis, & est potestas gubernandi subditos; & aliud proprietatis, quod præcipua est, & potissima juris in Re species; unde fit

ASSERTIO I. Dominium proprietatis, seu perfectum est jus in re ad quamlibet dispositionem, nisi lege prohibeatur.

*Quid sit  
Dominium  
proprietatis.*

*Prob: Descriptio*, illam explicando: dicitur *jus*, quia Dominium est species perfecti juris: dicitur *in re*; id est, tam corporali, quam spiritali, ut cõprehendat utrumq; ; DEUS enim perfectissimum habet Dominium Angelorũ, & animæ rationalis, & consequenter malè in descriptione domini addidit *Bartolus*, *ly corporali*; subditur, *nisi lege prohibeatur*, nam pupillus, & minorennis sunt veri Domini suarum rerum, licet de eis disponere non possint, juxta illud Apost: ad Galat: 4. *Quanto tempore heres parvulus est, &c.*

ASSERTIO II. Ususfructus, est jus utendi, & fruendi re alienâ salvâ ejus substantiâ. Per *ly jus*, convenit cum Dominio; per *ly utendi* differt à jure quod habet creditor in pignore, nam illo pignore uti non potest licite, additur *re alienâ*, ut distinguatur à mereo usu, nam usuarius quamvis potest uti prædio, vel domo ad suum proprium usum; non potest tamen locare domum, vel vendere fructus illius: additur *salvâ ejus substantiâ*, ut distinguatur à Dominio perfecto, nam usu-

*Ususfructus quid sit.*

fructuarius substantiam rei integrè conservare debet; sic qui habet usumfructum gregis, potest disponere de lana, lacte, & hujusmodi, prout vult; gregem tamen ipsum integrè conservare debet, & pro capite caput substituere, & per hoc varij casus resolvi possunt, nam ad usufructuarium spectant ea omnia, quæ industriâ, casu, vel fortunâ rei adveniunt.

*Ufus tantum.*

ASSERTIO III. Ufus describitur jus utendi tantum re alienâ, salvâ ejus substantiâ. *Prob:* per *ly utendi tantum*, distinguitur ab usufructu, ob rationem jam supra tactam, reliquæ particule sunt genus, in quo usus, & usufructus conveniunt.

*Ufus distinguitur à Dominio.*

ASSERTIO IV. In rebus usu consumptibilibus, usus distinguitur à dominio. *Ut probetur hæc conclusio, adverte* usum duplicem esse, *juris*, nimirum, & *facti*. *Ufus facti*, est actualis rei usus; v. g. equitatio actualis, comestio, &c. *Ufus Juris* est potestas moralis ad hæc faciendâ propter jus intrinsecum, & radicatum in persona, hoc notato

*Probatur Conclusio.* Non implicat aliquem accipere facultatem, revocabilem semper, & dependentem à voluntate dantis, utendi re aliquâ, usu consumptibili; sed ille qui haberet talem facultatem, non potest dici Dominus rei, ergo potest aliquis habere usum rei licitum, sine Dominio.

*Quid sit usus Juris, & quid facti.*

*Prob: 2.* Conviva habet usum ciborum sibi appositorum, & tamen non est Dominus illorum, ergo potest dari usus sine dominio.

*Item* Religiosi aliorum Ordinum, habent multarum rerum usum, & tamen dicunt se non

non posse habere ullius rei dominium in particulari; ergo & nos Franciscani non obſtāte uſu rerum poſſumus non habere dominium, nec in communi, nec in particulari.

*Confirm:* Nemo poteſt fieri ullius rei Dominus, ipſo invito, ut eſt certum, ſed nos Franciscani nolumus habere dominium rerum, quibus quotidie utimur: ergo non ſumus Domini illarum, & conſequenter uſus in illis diſtinguitur à Dominio.

*Obijc:* Uſus, eſt jus utendi re, ſalvâ ejus ſubſtantiâ; ſed in rebus unico uſu conſumptibilibus, v. g. pane, vino, &c. non poteſt dari uſus diſtinctus à dominio; ergo in nullo caſu. R. ibi definiri uſum juris, non verò uſum facti, id eſt, quem quis habet dependenter à voluntate alterius, & in hoc ſenſu, Joannem 22. in extravag: ad Conditorem, fuiſſe locutum, dum oppoſitum Concluſionis videbatur docuiſſe, exiſtimant multi, quibus ſubſcribo.

*Obijcies 2.* Nos Fratres Minores poſſumus dare, & permutare res nobis datas prout volumus, ergo ſumus earum Domini. R. nos non poſſe id facere, niſi dependenter à voluntate dantis, ad eum ferè modum, quo ſervi de rebus ſuorum Dominorum diſponere poſſunt, quarum tamen non ſunt Domini.

ASSERTIO V. Poſſeſſio, eſt rei corporalis detentio, corporis, & animi, jurisq; adminiculo concurrente. Eſt communis, & patet, quia habet conditiones bonæ deſcriptionis. Poſſeſſio ſic deſcripta, alia eſt juris, alia facti; poſſeſſio juris eſt, *jus inſiſtendi rei, ut ſua, non prohibita poſſideri.* Dicitur

*Quomodo  
Minores  
poſſint da-  
re & per-  
mutare  
res aliquas*

*Definitio  
Poſſeſſio-  
nis.*

*jus*, ut distinguatur à possessione *facti*, quæ non est *jus*, sed titulus, seu fundamentum juris, si justa sit; & hujusmodi veræ possessionis hæc sunt privilegia, seu regulæ. 1. Possessor bonæ fidei certo tempore præscribit, & fit Dominus rei, quæ non erat sua. 2. In dubio melior est conditio possidentis. 3. Qui possidet, non petit rem in judicio, nec ei incumbit probare, sed ei qui petit. 4. Qui possidet, potest armis defendere suam possessionem naturalem, atq; etiam civilem; servato moderamine inculpatæ tutelæ. 5. Qui expellit injustè aliquem à possessione, amittit illius rei dominium.

*Emphyteusis quid?*

ASSERTIO VI. Emphyteusis, quæ latine meliorationem significat, describitur, concessio rei mobilis cum translatione Dominiij utilis, retento directo, sub onere certæ pensionis Proprietario solvenda. Hæc non indiget probatione, quia habet bonæ descriptionis condiciones.

*Quid sit fevdum.*

ASSERTIO VII. Fevdum (à fide quæ Vasallus Domino præstare tenetur, dicitur) describitur, translatio Dominiij utilis retento directo, & sub onere fidelitatis, & obsequij personalis. Probatur recurrendo ad Regulas bonæ descriptionis, quarum nulla huic deest. Fevdum ab Emphyteusi differt potissimum, quia in puro fevdo non solvitur pensio, sed obsequium personale; è contra fit in Emphyteusi. De his vide Juristas. Interea sit.

*Dominium in solidum duorum reij.*

ASSERTIO VIII. Non possunt dari pro eodem instanti intrinseco, duo in solidum Domini ejusdem rei. Prob: Domi-

nium



nium proprietatis ( de hoc loquimur ) est *jus in re ad quamlibet dispositionem , nisi lege prohibeatur* ; sed in instanti , quo Titius v.g. donat Petro equum , Titius nequit disponere , de illo equo , sine injuria Petri , nisi consentiat , ergo non est Dominus equi pro illo instanti. Prob: min: Pro illo instanti habet Petrus verum, & formale equi dominium, & Titius vult carere equi dominio ; ergo Titius de illo disponere non potest , Petro non consentiente , sine injuria Petri.

*Confirm:* Titius , illâ suâ donatione abdicat à se Dominium equi , & transfert illud in Petrum consentientem ; ergo Titius non manet amplius Dominus equi , & consequenter simul cum Petro non habet Dominium in solidum.

*Confirm: 2.* Nemo potest esse ullius rei Dominus ipso invito, seu nolente , sed in instanti quo Titius donat equum Petro , habet nolitionem dominij istius equi ; ergo non potest pro illo instanti esse illius Dominus. Maj: est certa. Prob: ergo min: Titius , ut suppono , pro illo instanti habet volitionem transferendi Dominium equi in Petrum ; ergo habet nolitionem , vel saltem negationem volitionis , conservandi sibi dominium equi ; sed cum tali nolitione non stat dominium : ergo Titius non est Dominus.

*Invitus nō potest esse Dominus.*

*Obijc:* Dare rem alteri , sive vendendo , sive donando , est actus , & exercitium Dominij , & Domini ; ergo pro primo instanti , quo dono librum Petro , sum Dominus libri ; sed secundum omnes Petrus acceptans donationē , est etiam Dominus pro illo instanti , ergo am-

bo simul sunt illius rei in solidum Domini. *¶* d. ft: antec: est actus, vel exercitium Domini manentis simul cum actuali donatione, vel dominatione, nego antec: Actus Domini immediatè præcedentis transeat antec: & nego consequentiam.

*Infideles,* ASSERTIO X. Non solum infideles, *peccato-* sed etiam peccatores sunt capaces veri domini temporalis; & idem dic de pueris ante u- *& amen-* sum rationis, & amentibus. 1. Pars est de *tes, capa-* fide definita in Constantiensi Sess: 8. *ces sunt do-* probatur, tum quia in Scriptura Ethnici *minij.* Reges, & Peccatores dicuntur veri Domini, & Principes, & monemus ad illos honorandos, observandosq;, ad Rom: 13. 1. Petri 2. Matth: 23. &c. ergo sunt veri Domini. Tum etiam ratione. Homo per peccatum non amittit jus quod habet in vitam, & famam; ergo nec jus, quod habet ad res suas temporales.

*Probatur 2. pars.* tum ex Apost: supra citato, assert: 1. col: 13. tum etiam ex communi omnium consensu existimantium bona Patris decedentis è vita, spectare ad filium etiam si sit infans. Ergo infantes, & à paritate amentes sunt capaces Domini veri.

*Obijc:* Dominium omne confertur à Deo, sed Deus non confert Dominium peccatoribus qui sunt ejus inimici, ergo non sunt Domini. *¶* negandò min: quia Deus confert peccatoribus multa alia dona, ergo & Dominium illis conferre potest.

*Regulares* ASSERTIO X. Regulares possunt ha- *omnes in,* bere bona temporalia in communi (excipe *communi* nos Franciscanos de Observantia) non verò

in particulari, si solemmniter sint professi. *sunt capaci-*  
 1. Pars patet ex Trid: sess: 25. & ex Innocent: *ces Domi-*  
 3. in cap: *Olim. de privilegijs. Probatur etiam ny, si nos*  
*ratione.* Alij Religiosi non intendunt se pri- *Francisca-*  
 vare dominio rerum temporalium in com- *nos exci-*  
 muni, nec Ecclesia ullo statuto illos tali do- *pias.*  
 minio privat; ergo sunt veri Domini.

*Probatur 2. pars.* tum ex cap: *Olim. de pri-*  
*ilegijs*, ubi sic habetur: *Quidquid Monachus*  
*acquirat, non sibi, sed Monasterio acquirat.* tum  
 ex Trident: sess: 25. cap: 2. tum deniq; , quia  
 Religiosi nolunt habere tale dominium; ergo  
 non sunt in particulari Domini.

*Dixi in Assertionem, Bona temporalia*, quia *Religiosi*  
 quivis Regularis habet dominium sui hono- *omnes ha-*  
 ris, famæ, & æstimationis. Addidi etiam, *bēt domi-*  
*sint solemmniter professi*, quia Scholastici Socie- *nium fa-*  
 tatis, illi nimirum, qui post duos probationis *ma.*  
 annos, tria simplicia vota emittunt, sunt ve-  
 ri Religiosi, & tamen sunt capaces Domini  
 in particulari, ut patet ex illorum privilegijs.

*Hinc infertur*, Religiosum non posse testa- *Religiosus*  
 ri, quia cum nullius rei temporalis in parti- *non potest*  
 culari dominium habet, sic de nulla re testari *testari.*  
 potest, ut habetur in cap. *Quia ingredienti-*  
*bus*: & propter eandem rationem, Religiosus  
 non potest revocare testamentum à se ante,  
 professionem factum, nec aliquid dare po-  
 test, vel accipere, sine expressa, vel sufficien-  
 ter præsumpta licentia, sui Superioris; Po-  
 test tamen declarare suam mentem, quam  
 habuit dum testatus est, si quando de illa du-  
 bitatur.

*Pro resolutionis sequentis intelligentia, ad-* *Quot ge-*  
*verte in peculio Clerici*, tria esse bonorū ge- *nera bona*  
*nera;*

negando consequi: quia ex parte affectus justitiæ, si unum illorum beneficiorum esset pretiosius altero, illud digniori daretur, quod sufficit ad asserendum, quod justitia distributiva seruet semper proportionem geometricam.

*Quid commutativa  
exigit.*

ASSERTIO VII. Justitia commutativa non exigit simpliciter, & absolute servari proportionem geometricam. *Prob:* Justitia commutativa solum dicitur singulis dandum esse æquale absolute loquendo, pro æquali; ergo non exigit servari proportionem geometricam. *Prob:* antequam qui debet pauperi centum aureos, & Regi totidem; aut Regi decem, & pauperi quinquaginta, non obstante diversitate dignitatum personarum illarum, non satisfacit justitiæ, nisi det cuique illud quod debebat, & nil infra, sed hoc non esset verum, si justitia commutativa respiceret proportionem geometricam semper: ergo non respicit.

*Obijc:* Quando aliquis ex contractu multa debet multis, v. g. Petro centum florenos, & Paulo quinquaginta, & non potest integrè utriq; satisfacere, tenetur utriq; secundum justitiam commutativam satisfacere quantum potest, & sic si tantum habeat centum florenos, debet Petro in duplo plus dare quam Paulo; nec potest totum dari uni, relicto altero, quia sic alteri faceret injuriam: ergo in hoc saltem casu, justitia commutativa servat proportionem geometricam. R. quod in tali casu possit sine ulla injuria totum dare Petro, nihil dando Paulo, & multò magis, tantum dare uni, quantum alteri; ratio est, quia



quia dando Petro, quod debet, & habet, committit actum iustitiæ, sed debet, & habet centum florenos; ergo dando illos Petro, nihil dando Paulo, committit actum iustitiæ.

ASSERTIO VIII. Iustitia commutativa & distributiva simpliciter inter se differunt, & ab utraq; specialis virtus iustitiæ legalis distinguitur. *Distinctio utriusq; inter se & ab alijs.*

Probatur. Quod debetur ex iustitia commutativa, debetur simpliciter sine respectu ad alios; sed non est sic de iustitia distributiva; ergo commutativa à distributiva distinguitur. *Confirm.* Iustitia distributiva respicit æqualitatem tantum geometricam, commutativa verò arithmeticam. ergo hæc ab illa verè distinguitur.

*Probatur 2. pars.* Quotiescunq; una virtus tendit in aliquod objectum, in quod non tendit alia virtus, distinguitur specie ab illa alia virtute, sed iustitia legalis tendit in bonum communis, seu Reipublicæ, tanquam in objectum, & in illud nulla alia virtus sic tendit, ergo iustitia legalis est virtus specialis, distincta ab alijs.

*Obijc.* Nulla virtus est bona, nisi tendat in bonum commune: ergo iustitia legalis male diversificatur ab alijs virtutibus, per hoc, quod sic tendat in bonum commune. *Prob.* antec: nulla virtus est bona, nisi finis illius sit bonus, sed solius virtutis respicientis bonum commune finis potest esse bonus: ergo nulla virtus est bona, nisi tendat in bonum commune. *ꝛ.* negando antec: ad cuius probationem *ꝛ.* distinguendo min: nisi ordinetur in bonum commune, positivè nego min: negativè, hoc est, non impediendo bonum commune,

mune, concedo min: & nego consequentiam. Temperatè enim vivere semper bonum est, quantum est ex parte virtutis; licet peccaret, qui cum jactura Reipublicæ sic viveret.

## EPYSTILIUM PROBLEMATICUM COLUMNÆ XIII.

*An justitia vindicativa, respiciat proportionem Arithmeticam?*



## COLVMNA XIV.

*De Usu, & Dominio.*

*Definitio  
juris stri-  
cti.*

*Ejus divi-  
sio in reale  
& perso-  
nale.*

**P**RO resolutione hic obiter nota, *jus strictum* rectè describi; potestas moralis de re aliqua, aut actione disponendi, per se obstandi, ne alter alium rationabiliter invitum impediatur. Jus hoc dividitur in *Jus in Re*, & *ad Rem*, seu *in reale*, & *personale*; *Jus in Re*, est facultas, quæ tribuit creditori actionem realem in rem existentem (actionem realem vocant Juristæ, eam quæ adhæret rei, non verò personæ semper) *Jus ad rem*, est facultas, quæ tribuit actionem personalem, id est obligationem in personam, seu quæ personæ adhæret, non verò rei; exemplum sit in eo, qui mutuò alteri pecuniam dedit; ille enim in personam alterius actionem habet, non verò in pecuniam, quæ amplius non est ipsius. At si equum mutuò dedisti, jus habes in Re, quia equus

equus semper tuus est, & sic actionem realem in ipsum habes, ratione cujus possis licite illum accipere ubicunq; est.

*Jus in re*, aliud est perfectum, aliud imperfectum; perfectum, quod & Dominium dicitur, aliud est jurisdictionis, & est potestas gubernandi subditos; & aliud proprietatis, quod præcipua est, & potissima juris in Re species; unde fit.

ASSERTIO I. Dominium proprietatis, seu perfectum est jus in re ad quamlibet dispositionem, nisi lege prohibeatur.

*Quid sit  
Dominium  
proprietatis.*

*Prob: Descriptio*, illam explicando: dicitur *jus*, quia Dominium est species perfecti juris: dicitur *in re*, id est, tam corporali, quam spiritali, ut cōprehendat utrumq; , Deus enim perfectissimum habet Dominium Angelorū, & animæ rationalis, & consequenter malè in descriptione domini addidit *Bartolus*, *ly corporali*; subditur, *nisi lege prohibeatur*, nam pupillus, & minorennis sunt veri Domini suarum rerum, licet de eis disponere non possint, juxta illud Apost: ad Galat: 4. *Quanto tempore heres parvulus est, &c.*

ASSERTIO II. Ususfructus, est jus utendi, & fruendi re alienâ salvâ ejus substantiâ. Per *ly jus*, convenit cum Dominio; per *ly utendi* differt à jure quod habet creditor in pignore, nam illo pignore uti non potest licite, additur *re alienâ*, ut distinguatur à mere usu, nam usufructarius quamvis potest uti prædio, vel domo ad suum proprium usum; non potest tamen locare domum, vel vendere fructus illius: additur *salvâ ejus substantiâ*, ut distinguatur à Dominio perfecto, nam usu-

*Ususfru-  
ctus quid  
sit.*

fructuarius substantiam rei integrè conservare debet; sic qui habet usumfructum gregis, potest disponere de lana, lacte, & hujusmodi, prout vult; gregem tamen ipsum integrè conservare debet, & pro capite caput substituere, & per hoc varij casus resolvi possunt, nam ad usufructuarium spectant ea omnia, quæ industriâ, casu, vel fortunâ rei adveniunt.

*Uusus tantum.*

ASSERTIO III. Uusus describitur jus utendi tantum re alienâ, salvâ ejus substantiâ. *Prob:* per ly *utendi tantum*, distinguitur ab usufructu, ob rationem jam supra tactam, reliquæ particulæ sunt genus, in quo usus, & usufructus conveniunt.

*Uusus distinguitur à Dominio.*

ASSERTIO IV. In rebus usu consumptibilibus, usus distinguitur à dominio. *Ut probetur hæc conclusio, adverte* usum duplicem esse, *juris*, nimirum, & *facti*. *Uusus facti*, est actualis rei usus; v. g. equitatio actualis, comestio, &c. *Uusus Juris* est potestas moralis ad hæc faciendâ propter jus intrinsicum, & radicatum in persona, hoc notato

*Probaturs Conclusio.* Non implicat aliquem accipere facultatem, revocabilem semper, & dependentem à voluntate dantis, utendi re aliquâ, usu consumptibili; sed ille qui haberet talem facultatem, non potest dici Dominus rei, ergo potest aliquis habere usum rei licitum, sine Dominio.

*Quid sit usus Juris, & quid facti.*

*Prob: 2.* Conviva habet usum ciborum sibi appositorum, & tamen non est Dominus illorum, ergo potest dari usus sine dominio.

*Item* Religiosi aliorum Ordinum, habent multarum rerum usum, & tamen dicunt se non



non poſſe habere ullius rei dominium in particulari; ergo & nos Franciſcani non obſtâte uſu rerum poſſumus non habere dominium, nec in communi, nec in particulari.

*Conſirm:* Nemo poteſt fieri ullius rei Dominus, ipſo invito, ut eſt certum, ſed nos Franciſcani nolumus habere dominium rerum, quibus quotidie utimur: ergo non ſumus Domini illarum, & conſequenter uſus in illis diſtinguitur à Dominio.

*Obijc:* Uſus, eſt jus utendi re, ſalvâ ejus ſubſtantiâ; ſed in rebus unico uſu conſumptibilibus, v. g. pane, vino, &c. non poteſt dari uſus diſtinctus à dominio; ergo in nullo caſu. R. ibi definiri uſum juris, non verò uſum facti, id eſt, quem quis habet dependenter à voluntate alterius, & in hoc ſenſu, Joannem 22. in extravag: ad Conditorem, fuiſſe locutum, dum oppoſitum Concluſionis videbatur docuiſſe, exiſtimant multi, quibus ſubſcribo.

*Obijcies 2.* Nos Fratres Minores poſſumus dare, & permutare res nobis datas prout volumus, ergo ſumus earum Domini. R. nos non poſſe id facere, niſi dependenter à voluntate dantis, ad eum ferè modum, quo ſervi de rebus ſuorum Dominorum diſponere poſſunt, quarum tamen non ſunt Domini.

ASSERTIO V. Poſſeſſio, eſt rei corporalis detentio, corporis, & animi, jurisq; adminiculo concurrente. Eſt communis, & patet, quia habet conditiones bonæ deſcriptionis. Poſſeſſio ſic deſcripta, alia eſt juris, alia facti; poſſeſſio juris eſt, *jus inſiſtendi rei, ut ſua, non prohibita poſſideri.* Dicitur

*Quomodo  
Minores  
poſſint da-  
re & per-  
mutare  
res aliquas*

*Definitio  
Poſſeſſio-  
nis.*

*jus*, ut distinguatur à possessione *facti*, quæ non est *jus*, sed titulus, seu fundamentum juris, si justa sit; & hujusmodi veræ possessionis hæc sũnt privilegia, seu regulæ. 1. Possessor bonæ fidei certo tempore præscribit, & fit Dominus rei, quæ non erat sua. 2. In dubio melior est conditio possidentis. 3. Qui possidet, non petit rem in judicio, nec ei incumbit probare, sed ei qui petit. 4. Qui possidet, potest armis defendere suam possessionem naturalem, atq; etiam civilem; servato moderamine inculpatæ tutelæ. 5. Qui expellit injustè aliquem à possessione, amittit illius rei dominium.

*Emphyteusis quid?*

ASSERTIO VI. Emphyteusis, quæ latinè meliorationem significat, describitur, concessio rei mobilis cum translatione Dominiij utilis, retento directo, sub onere certæ pensionis Proprietario solvenda. Hæc non indiget probatione, quia habet bonæ descriptionis condiciones.

*Quid sit fevdum.*

ASSERTIO VII. Fevdum (à *fide* quæ *Vasallus Domino præstare tenetur, dicitur*) describitur, translatio Dominiij utilis retento directo, & sub onere fidelitatis, & obsequij personalis. *Probatur* recurrendo ad Regulas bonæ descriptionis, quarum nulla huic deest. Fevdum ab Emphyteusi differt potissimum, quia in puro fevdo non solvitur pensio, sed obsequium personale; è contra fit in Emphyteusi. De his vide Juristas. Interea fit

*Dominium in solidum duorum regum.*

ASSERTIO VIII. Non possunt dari pro eodem instanti intrinseco, duo in solidum Domini ejusdem rei. *Prob: Dominium*

nium proprietatis ( de hoc loquimur ) est *jus in re ad quamlibet dispositionem*, nisi lege prohibeatur; sed in instanti, quo Titius v.g. donat Petro equum, Titius nequit disponere, de illo equo, sine injuria Petri, nisi consentiat, ergo non est Dominus equi pro illo instanti. Prob: min: Pro illo instanti habet Petrus verum, & formale equi dominium, & Titius vult carere equi dominio; ergo Titius de illo disponere non potest, Petro non consentiente, sine injuria Petri.

*Confirm:* Titius, illâ suâ donatione abdicat à se Dominium equi, & transfert illud in Petrum consentientem; ergo Titius non manet amplius Dominus equi, & consequenter simul cum Petro non habet Dominium in solidum.

*Confirm: 2.* Nemo potest esse ullius rei Dominus ipso invito, seu nolente, sed in instanti quo Titius donat equum Petro, habet nolitionem dominij istius equi; ergo non potest pro illo instanti esse illius Dominus. Maj: est certa. Prob: ergo min: Titius, ut suppono, pro illo instanti habet volitionem transferendi Dominium equi in Petrum; ergo habet nolitionem, vel saltem negationem volitionis, conservandi sibi dominium equi; sed cum tali nolitione non stat dominium: ergo Titius non est Dominus.

*Invitus nō potest esse Dominus.*

*Objc:* Dare rem alteri, sive vendendo, sive donando, est actus, & exercitium Dominij, & Domini; ergo pro primo instanti, quo dono librum Petro, sum Dominus libri; sed secundum omnes Petrus acceptans donationē, est etiam Dominus pro illo instanti, ergo am-

bo simul sunt illius rei in solidum Domini.  
*W.* dist: antec: est actus, vel exercitium Domini manentis simul cum actuali donatione, vel dominatione, nego antec: Actus Domini immediate præcedentis transeat antec: & nego consequentiam.

*Infideles,* ASSERTIO X. Non solum infideles, *peccato-* sed etiam peccatores sunt capaces veri domini temporalis; & idem dic de pueris ante u-  
*Et amen-* sum rationis, & amentibus. 1. Pars est de-  
*tes, capa-* fide definita in Constantiensi Sess: 8.  
*ces sunt do-* probatur, tum quia in Scriptura Ethnici  
*minij.* Reges, & Peccatores dicuntur veri Domini, & Principes, & monemus ad illos honorandos, observandosq;, ad Rom: 13. 1. Petri 2. Matth: 23. &c. ergo sunt veri Domini. Tum etiam ratione. Homo per peccatum non amittit jus quod habet in vitam, & famam; ergo nec jus, quod habet ad res suas temporales.

*Probatur 2. pars.* tum ex Apost: supra citato, assert: 1. col: 13. tum etiam ex communi omnium consensu existimantium bona Patris decedentis è vita, spectare ad filium etiamsi sit infans. Ergo infantes, & à paritate amentes sunt capaces Domini veri.

*Obijc:* Dominium omne confertur à Deo, sed Deus non confert Dominium peccatoribus qui sunt ejus inimici, ergo non sunt Domini. *W.* negandò min: quia Deus confert peccatoribus multa alia dona, ergo & Dominium illis conferre potest.

*Regulares omnes in communi* ASSERTIO X. Regulares possunt habere bona temporalia in communi (excipe nos Franciscanos de Observantia) non verò in



in particulari, ſi ſolemniter ſint profeſſi. *ſunt capaci-*  
 1. Pars patet ex Trid: ſeſſ: 25. & ex Innocent: *ces Domi-*  
 3. in cap: *Olim. de privilegijs.* Probatur etiam *ny, ſi nos*  
*ratione.* Alij Religioſi non intendunt ſe pri- *Franciſca-*  
 vare dominio rerum temporalium in com- *nos exci-*  
 muni, nec Eccleſia ullo ſtatuto illos tali do- *pias.*  
 minio privat; ergo ſunt veri Domini.

Probatur 2. pars. tum ex cap: *Olim. de pri-*  
*viligijs,* ubi ſic habetur: *Quidquid Monachus*  
*acquirat, non ſibi, ſed Monafterio acquirat.* tum  
 ex Trident: ſeſſ: 25. cap: 2. tum deniq; , quia  
 Religioſi nolunt habere tale dominium; ergo  
 non ſunt in particulari Domini.

Dixi in Aſſertione, *Bona temporalia*, quia *Religioſi*  
 quivis Regularis habet dominium ſui hono- *omnes ha-*  
 ris, famæ, & æſtimationis. Addidi etiam, *bēt domi-*  
*ſint ſolemniter profeſſi*, quia Scholaſtici Socie- *nium fa-*  
 tatis, illi nimirum, qui poſt duos probationis *ma.*  
 annos, tria ſimplicia vota emittunt, ſunt ve-  
 ri Religioſi, & tamen ſunt capaces Dominij  
 in particulari, ut patet ex illorum privilegijs.

Hinc inferitur, Religioſum non poſſe teſta- *Religioſus*  
 ri, quia cū nullius rei temporalis in parti- *non poteſt*  
 culari dominium habet, ſic de nulla re teſtari *teſtari.*  
 poteſt, ut habetur in cap. *Quia ingredientibus:*  
 & propter eandem rationem, Religioſus  
 non poteſt revocare teſtamentum à ſe ante  
 profeſſionem factum, nec aliquid dare po-  
 teſt, vel accipere, ſine expreſſa, vel ſufficien-  
 ter præſumpta licentia, ſui Superioris; Po-  
 teſt tamen declarare ſuam mentem, quam  
 habuit dum teſtatus eſt, ſi quando de illa du-  
 bitatur.

Pro reſolutionis ſequentis intelligentia, ad- *Quot ge-*  
 ſerte in peculio Clerici, tria eſſe bonorū ge- *nera bona-*  
 nera;

*rum inbe-* nera; *Patrimonialia* scilicet, *quasi Patrimo-*  
*niantur in nialia, & Ecclesiastica. Patrimonialia* sunt il-  
*peculio* la, quæ Clerici acquirunt per successionem,  
*Clerici.* donationem, contractum, vel industriam.

*Quasi patrimonialia* sunt illa, quæ illis pro-  
 veniunt propter onera, quæ suscipiunt, v. g.  
 propter Sacra, Capellanas, &c. *Ecclesiasti-*  
*ca* deniq; sunt illa, quæ proveniunt ex bonis  
 suorum beneficiorum, illorum nempe, quæ  
 appropriatæ sunt Ecclesiæ, ad procurationem  
 divini cultûs, & sustentationem ministrorum  
 ejus. His notatis, sit

*Quarum*  
*rerum sint*  
*Domini*  
*Clerici.*

ASSERTIO XI. Clerici sunt absoluti  
 Domini bonorum Patrimonialium, & etiam  
 quasi Patrimonialium, non verò Ecclesiasti-  
 corum.

1. *Pars patet* ex Trident: jam supra citato,  
 & etiam quia nec jure naturali, nec positivo,  
 nec ratione naturali constat oppositum: er-  
 go non est asserendum.

2. *Pars probatur.* Illa bona conferuntur  
 Clericis, uti merces & stipendium laborum,  
 ac operum personalium ipsorum; vel ut præ-  
 mium, & remuneratio eorum, quæ aliâ viâ  
 poterant sibi acquirere, sed quocunq; modo  
 conferuntur illis, transeunt in illorum verū  
 Dominium: ergo illorum bonorum sunt veri  
 Domini.

*Probatur 3. pars.* Quia illorum bonorum  
 sunt tantum Procuratores, & Administrato-  
 res; ergo non sunt illorum Domini, & con-  
 sequenter ad libitum de illis disponere non  
 possunt.

ASSERTIO XII. Beneficiarij sunt  
 veri Domini omnium fructuum, etiam su-  
 per-

perfluorum, suorum beneficiorum, ita ut ex justitia nihil teneantur dare pauperibus.

1. *Pars est communis*, & pater illis rationibus, quibus priorem assertionem probavimus.

*Probatur etiam 2. pars.* quia nec ratione, nec autoritate ostendi potest, quod Beneficij sic obligentur: ergo ex justitia non tenentur dare superflua pauperibus.

*Probatur antec:* jura omnia quæ videntur id insinuare, commodè intelligi possunt de obligatione charitatis, & obedientiæ: & dicta sancti Bernardi, & aliorum SS. PP. maximâ ex parte agunt de temporibus primitivæ Ecclesiæ: ergo defacto ex justitia non tenentur etiam superflua pauperibus distribuere.

• *Et si quæras, an ulla lege teneantur beneficij superflua dare pauperibus?* R. quod teneantur, ex duplici lege charitatis nimis, & obedientiæ. *Probatur autoritate*, tot SS. PP. ac Doctorum Ecclesiæ, quos fusè citat Navarrus: & etiam Trident: sess: 25. c. 5. de Reformatione. Idem habetur in Can: 39.

Concil: Apost: in quo prohibetur, nè res Ecclesiastica, quæ Dei sunt, consanguineis donentur, sed si pauperes sint, inter illos, ut inter pauperes distribuantur. ergo ex obedientia & charitate debent pauperibus succurrere.

ASSERTIO XIII. Rerum divisiones, ac proprietates, non ex præcepto juris naturalis, sed juris gentium institutæ sunt.

*Probatur 1. pars.* tum ex cap: Iu naturale, dominio: dist: 1. ubi dicitur, quod jure naturæ omnia sint communia; tum etiam ex cap: Dilectissimi. 12.

q. 1. ubi idem dicitur: tum denique, quia communitas dominiorum magis conducere

com-

communi quieti hominum, eorúmque sustentationi, in statu innocentiae, si perseverasset, quam eorum divisio; sicut defacto communitas illa maximè necessaria est ad tranquillam, & quietam sustentationem, & vitam Religiosorum, in Conventibus commorantium: ergo divisio dominiorum non ex præcepto juris naturæ facta est.

*Probatur 2. pars.* Divisio dominiorum est valde necessaria ad pacificam conversationem, & necessariam sustentationem hominum post lapsum, ergo præcepto juris gentium instituta est; seu saltem permessa est, ex suppositione, quòd non posset esse pacifica conversatio in communitate, sine rerum divisione.

*Obijcies contra primam partem.* Furtum est contra jus naturale; sed hoc non esset verum, nisi jure naturæ dominium conveniret alicui; ergo convenit. R. transeundo maj: & neg: min: quia sicut non obedire Magistratui est contra jus naturæ, licet Potestas Magistratus à jure positivo humano instituta sit; ita furari alteri quod suum est, quocumque titulo illud acquisivit, est contra jus naturæ, licet dominium est à jure positivo.

*Obijc: 2.* Communitas rerum est juris naturalis; ergo jure gentium mutari aut tolli non potest. R. dist: antec: juris naturalis præceprivè, nego antec: permissivè, concedo antec: & nego consequentiam.

*Bona vacantia cum jus.*

ASSERTIO XIV. Animalia, quæ nullius sunt, sunt primò occupantis, & idè dic de bonis derelictis. *Prima pars patet ex §. Fera, institution. de rerum divisione.*



2. *etiam pars probatur*, quia non potest ostendi, cujus alterius deberent illa esse, ergo sunt primò occupantis.


ASSERTIO XV. Usucapio est acquisitio dominij, per continuationem temporis, lege definiti. Usucapio, etiam in Conscientia, transfert Dominium. *Definitur Usucapio.*

*Prima pars patet*, quia habet conditiones bonæ descriptionis: ergo.

2. *Pars etiam patet.* Respublica potest ex causa rationabili disponere de bonis privatorum, ne aliàs sit summa in communitate confusio; ergo per usucapionem potest in conscientia transferri dominium. Ut tamen, *usucapio*, & etiam *prescriptio* verè transferant dominium in alium, requiruntur quinque conditiones: *Res, scilicet, prescriptibilis, possessio, bona fides, titulus, & tempus.* De quibus *etiã prescriptio* lege Lugonem, & Lessium. *Conditio- nes usucapionis, & etiã prescriptio*

## EPYSTILIUM PROBLEMATICUM COLUMNÆ XIV.

*An bona incerta ex delicto occupata, dari debeant pauperibus?*



## COLVMNA XV.

### *De restitutione in genere, & causis excusantibus ab illa.*

*Definitur  
restitutio.*

**A**SSERTIO I. Restitutio, est redditio rei alienæ injustè ablata, secundum æqualitatem: Per ly *redditio* restitutio convenit cum satisfactione, per reliquas particulas distinguitur ab illa.

*Obijc:* Restitutio secundum Doctorem in 4. d. 15. q. 2. n. 28. non præsupponit semper injustitiā; ergo malè dicimus, quòd sit rei alienæ injustè ablata redditio. R. Doctorem esse intelligendum de restitutione latè sumpta, prout significat quamcunq; traditionem rei alienæ, qualis est restitutio rei mutuata, non verò de restitutione strictè sumpta, quam nos supra descripsimus.

*Necessitas  
restitutionis.*

**A**SSERTIO II. Restitutio necessaria est ad salutem, necessitate præcepti, non verò medij. 1. *Pars patet* tum ex script: Rom: 14. *Reddite omnibus debitum.* tum ex August: epist: 57. ad Macedonium: *Non remittitur, inquit, peccatum, nisi restituatur ablatum;* tum etiam ratione, retinere alienum invito Domino, tam adversatur illi præcepto, *non furtum facies*, quàm alienum auferre invito Domino; sed hoc ultimum non facere est necessarium necessitate præcepti; ergo & *primum.* Prob: maj: retentio rei alienæ est con-

continua ablatio illius, & consequenter continuum furtum vel rapina, nam jura pro eodem reputant auferre & detinere alienum injustè. ergo retinere rem alienam, tam adversatur illi præcepto, *Non furtum facies*, ac adversatur illi alienum auferre invito Domino, & consequenter tam bene unū cadit sub præcepto, ac alterum.

*Probatur 2. pars.* Impotens restituere, sicut & invincibiliter ignorans obligationem restituendi, justificantur, & excusantur à restitutione; sed hoc esset falsum, si restitutio esset necessaria, necessitate medij: ergo non est; maj: est certa, quia ad impossibile nemo obligatur. Min: etiam patet, quia necessitas medij nullam patitur excusationem.

*Obijc: contra 1. partem.* Christus Lucae II. postquam Phariseos de rapina reprehendit, subdit: *Verumtamen quod superest date eleemosynam, & omnia munda sunt vobis.* ergo non restitutio, sed eleemosyna est necessaria ad justificationem. R. dist: consequens, raptoribus qui ignorant Dominos, quibus raperunt res suas (de talibus ibi loquitur Salvator) concedo consequentiam: scientibus veros Dominos, nego consequentiam.

*Obijc: contra 2. partem.* Anima defuncti detinetur in purgatorio, donec hæredes ipsius restituant, quod ille debuerat; ergo restitutio in re exhibita, est necessaria necessitate medij ad salutem. R. negando antec: nam si à defuncto bene cautum fuerat, de facienda restitutione, negligentia hæredū nequit illum à cælo excludere; licet nocere ei possit, quatenus illum privat spirituali e-

molumento, tam restitutionis honestæ, & meritoria, pro ejus liberatione, aliàs faciendæ; quàm suffragiorum illorum, qui compensatione acceptâ, pro eo orarent.

*Quid sit culpa formalis, & quid materialis.*

*Queres*, quid sit culpa formalis, seu injusta acceptatio formaliter accepta, & quid culpa materialis, seu acceptatio materialis? *Respon.* culpam formalem in proposito esse actum, quo alteri advertenter injustè inferitur nocumentum; culpa verò tantum materialis est retentio, seu acceptatio rei alienæ, quam acceptans probabiliter putat esse suam; & hæc duo sunt radices, seu obligationes restituendi.

*Quando quis restituere tenetur damnum.*

ASSERTIO III. Nemo tenetur jure naturæ restituere damnum illatum, sine sua culpa Theologica formaliter injuriosa.

*Probatur 1. pars.* Damnum alicui illatum sine ipsius Theologica culpa, non est illi imputabile; ergo nemo tenetur jure naturæ damnum illud refarcire. *Prob;* antec: exemplo furiosi homicidæ, qui ad nihil tenetur.

*Probatur 2. pars.* quia nisi actio sit formaliter injuriosa, non peccat quis contra jus alterius per illam; ergo cum jus illius non sit læsum, nulla debet fieri illi recompensatio.

*Obijc:* Qui, invincibiliter Deum ignorans, proximo deliberatè infert notabile damnū, tenetur ad restitutionem; sed non habet culpam Theologicam, quia non peccat tunc in Deum; ergo damnum illatum etiam sine culpa Theologica, inducit obligationem restituendi. *Reconc:* maj: & negando min: quia nomine culpæ Theologicæ intelligimus, non solum mortale peccatum, sed etiam quam-

cunq;



cunq; deliberatam actionem, quâ proximo *Damnum*  
damnum notabile inferret: talis autem in- *grave sub*  
ferret proximo notabile damnū: ergo Theo- *mortali*  
logicè peccaret. *obligat ad*

ASSERTIO IV. Damnum grave cum *restitutio-*  
mortali culpa illatum, ad restitutionem sub *nem.*  
mortali obligat adferentem; cum culpa ve-  
rò veniali non nisi sub veniali, nisi aliter lege,  
aut consuetudine statutum sit.

1. *Pars probatur.* Qui violat iustitiam com-  
mutativam in re gravi, tenetur ad restitutio-  
nem sub mortali, sed inferens damnum gra-  
ve, cum mortali culpa, violat sic iustitiam  
commutativam; ergo tenetur ad restitutio-  
nem sub mortali.

*Probatur 2. pars.* Obligatio satisfaciendi  
oritur formaliter à culpa; ergo ubi culpa est  
tantum venialis, obligatio erit tantum sub  
veniali, & consequenter inferens grave da-  
mnum cum veniali tantum culpa, ad restit-  
utionem sub mortali non tenebitur.

*Obijc: contra 2. partem.* Materia gravis in-  
ducit gravem iustitiæ obligationem, ergo da-  
mnum grave illatum, cum veniali peccato,  
restituendum est sub mortali. *R. dist: antec:*  
gravem obligationem, quando per se obligat,  
ne detineatur, concedo antec: quando tan-  
tum obligat ratione præteritæ levis culpæ,  
nego antec: & consequentiam.

*Obijc: 2.* Projiciens in mare gemmam pro-  
ximi, pretij centum ducatorum, quam ipse  
putaret esse tantum pretij centum floreno-  
rum, teneretur restituere centum ducatos  
sub peccato mortali; ergo quamvis putaret  
eam valere tantum duos grossos, teneretur

adhuc restituere centum ducatos; sed per illam projectionem non peccaret nisi venialiter; ergo damnificans cum culpa tantum veniali, tenetur sub mortali ad restitutionem. **xx.** negando antec: (loquor de obligatione conscientiae seclusis legibus particularibus) quia proijciens non est in causa culpabili, cur alius perdidit gemmam pretij centum aureorum, sed tantum centum florenorum, vel duorum grossorum, & sic in foro conscientiae non tenetur restituere nisi centum florenos, aut duos grossos; licet bene in foro fori, seu extero possit cogi.

*Quid bona fidei possessor teneatur restituere.*

**ASSERTIO V.** Qui rem alienam bonâ fide consumit, vel alienat, tenetur id tantum restituere, in quo factus est ratione illius rei locupletior. *Prob:* Talis possessor tenetur ad restitutionem ratione rei acceptæ tantum, non verò ratione injustæ acceptationis, quia possessor bonæ fidei nil injuste accipit: ergo id tantum tenetur restituere, in quo factus est locupletior ratione illius rei. Exemplo rem declaro, si vestem pretij centum aureorum à fure tibi donatam, bonâ fide accepisti, postea verò Dominus vestis compareret; in primis restituere debes ipsi ipsam vestem, jam fortè attritam, deinde compensare debes attritionem vestis non omnimodè, sed quatenus ditior factus es: v. g. si eo anno, quo usus es illâ veste, viginti aureos te vestiendo insumpsis, nisi vestem illam dono accepisses, non centum aureos, sed viginti tantum, simul cum attrita veste restituere debes; At si vestem illam emisti, tunc nihil præ-

præter ipsam vestem restituere debes, ut docent authores communiter.

*De fructibus rei alienæ bonâ fide acceptæ*, non est quod dicam, nisi quod, si sint meræ industriæ, ad bonæ fidei possessorem pleno jure spectent; si verò sint fructus merè naturales, & quod adhuc existant, restitui debent Domino rei; quia tales fructus videntur esse aliquid ipsius rei.

ASSERTIO VI. Malæ fidei possessor *Quid ma-* non solum tenetur restituere rem alienam, *la fidei re-* sed etiam omnes fructus quos ex illa percep- *stituiere* pit. *Prob.* Possessor malæ fidei, id est, qui *debet.* scienter rem alienam injustè possidet, habet plus quàm suum est; ergo tenetur rem illam restituere.

*Probat*ur 2. pars de fructibus. tum ex regula Juris, quæ dicit, quod *res quævis Domino suo fructificat*; tum etiam, quia si fructus ad furè pertinerent (possessor malæ fidei re ipsâ fur est) licitè posset quis ex furtis & rapinis ditescere; hoc autem est contra ipsum lumen naturæ; ergo non pertinent.

*Obijc.* Dominus rem suam recipiens sine fructu, tantum habebit, quantum si nihil fur abstulisset ei; ergo fur, vel possessor malæ fidei, non tenetur illi restituere fructus. *Re.* negando antec: quia antea habuit rem suâ fertilem, & magis fructuosam in actu primo, quàm tunc haberet.

ASSERTIO VII. Si res aliena esse- *Valor rei* ta sit majoris valoris intrinseci, aut extrin- *si major* feci, & adhuc existit, debet restitui Domino *effectus sit* cum suo valore. *Prob.* Quia valor ille non *simul resti* est furis (suppono enim non esse furis indu- *tui debet*

striâ auctum, aliâs ad furem spectaret) ergo est Domini cuius est, & res, & consequenter illi restituendus est: tum etiam, quia valor ille adveniret rei, si apud Dominum extaret; ergo si extat apud furem; est Domino simul cum re restituendus.

*Hinc sequitur*, quod si furatus es pullum, equinum, qui tunc valebat decem florenos, & postea apud te excrevit in equum, valoris centum florenorum, non satisfacisti dando decem florenos, quia incrementum pulli est Domini, & sic cum suo incremento debes illum restituere; poteris tamen subtrahere sumptus, & pretium industriæ tuæ.

*Si valor  
propriâ  
industriâ  
tantum  
crevit, non  
est restitu-  
endus cum  
re furata.*

ASSERTIO VIII. Si fur rem furtivam, suâ industriâ auctam valore extrinseco, vendat tempore augmenti, non tenetur per se valorem illum restituere, nisi in quantum Dominus est passus damnum ex carentia rei furtivæ. *Prob:* Augmentum illud pretij est fructus meræ industriæ ipsius furis, ergo ad furem, & non ad Dominum spectat.

*Obijc:* Ergo potest quis licitè ditescere ex alienis, furando & efficiendo res alienas meliores. *W.* Illum non posse licitè furari, licet bene supposito illicito furto, posset licitè non ex illis, sed ex propria sua industria ditescere.

*Hinc colligitur*, furem, qui frumentum furtivum transfert ex loco ubi minus valet, ad locum ubi magis valet, v. g. ex Hibernia in Galliam, seu ex Bohemia in Saxoniam, & ibi illud vendidit majori illo pretio, non teneri ad restituendum Domino in Hibernia, vel Bohe.



Bohemia, nisi pretium currens in illis regnis pro frumento.

ASSERTIO IX. Qui rem alienam, *Res bonâ bonâ fide emit, potest eam furi restituere, & fide emptâ pretium recipere; non verò qui malâ fide, furi potest*

*Probatur 1. pars.* Tum ex illa regula Juris, *restitui. nemo damnum facit, nisi qui illud facit, quod facere jus non habet.* Sed in casu conclusionis, bonæ fidei possessor, non facit, nisi quod facere jus habet: ergo bonæ fidei possessor, potest furi rem restituere. Tum etiam ratione, nemo tenetur restituere rem alienam bonâ fide acceptam, cum tanto suo damno, quanti res restituenda Domino valet; ergo emens bonâ fide rem alienam, non tenetur eam Domino restituere cum jactura pretij, bonâ fide pro ea re dati: consequentia est evidens, prob: ergo antec: in casu quo ego, vel proximus damnum pati debemus, sine mea ulla culpa, lex charitatis erga me suadet, ut me ipsum, potius quàm proximum servem indemnem; sed non servarem, nisi rem alienam bonâ fide acceptam, possim furi, à quo eam emi, restituere, & pretium iterum recipere, ergo licetè possum hoc facere.

*Probatur jam 2. pars.* Talis tenetur ad restitutionem, non tantum ratione rei acceptæ, sed etiam ratione injustæ acceptionis, quia scilicet rem alienam invito Domino accepit; ergo etiam cum jactura pretij, tenetur illam rem proprio Domino immediate restituere.

*Obijc: contra 1. partem.* Non licet rem alienam ex statu meliori deducere ad pejorem; sed res aliena apud bonæ fidei possessorem est in meliori statu, quàm apud furē; ergo non

licet bonæ fidei possessori illam reddere furi.  
 R. dist: maj: directè, & ex proposito, concedo  
 maj: indirectè, & ut se servet indemnem à  
 malo imminente sibi, sine sua culpa, nego  
 maj: & distinctâ similiter min: nego conse-  
 quentiam. Itaq; sicut licet tibi occidere inju-  
 stè aggredientem, si aliter te non possis sal-  
 vare, ita licet tibi rem alienam à fure acce-  
 ptam, eidem tradere, ut te serves indemnem,  
 quando aliter non potes te servare.

9. Modi, *Pro intelligentia sequentium Conclusionū*  
*quibz quis nota, cum Doctore in 4. d. 15. q. 2. a. 4. No-*  
*potest coo-* vem modis unum posse cooperari cum altero  
*perari ad* ad inferendum damnum proximo, qui omnes  
*inferendū* hoc disticho comprehenduntur:  
*damnum.* *Jussio, consilium, consensus, palpo, recursus,*  
*Modi di-* *Participans, mutus, non obstands, non ma-*  
*recti 6.* *nifestans.*

Et indire- Ex his sex priores directè & positivè coope-  
 ti 3. rantur; reliqui verò indirectè tantum, seu  
 negativè, ad damnum concurrunt. *Jussio*,  
 significat eum, qui mandat; *consilium*, qui  
 suadet; *consensus*, qui efficaciter approbat;  
*palpans*, qui exaggerando acceptam contu-  
 meliam, concitat ad vindictam; *recursus*,  
 qui recipit malefactorem; *participans*, qui  
 subsidium ad damnum inferendum præbet;  
*mutus, non obstands, non manifestans* denotāt eos,  
 qui cum damnum impedire possent, & debe-  
 rent, dolo vel negligentia, intermittunt.  
 jam sic.

Positivè ASSERTIO X. Omnes positivè coo-  
 cooperan- perantes ad damnum alterius jubendo, te-  
 tes tenen- nentur ad restitutionem, etiamsi damnum fi-  
 tur ad re- ne illis aliàs esset inferendum. *Prob: tum*  
 stitutionē.

ex Regula illa Juris: *Faciens, & consentiens pari pœnâ puniri debent*: tum ex Apost: Rom: 2. *Non solum qui talia agunt, sed qui consentiunt facientibus.* sed prædicti de quibus loquitur Conclusio, consentiunt damno alieno; ergo tenentur ad restitutionem. Tum deniq; quia illi omnes injustè damnum proximo inferunt, ergo illatum damnum resarcire debent.

ASSERTIO XI. Malè consulens, vel *Tenetur* suadens, si persona sit, quæ ratione sui statûs, *malè consulens ad* vel officij, peritiam in ea re quam suadet pro- *fitetur* fitetur, tenetur ad restitutionem damni: *restitutione* scilicet verò dicendum est, si talem non profiteatur peritiam.

*Prob: 1. pars.* Tales homines, v. g. ignarus Doctor, Advocatus, Confessarius, &c. decipiunt alios, qui ex simplicitate eorû sequuntur authoritates; ergo tenentur ad restitutionem.

*Probat etiam 2. pars.* tum ex regula Juris in 6. *Nullus ex consilio, nisi fraudulentum sit, obligatur.* tum etiam, quia nemo prudens, sequitur consilium illius, qui in re, quam suadet, nullam profitetur peritiam; ergo quavis aliquis, cum suo damno, talis imperiti sequeretur consilium, adhuc imperitus non teneretur ad restitutionem damni.

ASSERTIO XII. Qui positivè & formaliter ad inferendum damnum proximo, quocunq; modo ex quinque primis in disticho annumeratis, concurrunt, tenentur, proportionem servatâ, ad restitutionem.

*Probat.* quia quocunq; modo ex illis concurrat, est causa damni alterius; ergo tene-

tur ad restitutionem, juxta rationem sui concursus.

*Qui non  
teneantur.*

ASSERTIO XIII. Nemo tenetur ad restitutionem ratione damni alieni non impedi, nisi qui ex justitia tenetur ad illud impediendum. *Prob:* Qui sic ex justitia non tenentur, solummodo ex charitate obligantur ad impediendum malum; sed obligatio charitatis non inducit obligationem restituendi, secundum omnes; ergo qui ex justitia non tenentur impedire damnum alienum, ad restitutionem illius non obligantur.

*Obje:* Innocentius III. in cap: *Quante*, de sent: Excom: dicit eos, qui iniiciunt manus violentas in Clericum, & qui ad hoc consentiunt, pari poenâ affici ab Ecclesia: ergo non impediens damnum alienum, ad restitutionem tenetur. *ex.* Pontificem loqui de ijs, qui consentiunt, cum ex officio teneantur id impedire; vel dic, Pontificem illos sic consentientes excommunicatos declarasse, quod est diversum ab obligatione restitutionis.

Dixi *nisi ex justitia*, nam obligatus ex officio ad impediendum damnum alterius, tenetur ad restitutionem, si deliberatè omiserit illud impedire, quia ex justitia tenetur talis impedire damnum alterius, ergo & ad refarciendum damnum.

*Impediens  
ab officio  
Ecclesiastico ad  
quid teneatur.*

ASSERTIO XIV. Qui vi, fraude, vel calumniâ aliquem impedit, quo minus Ecclesiasticum beneficium, officium, vel legatum consequatur, debet damnum compensare arbitrio viri prudentis. *Prob:* Justitia commutativa omnibus illis modis violatur, ergo violans ad restitutionem tenetur.



ASSERTIO XV. Qui vi, vel metu, *Privas ho-*  
 privat hominem usu rationis, vel ad peccan- *minē rati-*  
 dum inducit, peccat contra justitiam, & te- *one, &*  
 netur ad restitutionem. *Prob: Qui taliter inducens*  
 inducit hominem ad proijciendam suam pe- *ad pecca-*  
 cuniam in mare, peccat contra justitiam, & *tum ante*  
 tenetur ad restitutionem secundum omnes: *netur re-*  
 ergo & qui privat hominem usu rationis, vel *stitueret.*  
 ad peccatum inducit, similiter tenetur ad re-  
 stitutionem.

ASSERTIO XVI. Bona certa, resti- *Cui debeat*  
 tutioni obnoxia, si fieri potest, restitui debent *fieri resti-*  
 ei, qui damnum patitur ex illorum detentio- *tutio.*  
 ne, vel ipso deficiente, ejus heredibus.

*Probat.* Restitutio fit, ut restauretur in-  
 æqualitas causata per injustitiam, sed illa re-  
 stauratur, dando rem ei, qui damnum patitur  
 ex detentione rei restituendæ: ergo debet illi  
 dari.

Dixi, *si fieri potest*, quia si non potest ipsi *Impossibi-*  
 restitui, cessat obligatio restituendi, vel sal- *litas excu-*  
 tem suspenditur ad tempus, quousq; nimirum *sat à resti-*  
 impossibilitas illa cesset. *tutione.*

ASSERTIO XVII. Non tenetur re- *Non tene-*  
 stituere aliquis bona inferioris ordinis, cum *tur quis*  
 detrimento famæ, aut etiam statûs justè ac- *cum mayo-*  
 quisiti. Est communis, & ut probetur *ris boni ja*

*Adverte* quatuor esse bonorum ordines, se- *ctura ad*  
 mutuo in dignitate excedentes. In 1. & su- *restitutio-*  
 premo ordine sunt spiritualia bona animæ; *nem.*  
 in 2. bona vitæ, & corporis; in 3. bona fa-  
 mæ, & honoris; & in 4. bona fortunæ, ut  
 sunt divitiæ. His notatis

4. Bonorū  
genera ex-  
plicantur.

*Probatur Conclusio.* Bonum inferioris ordinis restituendum non est cum detrimento boni superioris; sed bona fortunæ sunt inferioris ordinis, quàm sint bona famæ, vel statûs justè acquisiti, juxta illud Prov: 15. *Melius est nomen bonum, quàm divitiæ multæ.* ergo non sunt restituenda cum detrimento famæ.

## EPYSTILIUM PROBLEMATICUM COLUMNÆ XV.

*An Creditores Hypothecarij, præferendi  
sint Creditoribus Chirographarijs?*



## COLVMNA XVI.

*De restitutione Bonorum Fortuna, &  
Famæ, nec non obligationibus contra-  
ctis ex injusta læsione corporis.*

*Furtum,  
quid.*

**A**SSERTIO I. Furtum rectè describitur, Acceptatio rei alienæ occulta, & fraudulenta. Rapina verò: est acceptatio rei alienæ per vim; utrumq; inter se specie distinguuntur.

1. & 2. pars patet, quia habent conditiones bonæ descriptionis. ergo.

*Probatur 3. pars.* Rapina habet distinctam specie malitiam, à malicia furti; ergo distinguitur specie à furto. Prob: antec: Præter inju-

*De restitut: bonorū fortune, &c. 189*

injustam ablationem rei alienæ, adhuc rapina includit violentiam, per quam, proximo etiam in persona, & honore contumeliam facit, sed hæc est malitia diversæ rationis, à malitia furti; ergo.

*Confirm:* Potest aliquis venialiter tantum in genere furti peccare, & simul mortaliter in genere rapinæ, ut si viro illustri per vim rem accipias, in genere furti venialiter tantum peccas, & mortaliter in genere rapinæ, ob contumeliam illi illatam, sed hoc non esset verum, nisi distinguerentur specie. ergo. Jam restat, ut ostendamus quantitatem materiæ requisitæ, ut quis furando peccet mortaliter. sit ergo

ASSERTIO II. Quantitas rei ablatae sufficiens ad mortale peccatum furti, prudentis viri arbitrio definienda est. *Quomodo  
judicanda  
quantitas  
materie  
in furto  
pro mortali.* *Prob:* Furti gravitas pensanda est, tum ex damno injustè illato, tum ex voluntate Domini inique ferentis rem suam sibi auferri, quia furtum est ablatio rei alienæ occulta, & fraudulosa, id est Domino rei rationabiliter invito; sed certum est, ob eandem pecuniæ quantitatem furto ablatam, majus damnum accipere, & meritò plus angī atq; dolere pauperem, quàm divitem, Petrum quandoq; , quàm Paulum; ergo furti gravitas non ex sola quantitate rei ablatae, sed etiam ex circumstantiis personæ cui auferitur, ac prudentis arbitrio æstimanda est.

*Obijc:* Levitas materiæ in infidelitate, vel odio Dei, non excusat à mortali, ergo nec in furto. R. negando consequ: & paritatem, materiæ enim illorum peccatorum consistunt

in indivisibili, & ideo si violetur in minimo, violetur etiam in toto; Materia verò iustitiæ, & consequenter furti, est divisibilis, quia licet quis vendit rem suam summo, infimo, & medio pretio, ergo potest materia iustitiæ ex parte tolli, & ex parte simpliciter manere, & consequenter non quilibet iniustitia sive, furtum sit, sive rapina, ratione materiæ est peccatum mortale; & sic prudentis viri arbitrio determinanda est materia talis iniustitiæ.

*Assignatur  
probabilis  
Regula cir-  
ca sufficien-  
tiam quã-  
titatē ad  
mortale.*

ASSERTIO III. Probabile est hanc esse notabilem furti quantitatem, & peccati mortalis materiam, quæ in unum diem sufficiat ad victum illius hominis, (nisi esset aliquis avarus, qui, quamvis dives, parcè comederet) cui furti iniuriæ fit. *Prob:* Vix invenitur aliquis, qui spectatis omnibus impendiorum oneribus, tantæ summæ jacturam, non graviter ferat, ergo summa illa censenda est sufficiens materia mortalis peccati, furti.

*Quando in  
furtis mi-  
nutis pec-  
catur mor-  
taliter.*

ASSERTIO IV. Qui ab eadem persona advertenter minutis furtis, quantitatem aliàs sufficientem ad mortale furti, furatur; v. g. tres florenos, furando ultimum grossum ex illis, peccat primò mortaliter.

*Prob:* Opus quo injustè notabile damnum proximi completur, mortale est, sed in casu Conclusionis, per ablationem, seu furtum, sexagesimi grossi (totidem enim in hoc fertilissimo Bohemix Regno grossis, constant tres floreni) completur primò notabile, & injustum proximi damnum, ut suppono, ergo furando ultimum grossum peccat primò mortaliter.

*Con-*



*Confirm:* Qui advertenter levibus ictibus occidit hominem, peccato homicidij peccat primò, ultimo ictu, quo mortem infert, licet ictus ille per se non sit causa mortis, nisi in quantum dicit habitudinem ad priores; ergo similiter qui advertenter repetitis vicibus modicum furatur furando ultimū, per quod completur quantitas notabilis, & damnosa, peccat mortaliter.

*Obijc:* Non peccat mortaliter ultimo verbo otioso, qui plura verba otiosa profert; ergo nec peccat mortaliter ultimo furto levi, qui plura furtiva levia antea commisit. *ꝛ.* negando consequentiam, quia verba illa otiosa, non concurrunt ad unum aliquem effectum, notabilem, ulli damnosum, non sic est de levibus furtis repetitis.

*Obijc:* 2. Furtum ultimi grossi ex tribus florenis, est ejusdem rationis cum furto primi; sed furtum primi grossi non est mortale peccatum. ergo. *ꝛ.* dist: maj: est ejusdem rationis, si absolutè, & secundum se consideretur, concedo majo: si consideretur cum habitudine ad priora furtiva, nego maj: & concessā min: nego consequentiam.

ASSERTIO V. Probabile est, eum *Minuta* qui à diversis, minutis furtis, quantitatem *furtiva quā-* magnam furaretur, mortaliter non peccare; *do non est* & ratio est, quia nulli grave damnum, ut sup- *ficiūt mor-* pono, facit sic furando. Ergo non peccat. *tale.*

*Obijc:* Sequeretur ex Conclusionē, aliquem posse sine mortali peccato, ex communi Republicæ horreo, magnā quantitatem furari, sed hoc est inconveniens. ergo: Prob: sequela; quia quantitas spectans ad singula mem-  
bra

bra Reipublicæ, ex re ablata, parva esset; ergo. R. negando sequelam, quia damnum illud non immergit in hanc vel illā personā, sed in corpus Reipublicæ, & sic fur peccaret mortaliter.

*Extrema  
necessitas  
excusat fu-  
rē a mor-  
tali.*

ASSERTIO VI. Existenti in extrema necessitate, licet rem alienam surripere, non verò in gravi. *Probatur 1. pars.* Accipere rem alienam semper licet, quando Dominus non est rationabiliter invitus, sed in casu conclusionis, non potest Dominus esse rationabiliter invitus; ergo in tali casu surripere rem alienam, non est illicitum.

*Probatur 2. pars.* tum quia opposita sententia, aperit viam multis furtis, & rapinis, nam cum in omni Republica multi sint pauperes, & plurimi qui apprehendant se habere graves necessitates, facile quilibet, sequendo illam opinionem, posset sibi licite rapere & furari; sed hoc turbaret totam Rempublicam, ergo. Tum etiam, quia in communi necessitate constitutus furari licite non potest, ut fatentur ipsi adversarij; ergo nec in gravi.

*Suspiciari  
quando sit  
peccatū.*

ASSERTIO VII. Suspiciari, & judicare de proximo, ubi sufficientia improbitatis indicia se produnt, seccluso affectu odij; nec justitiæ, nec charitati repugnat. Temere autem judicare proximum, est peccatum justitiæ oppositum.

*Probatur 1. pars.* Proximus jus æstimationis suæ amisit, comparatione illius, cui crimen sufficientibus indicijs cognitū est, ergo.

*Probatur etiam 2. pars,* tum ex Scriptura, Matth: 2. & Lucæ 6. *Nolite condemnare* (id est

teme-

temerè judicando) & non condemnabimini. *Quid vides festucam, &c.* tum etiam ratione, tali judicio notabilis injuria irrogatur proximo; ergo est peccatum ex genere suo. Prob: antec: quilibet habet jus ad bonam æstimationem, & famam, donec de eo crimen cognoscatur, juxta regulam illam Juris: *Quisq; præsumendus est bonus, donec demonstretur malus.* ergo injuriam infert illi, quem temerè judicat & damnat.

ASSERTIO VIII. Qui bonâ fide alterum diffamavit, errore cognito, tenetur si commodè potest, restituere illi famam. *Quando quis tenetur famâ*

*Probatur.* Qui bonâ fide rem alienam possidet, transeunte bonâ fide, tenetur rem illâ, si potest, restituere, ergo & famam. *restituere.*

ASSERTIO IX. Qui alterum falsè infamavit, vel intra, vel extra judicium in re infamâ gravi, tenetur sub mortali ad restitutionem, retractando crimen impositum, tan effica- *Falso in ju- dicio infamâs tene- tur resti- tuere effi- caciter fa-*

*Probatur 1. pars.* Qui læsit alterum gravi- *mam.* ter in bonis fortunæ, sub mortali tenetur ad restitutionem; ergo à fortiori, qui famam alterius injustè sustulit, sub mortali tenetur ad restitutionem.

*Probatur 2. pars.* Præceptum restitutionis obligat ad æqualitatem ponendam, sed infamans aliquem coram alijs, non ponit æqualitatem, nisi retractet crimen impositum, eadem efficaciam, & coram iisdem, coram quibus illud deposuit, ergo. Prob: min: nam si minus efficaciter retractet, non servat æqualitatem in modo auferendi & restituendi famam,

& si coram alijs tantum dicta retractet, non reddit quod abstulit, nam illi coram quibus detraxit, in eadem manent semper opinione. ergo.

*Corā uno  
solo detra-  
here est  
malum.*

**ASSERTIO X.** Peccat mortaliter ex genere suo, qui alteri detrahit, etiam coram uno solo. *Ut probetur adverte*, detractio- nem esse alienæ famæ injustam imminutionē. *Jam probatur*: Quilibet, rationabiliter lo- quendo, pluris facit de se opinionem Viri u- nius gravis, prudentis, & in autoritate con- stituti, quàm centum rusticorum, sed coram multis plebæis qui diminuit famam alterius peccat, secundum omnes; ergo & qui coram uno viro gravi.

*Obje*: Ad rationem famæ pertinet publica notitia; sed in casu conclusionis detrahens, non adfert publicam notitiam, ergo neq; fa- mam, & consequenter non peccat detrahen- do coram uno solo. *gy. dist*: maj: ad rationem famæ completæ, & perfectæ, concedo maj: incompletæ, nego maj: & distingu: similiter min: & nego utramq; consequentiam.

*Revelatio  
criminis  
notorij nō  
est pecca-  
minosa.*

**ASSERTIO XI.** Crimen verum, ali- cubi notorium, notitiā facti, alijs ex eodem loco, seu civitate manifestare, non est pecca- tum mortale contra justitiam. *Prob*: Talis criminosus perdit jus ad famam, respectivē ad illos qui in illa sunt communitate; ergo non est contra justitiam manifestare illud cri- men, alijs ex illa communitate. *Prob*: antecrimen notorium notitiā facti est, quod ita se plurium hominum conspectui exhibet, ut nullā tergiversatione celari possit: Sed mani- festum est, moraliter loquendo, impossibile

esse,



esse, quin crimen sic notoriū in una communitate, deveniat in notitiam omnium; ergo illud omnibus manifestare peccatum mortale non est; & idem dic de eo, qui notorium notitiā facti, revelat in alijs etiam locis, respectu quorum crimen non est moraliter notorium; nam viri docti, pij ac prudentes, non existimant se injuriam facere ulli, si crimen alicubi publicum alibi referant, literis scribant, & historijs inferant.

ASSERTIO XII. Postquā infamatus, per vitæ emendationem, famam suam recuperavit, injuria ipsi infertur, cum restituendi obligatione, si de præterito crimine denuò, sine necessaria causa, infametur. *Non potest infamari ille secur- do, si emē- dabit deli-*

*Prob:* Sicut infamia facti, malis moribus contrahitur, & fama bona amittitur; ita bonis moribus & actibus infamia facti aboletur, & fama bona recuperatur, & consequenter injuriam ei facit, qui eum de novo propter præteritum delictum infamat.

ASSERTIO XIII. Qui aliter famam restituere non potest, tenetur recompensati- *Modus re- stituendi* onem in pecunia, si potest, vel alia simili re, *famā, quā* infamato facere. *Prob:* Tum quia quilibet *do non po-* debitor tenetur suo creditori satisfacere, *test infa-* ut potest, sed per pecuniā potest fieri infamia *miam re-* to satisfactio, supposito, quod loco læsæ famæ *tractare.* veller acceptare pecuniam. ergo. Tum etiā, quia qui mutilat vel occidit alterum, tenetur in pecunia refarcire damnum illatum, cum ipsam vitam, vel membrū non potest restituere; ergo similiter qui nocuit alteri in fama, tenetur illi in pecunia restituere, quod in fama non potest

*Obijc:* Non obstante pecuniaria satisfactio-  
ne infamatus non acquirit famam quam per-  
didit; ergo infamans non tenetur in pecunia  
illi solvere. R. 1. retorquendo argumentum  
contra Pontium, in casu mutilationis alicu-  
jus membri. R. 2. dist: antec: non acquirit  
famam re ipsa, concedo antec: taliter ut non  
sit contentus cum debitore, nego antec: &  
consequentiam.

*Præceptū  
de non oc-  
cissione sut.*

ASSERTIO XIV. *Nemini licet se ipsū  
directè occidere, aut mutilare.* Prob: tum

ex illo Decalogi præcepto: *Non occides.* Tum  
etiam, quia homo nec vitæ, nec membrorū  
suorum Dominus est absolutus, ut colligitur  
ex illo Sapientiæ 17. *Tu es Domine, qui vita &  
mortis habes potestatem;* ergo peccat contra  
justitiam debitam DEO, qui se ipsum, sine  
permissione divina, mutilat, vel occidit.

*Responde-  
tur exem-  
plis allatis  
à Sanctis,  
qui se occi-  
derunt.*

Tum deniq; quia Homo est pars Reipublicæ;  
ergo injuriam facit Reipublicæ se ipsum occi-  
dendo, aut mutilando. Exempla multorum  
Sanctorum, qui se occiderunt, & authorita-  
tes PP. aliud non probant, quàm quòd DEO  
id jubente, possit se aliquis mutilare aut oc-  
cidere licitè, quod non est contra nos.

*Qui occi-  
dentes sui  
Ecclesiasti-  
cā sepul-  
turā care-  
re debeant*

Hic obiter notandum est, eum, qui delibe-  
ratā voluntate se ipsum occidit, Ecclesiasticā  
sepulturā, & consuetis suffragijs privandum  
esse, ut docet glossa in cap: *Placuit*, 23. 4. 5.  
At si ex furore vel amentia se ipsum intere-  
mit, nec uno, nec altero privandus est, nam  
sicut aliæ passiones, puta timoris & iræ inter-  
dum adeo vehementes sunt, ut omnino ple-  
nam deliberationem adimant, efficiantq; ut  
opus, quod alioquin mortale foret, ob defe-  
ctum

Etum deliberationis, à gravitate culpæ excusetur, ac veniale, vel nullum peccatum fiat; ita etiam contingere solet, ut vehementissima passio tristitiæ, concurrente atrabile, ita hominis animum ac phantasiam occupet, ut rationis usum eidem adimat, amentiamq; conciliet. Lege Pontium, d. 54. q. 4. & Laymanum hic. n. 8.

ASSERTIO XV. Injustum aggressorem, sicut & Banitum proscriptum per publicam mortis sententiam, licitè, sine obligatione restitutionis, quivis occidere potest. *Qui licitè possint occidi.*

*Probatur 1. pars.* Tum quia vim vi repellere, omnia jura, legesq; permittunt, ut habetur in L. sententiam, §. qui cum. ff. ad legem Aquiliam. Tum etiam, quia secundum ordinem charitatis, quivis propriam vitam, præferre potest alienæ, dummodo non agatur de bono publico, ergo volentem me injustè occidere, vel mutilare, licitè occidere, possum.

*Probatur 2. pars.* Respublica potest dare generalem licentiam occidendi talem Banitum: ergo à quovis ex populo occidi potest.

ASSERTIO XVI. Injustus homicida, tenetur pro damno illato aliquid restituere etiam uxori, vel hæredibus defuncti. *Tenetur homicida aliquid restituere*

*Prob:* Qui canem, vel bovem alterius injustè occidit, vel mutilat, tenetur ad aliquam restitutionem Domino canis faciendam; ergo à fortiori, qui hominem occidit, vel mutilat, tenebitur ad aliquid restituendum ejus hæredibus. *uxori.*

Dixi ad aliquid, quia cum ad æquivalentiam

damnum refarciri non potest; ad minimum debet facere quod potest, ut diximus assertione 13. hujus Columnæ.

*An deflo-*

*rans Vir-*

*ginem ul-*

*trò consē-*

*tientē, te*

*neatur illi*

*aliquid*

*dare.*

ASSERTIO XVII. Qui deflorat virginem ultrò consentientem, non peccat contra justitiam, & sic ad restitutionem non tenetur.

*Prob: 1. pars.* Qui sic deflorat, nec virgini facit injuriam, quia *volenti non fit injuria*, in hac materia: nec etiam Parentibus, quia Parens non est Dominus claustrī virginalis filiæ, quod per stuprum violatur, aliàs invito Parente, sine injustitia virgo non posset contrahere matrimonium, quod est falsum.

*Prob: 2. pars.* Ubi non violatur justitia, non est necessaria restitutio; sed in casu conclusionis non violatur justitia; ergo.

*Obje:* Peccaret contra justitiam qui virgini consentienti abscinderet manum: ergo etiā, qui ipsā consentiente, violaret claustrum virginitatis. R. negando consequentiam; & ratio disparitatis est, quia pericissimi medici docent, nullam fieri injuriam corpori in defloratione Virginis, & quia certum est, quod sit Domina usūs sui claustrī; ergo.


*Stuprum* Ex hac assertione infero, stuprum non distingui specie morali, à peccato simplicis fornicationis, modò committatur sine dolo, violentia, aut metu injusto, & consequenter circumstantiam virginitatis violatæ, in confessione explicandam necessariò non esse; & ratio est, quia talis fornicatio non potest habere intra genus intemperantiæ, & luxuriæ, aliā



*De justitia contract: in gen: &c. 199*  
aliam difformitatis speciem, quàm eam, quæ  
est simplicis fornicationis. ergo.

## EPISTYLIUM PROBLEMATI CUM COLUMNÆ XVI.

*An volenti, & consentienti, contingat  
fieri injuria?*



## COLUMNÆ XVII.

*De justitia contractuum in genere, &  
quorundam in particulari.*

**A**SSERTIO I. Contractus in genere, *Definitio.*  
prout cum pacto coincidit, est liber con- *contractus*  
sensus duorum, aut plurium, in idem, exter- *in genera.*  
no aliquo signo expressus, obligationem sal-  
tem in alterutro pariens: strictè verò sum-  
ptus. est talis contractus obligationē pariens  
in singulis contrahentium. Hæc quoad om-  
nes partes non habet difficultatem. Per ly  
*pariens in singulis contrahentium*, contractus  
strictus distinguitur à pacto, quod in uno so-  
lo obligationem parere solet.

**A**SSERTIO II. Error circa substan- *Error ir-*  
tiam rei, sive objectum substantiale, omnem *ritat con-*  
contractum ipso naturali jure irritum facit. *tractum.*  
Antequàm probemus conclusionem, adverte  
primò; errorem in contractibus quandoq;  
esse circa qualitatē rei, quandoq; circa sub-

stantiam, & quandoq; circa quantitatem. Circa substantiam, ut si auricalcum putetur aurum; Circa qualitatem, ut si vinum rubrum ematur pro albo; circa quantitatem, deniq;, ut si vas trium tantum urnarum, ematur pro vase quatuor urnarum. Prob: conclusio. Omnis contractus est irritus, in quo non concurrat mutus consensus utriusq; contrahentis in idem objectum; sed in casu conclusionis non concurrat mutus consensus in idem objectum: ergo; maj: patet ex definitione contractus: Prob: min: Ignorans substantiam rei, non potest consentire, quia *errantis nullus est consensus.*

*Error circa qualitatem an rescindat contractum.*

ASSERTIO III. Error circa objecti qualitatem, si sit tantum consequens, seu etiam concomitans, nunquam ex natura rei irritat contractum. Prob: Talis error non aufert liberum consensum contrahentis in objectum substantiale contractus, ergo non tollit essentiam contractus. Prob: antec: In tali contractu habetur mutus consensus, libere elicitus, circa substantiam objecti principalis cogniti, & voliti, sed talis est consensus essentialiter requisitus ad contractum, ergo.

*Metus juxta incussus non frangit contractum.*

ASSERTIO IV. Contractus initi ex metu juxta incusso, sunt validi. Prob: Talis metus non tollit libertatem consensus; ergo nullam injuriam facienti infert, & consequenter sunt validi.

*An etiam metus gravis.*

ASSERTIO V. Metus gravis ab extrinseco proveniens, incussus a causa libera in ordine ad contractum faciendum, si injuriam

*De iustitia contract: in gen: &c. 201*

stè incutiatur, invalidat contractum, taliter, ut ille, cui incutitur, possit resilire à contractu, non verò qui incutit. *Prob: Appa-*

ret ex natura rei, eum, qui vi, vel metu cogit alterum ad contractum, debere pati hoc inconueniens, ut ipse non possit resilire, si alter nollet, & alter possit ipso nolente. ergo.

De contractu reverentiali, sicut & de modo, quo contractus invalidus ex defectu consensûs ratificari possit; sicut & de ijs, qui contrahere possunt. *Vide Laymanum tract: 5. per totum.*

ASSERTIO VI. Promissio, vel donatio etiam gratuita, non obligat in conscientia, antequàm acceptetur. *Donatio & promissio non obligat in conscientia.* *Prob: Non potest promittens facere alterum alicujus rei Domini sine ipsius consensu, ergo non potest se illi obligare per promissionem, antequàm ipse illam acceptet.*

Dixi *in conscientia*, quia in foro externo ad evitandas lites, leges civiles prohibent, ne revocetur promissio semel facta civitati, quousq; civitas recuset, rem promissam acceptare.

ASSERTIO VII. Testamentum describitur, liberæ voluntatis iusta sententia, de eo, quod quis post mortem suam fieri vult, cum hæredis institutione; Codicillus verò est ultima voluntas minùs solemnis, absq; hæredis institutione, de eo, quod quis post mortem suam fieri vult, explicando, mutando, addendo, vel detrahendo aliquid testamento. Testamentum dividitur in nuncupativũ, quod & apertum vocari solet, & scriptum, quod &

*Quid sit testamentum.*  
*Ejus divisio.*

clausum, & sigillatum testamentum dicitur, de quibus fusè lege Molinam, & Lessium.

*Quid Usura?*

ASSERTIO VIII. Usura strictè sumpta describitur lucrum pretio æstimabile, ex mutuo præcisè proveniens, tanquàm debitū ei, qui dat mutuum. Usura omnis illicita est.

1. *Pars* non habet difficultatem. 2. *Pars* est expressè definita in Conc: Vienn: Relato in Clement: un: §. ultimo de usuris. & prob: Ezech: 18. psal: 14. & 54. quibus in locis expressè conclusio docetur, unde est illud Lucæ 6. *Mutuum date, nihil inde sperantes*, ad hoc nostrum propositum. ut docet Urbanus III. cap: *Consuluit*. de usuris. Prob: 2. *ratione*. Exigere aliquid ultra sortem ex mutuo, est exigere aliquid ex re non sua: sed hoc est contra iustitiam naturalem. ergo. Prob: maj: pecunia v. g. mutuata per mutuum fit accipientis; ergo accipere aliquid ex illa sic mutuata, est exigere aliquid ex re non sua.

*Obijc:* Illud Deuter: 29. *Non fræneraberis fratri tuo ad usuram, sed alieno*; ergo Scriptura docet usuram esse licitam. R. dist: consequ: si petatur ab inimicis, quos armis superare non possumus, & justè deberemus, concedo consequ: si ab alijs, nego consequ: nam ut Ambrosi: ait lib: de Tobia c. 5. *Cum meritò arma inferuntur, huic meritò usura auferuntur*.

*Obijc:* Labor mutuantis in enumerandà pecunia, & promissio quā se obligavit ad non repetendum mutuum usq; ad annum, sunt pretio æstimabilia; ergo intuitu illorum mutuantis, potest aliquid ultra sortem accipere. R. concedendo consequ: quoad primum, & negan-



negando illam, sicut & antecedens, quoad secundum; nam obligatio illa non petendo mutuum, usq; ad certum tempus est de intrinseca ratione mutui, & sic sicut nec pro mutuo, ita nec pro illa aliquid ultra sortem licitè petere potest.

ASSERTIO IX. Licitè quis à princi- *Licitū est*  
pio paciscitur cum mutuuario, de lucro cessan- *aliquando*  
te, & damno emergente. *Prob: Conclusio. pactum de*  
Nemo tenetur subire detrimentum, ut per *dando ul-*  
mutuum satisfaciatur indigentia alterius; ergo *tra sortē.*  
si alter vult mutuum, potest pacisci, quod  
non obstante mutuo, mutuantem servabit  
indemnem. *Confirm:* Non est rationabile,  
ut qui jam modium tritici, v. g. posset emere  
vino floreno, qui valeret postea duos florenos,  
non possit obligare illum, qui mutuo petit  
jam florenum, ad restituendum illi ultra flo-  
renum ratione jacturae, quam jam faceret ex  
eo, quod non posset emere triticum. ergo.  
potest cum illo sic pacisci, & consequenter  
ratione lucri cessantis, & damni emergentis,  
potest aliquid ultra sortem à mutuuario pe-  
tere.

ASSERTIO X. Vendens scienter rem *Vitia oc-*  
vitiosam, vitio occulto, eodem pretio, quo *culta in re*  
venderetur si careret illo vitio, peccaret con- *vendenda*  
tra justitiam, & teneretur ad restitutionem. *sunt mani-*  
*Prob:* In tali contractu deest æqualitas, inter *festanda.*  
pretium & mercem; ergo est contra justi-  
tiam.

ASSERTIO XI. Simonia est studiosa *Definitio*  
cupiditas emendi, vel vendendi spirituale, vel *Simonia.*  
spirituali annexum, quod censetur spirituale.  
Hujusmodi omnis venditio, & locatio rei spi-  
ritua-

ritualis pro pretio temporali jure divino prohibita est, & consequenter Simonia. 1. Pars est communis. *Probatur ergo 2. pars.* tum ex Script: Matth: 10. *Gratis accepistis, gratis date.* Act: 8. *Pecunia tecum sit in perditionem, &c.* ergo; tum etiam ratione; nullum pretiū temporale est proportionatum rei sacræ, quā talis est, & apparet ex ipsis terminis, valde esse indignum, ut hujusmodi res pro pretio vendantur temporali: ergo.

Dixi in Conclusionē rei spiritualis quā talis, quia rem materialem, cui spirituale est annexum, sine periculo Simonix emere & vendere possunt, v. g. calices consecratos, ornamenta benedicta, eodem tamen pretio, quo sine consecratione aut benedictione venderentur.

*Quomodo  
contingat  
simonia.*

ASSERTIO XII. Dari aliquid pro pretio dispensationis in votis juramenti, & impedimentis matrimonij, simonia est expressa, non verò dari aliquid sacerdoti nolenti baptizare, aut absolvere, nisi recipiat pecunias. *Prob: 1. pars.* Illa dispensatio est omninò spiritualis, nam est usus potestatis spiritualis; ergo qui emit illam, simoniacè peccat.

*Probatur 2. pars.* Movere aliquem ad aliquid faciendum, quod ipse posset, si vellet sine peccato, & quod deberet facere, non est ullo modo peccatum, sed Sacerdos ille posset non obstante pecuniâ receptâ sine peccato absolvere aut baptizare (posset enim statim restituere pecunias, & sic gratis absolvere,) ergo qui moveret illum ad hoc faciendum,

dan-

dando illi pecunias, non peccaret. De loca-  
tione, ludo, & gabellis lege Lugonem.

EPYSTILIUM PROBLEMATICUM  
COLUMNÆ XVII.

*An qui lucratur per fraudem, tenetur  
ad restitutionem?*



COLVMNA XVIII.

*De natura, & regulis fidei super-  
naturalis.*

**A**SSERTIO I. Fides divina bene de- *Definitio*  
scribitur cognitio obscura supernatura- *fidei divi-*  
lis in substantia, quâ intellectus assentitur, *na.*  
vel dissentitur alicui propositioni, ob revela-  
tionem divinam. *Ly cognitio* est genus, in  
quo fides convenit cum alijs operationibus  
intellectûs. Per *ly obscura* differt fides à sci-  
entia, additur *ly assentitur* vel *dissentitur*, ad  
denotandum, quod fides quandoq; potest esse  
assensus, quandoq; dissensus; ut cum quis cre-  
dit peccata non esse media à Deo ordinata, ad  
consequendam vitam æternam.

**A**SSERTIO II. Objectum materi- *Objectum*  
ale fidei est omnis propositio, quæ ob revela- *ejus mate-*  
tionem divinam credi potest. Formale verò, *riale.*  
veracitas divina revelans. *Prob:* quoad  
utramq; partem, conditiones objecti tam ma-  
teri-

terialis, quàm formalis (de quibus fusè in Logica, & obiter in prologo agendo de objecto Theologiæ egi) conveniunt illis. ergo.

*Obijc:* Multi credunt fide supernaturali, puta simplices Catholici, quando non cogitant de Deo, aut ejus veracitate, vel revelatione: ergo veracitas divina revelans non est objectum Fidei divinæ. R. negando antec: loquendo de cognitione confusa, quam ad minimum illi simplices semper habent, de veracitate divina quando credunt.

*Obijc:* 2. Revelatio divina non potest commovere ad assensum, nisi ipsa sit mihi nota, sed non est mihi nota notitiâ aliquâ certâ; ergo: prob: min: certa illa notitia de existentia revelationis, deberet esse cognitio fidei, vel scientiæ naturalis, sed neutrum dici potest; ergo maj: est certa. Prob: min: loquendo de notitia naturali, existentia hujus revelationis, *Verbum caro factum est*, v. g. non est ex terminis nota, nec ostendi possunt ulla principia certa & evidentia, ex quibus deduci possit, quod actualiter existat, aut extiterit; ergo non datur ulla certa cognitio naturalis de existentia revelationis. Prob: etiam min: quoad notitiam fidei, si illa notitia esset Fidei, deberet esse revelata per alteram revelationē, & sic in infinitum, vel sistetur in aliqua una revelatione, & de illa quæro, quānā sit causa, quæ infallibiliter movet intellectum ad assentiendum existentia talis revelationis. R. negando min: cum minori suæ probationis, cujus probationis antec: quoad secundā partem distinguo, deberet esse revelata per aliam revelationem à priori, nego antec: à



posteriori, concedo antec: & nego inde sequi  
processum in infinitum; nam sicut bene de-  
monstratur rationalitas à posteriori per di-  
scursum, & discursus vicissim à priori per ra-  
tionalitatem, sic etiam revelationem divinā  
de existentia incarnationis, v. g. bene proba-  
mus à priori per revelationem, & à postero-  
ri nimirum per miracula, & alias notas cre-  
dibilitatis; & per hoc patet, quòd ultimum  
motivum in quod resolvitur fides à priori, sit  
veracitas divina revelans, à posteriori verò  
signa credibilitatis.

ASSERTIO III. Nulla est possibilis *Omnis pro-*  
propositio vera, quæ non est revelabilis; aut *positio est*  
revelabilis, quæ non est credibilis. *absolutè*

*Probatur 1. pars.* Ideo aliqua propositio *revelabi-*  
possibilis non esset revelabilis, quia Deus *lis.*  
possit habere nolitionem concurrendi ad ejus  
revelationem; sed hoc non facit, quod non  
sit revelabilis, ergo nulla est possibilis, quæ  
non est revelabilis. Prob: min: Per hoc quòd  
Deus habeat nolitionem producendi alium  
mundum, non sequitur inde, alium mundum  
esse improducibilem, licet bene quod non  
produceretur; ergo per hoc, quòd habeat no-  
litionem revelandi rem aliquam possibilem,  
non sequitur, quòd res illa non sit revelabilis.

*Dices,* non implicat actus intellectûs divini,  
qui reflectendo supra se diceret, ego nō reve-  
labor; sed in tali casu esset irrevelabilis. ergo.  
R. 1. concedendo maj: & negando min: quia  
negatio revelationis non facit propositionem  
absolutè irrevelabilem, ut per se patet. R. 2.  
Implicare actum divini intellectûs, sine præ-  
via cognitione divini decreti, qui reflectendo  
supra

supra se essentialiter diceret, *ego non revelabor*; nam cum revelatio sit actus divinæ voluntatis, & quidem liber, implicat ut cognoscatur irreverabilitas actus intellectus, sine præviâ cognitione divini decreti, de non revelando illo, sicut implicat cognitio ullius effectus dependentis à causa, ut talis est, sine cognitione ipsius causæ, & per hoc patet ad fundamentum adversariorum.

*Probatur 2. pars Conclusionis.* Nulla est revelabilis, quæ non habet motiva credibilitatis, vel non haberet, si revelaretur; sed hoc sufficit ut sit credibilis, ergo nulla est revelabilis, quæ non sit credibilis.

*Deus nunquã mendax fuit.* ASSERTIO IV. Deus nunquã mentitus est, neq; de potentia absoluta per se, vel per alium, mentiri potest. *Prob:* quoad 1. partem, solvendo objectiones adversariorum inferius.

*Probatur 2. pars.* tum ex Script: Hebræ: 6. *Impossibile est mentiri DEUM*; tum ex PP. Anselmo lib: 1. cur Deus homo. cap: 12. *DEUS, inquit, non foret Deus, si mentiretur.* ergo.

*Probatur etiam ratione.* tum quia veracitas infinita in dicendo, est perfectio simpliciter simplex in Deo; ergo Deo taliter convenit, ut non possit mentiri: tum etiam, quia ideo Gabriel, & alij adversarij, docent oppositum conclusionis, quia putant nullum esse actum intrinsecè peccaminosum, sed hæc ratio nulla est: ergo. *Prob:* min: Error in intellectu, non est moraliter malus, seu peccaminosus, & tamen repugnat Deo errare, etiam secundum ipsos: ergo quamvis mendacium non esset intrinsecè malum, posset adhuc Deo repugnare.

*Con-*

*De nat: & regulis fidei supernat: 269*

*Confirm:* Quamvis actus peccaminosus non sit intrinsecè malus theologicè loquendo, ut dixi de legibus, assert: 9. tamen est actus dedecens naturam rationalem, & maximè divinam: ergo repugnat Deo. Consequentia est evidens, nam omnis imperfectio repugnat Deo. Prob: ergo antec: Ille actus censetur, intrinsecè dicere indecentiam repugnantem Deo, quo elicitò, perderet Deus inter homines totam suam auctoritatem in dicendo; sed mentiundo perderet totam suam auctoritatem in dicendo; ergo. maj: est certa. Prob: min: Ideò homo in dicendo perdit suam totā auctoritatem in dicendo, ita ut non credamus revelatis ab eo, nisi cum formidine de opposito, quia *omnis homo mendax est*, & sic ignoramus, utrum non semper mentiatur: ergo si constaret, quòd Deus possit mentiri, perderet similiter suam auctoritatem in dicendo.

*Probatur jam 3. pars.* Tam dedeceret Deū *Nec per alium est mentiri per alium, ac per se; ergo si per se, non potest mentiri, nec poterit etiam per alium.* Prob: antec: idem est moraliter loquendo aliquid per alium in eo nomine loquentem dicere, ac per memet ipsum. ergo.

*Confirm:* Si per alium posset Deus mentiri, rationabiliter defactò dubitaremus de veritate scripturarum, nam omnes scripturæ ministerio hominum sunt nobis à Deo propositæ; sed hoc dici nequit; ergo.

*Obijc:* Mendacium non est intrinsecè malum; ergo Deo non repugnat. *iv. dist: antec:* Malitiā Theologicā concedo antec: malitiā morali non Theologicā, seu dedecentia, nego antecedens, & consequentiam.

*Objc:* 2. DEUS per Prophetas prædixit multa, quæ non evenerunt. ergo per illos est mentitus. R. dist: antec: prædixit conditionatè, concedo antec: absolutè nego antec: & consequentiam.

*Actus fidei potest esse scientia.* ASSERTIO V. Non solum actus fidei divinæ, potest stare in intellectu, simul cum actu scientiæ, sed etiam idem indivisibilis actus, potest includere utramque rationem.

*Probatur 1. pars.* Inter duos actus illos, nulla potest ostendi implicantia; ergo possunt esse simul in eodem intellectu, de eadem propositione; imò defacto existimo Beatissimam Virginem simul habuisse utrumq; actum.

*Probatur 2. pars* eadem ratione, nam nulla est implicantia in hoc, quod unus idemq; actus versetur circa idem objectum, ex motivis diversis fidei scilicet, & scientiæ simul, imò defacto puto me posse assentiri eidem propositioni, unico actu, & quia objectum illius video esse sicuti affirmatur, & quia simul credo alteri affirmanti, quod ita est.

\* *Objectiones Adversariorum vide solutas in Logica.*

*Quis possit habere a-ctum evid-entem si-dei.* ASSERTIO VI. Non solum comprehensor, sed etiam viator, potest habere evidentiam divinæ veritatis, & attestationis de aliqua propositione. *Prob:* de beatis. nam non solum vident Deum, sed etiam intuitivè vident, quæ loquitur ipsis, sed hoc est habere evidentiam divinæ veracitatis, ergo. *Prob:* etiam de viatoribus. non implicat, quò minus se solo produceret Deus in aliquo, evidentem cognitionem suæ locutionis; vel species



ties ad eam cognoscendas necessarias; ergo, &c.

ASSERTIO VII. Fides supernaturalis divina, tam habitualis, quàm actualis, est una unitate specificâ, in omnibus hominibus, & angelis, non verò numerica. *Prob: de fide habituali, non implicant, ut omnes fidei actus ab eodem specie habitu supernaturali producantur; ergo non debent multiplicari specie habitus, ad illos producendos.*

*Unitasque sit fidei divina.*

*Probatur 2. pars.* Omnes actus fidei supernaturalis, habent eandem specie rationem formalem, per quam differunt ab omnibus alijs cognitionibus; ergo omnes actus fidei sunt ejusdem speciei. *Prob: antec: Unica ratio formalis distinctiva actûs fidei divinæ à quacunq; alia cognitione est, quòd tendat in objectum à veracitate divina revelatum; sed hæc ratio est ejusdem speciei in omnibus actibus fidei divinæ, ut ipse Pontius fatetur, qui inutilem hic excitavit quæstionem de nomine, ergo.*

*Probatur 3. pars.* Actus fidei, quo ego credo *DEUM esse*, non est idem numero cum actu, quo credo *Verbum assumpsisse naturam humanam*, aliàs non possem credere unum, sine eo, quod crederem alterum simul, quod nemo dicet: ergo.

*Obyc:* In Theologia sunt diversæ difficultates circa actus & objectum fidei: ergo debent poni habitus diversi, per quos tollantur. *Prob: antec: Major est difficultas in credendis mysterijs Incarnationis, & Trinitatis, quàm in credendo, quòd canis Tobix habuerit caudâ; ergo. R. dist: antec: diversæ difficultates su-*

perandæ per habitum fidei infusæ, nego antec: superandæ per certas considerationes rationis naturalis, quibus ostenderetur non esse impossibile talem propositionem esse verā, & propterea, cū Deus illam revelavit, eam debere credi, ac creditur quæcūq; alia ex illo motivo, revelationis scilicet divinæ, concedo antec: & nego consequentiam.

*Quæ utilitas habituum infusorum.*

Itaq; habitus infusi non ponuntur ad superandas difficultates, quæ in exercendis eorū actibus interveniunt, sed simpliciter propter operari, quia æquē per se requiruntur ad actus, ac ipsa potentia; unde sicut diversæ difficultates actuum non arguunt diversitatem in potentia, ita nec in habitibus per se infusis arguere debent; secūs dicendum est de habitibus acquisitis, & per hoc distinguuntur sufficienter ab infusis.

*Obijc: contra 2. partem* pro Pontio. Assensus, & dissensus sunt duo actus specie distincti; sed aliqui actus fidei sunt tales; ergo distinguuntur specie. *ꝛ. dist: maj: specie materiali* concedo *maj: pro formali*, nego *maj: & concessā min: nego consequentiam.*

*Libertas*

*actus fidei.*

ASSERTIO VIII. Actus fidei, etiam in sensu composito evidentiæ revelationis, est sic proximè liber, ut contranitante voluntate posset non elici.

*Prob: tum ex Scriptura* Lucæ ultimo: *O stulti, & tardi corde ad credendum.* Sed gratis reprehenderentur Apostoli, nisi esset liberum ipsis credere. Tum ex Trident: sess: 6. cap: 6. *Liberè, inquit, movetur in DEUM, credentes veram esse, quæ à Deo revelata sunt.* ergo secundum Concilium fides quæ est dispositio necessaria ad justificationē,

in

in adultis, debet esse libera. Tum etiam auth: D. Aug: tract: 26. in Joannem: *Multa, inquit, potest homo facere non volens, credere autem non potest, nisi volens.* Tum deniq; experientia, quâ constat, quod voluntas intellectû etiam apprehendentem quamcunq; veritatē, cohibere possit. ergo.

*Dixi in Conclusionē, sic, ut contranitente voluntate posset non elici;* quia si de revelatione haberetur evidentia physica, certum mihi videtur, quod intellectus non possit ex Imperio voluntatis discredere rei revelatæ, quia nullum haberet discredendi motivum.

*Obijc:* Fides est initium justificationis, sed hoc esset falsum, si præsupponeret actum voluntatis, seu si esset liber: ergo. R: disting: maj: initium justificationis, id est, primus actus supernaturalis, in substantia requisitus ad justificationem, concedo maj: initium justificationis, ita ut nullum alium præsupponat actum, etiam voluntatis, id est, pium, credulitatis affectum (qui & imperium voluntatis dicitur) nego maj: & distinctâ similiter min: nego consequentiam.

ASSERTIO IX. Actus fidei est absolute certior omni cognitione naturali hujus statûs. *Certitudo actûs.* *Prob:* Ille actus est certior quamcunq; cognitione naturali, cujus certitudo dependet à causis maximè infallibilibus, cognitæ ab intellectu ut talibus; sed talis est actus fidei; ergo. *Prob: min:* Certitudo actûs fidei infusæ dependet ab habitu supernaturali fidei influente, & à veracitate divinâ revelante, tanquàm causis suæ certitudinis; sed istæ sunt causæ omnium maximè infallibiles,

& ab intellectu pro talibus agnoscuntur: ergo certitudo actûs fidei dependet à causis maximè infallibilibus, & ab intellectu habitis pro talibus. Prob: min: Nec veracitas divina potest falsum revelare, ut ostendi hic asserit: 4. nec habitus fidei infusæ potest influere in actum falsum, ergo veracitas divina revelans, & habitus fidei infusæ sunt causæ omnium maximè infallibiles, & ab intellectu pro talibus cognitæ; & consequenter certitudo actûs fidei dependens ab his causis, erit maxima omnium.

*Obijc:* Fides non excludit omnem dubitationem, secundum Doct: in 3. d. 24. n. 17. sed cognitiones naturales scientificæ excludunt omnem omnino dubitationem, etiam indeliberatam; ergo sunt certiores fide. R. dist: maj: omnem dubitationem indeliberatam, causatam ex apparenti probabilitate oppositi, concedo maj: omnem dubitationem trahentem in oppositum, nego maj: min: absolute nego, nam scientiæ omnes naturales in nituntur omni isti principjo, quæ sunt eadem uni-tertio, sunt eadem inter se, & tamen rationabiliter possumus dubitare, an non hoc principium in creatis sit falsum, sicuti est, probabiliter loquendo, in divinis.

*Regula aliqua necessaria est pro mysteriorum cognitione.*

ASSERTIO X. Necessaria est in Ecclesia regula aliqua infallibilis, & certa, quæ agnoscuntur mysteria fidei, quando proponuntur esse revelata. Hæc est de fide definita in Trident: sess: 4. Prob: Sine tali regula facile posset deficere cognitio sufficiens mysteriorum fidei ad salutem necessariorum; nam dum Lutheranus negaret confessionem auricular-



cularem esse necessariam, & Catholicus affirmaret, nisi esset regula infallibilis fidei, ad quam pro indaganda veritate recurrendum foret, facile pars erronea redderetur magis probabilis, & sic deficeret cognitio necessaria mysteriorum fidei.

ASSERTIO XI. Non solum Scriptura sacra, sed etiam traditiones Apostolicæ, licet scriptæ non sint, sunt infallibilis regula fidei. *Quæ sit illa regula.* Hæc est de fide, re ipsa definita in Trident: sess: 4. *Prob:* Quod non potest solvi, est certissima veritatis regula, sed scriptura sacra solvi (id est, nec fallere, nec falli) non potest juxta Joann: 10. ergo est certa regula veritatis. *Confirm:* Tum quia Christus Joann: 5. provocavit Judæos ad scripturam, tanquam ad regulam certam fidei: tum etiam, quia nulla potest esse certior regula, quam Dei autoritas, quæ in verbo ejus scripto continetur, sed Scriptura sacra est Verbum DEI scriptum, in quo autoritas illa continetur. ergo.

*Ut problem 2. partem,* adverte, per traditionem hic intelligi doctrinam aliquam in Scriptura expressè non contentam, sed verbote-nus à Parentibus & senioribus nobis tradita; hujusmodi traditiones novi testamenti, quæ & Apostolicæ dicuntur (quia ab Apostolis vivâ tantum voce traditæ sunt) aliæ sunt quæ ad fidem, & aliæ quæ ad mores, & externaqs ritus spectant. Prioris generis sunt hæ, quod tota Scriptura veteris & novi testamenti sit Verbum DEI. 2. Quod illa tota Scriptura maneat nobis salva, & incorrupta. 3. Quod habeamus verum, & legitimum illius sensum. 4. Quod Symbolum fidei sit verè Apostolicum.

*Diversæ Traditiones.*

5. Quòd infantes sint baptizandi. 6. Quòd baptizati ab hæreticis non sint rebaptizandi. 7. Quòd Mater Christi MARIA semper mariferit Virgo. 8. Quòd certus, ac determinatus sit Sacramentorum numerus.

Ad mores autem, seu ritus externos spectant hæ traditiones. 1. Ut exorcismus, & aliæ cæremoniæ exhibeantur in Baptismo. 2. Ut trina immersio fiat in ipso. 3. Ut Chryfma singulis annis renovetur. 4. Ut aqua vinum misceatur in calice. 5. Ut Eucharistia sumatur à jejunis. 6. Ut in Sacrificio Missæ oretur pro defunctis. His notatis

*Probatur 2. pars.* Tum autoritate Conciliorum, Constantinop: 8. act: 10. Nicæ: 1. & 2. ac Trident: sess: 4. tum etiam ex scriptura, 2. Thessal: 2. v. 14. *Itaq; fratres state ac tenete traditiones, quas didicistis, &c.* Tum denique ratione. Traditio est antiquior regula fidei, quàm Scriptura. ergo. prob: antec: Scriptura incepit à Moysè, Fides autem ab initio mundi, usq; ad Moysen per solam traditionem, conservata est, sed hoc non esset verum, nisi esset antiquior scriptura, & certa regula fidei, ergo.

*Confirm:* Ipsi hæretici credunt de fide esse, Biblia quæ habent, esse veram, & canonicam Scripturam, sed hoc illis non constat, nisi ex mera traditione ut velle, nolle debent fateri. ergo.

*Obijc:* illud Apost: ad Coloss: 2. *Videte ne quis vos decipiat per Philosophiam, & inanem fallaciam, secundum traditionem hominum.* Idem re ipsa habetur 1. Petri 1. & Matth: 15. ergo. &c. Christum & Apostolos in illis lo-

cis loqui partim de pharisaicis traditionib<sup>9</sup> Judæorum, partim etiam de traditionibus gentilium Fidei Christianæ repugnantium, non verò de divinis & Apostolicis traditionibus.

Et si quæras de spiritu privato hæretico-*Spiritus* rum, utrum sit certa regula fidei? R. nega-*privatus* tive, nam spiritus ille, non est infallibilis, & *hæretico-* certus, sed potius est spiritus erroris, & men-*rum.* dacij, aliàs non diceret in fide paradoxa, & planè inter se contradictorie opposita, ut vera.

ASSERTIO XII. Ecclesia ut forma-*Ecclesia sa* liter sumitur pro congregatione omnium, *la non est* fidelium, non est sufficiens, & viva regula in *sufficiens* docendo. *Probatur.* Viva regula debet, *regula in* esse apta ad docendum, & loquendum; sed *docendo.* magna pars universalis Ecclesiæ, ut unicuique experienciâ patet, non est sic sufficiens: ergo. Deinde impossibile est, moraliter loquendo, totam Ecclesiam congregare ad definiendum aliquid de fide. ergo.

ASSERTIO XIII. Autoritas Con-*Concilium* ciliij generalis legitimè congregati & appro-*est regula* bati, est infallibilis regula fidei quantum ad *infallibilis* illa, quæ proponit credenda de fide. *Prob:* tum quia reguntur à Spiritu sancto, ut patet ex traditione Apostolica, & ex illo Scripturæ act: 5. *Visum est Spiritui Sancto, & nobis.* ergo sunt infallibilis regula fidei.

ASSERTIO XIV. Summus Ponti-*Item sum-* fex, quantum ad illa, quæ proponit de fide, *mus Pon-* credenda, est etiam infallibilis regula fidei. *tifex.*

*Prob:* Tum quia habet infallibilem Spiritus sancti assistentiam, ut patet ex illo Matth: 16. *Super hanc petram edificabo Ecclesiam meam.*

& Luca 22. *Ego rogavi pro te Petre, &c.* ergo-  
tum etiam ex perpetua Ecclesiæ traditione.

*Obijc:* Propositio fidei facta à Pontifice,  
non potest esse regula fidei, nisi esset de fide  
ipsum Pontificem, v.g. Alexandrum VII. ho-  
die regnantem, esse legitimum successorem  
Petri, sed hoc non est de fide: ergo. R. ne-  
gando maj: nam sufficeret moralis certitudo,  
quæ haberetur, quòd Pontifex ille esset ve-  
rus Papa, ad hoc, ut quis credat fidei articu-  
lis, ab ipso Ecclesiæ propositis.

*Notæ Ec-  
clesiæ Ca-  
tholicæ.*

ASSERTIO XV. Notæ seu signa Ca-  
tholicæ Ecclesiæ, sunt sequentes; Nomen  
Catholicæ Ecclesiæ; antiquitas; duratio diu-  
turna nunquam interrupta; amplitudo; mul-  
titudine; varietas; successio Episcoporum ab  
Apostolis deducta usq; ad nos; Conspiratio  
in unitate doctrinæ; unio membrorum inter  
se & cum capite; sanctitas & efficacia doctri-  
næ; sanctitas vitæ authorum, sive primorum  
Patrum nostræ Religionis; Gloria miraculo-  
rum; lumen propheticum; Confessio adver-  
sariorum; & infelix exitus, seu finis, eorum  
qui Ecclesiā oppugnant, quæ rectissimè conve-  
niunt Catholicæ Romanæ Ecclesiæ. Hanc as-  
sertionem quoad singulas partes vide proba-  
ram apud Bellarminum lib: 4. de notis Ec-  
clesiæ.

## EPYSTILIUM PROBLEMATICUM COLUMNÆ XVIII.

*Alexandrum VII. legitimum esse Petri  
successorem, an sit de fide?*





## COLVMNA XIX.

*De Habitu, necessitate, & confessione  
fidei, nec non infidelitatis peccato  
illi opposito.*

**A**SSERTIO I. Non solum conservari *Qualis cō-*  
possunt habitus Fidei, & Spei, sine habi- *nexio sit*  
tu Charitatis; sed etiam indifferenter omnes *inter The-*  
tres habitus infundi possunt. *ol: virtu-*

*Probatur 1. pars.* Habitus fidei, & spei, *tes.*  
manet in peccatore, seu cum peccato mortali,  
habitus autem Charitatis non: ergo. prob:  
antec: ex Trid: sess: 6. can: 28. ubi habet, si  
quis dixerit, amissā per peccatum gratiā, si-  
mul & fidem semper amitti, aut fidem quæ  
remanet, non esse verā fidem, anathema sit.

*Probatur 2. pars.* Habitus illi distinguun-  
tur realiter inter se, ergo unus independen-  
ter ab altero infundi potest. *Confirm:* De-  
facto infunditur unus sine altero; ergo pos-  
sunt infundi. Prob: antec: Defacto manet  
in peccatore habitus fidei, sine habitu chari-  
tatis. antec: est certum. prob: ergo consequi:  
Ideo relinquitur in peccatore habitus fidei,  
sine habitu charitatis, quia habet dispositio-  
nes requisitas ad conservationem habitus fi-  
dei, sine dispositionibus requisitis ad conser-  
vationem habitus charitatis; sed adultus so-  
let quandoq; habere dispositionem requisitā,  
& sufficientem ad recipiendam fidem, sine di-  
spositione requisita ad suscipiendam Charita-  
tem;

tem; ergo infunditur ipsi fides, sine charitate. Prob: min: tum quia non est potior ratio, cur possit habere dispositiones requisitas ad unum, & non ad alterum; tum etiā, quia potest adultus aliquis esse paratus ad credenda omnia mysteria fidei, & adhuc se non resolvere, utrum velit restituere rem alienam, injustè retentam, sed talis haberet dispositionem requisitam ad fidem, sine dispositione requisita ad charitatem. ergo.

*Obijc:* Infidelitas est gravissimum peccatū, ergo nunquam remittitur non infusā charitate; sed non infunditur fides, nisi dimittatur infidelitas, ergo non infunditur fides nisi infusa charitate. *R.* dist: antec: est gravissimū peccatum, si incurratur ob invincibilē ignorantiam, nego antec: si incurratur ob vincibilem, concedo antec: & nego consequentiā. Ad subsumptum *R.* concedendo illud, & distinguendo consequens, non infunditur fides, nisi infusā charitate, nisi ponatur obstaculū, concedo consequentiam; si ponatur, nego consequ: Itaq; nostræ Conclusioni sufficit, quod infidelitas non peccaminosa, per infusionem fidei, posset remitti, quamvis non infundatur charitas; per hoc tamen non dicimus, quod Deus infundat fidem peccaminoso infideli, sine infusione charitatis, quia defecto statuit nullum remittere peccatum sine charitatis infusione.

*Necessitas  
medij &  
præcepti  
describitur.*

*Adverte* hic pro Intelligentia sequentium, aliquid posse esse dupliciter necessarium ad salutem; necessitate nimirum mediij, & necessitate præcepti tantū; primo modo illud dicitur necessarium, sine quo homo, etiam  
invin-

Invincibiliter ignorans, non consequitur vitam æternam. Secundo verò modo, illud dicitur necessarium, quod tenetur quidem homo facere si commodè potest; omittendo tamen illud potest consequi salutem, si invincibili laborat ignorantia, vel aliam habet justā causam omittendi illud, & hoc modo præcepta multa DEI & Ecclesiæ sunt necessaria. His notatis sit

ASSERTIO II. Fides habitualis, semper fuit, & est defacto necessaria necessitate medij omnibus ad salutem. *Fides quæ necessitate* *Prob: Tum ex sit necessa-*  
Script: Hebr: II. *Sine fide impossibile est placere ria.*  
DEO. Marci ult: *Qui non crediderit, conde-*  
*mnabitur.* Tum etiam, quia justificatio est ne-  
cessaria necessitate medij ad salutem; sed ne-  
mo justificatur, cui non infunditur Fides,  
Spes & Charitas, vel saltem sine illis tribus;  
ergo fides habitualis est necessaria necessita-  
te medij ad salutem.

ASSERTIO III. Cuilibet compoti rationis, cui sufficienter proponuntur mysteria fidei, necessaria est fides actualis. *Fides actu-*  
*alis quibus*  
*necessaria.*

*Prob: tum ex jam citatis Scripturæ locis,*  
quæ etiam de actuali fide intelligi possunt,  
quibus adde passum illum Apostoli ad Hebr:  
II. *Accedentem ad DEVM oportet credere quia*  
*est.* Tum etiam, quia propterea principaliter  
infunditur fides habitualis, ut possit haberi  
actualis, quando quis pervenit ad usum ra-  
tionis; ergo cum cuilibet necessaria sit fides  
habitualis, cuilibet etiam compoti rationis  
necessaria erit fides actualis.

*Confirm: ex Trid: sess: 6. cap: 6. Fides est*  
*humane salutis initium, radix, & fundamen-*  
*tum*

*tum omnis justificationis*; sed ut adultus rationis compos, consequatur vitam æternam, debet accedere ad Deum, & justificari; ergo debet habere fidem, etiam actualem, nam, sine illa non potest ad Deum accedere; quia teste Trident: jam citato, Fides est dispositio requisita ad justificationem.

Dixi *Composi rationis*, quia si baptizatus nunquam usum rationis acciperet, sine actuali fide salveretur, sicut salvantur infantes statim post baptismum morientes.

*Obijc: Rom: 2. Gentes quæ legem non habent, naturaliter ea, quæ legis sunt faciunt; ejusmodi legem non habentes, ipsi sibi sunt lex; ergo gentes illæ, id est, infideles, absq; fide, & alio omni supernaturali actu in substantia, observant legem, & consequenter salvabuntur; nam teste Apost: Factores legis justificabuntur.*  
*R.* explicando Apost: & dist: antec: ea quæ legis sunt, quoad aliqua ejus præcepta, concedo antec: quoad omnia præcepta, nego antec: & consequentiam; cujus etiam probationem ex Apostolo adductam, eodem modo explicco; Factores legis, quoad omnia ejus præcepta, concedo; quoad aliqua ejus præcepta, nego.

*Fides in  
remunera-  
torem est  
necessaria*

ASSERTIO IV. Explicita Fides actualis Dei, etiam remuneratoris, necessaria est, necessitate medij, adultis ad salutem. *Prob:*  
 Conclusio quoad utramq; partem, ex Apost: ad Hebr: 11. *Accedentem ad DEUM oportet credere quia est, & quia remunerator est.* Huc etiam faciunt verba illa Christi, Joann: 15. *Hæc est vita æterna, ut cognoscāt te solum Deum verum.*

*Prob:*



*Probatur 2. ratione.* Illud est necessarium necessitate medij, sine quo homines, regulariter loquendo (respiciendo potentiam absolutam, nec fides, nec baptismus sic necessarius est ad salutem) non consequuntur vitam æternam, sed fides DEI remuneratoris est talis. Prob: min: ex Trident: supra citato, ubi enumerat fidem inter dispositiones ad justificationem, sed nulla alia fides debet potius censerī talis dispositio, quàm DEI remuneratoris; ergo.

ASSERTIO V. Post Evangelij sufficientem promulgationem, actualis fides Christi Redemptoris, nec non Trinitatis necessaria fuit necessitate medij, ijs, quibus necessaria fuit ulla fides actualis ad salutem consequendam. *Fides item Redēptoris & Trinitatis.*

*Prob: 1. pars.* ex illo Marci ult: *Prædicate Evangelium omni creatura, &c.* ergo explicita fides Christi Redemptoris, quæ per Apostolos tunc prædicata & promulgata fuit, necessaria est necessitate medij ad salutem.

*Confirm:* Sine baptismo in re, vel in voto, nemo salvatur defacto; sed adulti rationis compotes non consequuntur baptismum, nisi explicitam Christi Redemptoris, ac Mysterij Trinitatis fidem habeat; ergo.

ASSERTIO VI. Datur præceptum divinum adultis de interiori actu fidei elicendo. *Præceptū divinū de actu fidei.* Prob: tum ex Scriptura Joann: 3: *Hoc est mandatum ejus, ut credamus in nomine Filij ejus, &c.* Matth: ult: *Qui non crediderit, condemnabitur.* Tum etiam in Scriptura multa proponuntur sub comminatione æternæ damnationis, & consequenter sub præcepto, ergo

ergo debemus credere, quòd talia non sunt licitè perpetranda.

*Obijc:* Præceptum non obligat, nisi præcipientis cognoscatur authoritas in ordine ad obligandum hic, & nunc; sed hæc authoritas non potest cognosci nisi per ipsam fidem, ergo infideles, qui fidem non habent, non possunt cognoscere præcipientis authoritatem, & consequenter non tenentur credere, quòd dentur præcepta divina. *R.* transeundo maj: & dist: min: nisi per fidem acquisitam, accedente auxilio gratiæ, concedo min: nisi per fidem divinam infusam, nego min: & consequentiam; sufficit enim ut quis obligetur præcepto fidei, quòd fides illi sufficienter proponatur per prædicationem Verbi Dei.

*Obligatio  
major &  
minor cir-  
ca myste-  
ria fidei.*

ASSERTIO VII. Fideles non æqualiter obligantur ad cognitionem rerum fidei, unde Archi-Episcopi, & Episcopi, Parochi, Professores, Concionatores, & Confessarij, respectivè debent habere maiorem notitiam mysteriorum fidei, universaliter loquendo, & consequenter explicitè plura credere, quàm reliqui fideles.

*Probatur 1. pars, ex illo Job 1. Boves arabant & asine pascebantur juxta eas, ubi per boves teste D. Gregor: significantur ministri Ecclesiæ, & per asinos Laici, seu communis plebs, quæ ad cognoscenda mysteria fidei non tenetur tantum laborare sicuti Ministri.*

*Probatur 2. pars. tum ex Apost: ad Titũ 2. Oportet Episcopum esse justum, amplectentem eum, qui secundum doctrinam est, &c. Tum etiam, quia Episcopi succedunt Apostolis, quibus maximè dictum est, Docete omnes gen-  
tes,*

tēs, ergo illorum est docere, ut docet Trident: sess: 24. cap: 5. sed hoc non esset verum, nisi maiorem tenerentur habere fidei cognitionem, quàm reliqui fideles. ergo.

ASSERTIO VIII. Communis Christianorum populus tenetur non solum implere Christianitè credere omnia, quæ credit Ecclesia, sed etiam explicitè, quando ad annos discretionis veniunt, credere multos articulos fidei. *Quid cre-*  
*dere Chri-*  
*stianus de-*  
*beat.*

Prob: tum authorit: Greg: XI. damnantis hanc Propositionem: *Laici non tenentur ad aliquem articulum fidei explicitè credendum, sed sufficit illis, ut credant in genere omne illud, quod sancta DEI Ecclesia credit.* Ita refert directorium inquisitorum 2. parte, q. 10. Tum etiam ex Catechismo Pij V. dicente, quod omnes Christiani credere tenentur, quæ certis articulis Apostoli comprehenderunt.

Itaque fideles postquàm ad usum rationis veniunt, tenentur credere quoad substantiã articulos omnes contentos in Symbolo Apostolorum, septem Sacramenta, & decem DEI præcepta. *Quid ad-*  
*ulti tene-*  
*antur cre-*  
*dere.*

ASSERTIO IX. Tunc primo tenetur adultus rationis compos, elicere actum fidei, quando ei mysterium fidei sufficienter proponitur. Est communis, & patet, quia commodius tempus illius obligationis assignari non potest, ergo. *Quando*  
*primū a-*  
*ctum fidei*  
*teneatur*  
*adultus e-*  
*licere.*

ASSERTIO X. Nunquam licet directè negare fidem, nec uti caremoniis falsæ religionis, quando ex illo usu prudenter iudicaretur à videntibus, quod esset cultor illius falsæ religionis. *Fides nun-*  
*quàm de-*  
*bet negari.*

Prob: 1. pars. Matth: ult: *Qui negaverit me*

Q

coram

coram hominibus, negabo & ego eum coram Patre meo. Tum etiam ex Concilio Nicæno, & Arauficano idem docentibus.

*Prob: 2. pars.* quia sic faciendo externè, veram quis negaret fidē, & profiteretur falsam.

*Obijc:* Jehu, 4. Reg: 10. laudatur, quia simulavit se publicè coram populo, ac si sacrificare vellet Idolo Baal, ut hoc modo simul posset congregare Sacerdotes Baal, eosq; occidere; ergo ob bonū finem possum negare finem actu externo. *ꝛ.* negando consequi: quia non laudatur ille ob externam fidei negationem, sed potius ob deletionem Domūs Achab.

*Obijc:* 2. In comædijs agendo personam infidelis, negare licet fidem; ergo aliquando licet illam negare. *ꝛ.* negando consequentiam, quia talis non negat fidem, sed potius repræsentat personam alterius, qui illam negat.

*Quando quis teneatur ad confessionē fidei.*

ASSERTIO XI. Quilibet tenetur ad confitendum fidem, quoties de ea publicè interrogatur à persona, publicam habente auctoritatem; non verò si secretè, aut à persona talem auctoritatem non habente.

*Prob: 1. pars.* Omnibus illis auctoritatibus, & rationibus, quibus hætenus ostendimus externum fidei actum, quandoq; esse necessarium ad salutem, sed nunquam magis, quàm in casu Conclusionis; ergo in illo casu tenetur quis elicere actum fidei.

*Probatur 2. pars.* Nullam facit Christo, aut Deo, irreverentiam, qui non vult respondere particulari personæ interroganti eum de fide; nam hoc faciendo solummodo spernit personam interrogantē, non verò negat fidem. ergo.



ASSERTIO XII. Infidelitas, fidei op- *infidelitas*  
posita, non solum non incurritur per quod- *non incur-*  
cunq; peccatum mortale, sed nec etiam in- *ritur per*  
curritur per peccatum mortale contra ipsam *quodcunq;*  
fidem. *Probatur 2. pars, ex qua sequitur mortale*  
prima, qui negligit elicere actum fidei, tem- *peccatum*  
pore quo præceptum fidei obligat, peccat *contra fi-*  
contra virtutem fidei, & tamen per talem o- *dem.*  
missionem non perdit semper fidem: ergo  
non per quodcunq; peccatum mortale contra  
fidem, perditur fides; aut incurritur infide-  
litas.

*Confirm:* Qui ex negligentia aliquos fidei  
articulos ignorat, aut libros prohibitos legit,  
peccat contra fidem, quia non potest ostendi,  
contra quam aliam virtutem potius peccaret;  
sed talis non incurrit infidelitatem, ut omnes  
concedunt. ergo.

*Objc:* Fides per infidelitatem perditur, sed  
omnia peccata contra fidem sunt infidelitatis;  
ergo. R. negando min: nam illa sola dici de-  
bent peccata infidelitatis, per quæ formaliter  
perditur fides.

ASSERTIO XIII. Sola infidelitas *Sola inf-*  
voluntaria, directè opposita actui fidei, circa *delitas vo-*  
idem objectum, de se excludit vel expellit *luntaria*  
habitum fidei supernaturalis. *Prob: Quia fidem de-*  
quæcunq; alia infidelitas compatibilis est *struii.*  
cum habitu fidei; ergo.

Peccato hoc Infidelitatis, quatuor diversis  
modis potest & solet expelli fides. 1. Modus  
est, quando quis credit articulum ab Ecclesia  
receptum, esse planè falsum, & erroneum.  
2. Quando credit esse verum, quod ipso sci-  
ente, ab Ecclesia damnatum est ut falsum.

3. Quando apud se statuit aliquis, se non velle hæc, vel illa credere pro veris fidei articulis, quantumvis in scriptura sint à Deo revelata. 4. Quando quis absolutè profitetur se nihil velle credere, præter ea, quæ sibi ipsi placent; his enim, & similibus actibus, privatur voluntas pio credibilitatis affectu, & intellectus fide habituali supernaturali.

*Quid sit  
esse hære-  
ticū for-  
malem.*

ASERTIO XIV. Hæreticus est persona credens in Christum, pertinaciter errans, circa aliquem fidei articulum. Ut censeatur quis formalis hæreticus, requiritur, ut fidem Christi in genere profiteatur, & post sufficientem veritatis propositionem alicui errori contra fidem directè militanti, voluntariè & pertinaciter adhæreat.


*Probatur 1. pars communi argumento. 2. etiam pars probatur, author: D. August: epist: 116. ubi explicans illud Apostoli ad Titum 3. Hereticum hominem, &c. subdit: Qui sententiam suam, quamvis falsam & perversam, nullâ pertinaciâ animi defendunt, sed parati sunt se emendare, dum lucefcit eis veritas, nequaquam sunt inter hæreticos (intellige formales) computandi.*

*Prob: 2. ratione.* Hæresis destructiva fidei, est ratio formalis constitutiva hæretici; sed ea sola, quâ voluntariè & pertinaciter, Christianus errori adhæret, est destructio fidei in hoc genere; ergo; maj: est certa, prob: min: non destruitur fides, nisi destructo ejus initio, & radice, piæ scilicet voluntatis motu, seu credibilitatis affectu, sed radix & initium fidei non destruitur sine voluntaria, & perti-  
naci

naci adhæſione erroris ; ergo. prob: min: qui non eſt voluntariè pertinax , paratus eſt , factâ ſufficiente propoſitione fidei , ſe corrigere ; ſed qui eſt ſic paratus , retinet pium credibilitatis affectum ; ergo.

EPISTYLIUM PROBLEMATI CUM  
COLUMNÆ XIX.

*An inter Germaniæ A catholicos , plures  
ſint materiales , quàm formales here-  
tici ?*



COLUMNÆ XX.

*De Virtutibus Theologicis , Spei &  
Charitatis.*

**A**SSERTIO I. Spes Theologica habi- *Definitio*  
tualis, eſt qualitas ſupernaturalis in ſub- *Spei The-*  
ſtantia , inclinans voluntatem ex affectione *ologica.*  
commodi , ad deſiderandum ſummum bonū  
abſens , amore concupiſcentiæ.

*Prob:* tum quia habet conditiones bonæ  
deſcriptionis , tum etiam ipſam explicando.  
Dicitur *qualitas ſupernaturalis in ſubſtantia* ,  
in ſenſu , quo tractatu præcedenti diximus fi-  
dem eſſe talem qualitatem. Ponitur *ly incli-*  
*nans voluntatem* , ut oſtendatur differentia  
actûs ſpei ab actû charitatis , qui ex affectione

ne justitiæ elicetur. Et si quæras, quomodo illi duo affectus distinguantur? R. quod in hoc, quia affectus justitiæ est actus quo quis vult, & diligit Deum propter infinitam ejus bonitatem, sine ullo respectu ad proprium commodum. Affectus verò commodi est actus, quo quis DEUM diligit ob suum proprium commodum, v. g. ob spem vitæ æternæ.

*Spes in quo actu consistat.*

ASSERTIO II. Spes non in intellectu, sed in voluntate subiectatur. Objectum ejus materiale est beatitudo, tam formalis, quàm objectiva: formale verò, bonitas apprehensa in objecto materiali, & fidelitas Dei promittentis.

*Ejus objectum formale & materiale*

*Probatur 1. pars.* tum quia si subiectaretur in intellectu, non posset distingui à fide; sed hoc est falsum; ergo. Tum etiam, quia illud speramus, quod judicamus certò, vel probabiliter futurum; ergo non in tali iudicio aut intellectus actu spes consistit, & consequenter ad voluntatem spectat. Et si quæras, in quo voluntatis actu consistat spes actualis? R. quod in desiderio efficaci boni proprii absentis, possibilis & honesti.

*Obyc:* Intellectus sufficienter perficitur in ordine ad Deum per unicum fidei habitum, ergo & voluntas per unicum charitatis habitum, & consequenter frustra in voluntate admittitur spes, distincta à charitate. R. negando consequ. Et ratio disparitatis est, quia intellectus unicum inclinationem naturalem ad intelligendum habet, voluntas verò duplicem; unam, quæ respicit justitiā, seu amorem amicitiae; & alteram quā respicit com-



commodi affectionem, ad quam perficitur per spem, sicut ad priorem perficitur per charitatem.

*Probatur 2. pars.* tum ex scriptura Job 2. Filij sanctorum sumus, & vitam illam expectamus, quam Deus daturus est his, qui fidem suam nunquam mutant; sed vita illa est beatitudo formalis: ergo. Tum etiam ratione: Summum quod sperari potest post Deum, est beatitudo formalis, ergo spes Theologica, quæ summa est & perfectissima spes, pro materiali objecto, beatitudinem illam sibi vendicat.

*Prob: 2. eadem pars de beatitudine objectiva*, illud est objectum materiale Spei Theologicæ, quod ab anima concupiscitur, & desideratur, & postea possidetur; sed Deus est, quod sic concupiscitur ab anima, & postea in re ab illa possidetur: ergo.

*Probatur jam 3. pars.* Bonitas apprehensa in beatitudine, tam formali quam objectiva, & fidelitas Dei promittentis beatitudinem illam ei, qui obicem non ponit, est quod movet & determinat voluntatem ad tendendum in beatitudinem per actum spei, ergo sola illa bonitas, addita fidelitate, erit objectum formale spei Theologicæ.

*Obyc: contra 2. partem.* Spes est amor boni delectabilis, sed Deus non est tale bonum, quia nos non delectat nisi mediante visione & fruitione; ergo. *Confirm:* Spes est de objecto futuro; sed Deus non est futurus; ergo. *¶.* concedendo maj: & dist: min: non delectat nos objectivè, nego min: formaliter, concedo min: & nego consequent: dist: etiam min:

min: confirmationis, futurus in substantiâ, concedo min: futurus in quantum possidendus est à nobis, nego min: & consequi:

*Opus spe  
mercedis  
elicitum,  
licitū est.*

ASSERTIO III. Licitè quis operatur intuitu mercedis tam æternæ, quàm temporalis. Est de fide in Trident: sess: 6. can: 11. & 31. cujus autoritate prob: sicut & Scripturæ Tob: 4. *Fiducia magna erit coram Deo elemosyna, &c.* Rom: 5. Tribulatio patientiam operatur, patientia probationem, probatio verò spem. *Prob: etiam ex dicendis de merito.*

*Obijc: Vituperantur mercenarij qui spe mercedis laborant, Joann: 10. ergo. &c. dist: antec: qui spe mercedis temporalis tantum, concedo antec: vitæ æternæ, & etiam mercedis temporalis, nego antec: & consequi:*

*Quæ sint  
præcepto  
divino spe-  
randa.*

ASSERTIO IV. Præcepto affirmativo divino tenetur homo adultus sperare à Deo beatitudinem æternam, & remissionem peccatorum. *Prob: ex script: Rom: 15. ut per patientiam & consolationem scripturarum spem habeamus. 1. Timoth. 6. Divitibus hujus seculi præcipe non sublimia sapere, neq. sperare in incerto divitiarum, sed in Deo vivo. Unde, Aug: tract: 88. in Joannem ait: Præceptum esse nobis sperare multa, scilicet, quæ promissa sunt.*

*Prob: 2. ratione. Omnis actus ad salutem, necessarius cadit in præceptum, ut patet ex dictis de fide, sed actus spei est medium necessarium ad salutem adultis. ergo, &c.*

*Factâ re-  
velatione  
de damna.*

ASSERTIO V. Potest Deus suam damnationem alicui revelare, quâ factâ, licitè is desperaret. *Probatur 1. pars. quia in hoc*

hoc

hoc nulla est implicancia. ergo. *Prob: etiam tione licitè*  
 2. pars. Si Deus revelaret alicui mortem cor- *quis despe-*  
 poralem, rationabiliter, & licitè de récupere- *rat.*  
 ratione salutis corporalis. quis desperaret;  
 ergo si revelaret alicui mortem animæ, seu  
 suam damnationem, rationabiliter & licitè  
 desperaret. *Confirm:* In casu Conclusionis  
 non posset ille sperare; ergo licite desperaret.  
*Prob: antec:* Objectum spei debet esse possibi-  
 le, & futurum ex divina promissione, sed in  
 hoc casu nec possibile foret, nec futurum,  
 etiam in apprehensione ipsius peccatoris, er-  
 go non posset ille sperare consecutionem ta-  
 lis objecti.

*Obijc:* Non potest aliquis licitè peccare;  
 sed desperando peccaret: ergo non potest li-  
 citè desperare. *Confirm:* Certus de sua præ-  
 destinatione, potest licitè timere de sua re-  
 probatione: ergo, & certus de sua reproba-  
 tione potest sperare salutem. R. conceden-  
 do maj: & distingu: min: peccaret suppositâ  
 revelatione, nego min: non factâ revelatione,  
 concedo min: & nego consequ: Ad *Confirm:*  
 R. negando absolute antec:

ASSERTIO VI. Charitatis Theolo-  
 gicæ, quâ Deum propter se diligimus, obje-  
 ctum materiale primarium est ipse Deus, se-  
 cundarium verò omnia alia, quæ amari pos-  
 sunt propter Deum; formale autem prima-  
 rium, essentialis bonitas Essentiæ divinæ in  
 se; secundarium verò quæcunq; alia perfectio  
 intrinseca Dei, secundum quam concipitur  
 quando amatur, & propter quam amatur.

*Probatur 1. pars.* Deo conveniunt requisita  
 omnia ad rationem objecti primarij attribu-

*Charitas  
 Theol: de-  
 finitur.  
 Ejus obje-  
 ctum ma-  
 teriale &  
 formale.*

tionis Charitatis. ergo. *Probatur jam 2. pars.* Objectum materiale charitatis est, quidquid potest amari ex motivo charitatis, sed quidquid potest amari propter Deum, potest amari ex motivo charitatis; ergo.

*Probatur 3. pars.* Perfectissimus voluntatis habitus, secundum Paulum, est Charitas, ergo respicit Deum sub perfectissima ratione, quā potest voluntati obijci; sed essentialis bonitas Essentiæ divinæ secundum se spectata, seu ut est prior omni respectu ad alia, est perfectissima ratio conceptibilis in Deo: ergo hæc erit objectum formale primarium charitatis.

*Probatur ultima pars.* Objectum formale alicujus actus dicitur illud, quod objective propositum, movet potentiam ad actum, & terminat ipsum actum; sed quæcunq; perfectio Dei intrinseca, secundum quam concipitur, quando amatur, & propter quam amatur, est talis: ergo.

*Charitas  
creata da-  
tur.*

*Est cōprin-  
cipium vo-  
luntatis  
ad elicien-  
dum amo-  
rem.*

*Amore na-  
turali su-  
per omnia  
Deo potest  
amari.*

ASSERTIO VII. Datur Charitas creata supernaturalis, tam habitualis, quam actualis, quæ (loquendo de habituali) concurret cum voluntate ad amandū Deum super omnia. Hæc quoad omnes partes manet probata ex dictis de virtutibus supernaturalibus, & ulterius probabitur, agendo de gratia justificante.

ASSERTIO VIII. Potest Deus amari super omnia amore naturali in substantia.

*Prob: 1.* Si non possit sic amari, possit aliquis cognoscere naturaliter, absq; ulla revelatione particulari, se esse in statu gratiæ; sed hoc est contra omnes Theologos. ergo. *Prob: se-*

*quela*



quela, potest quandoq; quis in se experiri actū amoris Dei super omnia, quando illum elicit; ergo si non potest Deum sic amare, amore naturali, potest certo concludere, quòd tunc amet ipsum super omnia, amore supernaturali, sed ille amor est semper conjunctus cum justificatione. ergo.

*Confirm: & simul prob: 2.* Potest quis habere naturaliter omnia necessariò requisita ad amorem Dei super omnia; ergo potest illum amare naturaliter super omnia. Prob: antec: Ad talem actum liberum, & naturalem, aliud physicum principium non requiritur, quàm quòd Deus scientificè, vel opinativè cognoscatur, & quòd habeatur voluntas sine impedimento; sed ista omnia possunt haberi naturaliter. ergo.

*Hic obiter nota,* Deum duobus modis posse amari, appretiative, scilicet, seu extensive, & intensivè. Appretiative amatur, quando quis optaret citius alia omnia non esse, quàm Deū non esse: Intensivè verò, quando ex majori affectu vult Deo bene esse, quàm alicui alteri. Nunc sit.

ASSERTIO IX. Quamvis nullo præcepto obligamur ad amandum Deum magis intensè, quàm creaturam aliquam; debemus tamen sic super omnia Deum diligere, ut potius velimus offendere quemcunq; alium, quàm illum mortaliter; eiq; in rebus præceptis placere, quàm cuicunq; alteri.

*Prob: 1. pars.* Præceptum illud Deuter: 26. de Dei dilectione impositum, non obligat nos nisi ad amandum Deum super omnia, modo mox dicendo; sed talis amor potest habere.

*Quomodo  
Deus su-  
per omnia  
diligendq.*

haberi, quamvis non sit gradualiter intensius, ac est amor alicujus creaturæ: ergo. maj: est certa: prob: min: Potest quis cum intensione, v. g. ut duo, vel ut quatuor, velle magis placere Deo, quàm ulli alteri, modo in secunda parte Conclusionis requisito; sed hoc non obstante potest amare patrem, vel filiū suum, amore intenso ut octo: ergo amor Dei non debet semper esse intensior, quàm sit amor alicujus creaturæ: maj: est certa, quia ad amorem Dei super omnia, non requiritur summa intensio, aliàs unus beatus non intensius amaret Deum, quàm alius. Prob: ergo min: Potest quis amare Patrem vel Filium ut octo, sic ut cum intensione majori vellet illis magis placere quàm ipsi Deo, in rebus levibus, seu non peccaminolis mortaliter (talis enim amor est compatibilis, cum observantia hujus præcepti, ut omnes concedunt) ergo non obstante priori amore, potest quis intensiori amore amare patrem, vel filium, quàm Deum.

*Probatur jam 2. pars.* Qui potius vellet offendere Deum, quàm alium, vel alteri potius placere quàm Deo, in rebus præsertim præceptis, magis amaret alterum illum, quàm Deum; ergo non amaret Deū super omnia. *Confirm:* Amor Dei super omnia, qui præcipitur in Decalogo, infert affectum efficacem non peccandi ullo peccato, saltem mortali, & consequenter affectum offendendi magis quemcunq; alium, quàm Deum tali peccato; sed hoc est quod vult Conclusio: ergo. prob: maj: ex illo Christi apud Joannem: *Qui diligit me, sermonem meum servabit.* ergo.

Con-

*Contra* hanc assertionem nil invenio singulare, nisi quis vellet dicere, quòd ratio naturalis dictat Deum etiam intensivè debere diligere super omnia; sed non bene hoc diceret, loquendo de dictamine involvente præceptum.

ASSERTIO X. Quamvis datur præ-*Quando*  
ceptum de dilectione Dei. *Debt: 6. & Matth: quis oblige*  
22. nemo tamen tenetur ad amandum Deum *tur præce-*  
pro primo instanti, quo usum rationis ha-*pto divino*  
bet. *Probatur.* Non obligatur quis ad *ad DEI a-*  
amandum Deum sub pœna peccati, ante-*morem.*  
quàm cognoscat se sic obligari, & proponatur illi Deus; sed per integrum diem potest aliquis usum rationis habere, sine eo quòd unum, aut alterum fiat; ergo non solum pro primo instanti, sed nec etiam pro prima die, absolutè loquendo, quo quis usum rationis primo habet, tenetur ad amandum Deum.

*Obijc:* Sicut lapis pro primo instanti quo est jactus sursum, nisi impediatur, movet se ad suum centrum; ita homo habet obligationem convertendi se ad Deum, quàmprimùm potest; sed potest pro primo instanti, quo usum rationis habet; ergo. *ix.* negando maj: & paritatem, quæ si valeret, probaret, etiam contra Thomistas, quòd sicut lapis habet gravitatem, quâ non solum in primo instanti, sed semper movet se ad centrum, quoties non ponitur obex; ita homo haberet obligationem semper convertendi se ad Deum, quando non poneretur obex, quod est falsum.

ASSERTIO XI. In re incerta, piè sentit Doctor subtilis, dum docet fideles ob-  
liga-

*Probabiliter teneamus diebus Dominicis Deū amādū super omnia.* ligari ad amandum Deum super omnia, diebus Dominicis. *Prob.* Tum quia innumera beneficia nobis à Deo collata, videntur exigere, ut frequenter amemus ipsum, & præsertim eo die, quem ipsemet assignavit pro cultu sibi adhibendo: ergo. Tum etiam, quia secundum adversarios, obligamur præcepto Dei, & Ecclesiæ, illo die ad aliquem cultum Deo exhibendum, sed non ad alium potius quàm amoris, qui præcipuus Dei cultus est, & sine quo omnis alius nullius est momenti: ergo piè sentit, qui docet, quod illa die obligamur ad cultum amoris.

*Dices,* obligationem illam esse valdè arduam & difficilem: ergo. Contra, non est difficilior illa obligatio, quàm sit homini inclinato ad peccandum peccato intemperantiæ, aut odio habenti inimicum, præceptum de non peccando, vel amando inimicum, sed secundum omnes ad ista homines tenentur: ergo à paritate non obstante gravitate, aut difficultate obligationis, jam in conclusione dictæ, adhuc rationabiliter admittenda est.

*Quæ discretio servanda in dilectione sui, & proximi.*

ASSERTIO XII. Præceptum de dilectione proximi non facit, quin quis debeat ex charitate se ipsum magis, quàm ullum alium, & sibi maximè conjunctos, plus quàm alios, diligere.

1. *Pars* de dilectione proximi *probatur*, tum ex Scriptura Matth: 22. tum etiam, ex alijs locis quibus præcipitur, ut nunquam odio habeamus proximum.

*Probatur 2. pars.* ex D. Aug: in Enchiridio cap: 24. ubi Conclusionem interminis fe-



rè habet, & cap: 26. *Qui vult, inquit, ordinatè eleemosynam dare, à se debet incipere, & eā sibi primò dare, juxta illud, miserere animæ tuæ, placens DEO*: tum etiam, quia connaturale est cuilibet appetere perfectionem in se, quàm in suo simili; sed charitas datur ad perficiendam inclinationem naturalem; ergo potiori jure respicit nos ipsos, quàm ullos alios.

*Probatur ultima pars.* tum exemplo Apost: Rom:9. *Qui pro suis fratribus & cognatis voluit fieri anathema. & ad Titum 5. Si quis, inquit, suorum, & maxime domesticorum curam non habet, fidem negabit, & infideli deterior est.* tum etiam ex Patribus Hiero: & Ambros: qui Conclusionem quasi in terminis docent.

*Obijc:* Quivis debet diligere proximum. sicut se ipsum, ergo nullus debet in dilectione se præferre proximo. *R.* negando consequentiam, nam *ly sicut* non denotat æqualem similitudinem; sed, potius, quod quemadmodum quis diligit se ex charitate, sic etiam & proximum diligere debet, ex hoc tamen non sequitur, quin magis me diligere possim, quàm alium, & mihi maxime conjunctos, quàm remotè.

ASSERTIO XIII. Licitè, inimicum, *Licitè peccatores &c* impios, & peccatores, quā tales, odio potest quis habere; imò possum licitè inimico paupertatem, inter homines despectum, & corporalem infirmitatem, directè velle. *quā tales odio prosequimur,*

*Probatur 1. pars,* tum quia ut tales sunt, *& mortè optamus.* hoc est, quā mali, & vitiosi, amari non possunt meritorie; ergo. tum etiā, ex psalmista psalmo 103. in illo sensu odivit inimicum, dū

ait:

ait: *Dēſciant peccatores à terra*, hoc eſt, (ut paſſum illū explicat Doct̃or in 3. d. 30. q. un.) op̃ro ut extirpentur à terra peccatores, aut ut deſinant eſſe tales, juxta illud p̃verb: 12. *Verte impios, & non erunt.* & in hoc ſenſu intelligi debet S. Anaſtaſia, dum ſcribens Chryſogono, de ſuo viro Publio, optavit, *ut ſi Deus pr̃videret eum in infidelitate manſurum*, jubere eum dare locum ſanctis, quia, inquit, *melius eſt ei animam exhalare, quàm Dei filium blaſphemare.*

Prob: 2. pars cum Doct̃ore jam citato, poſſum ordinatè nolle proximo meo inimico, quæcunq; ipſe ordinatè poteſt, nolle ſibi; & ego mihi, ſi eſſem talis, qualis ipſe eſt; ſed ordinatè poſſem mihi nolle divitias, ſanctitatem integram, & univerſaliter neceſſaria ad vitam corporalem, & ille ſibi illa poteſt ordinatè velle: ergo & ego licitè illi poſſum illa velle. Maj: eſt certa. Prob: min: poſſum ea contemnere, ut ſiam voluntariè pauper (imò defacto feci) vel ea velle mihi inſligi in pœnam peccatorum meorum; vel ſi ſint inſlicta, acceptare cum Job afflictionem illam patienter (conformiter ad hoc diſcurrere de omnibus bonis fortunæ, & corporis) ergo & inimico poſſum illa optare.

*Præceptū  
de diligē-  
dis inimi-  
cis.*

*Quomodo  
ei ſatisſiat*

ASSERTIO XIV. Pro omni ſtatu dilectio inimicorū fuit ſemper præcepta: huic tamen præcepto ſatisſacit, qui non vult illis malum; eisq; ſaltem virtualiter, optat amicitiam Dei, vitam æternam, & ea quæ in hoc mundo ſunt ipsis neceſſaria ad bene agendū. De lege naturæ prob: ex illo ipſius principio: *Quod tibi fieri non vis, alteri ne feceris.* ſed ne-  
mo

mo est, qui rationabiliter posset velle, ut odio habeatur, in ijs, quæ spectant ad salutem animæ illius, ab ullo: ergo. De lege scripta etiam probatur, tum ex illo Exod: 29. *Si occurreris bovi inimici tui, &c.* & Proverb: 25. *Si esurierit inimicus tuus, ciba eum.* ergo. De dilectione inimici in lege Evangelica patet. Matth: 5. *Diligite inimicos vestros:* ergo.

*Probatur 2. pars.* Nec ratione, nec auctoritate probatur, quòd debeam aliter diligere inimicum, aut etiam non inimicum, nisi sic virtualiter desiderando illis bonum, sicut opto toto generi humano; ergo. Hinc sequitur me non obligari ad exhibenda inimico specialia benevolentiae, aut familiaritatis signa, puta ad invitandum ipsum ad meum prandium, ad illum in platea salutandum; aut pro illo speciali aliquo modo orandum; & ratio est, quia nec teneor illa beneficia præstare proximo, non inimico semper, ergo nec inimico.

*Obijc:* In lege veteri odium inimicorum fuit ad minimum permissum, ut patet ex illo Matth: 5. *Audistis, quia dictum est antiquis, odio habebis inimicum tuum:* ergo. R. cum Doctore citato n. 14. Christum signanter ibi dixisse, *quia dictum est, & non quia scriptum, quia et si scriptum sit, diliges amicum tuum, non erat tamen scriptum, odio habebis inimicum, sed Judaici Doctores malè intelligentes Scripturam, pessimè illam consequentiam, per locum à contrario, illi jam citato, de dilectione amicorum, intulerunt, ut expressè colligitur ex dictis Christi, Lucæ 6. Si enim tantum diligitis, inquit, illos, qui vos*

diligunt, quam mercedem habebitis? quasi diceret, nullam.

*Præceptū  
de frater-  
na corre-  
ctione.*

ASSERTIO XV. Extat præceptum de correctione fraterna, Matth: 18. In quo ordo ibidem propositus necessario servandus est, quoties ob rationes aliquas particulares non est omittendus. *Prob:* tum authorit: D. Greg: lib: 4. Regist: epist: 36. *Et nos quidem*, inquit, *servamus quod veritas præcepit, si peccaverit in te, &c.* Tum etiam ratione, tenemur servare illatum honorem proximi, in quantum possumus; sed non servaremus, nisi teneremur hunc ordinem servare: ergo.

## EPYSTILIUM PROBLEMATICUM COLUMNÆ XX.

*An duellum sit licitum, ad defendendam  
famam, vel honorem?*



## COLVMNA XXI.

*De Auxilijs Gratiae Divinae.*

*Descriptio  
gratiae di-  
vinæ.*

ASSERTIO I. Gratia divina, (prout ad propositum hujus materiae facit) rectè describitur, beneficium à Deo collatum, sine merito de condigno recipientis. *Prob:* tum quia in nullo deficit, vel abundat; tum etiam illam explicando. Dicitur, *Gratia divina*, quia hic tantum agimus de gratia, quā creatura recipit à Deo, *dicitur beneficium*, ut deno-



denotetur, quod gratia debeat esse data in bonum illius, cui confertur. Additur *sine merito de condigno recipientis*, ut excludatur à ratione gratiae propriè dictae, praeium operum de condigno meritoriorum, quod cum sit ex operibus, jam non est gratia, ut loquitur Apostolus, sed potius debitum.

*Obijc:* Ex conclusione sequeretur collationem gratiae sanctificantis peccatori contrito, esse gratiam; sed hoc est falsum, ergo, prob: sequ: illi collationi convenit per omnia nostra descriptio: ergo, prob: etiam min: Per illam collationem reddit Deus aliquid pro aliquo, ad quod reddendum, supposita sua promissione, obligatur, sed hoc est contra naturam gratiae, quae debet esse gratuita datio: ergo. R: negando min: & dist: maj: probationis ejus, reddit aliquid pro aliquo exigente illud, quod redditur, ex iustitia, nego maj: ex fidelitate aut congruentia quadam, concedo maj: & distincta similiter min: nego consequ: non est autem contra naturam gratiae, quod hoc modo reddatur intuitu meriti de congruo.

ASSERTIO II. Divisio gratiae in gratias daram & gratum facientem, bona est & adaequata. *Prob:* Tum quia habet requisita ad bonam divisionem; tum etiam, quia nulla est gratia, quae defacto creaturae rationali confertur, quae non conducit formaliter, aut dispositivè ad propriam illius, cui datur, utilitatē, & salutē; vel ad salutem & utilitatem aliorum; si ad propriam, erit gratia gratum faciens, si ad alienam, erit gratia gratis data. de cuius divisione agit Apost: 1. Corinth: 1.

*Divisio gratiae in gratis datam, & gratum facientem bona est.*

*Obijc:* Nulla est gratia quæ non ordinatur ad utilitatem habentis. ergo mala est divisio gratiæ, in gratis datam, & gratum facientē. *Prob:* antec: Prophetia v. g. quæ secundum nos est gratia gratis data, cedit potius ad bonum prophetantis, quàm auditorum: ergo. *R. dist:* antec: nulla est gratia, quæ ex primario suo fine non ordinatur ad utilitatem accipientis, nego antec: quæ non ordinatur per accidens, & secundariò concedo antec: & nego consequentiam. Itaq; ad rationem gratiæ gratis datæ, satis est, quod tantum secundariò conducat ad utilitatem accipientis, qualiter prophetia, & omnis alia gratis data, conducere potest.

*Omnis gratia est ex meritis Christi collata.*

ASSERTIO III. Nulla gratia unquā concessa est creaturæ rationali, quæ non sit ex meritis Christi, adeoq; mala est divisio gratiæ, in gratiam Dei, & gratiam Christi.

*Probat*ur 1. pars, ex dicendis de incarnatione, ubi probabo Christum esse primum prædestinatorum, intuitu cujus meritorum, dona omnia, tam naturalia, quàm supernaturalia, creaturæ rationali concessa sunt, tum etiā, quia hoc cedit in maiorem gloriā Christi Domini, ergo cum nec rationi, nec authoritati manifestæ adversetur, ita est asserendum.

*Obijc:* Christus non pro iustis, ut homines nascerentur, sed pro impijs (ut loquitur August: epist: 205.) mortuus est, ut justificarentur; ergo saltem dona naturalia creationis, conservationis, & bonæ valetudinis, non sunt ex gratia Christi. *R. dist:* antec: non pro iustis, &c. primariò & principaliter, transeat antec: secundariò nego antec: & consequentiam.

tiam. Augustinus enim tantum vult, quod ex primario fine, Christus non venit ut homines nascerentur, sed potius ut peccatores salventur.

ASSERTIO IV. Adequata est & bona divisio gratiae in naturalem, & supernaturalem; quamvis non sit in membra ex natura sua physice & realiter distincta.

*Divisio gratiae in naturalem & supernaturalem, qualis sit.*

*Prob: 1. pars.* Nulla est gratia, quae non est donum praecise conducens ad naturalem perfectionem ipsius naturae, ut conducunt creatio, conservatio, existentia ipsius naturae, liberum arbitrium, sensus integri, concursus generalis Dei; vel donum collatum naturae in ordine ad beatitudinem supernaturalem, consequendam; ergo nulla est gratia, quae non est vel naturalis, vel supernaturalis.

*Probatur 2. pars.* Idem donum quod in pura natura esset naturalis gratia, in natura elevata ad finem supernaturalem potest esse supernaturalis, v. g. cogitatio prava alicujus actus peccaminosi, quae in pura natura esset naturalis gratiae donum, in natura elevata, esset supernaturalis, quatenus ea mediante vitaretur peccatum: & sic de multis alijs discurre.

ASSERTIO V. Divisio gratiae supernaturalis in excitantem, adjuvantem, & subsequenter, adequata est, sed non in membra semper ex natura sua physice necessario distincta. Est communis, & ut probetur adverte, quod gratia Excitans dicatur illa, qua Deus hominem quasi dormientem, id est, de bono opere aut inchoando, aut prosequendo, nil cogitantem suscitatur, & movet ad bene

*Divisio gratiae in excitantem, adjuvantem, & subsequenter.*

*Excitans.*

operandum: quales sunt inspirationes, & cogitationes aliquæ de bono honesto à Deo nobis immixtæ, modo quo infra dicetur. Gra-

*Adjuvans.* tia adjuvans est illa, cum qua homo elicit quemcunq; actum bonum, maximè liberum, sive illa sit ipsa gratia excitans, sive alia, de-  
*Subsequens.* qua postea. Gratia subsequens est illa, quæ mediante aliquis perseverat bene agere. His notatis

*Prob: Conclusi: quoad primam partem,* nulla potest assignari gratia supernaturalis auxilians, quæ non est aliqua harum; ergo divisio est bona.

*Probat 2. pars.* Eadem entitas physica bonæ inspirationis, aut cogitationis, potest hominem excitare ad bene volendum, adjuvare ut velit bene, etiam cum aliquali perseverantia: ergo eadem entitas bonæ inspirationis, esset excitans, adjuvans, & subsequens gratia, nam excitaret voluntatem ad bene agendum, adjuvaret ad bene operandum; & subsequeretur ad perseverandum in bono opere. ergo.

*Obijc:* Si conclusio esset vera quoad secundam partem, sequeretur, quod aliquis non possit habere gratiam excitantem, sine eo, quod haberet adjuvantem, & subsequentem; sed hoc est hæreticum: ergo. R. dist: sequelam, entitativè concedo; formaliter, seu sub istis denominationibus, nego sequelam, & distinctâ simil: min: nego consequentiam.

*Auxilium special: gratiæ est ali- quando in actu intell:* ASSERTIO VI. Auxilium gratiæ specialis, tam excitantis, quam adjuvantis requisitum ad opus pietatis, etiam liberum, aliquando consistit in actu intellectus.

*Prob:*



*Prob:* Authoritate Conc: Araus: c. 2. docentis opus meritorium fieri non posse sine Dei illuminatione, & inspiratione. Milevit: cap: 4. asserentis, per gratiam revelari nobis intelligentiam mandatorum, & dari scire, quid agere debeamus. Et Trident: sess: 6. c. 5. definientis in justificatione tangi à Deo cor hominis per Spiritus S. illuminationem, &c. sed illuminatio, inspiratio, revelatio, intelligentia, scientia, &c. sunt actus intellectus. ergo auxilium gratia specialis, tam excitans, quam adjuvans, in tali actu aliquando consistere potest.

*Confirm:* tum auth. D. August: l. 2. de bono persevere ubi habet; non itaq; in hominū, sed in Dei potestate est, ut homines habeant potestatem filij Dei fieri; ab ipso quippe accipiunt eam, qui dat cordi humano cogitationes pias, ergo secundum August: accipimus potestatem filios Dei fieri, per pias cogitationes; sed illud per quod accipimus illam potestatem est gratia, ergo pia cogitationes sunt gratia. *Tum etiam ratione;* Illud quod excitat, & per se juvat ad opera salutis, estq; alias indebitū, saltem hic & nunc, potest subire rationem auxilij specialis gratia, tam excitantis, quam adjuvantis, respectu actus pietatis, etiam liberi; sed cogitatio sancta, & pia, dirigens ad hujusmodi actum est talis; ergo.

*Obijc:* Auxiliū Gratia juxta PP. & Concilia fit in nobis, sine nobis, sed cogitatio congrua non fit in nobis sine nobis, ergo non potest habere rationem gratia. R. dist: maj: Auxilium Gratia debet fieri in nobis, sine nobis

concurrentibus meritoriè ; seu sine eo, quòd nos mereamur illud auxilium, concedo maj: fit in nobis, sine omni concursu nostro efficiente physico, nego maj: & distin: simil: min: nego consequ:

*Obje:* 2. Si auxilium specialis gratiæ consistere posset in prima cogitatione congrua, sequeretur, quòd aliquis actus conducens ad vitam æternam, elici possit sine auxilio specialis gratiæ, vel quòd daretur processus in infinitum, in cogitationibus hujusmodi congruis, sed utrumq; est absurdum; ergo. Prob: sequela: illa ipsa prima cogitatio congrua, in qua consistit primum auxilium specialis gratiæ, est actus, sine dubio, conducens ad vitam æternam; sed ad illum non requiritur alia gratia, id est, alia cogitatio congrua; vel si requiritur, tunc erit processus in infinitum; nam ad illam aliam etiam requiretur alia: ergo. R. negando sequelam, & distin: min: probationis illius, ad illam non requiritur alia gratia, quæ sit alia cogitatio congrua, concedo min: quæ sit alia aliqua qualitas infusa à Deo; vel excitatio specierum requisitarum, ad talem cogitationem, hic & nunc indebita; vel deniq; concursus aliquis specialis Dei, quo mediante, supplet defectum auxilij specialis gratiæ requisiti ad illam cogitationem congruam, sicut supplet defectum habitûs Charitatis in peccatore conterente se extra Sacramentum, nego min: & consequentiam: per quodcunq; enim horum, tanquam per auxilium speciale potest elici pia illa cogitatio, & consequenter quidquid horum dicetur, satisfiet objectioni.

ASSERTIO VII. Auxilium gratiae *Auxilium*  
 specialis requisitum ad actus conducentes ad *speciale a-*  
 vitam aeternam, prae- actum intellectus a- *liquando*  
 liquando etiam includit actum voluntatis, *etiam in-*  
 non solum simplicem, & indeliberatum, sed *cludit a-*  
 etiam absolutum, & deliberatum. *Prob: 1. Etum vo-*  
 tum ex Apost: 2. Corinth: 9. *Glorificantes Deū luntatis.*  
*in obedientia confessionis vestrae*, ubi Paulus te-  
 ste Chrysost: opera fidelium appellat gratiā;  
 tum etiam ex Araus: 2. cap: 4. *Deus*, inquit,  
*nullis praecedentibus meritis fidem, & amorem*  
*sui inspirat.* Et Trid: sess: 6. cap: 5. ubi dicit,  
 hominum merita esse Dei dona, sed hominū  
 merita sunt actus voluntatis; ergo. Tum de-  
 niq; ex PP. & maximè August: de lib: arb: c. 6.  
*Ut velimus*, inquit (id est volitione simplicis  
 complacentiae) *sine nobis operatur*, *cum autem*  
*volumus*, & *sic volumus ut faciamus* (volitione  
 scilicet absolutā) *nobiscum cooperatur.*

*Probatur 2. ratione.* Affectus supernatura-  
 les voluntatis, tam simplices, quā absolu-  
 ti, sunt bona indebita naturae, & movent  
 tam ipsam voluntatem, quā etiam intelle-  
 ctum ad actus conducentes ad vitam aeter-  
 nam, juxta illud Gregor: *Vis amoris ingemi-*  
*nat opus inquisitionis*, ergo etiam actus volun-  
 tatis habent aliquando rationem auxilij spe-  
 cialis gratiae.

*Dixi aliquando*, quia non existimo quod  
 simpliciter, & semper actus voluntatis, si-  
 simplex sit, si-ve absolutus, sit necessarius, ad  
 actum etiam liberum, conducentem ad vitam  
 aeternam, nam non video, cur non sufficeret  
 solus actus intellectus, ad subsequenter actū  
 voluntatis bonum dirigendum.

*Objc:* Potest salvari gratia specialis requisita ad omnes actus conducentes ad vitam æternam, per solum concursum Dei extraordinarium, & extrinsecum, ergo sine causa, requiruntur hujusmodi volitiones, & cogitationes supernaturales indebitæ, quas difficulter explicamus. R. 1. retorquendo argumentum per hujusmodi cogitationes, & volitiones, potest salvari auxilium illud speciale, ergo non est recurrendum ad extrinsecum, & extraordinarium Dei concursum. R. 2. negando antec: loquendo de gratia, de qua Concilia & PP. contra Pelagium agunt, nam hæc ex mente ipsorum, debet esse interna gratia se tenens ex parte voluntatis, saltem in ordine ad actus meritorios.

*Qui actus  
dici possint  
auxilia spe-  
cialis gra-  
tie.*

Hinc collige actus indeliberatos voluntatis, pietatis, v. g. timoris, lætitiæ, desiderij, simplicis complacentiæ, esse auxilia gratiæ respectu aliorum actuum bonorum deliberatorum, & absolutorum subsequenter. Item unum actum deliberatum & absolutum, posse esse gratiam specialem respectu alterius similis actus. Deniq; generaliter omnem actum, & solum, tam intellectus, quam voluntatis supernaturalem, & indebitum, qui voluntatem & intellectum inducit ad aliquid salutare operandum, esse auxilium specialis gratiæ.

*Status pu-  
re nature  
possibilitas*

ASSERTIO VIII. Status puræ nature, in quo nimirum crearetur natura rationalis sine iustitia originali, & gratia adjuvante, & sine elevatione ad beatitudinem supernaturalem, est possibilis.

*Prob.* Tum ex Bullis Pij V. Greg: XIII. & Urba-



Urbani V. II. I. In quibus damnantur Michaël Bajus, ejusq; ex asse hæres in errore Jansenius, docentes oppositum Conclusionis; ergo ipsa est vera. Prob: antec: in Bulla Pij V. sequentes propositiones Baij damnatæ sunt: *Humana natura sublimatio, & exaltatio in consortium divinæ naturæ, debita fuit integritati primæ conditionis, ac proinde naturalis dicenda non supernaturalis.* Item. *Falsæ est sententia Doctorum docentium, primum hominem à DEO potuisse creari, & institui, sine justitia originali.* Item deniq;: *Integritas primæ conditionis non fuit indebita naturæ, sed naturalis ejus conditio:* sed istæ tres propositiones sunt, directæ oppositæ conclusioni, & damnatæ erroris; ergo oppositum conclusionis est damnatum.

*Confirm:* Quidquid datur supra puram naturam, est gratia, adeóq; potest non dari; sed elevari ad statum supernaturalem, ornari justitiis originali, fieri immortalem, juxta PP. Concilia, & Scripturam, fuerunt data Adamo supra puram naturam; ergo potuerunt non dari, & consequenter possibilis est status puræ naturæ, in quo homo constitueretur cum omnibus, & solis, quæ illi debentur titulo creationis.

*Obje:* Si possibilis esset ille status, homo in illo constitutus teneretur, & non teneretur servare legem naturæ; sed hoc est impossibile; ergo. Prob: sequela quoad secundā partem: Ex vi illius statûs homo careret omni gratia tam supernaturali, quàm naturali, sine quibus, nec naturalia præcepta servari, nec naturalis Dei amor super omnia elici possunt,

sunt: ergo. R. negando sequelam, & dist: probationis antec: pro 1. parte, sine quibus homo non posset physicè servare omnia mandata naturalia, nego antec: moraliter trans- eat antec: & nego consequentiam. Deinde falsum est, quòd status ille puræ naturæ præscinderet ab auxilijs naturalibus sufficientibus, etiam moraliter ad impletionem præceptorum naturalium, & ut hoc, & sequentia meliùs intelligantur.

*Alij differ-  
si status  
naturæ na-  
tionalis.*

*Adverte*, præter statum puræ naturæ, Theologos alios status, seu modos se habendi circa suum finem ultimum, naturæ assignare: Primus est status naturæ integræ, & est ille, qui, & Innocentiæ dicitur, in quo Adam in justitia originali conditus erat; eiq; competere illa omnia, quæ diximus columnâ octavâ, de opere sex dierum, &c. Secundus status, est naturæ lapsæ, quem in nobis Adæ posteris natura defacto habet, qui status denominatur à peccato mortali Adami, vi cuius omnes ejus posterì privati sunt justitiâ originali, & omnibus illis habitibus, tam supernaturalibus, quàm moralibus, qui illum concomitabantur. Circa hunc statum 1. cer-

*Libertas  
humana,  
quomodo  
dicatur at  
tenuata.*

tum est mansisse in illo statu liberum arbitrium ad bene vel malè agendum, licet attenuatum propter rebellionem partis sensitivæ. 2. Certum est, quòd libertas illa, quoad intrinsecam suam rationem, æq; sit perfectâ, ac fuit ante lapsum, & hoc est, quod de hoc statu pro nunc dicere visum est.

Pro ulteriori intelligentia hujus tractatûs ante alia obiter notandi sunt errores Pelagianorum, Semi-Pelagianorum, Calvinistarû, & Lu-

& Lutheranorum, in hac materia. Itaque Pelagius teste August: primò erravit, dum docuisset, Adam non contraxisse per suum peccatum pœnam mortis, sed fuisse moriturum, etiam secluso peccato. 2. Adamum peccando sibi soli, & non posteris nocuisse. 3. Infantes nasci innocentes. 4. Etiam non baptizatos habere jus ad regnum cœlorum. 5. Non omnes esse in Adamo mortuos, neq; omnes in Christo resurrecturos. 6. Divites baptizatos non posse salvari, nisi priùs omnibus rebus renunciarent. Et hi errores concernentes peccatum Adam, indirectè tantùm ad hanc spectant materiam. Porro circa ipsam gratiam docebant. 1. Eam non esse ad salutem necessariam, sed sufficere liberum arbitrium cum donis titulo creationis debitis. 2. Gratiam dari ex meritis puræ naturæ. 3. Non mansurum liberum arbitrium, si egeret auxilio gratiæ Dei. 4. Victoriâ contra tentationes, esse ex solo libero arbitrio. 5. Pœnitentibus non dari veniam. 6. Eos, qui peccant, non posse dici filios Dei. Ex quibus propositionibus apparet, errorem Pelagij circa gratiam ad duo capita reduci posse. Primum est, quòd docuerit ad obtinendam salutem solam naturam hominis sufficere, nec egere ullâ gratiâ speciali, à dono creationis, id est, bonâ indole, ingenio, & usu liberi arbitrij distinctâ. Secundum quod tametsi Pelagius, condemnationem Concilij Palæstini veritus, gratiam aliquam à dono creationis distinctam admiserit, eam tamen non distinxit à doctrina, & exemplis Christi, au-

Errores Pe-

lagianorū

circa hoc

punctum.

Reductio

omniū er-

rorum Pe-

lagian: ad

2. capita.

ditio-

ditione Evangelij, revelatione & promissione Dei, ac visione miraculorum.

*Errores  
Semi-Pe-  
lagianorū*

Semi-Pelagianorum errores, hoc est, illorum, qui doctrinam Pelagij in multis damnarunt, & in nonnullis acceptarunt, sunt sequentes. 1. Quamvis necessitatem gratiæ Christi ad justificationem, & ad resurgendum à peccato originali contra Pelagium admittebant, nihilominus tamen, illam ipsam gratiam nos mereri per opera naturalia ex solo libero arbitrio sine gratia elicitæ dicebant: adeoque initium salutis & discrepationem prædestinati à reprobo, non esse à Deo, sed à nobis, ex solis naturæ viribus docebant. 2. Docebant opera ex solis naturæ viribus facta, infallibilem habere connexionem cum justificatione, & perseverantia finali.

*Errores  
Michaëlis  
Bay.*

Michaëlis Baij, viri alioquin pij, & docti, sed nimium ingenio suo fidentis, septuaginta novem propositiones, partim publicè editas, partim in schola privatim dictatas, tanquam erroneas, temerarias & scandalosas damnavit Pius V. 1562. & post illum Gregor. XIII. Urbanus VIII. & Innocentius X. Inter illos errores circa gratiam sunt sequentes. 1. In angelo & homine adhuc integro nihil fuisse supernaturale, indebitum, & à dono creationis distinctum. 2. Nil debere vocari gratiam, nisi quod confertur indignis. 3. Liberum arbitrium sibi relictum non posse ullum bonum opus etiam naturale elicere. 4. Perseverantiam justorum in gratia non provenire ex speciali auxilio Dei, sed ex naturali ordinatione creationis à Deo facta. 5. Nul-  
lum



lum opus bonum posse fieri in statu peccati. 6. Quod voluntariè fit, liberè fieri, etiamsi fiat necessariò; adeòq; ad libertatem sufficere voluntarium, solámq; violentiam, & coactionem ab extrinseco, cum naturali hominis libertate pugnare. 7. Hominem peccare damnabiliter, in ijs, quæ necessariò faciunt.

Cornelius Jansenius, Baij verus discipulus, à quo Jansenistæ dicuntur, propositiones sequentes ab Innocentio X. anno 1653. & 54. tanquam hæreticas, & temerarias, damnatas, docuit. 1. Aliqua Dei præcepta hominibus justis volentibus, & conantibus, secundum præsentem quas habent vires, esse impossibilia, deesse quoq; gratiam, quâ possibilia fiant. 2. Interiori gratiæ, in statu naturæ lapsæ nunquam satis resistitur. 3. Ad merendum vel demerendum in statu naturæ lapsæ, non requiritur in homine libertas, à necessitate, sed sufficit libertas à coactione. 4. Semi-Pelagiani admittebāt prævenientis gratiæ interioris necessitatem ad singulos actus, etiam ad initium fidei, & in hoc erant hæretici, quòd vellent eam gratiam esse talem, cui posset humana voluntas resistere, vel obtemperare. 5. Semi-Pelagianorum est dicere, pro omnibus omnino hominibus, Christum mortuum esse, aut sanguinem fudisse.

VViclephus, & Hus damnati in Concilio Constantiensi, ac supplicio debito affecti, docuerunt Deum ratione gratiæ quâ omnes indigent, & præscientiæ, quam habet de rebus futu-

*Errores*

*Jansenij &*

*Janseni-*

*starum.*

*Errores*

*VViclephi*

*& Husi.*

futuris, necessitare homines ad omnia opera tam bona, quàm mala.

*Errores  
Lutheri.*

Lutherus in hac etiam materia crassè erravit. 1. Docendo, nullum dari liberum arbitrium, nostramq; voluntatem merè passivè se habere, ut instrumentum inanime. 2. Nullum dari futurum contingens, sed omnia esse in se determinata. 3. Mandata DEI etiā supposità gratiā esse homini impossibilia. 4. Deum esse authorem peccati. 5. Voluntatem cum gratia Dei operari spontaneè; sed non liberè. 6. Gratiā DEI ita esse efficacem, ut voluntas ei resistere non possit.

*Errores  
Calvini.*

Luthero in omnibus consentit Calvinus, præterquam in duobus. Itaq; 1. docet voluntatem operari quidem, etiam cum gratia Dei, non tamen spontaneè, sed necessario, & coactè. 2. Nihil malorum fieri, nisi ex arcano instinctu, impulsu, & prædeterminatione divinæ voluntatis. Horum errores damnavit Conc: Trident: sess: 6. de justificatione.


*Catholicorum doctrina.*

Hinc facilè est colligere Catholicorum circa gratiam doctrinam, docent igitur: 1. Liberum arbitrium nihil posse proficuum ad salutem, sine gratia. 2. Dari gratiam supernaturalem in substantia, & quoad modum, tam efficacem, quàm non efficacem, seu sufficientem; illamque nunquam falli, hanc verò sæpè. 3. Dari gratiam internam excitantem, & adjuvantem. 4. Initium boni operis, & nostræ salutis, esse ex gratia excitante. 5. Gratiā excitantem primam dari

dari sine ullo merito. 6. Gratiā efficacem esse speciale beneficium. 7. Eam non laedere libertatem.

EPISTYLIUM PROBLEMATI CUM  
COLUMNÆ XXI.

*An status naturæ integræ, per unam diem naturalem duravit?*



COLVMNA XXII.

*De necessitate & efficacia auxilij specialis Gratia.*

**A**SSERTIO I. Potest homo in quo- *Quæ possit*  
cunq; statu naturæ, absq; auxilio speci- *homo co-*  
alis gratiæ, cognoscere non solum multas ve- *gnoscere*  
ritates speculativas, sed etiam multas cogni- *sine speci-*  
tiones naturales practicas, seu morales. *ali auxi-*  
*lio.*

*Probatur 1. pars.* Quælibet causa naturalis  
tum solo concursu generali Dei, potest ope-  
rari effectum sibi proportionatum; sed intel-  
lectus est causa naturalis; & cognitio multa-  
rum veritatum speculativarum, est effectus  
illi omnino proportionatus; ergo sine omni  
auxilio specialis gratiæ, potest talem effectū  
causare.

*Confirmatur.* Tum quia oculus potest vi-  
dere, sine speciali gratia; ergo & intelle-  
ctus intelligere: tum etiam, quia Dæmo-

nes in inferno cognoscunt de novo multas veritates, quas antea ignorarunt; & tamen non datur illis auxilium specialis gratiæ. ergo.

*Probatur 2. pars.* Tum ex Scriptura, Rom: 1. *Invisibilia Dei à creatura mundi per ea quæ facta sunt, intellecta conspiciuntur, &c.* ergo. tum ex Aug: ad Simplicium q. 2. docente ante gratiam, convenire naturæ honestas utilisq; doctrinas; tum deniq; ratione, de fide est per peccatum non omisisse hominem potestatem liberam, ad bonum morale, quam habuisset in statu puræ naturæ; sed sine sufficienti cognitione boni moralis, talis libertas non salvaretur. ergo. Deinde homo potest peccare sine gratia speciali; sed posse peccare, dicit essentialiter cognitionem boni & mali. ergo.

*Obijc: contra 1. partem.* Concil: Milevit: docet utrumq; donum Dei esse, & scientiam quæ illuminat, & charitatem quæ ædificat: ergo sine speciali gratia, nullam etiam veritatem speculativam cognoscere possumus. R. negando consequ: nam Concil: non agit de Scientia speculativa, sed de practica supernaturali; ut colligitur ex his verbis ibi sequentibus: *Donum Dei est, inquit, & scire quid agere debeamus, & diligere ut faciamus.* Ubi loquitur expressè de scientia practica, quod non est contra nos.

*Obijc: contra 2. partem.* Apost: 1. Corint: 13. ubi asserit, nos non esse sufficientes cogitare aliquid ex nobis, quasi ex nobis, &c. ergo nullam cogitationem naturalem practicam, sine auxilio particulari elicere possumus. R. ne-



gando consequentiam, nam in illo & simili-  
bus Conciliorum & PP. locis, non est sermo  
de cognitione morali naturali; sed de co-  
gnitione supernaturali conducente ad opera  
pietatis, vitamq; æternam, ut postea videbi-  
mus.

ASSERTIO II. Non potest quis quā-*Non potest*  
libet veritatem naturalem, sive practicā, *cognosci*  
sive speculativā, & multò minùs divinā, *qualibet*  
evidenter & certò cognoscere, sine auxilio *Veritas na-*  
specialis gratiæ. *Prob:* Multæ sunt ex his *turalis si-*  
adeò abstrusæ, atq; difficiles, ut vix ab ullo *ne speciali*  
percipi possint; & multò minùs evidenter & *auxilio.*  
certò cognosci, ut patet de compositione con-  
tinui, de possibilitate infiniti, ac quadratura  
circuli, Trinitate & Vnitate Dei: ergo.

*Dixi in Conclusionē, certò & evidenter,*  
quia non video cur negari possit, quòd veri-  
tates illæ aliquo modo in intellectū caderent,  
sine auxilio specialis gratiæ. Ex hoc infertur,  
quòd sine auxilio speciali, nequit quis simul  
omnes veritates, etiam speculativas, cogno-  
scere.

ASSERTIO III. Nulla cognitio pra-*Nulla co-*  
ctica, speculativa, aut divina, proximè con-*gnitio pra-*  
ducens ad vitam æternam defactò elici potest, *ctica me-*  
sine auxilio specialis gratiæ. Est de fide. *ritoria eli-*

*Prob:* Tum ex Apost: jam citato, 2. Cor: 3. *ci potest si-*  
*Non sumus sufficientes cogitare aliquid ex no-*  
*bis.* tum ex Arausi can: 7. his verbis: *ne speciali*  
*Si quis auxilio.*  
*per naturæ vigorem, bonum aliquod, quod ad*  
*salutem attinet, vita æterna, cogitari, ut expe-*  
*dit, aut intelligere posse affirmat, absq; illumi-*  
*natione, & inspiratione Spiritus sancti, hæreti-*  
*co fallitur spiritu.* Idem docet Milevit: can: 2.

Tum deniq; , quia praxis Ecclesiæ est , Deum orare non solum , ut ad agenda quæ viderint convalescant fideles ; sed etiam , quæ agenda sint ut videant , seu intelligant ; sed illa oratio vana esset , & irriforia , si bene cogitare , non ex Dei munere , sed ex nobis ipsis haberemus , seu ex proprijs viribus. ergo.

*Attamen  
potest elici  
opus bonū  
morale  
sine tali  
auxilio.*

ASSERTIO II. potest homo in natura lapsa , elicere aliquod bonum opus morale , seu honestum , sine auxilio specialis gratiæ. *Prob:* tum ex Apost: ad Rom: 2. *Gentes quæ legem non habent.* tum ex Bulla Pij 5. edita contra Bajum , in qua damnatur hæc Baij propositio : *Cum Pelagio sentiunt , qui boni aliquid naturalis , id est , quod solius naturæ viribus ortum ducat , agnoscunt ; tum etiam ex August: de Spiritu , & litera , sicut , inquit , non impediunt à via æterna justum peccata venialia , sine quibus hæc vita non ducitur ; sic ad salutem æternam non prosunt impio , id est infideli , aliqua opera bona , sine quibus difficillimè vita cujusvis hominis invenitur. ergo.*

*Prob: Conclus: 2. ratione.* Facilius est in aliquibus circumstantijs bene agere , quàm peccare ; sed ad peccandum gratia specialis non requiritur : ergo nec ad bene moraliter agendum , in aliquibus circumstantijs. Deinde opera honesta , subinde sunt homini nimis facilia , ejusq; inclinationi consentanea , ergo in aliquibus circumstantijs , sine auxilio specialis gratiæ , potest homo opus bonum , & honestum elicere.

*Quæ fieri  
possint sine  
speciali gra*

Hinc infertur , hominem posse sine auxilio specialis gratiæ ad breve tempus , Deum amare super omnia , totam legem naturalem.

ser-

servare, levémq; tentationem superare; non *tia ab ho-*  
verò gravem: & ratio primæ partis est, quia *mine, &*  
talem amorem elicere non est adeo difficile, *que non.*  
& homo ad eliciendum illum actum, habet  
omnia necessaria: ergo. Ratio 2. partis est,  
quia sine auxilio specialis gratiæ actum mo-  
raliter bonum elicere potest homo, ut supra  
dixi, sed tunc ipsum, elieiendo aliquando ser-  
varet legem naturalem: ergo.

*Probatur 3. pars.* Opus bonum naturale,  
potest fieri sine speciali gratia, sed nullum o-  
pus tale elicitur, sine eo, quòd superetur le-  
vis aliqua tentatio: ergo sine auxilio specia-  
lis gratiæ levis tentatio superari potest.

*Ratio ultimæ partis* desumpta est ex Script:  
Sap: 8. *Nemo potest esse continens, nisi Deus de-*  
*derit;* & etiam ex inclinatione appetitûs ad  
bonum delectabile, & sensibile: ergo.

ASSERTIO V. Deus dat omni pror- *Gratia suf-*  
sus homini gratiam sufficientem ad vitam æ- *ficiens cui-*  
ternam consequendam. Hæc est communis *libet da-*  
inter Catholicos, in sensu quo columna 5. de *tur.*  
voluntate Dei verba illa Apost: 1. ad Tim: 4.  
*Deus vult omnes homines salvos fieri, antea ex-*  
*plicui.*

*Prob:* Tum quia aliàs non esset verū, quòd  
Deus singulorum salutem sincerè desideraret;  
quòd neminem ad mortem æternam creet,  
quòd Christus sit omnium Redemptor; sed  
hæc simpliciter vera sunt; ergo. maj: est cer-  
ta. Prob: min: ex sequentibus Scripturæ au-  
thoritatibus Sap: 11. *Misereris omnium, quia*  
*omnia pates.* & infra: *Diligis omnia que sunt,*  
*& nihil odisti eorum, que fecisti.* Ezechiel: 18.  
*Nunquid voluntatis meæ est mors impij, dicit*

*Dominus, &c.* Matth: 18. *Non est voluntas Patris vestri, ut pereat unus ex pusillis istis.* Roman: 8. *Proprio Filio non pepercit DEUS, sed pro nobis omnibus tradidit illum.* ergo.

*Datur* ASSERTIO VI. *Datur multis pro multis gra* hoc statu naturæ lapsæ, gratia proximè & *tia proxi-* completè sufficiens, ad faciendum opus salu- *mè suffi-* tare. *Prob:* quia si hoc non esset verum, *ens ad me-* frustra & planè immeritò, Deus peccatori- *rendum.* bus in via potius, quàm in termino, seu da-  
 mnatione constitutis, impropèreret, quòd  
 suæ gratiæ resistant, quòd vocanti non re-  
 spondeant, quòd salutis media offerentem,  
 spernant; sed impropèrat Prov: 9. *Vocavi &*  
*renuistis, &c.* Esaiæ 5. *Judicate inter me, &*  
*vineam meam.* Jerem: 3. *Nunquid vidisti, quid*  
*fecit adversatrix Israël.* Ezech: 20. *Irritave-*  
*runt me, nolueruntq. audire, &c.* ergo.

*Probatur* 2. manifestè ex illis verbis Christi  
 Matth: 11. *Va tibi Corosaim, &c.* ex quo loco  
 habetur, eandem gratiam excitantem, quæ  
 Tyros flexisset ad pœnitentiam, si eis data  
 esset, in Bethzaitis fuisse eo affectu frustra-  
 ram. ergo.

*Confirm:* ex Trident: sess: 6. cap: 11. *Deus*  
*impossibilia non jubet, sed jubendo monet, &*  
*facere quod possis, & petere quod non possis, &*  
*adjuvat ut possis.* ergo.

*Obijc:* Si daretur gratia proximè sufficiens  
 præsertim ad conversionem, eâ solâ positâ,  
 possit homo venire ad Christum, alias non  
 esset proximè sufficiens; sed non potest juxta  
 illud Christi Joann: 6. *Nemo potest venire ad*  
*me, nisi Pater meus traxerit eum.* ergo. *Prob:*  
 min: Per solam gratiam sufficientem nemo



trahitur à Patre, alias defacto venisset ad Patrem, juxta illud Joann: 6. *Omnis qui audibit & didicit à Patre, venit ad me*; ergo. **IV.** concedendo maj: & dist: min: non potest ob impossibilitatem ullam antecedentem, physicā, vel moralem nego min: ob impossibilitatem consequentem, ortam ex infallibilitate futurae suae resistentiae, concedo min: & nego consequentiam. Itaq; prioris loci scripturae sensus est, fieri non posse, ut quispiam ad Christum veniat, nisi quem ad sic veniendum gratia divina movet, & determinat, non quidē physice, sed moraliter. Et sensus posterioris loci est, quod omnis qui *audibit à Patre*, hoc est, qui adeptus est gratiam internae inspirationis, & *didicit*, id est, qui scivit se illā trahi & moveri, venit ad Christum.

ASSERTIO VII. Quamvis piē ex- *Multis gra*  
stimandum est, quòd Deus singulis ratione, *stiter lapsis*  
præditis det aliquando auxiliū sufficiens, sal- *non datur*  
tem mediatē, ad salutē; multis tamen mor- *gratia re-*  
taliter lapsis, non est data deinceps gratia, *surgendi.*  
sufficiens ad resurgendum.

*Probaturs i. pars.* Quamvis non plus teneatur Deus ratione præditis providere, quàm parvulis, quorum magnam partem justissimē, sine salutis remedio ipsis applicato interire, permittit; tamen sicut multa alia beneficia, ipsis suppeditat, quæ non dat parvulis, ita, etiam credibile est, quòd sic suaviter res disponat, ut nullus planē adulatorum sit, cui non aliquando immittat aliquas cogitationes, & affectione invitantes ad bonū alicuod virtutis, saltem moralis, quibus si pareret, adderet Deus ulteriora auxilia, per quæ ad

veram pœnitentiam & gratiam pèrvellere-  
tur.

Dixi *aliquando*, quia certum est hujusmo-  
di gratiam non semper aut quolibet momen-  
to dari.

*Probatur 2. pars.* Exemplo multorum, qui  
immediatè post peccatum, v. g. ebrietatem,  
fornicationem, &c. vel in ipso peccato, subi-  
tanea & improvisa morte interierunt, quibus  
gratis dicerentur immixtæ intereà ullæ bonæ  
inspiraciones; ergo.

*Datur o-* ASSERTIO VIII. Quamvis Deus o-  
*mnibus* mnibus justis dat gratiam sufficientem ad  
*gratia suf-* non peccandum mortaliter; tamen proba-  
*ficiens, sed* bilius videtur, quod non omnibus hic, &  
*non proxi-* nunc, detur gratia sufficiens proximè, vel re-  
*mè.* motè, ad vitandum mortale peccatum.

*Prob: 1. pars.* Quia alias Deus priùs dese-  
reret justum, quàm ab eo desereretur, quod  
nemo Catholicorum dicet: ergo.

*Probatur 2. pars,* exemplo excecatorum,  
& induratorum, qui multa committunt pec-  
cata mortalia; & tamen ad illa vitanda non  
habent gratiam sufficientem, ut colligitur ex  
Script: Exod: 3. & Joann: 15, ergo. *Confirm:*  
fundamentum unicum oppositæ sententiæ,  
nempe sine gratia sufficienti non haberi li-  
bertatem sufficientem ad peccandum, fallit,  
in damnatis, & etiam injustis, qui ad vitan-  
da omnia venialia peccata, in probabili sen-  
tentia, sufficientem non videntur habere  
gratiam.

ASSERTIO IX. Gratia ad quam se-  
quitur effectus bonus, est independentè à

*De necess. & efficacia auxilij, &c. 285*

cōcurſu voluntatis create efficaci, in hoc ſen- *In quo ſen-*  
ſu, quod ut intelligatur antecedere determi- *ſu gratia*  
nationem voluntatis, vim habeat promo- *dicatur in*  
vendi voluntatem, ut ſe determinet ad opus, *dependen-*  
ſive id faciat neceſſitando voluntatem, ſive *ter datus à*  
non. *concurſu*

*Prob:* ſecundum Concilia & Patres. Gra- *Voluntatis.*  
tia Dei ſit, ut non tantum poſſimus bene ope-  
rari, verum etiam ut actu bene operemur;  
ſed hoc non eſſet verum, niſi gratia nos effi-  
caciter moveret, & determinaret ad bene o-  
perandum, quoniam ſic operamur: ergo. *Prob:*  
maj: Ezech: 36. *Spiritum meum ponam in me-*  
*dio veſtri, & faciam, ut in præceptis meis am-*  
*buletis.* Joan: 6. *Nemo poteſt venire ad me, &c.*  
Idem docet Concil: Arauſi: & Milevit: his ver-  
bis: *Multa bona in homine ſunt, que non fa-*  
*cit ipſe homo.*

*Conſirm:* Quia aliàs non Deus per gratiã,  
ſed homo per arbitrium, ſe ab alio, ſimilem  
vocationis gratiam habente diſcerneret, ade-  
oq; poſſit in ſe, & non in Deo gloriari, con-  
tra illud 2. Theſ: 3. *Quis enim ſe diſcernit, &c.*

ASSERTIO X. Ad opera ſalutaria, *Ad opera*  
conducentia ad vitam æternam, nulla requi- *ſalutaria*  
ritur gratia neceſſario prædeterminans vo- *non requi-*  
luntatem; & per conſequens efficacia *ritur gra-*  
tiz non conſiſtit in hujusmodi prædetermi- *tia præde-*  
natione Thomiſtica. *terminas.*

*Prob: 1.* Omnibus illis rationibus, quibus  
in Phyſica probavi incompatibilitatem Tho-  
miſticæ prædeterminationis cum libertate  
creata.

*Prob: 2.* Quia aliàs non daretur ulla gratia

sufficiens, vel efficax, nam nulla daretur, cum qua posset homo operari, & non operaretur, sed hoc est falsum, ut patet ex dictis. ergo.

*Gratia nō est efficax ab effectu secuturo. Nec à conditionata præscientia. Nec à maiori benevolentia.* **A S E R T I O X I.** Non ideo gratia est efficax, quia moralem necessitatem operandi semper inducit voluntati; nec talis dicitur ab effectu secuturo, nec à conditionata præscientia, aut futuritione ipsius; aut à maiori benevolentia, ex qua datur.

*Prob: 1. pars.* Quia homo experitur se, nullā necessitate induci, ad bona opera, quæ facit, magis quàm ad indifferentia, aut mala, quæ nullā prorsus tentatione exercet; imò sentit se acrius urgeri ad oppositum operis boni quod facit, quàm ad ipsum bonum opus; sed hoc non contingeret, si gratia moraliter necessitaret ad opus bonum; ergo.

*Confirm:* Ut quis cum gratia faciat opus bonum, sufficit, quod gratia fortius moveat voluntatem ad illud faciendum, quàm moveatur ab ullo alio in oppositum; sed potest sic fortius movere, absq; eo, quod moraliter necessitet ad consensum; ergo non semper sic necessitat, & consequenter efficacia gratiæ in hoc non consistit.

*Probatur 2. pars.* Implicat gratiam habere efficaciam formaliter, & ex parte actūs primi, ab ullo, quod præsupponit gratiam efficacem; sed effectus secuturus, & præscientia ejus, ac futuritio conditionata, præsupponunt gratiam efficacem: ergo per nil horum potest constitui; maj: est certa. Prob: min: ideo effectus est secuturus, ideóq; prævidetur, etiam conditionatè futurus, quia gra-



gratia est efficax : ergo ista omnia præsupponunt gratiam efficacem. Prob: consequ: nullus effectus est secuturus dependenter à gratia, nullus prævidetur, etiam conditionatè futurus, nisi effectus, ad quem requiritur gratia efficax tanquã causa, ergo ista omnia præsupponunt gratiam efficacem, & consequenter ab illis gratia non potest dici formaliter efficax.

ASSERTIO XII. Gratia cum qua fit *Gratia un-* opus salutare, est ex se formaliter efficax, in *de sit effi-* quantum suppositis circumstantijs, in quibus *cax.* datur, vim habet determinandi, actúq; determinat voluntatem ad consensum.

*Prob:* Tum ex rejectione aliarum sententiarum, tum etiam, quia non potest ostendi, in quo alio consisteret. tum deniq; , quia videmus eandem medicinam nunc sumptam, causare sanitatem, quæ in alijs circumstantijs causaret mortem: ergo similiter gratia potest esse ex se efficax, non quidem absolutè, sed comparata ad circumstantias in quibus confertur: v. g. ad talem recipientem, indolem, ingenium, inclinationem, occasionem, tentationis absentiam, & similia, siue intrinseca, siue extrinseca, quæ nata sunt conducere, ut quis bonæ inspirationis ductû sequatur; quæ circumstantiæ, licet per se sumptæ, non sint gratiæ, bene tamen ut præludia quædam, & dispositiones, per quas præparat Deus hominis voluntatem, ut internæ inspirationi præbeat consensum, conducere possunt.

*Obijc:* Ex duobus æqualem gratiam habentibus, & quoad reliqua omnia à nobis requisita,

nes in inferno cognoscunt de novo multas veritates, quas antea ignorarunt; & tamen non datur illis auxilium specialis gratiæ. ergo.

*Probatur 2. pars.* Tum ex Scriptura, Rom: 1. *Invisibilia Dei à creatura mundi per ea quæ facta sunt, intellecta conspiciuntur, &c.* ergo. tum ex Aug: ad Simplicium q. 2. docente ante gratiam, convenire naturæ honestas utilisq; doctrinas; tum deniq; ratione, de fide est per peccatum non omisisse hominem potestatem liberam, ad bonum morale, quam habuisset in statu puræ naturæ; sed sine sufficienti cognitione boni moralis, talis libertas non salvaretur. ergo. Deinde homo potest peccare sine gratia speciali; sed posse peccare, dicit essentialiter cognitionem boni & mali. ergo.

*Obijc: contra 1. partem.* Concil: Milevit: docet utrumq; donum Dei esse, & scientiam quæ illuminat, & charitatem quæ ædificat: ergo sine speciali gratia, nullam etiam veritatem speculativam cognoscere possumus. *¶.* negando consequ: nam Concil: non agit de Scientia speculativa, sed de practica supernaturali; ut colligitur ex his verbis ibi sequentibus: *Donum Dei est, inquit, & scire quid agere debeamus, & diligere ut faciamus.* Ubi loquitur expresse de scientia practica, quod non est contra nos.

*Obijc: contra 2. partem.* Apost: 1. Corint: 13. ubi asserit, nos non esse sufficientes cogitare aliquid ex nobis, quasi ex nobis, &c. ergo nullam cogitationem naturalem practicam, sine auxilio particulari elicere possumus. *¶.* negan-

gando consequentiam, nam in illo & simili-  
bus Conciliorum & PP. locis, non est sermo  
de cognitione morali naturali; sed de co-  
gnitione supernaturali conducente ad opera  
pietatis, vitamq; æternam, ut postea videbi-  
mus.

ASSERTIO II. Non potest quis quā- *Non potest*  
libet veritatem naturalem, sive practicam, cognosci  
sive speculativam, & multò minùs divinam, *qualibet*  
evidenter & certò cognoscere, sine auxilio *Veritas na-*  
specialis gratiæ. *Prob:* Multæ sunt ex his *turalis si-*  
adeò abstrusæ, atq; difficiles, ut vix ab ullo *ne speciali*  
percipi possint; & multò minùs evidenter & *auxilio.*  
certò cognosci, ut patet de compositione con-  
tinui, de possibilitate infiniti, ac quadratura  
circuli, Trinitate & Vnitate Dei: ergo.

*Dixi in Conclusionem, certò & evidenter,*  
quia non video cur negari possit, quòd veri-  
tates illæ aliquo modo in intellectū caderent,  
sine auxilio specialis gratiæ. Ex hoc infertur,  
quòd sine auxilio speciali, nequit quis simul  
omnes veritates, etiam speculativas, cogno-  
scere.

ASSERTIO III. Nulla cognitio pra- *Nulla co-*  
ctica, speculativa, aut divina, proximè con- *gnitio pra-*  
ducens ad vitam æternam defactò elici potest, *ctica me-*  
sine auxilio specialis gratiæ. Est de fide. *ritoria eli-*

*Prob:* Tum ex Apost: jam citato, 1. Cor: 3. *ci potest si-*  
*Non sumus sufficientes cogitare aliquid ex no-* *ne speciali*  
*bis.* tum ex Arauf: can: 7. his verbis: *auxilio.*  
*Si quis*  
*per naturæ vigorem, bonum aliquod, quod ad*  
*salutem attinet, vita æterna, cogitari, ut expe-*  
*dit, aut intelligere posse affirmat, absq; illumi-*  
*natione, & inspiratione Spiritus sancti, hereti-*  
*co fallitur spiritu.* Idem docet Milevit: can: 2.

Tum deniq; , quia praxis Ecclesiæ est , Deum orare non solum , ut ad agenda quæ viderint convalescant fideles ; sed etiam , quæ agenda sint ut videant , seu intelligant ; sed illa oratio vana esset , & irrisoria , si bene cogitare , non ex Dei munere , sed ex nobis ipsis haberemus , seu ex proprijs viribus. ergo.

*Attamen  
potest elici  
opus bonū  
morale  
sine tali  
auxilio.*

ASSERTIO II. potest homo in natura lapsa , elicere aliquod bonum opus morale , seu honestum , sine auxilio specialis gratiæ. *Prob:* tum ex Apost: ad Rom: 2. *Gentes quæ legem non habent.* tum ex Bulla Pij 5. edita contra Bajum , in qua damnatur hæc Baij propositio : *Cum Pelagio sentiunt , qui boni aliquid naturalis* , id est , quod solius naturæ viribus ortum ducat , agnoscunt ; tum etiam ex August: de Spiritu , & licera , *sicut* , inquit , *non impediunt à via æterna justum peccata venialia* , sine quibus hæc vita non ducitur ; sic ad salutem æternam non profunt impio , id est infideli , aliqua opera bona , sine quibus difficillimè vita cujusvis hominis invenitur. ergo.

*Prob: Conclus: 2. ratione.* Facilius est in aliquibus circumstantijs bene agere , quàm peccare ; sed ad peccandum gratia specialis non requiritur : ergo nec ad bene moraliter agendum , in aliquibus circumstantijs. Deinde opera honesta , subinde sunt homini nimis facilia , ejusq; inclinationi consentanea , ergo in aliquibus circumstantijs , sine auxilio specialis gratiæ , potest homo opus bonum , & honestum elicere.

*Quæ fieri possint sine specialigra* Hinc infertur , hominem posse sine auxilio specialis gratiæ ad breve tempus , Deum amare super omnia , totam legem naturalem.

ser-



servare, levémq; tentationem superare; non *tia ab ho-*  
verò gravem: & ratio primæ partis est, quia *mine, &*  
talem amorem elicere non est adeo difficile, *qua non.*  
& homo ad eliciendum illum actum, habet  
omnia necessaria: ergo. Ratio 2. partis est,  
quia sine auxilio specialis gratiæ actum mo-  
raliter bonum elicere potest homo, ut supra  
dixi, sed tunc ipsum, elieiendo aliquando ser-  
varet legem naturalem: ergo.

*Probatur 3. pars.* Opus bonum naturale,  
potest fieri sine speciali gratia, sed nullum o-  
pus tale elicitur, sine eo, quòd superetur le-  
vis aliqua tentatio: ergo sine auxilio specia-  
lis gratiæ levis tentatio superari potest.

*Ratio ultimæ partis* desumpta est ex Script:  
Sap: 8. *Nemo potest esse continens, nisi Deus de-*  
*derit;* & etiam ex inclinatione appetitûs ad  
bonum delectabile, & sensibile: ergo.

ASSERTIO V. Deus dat omni pror- *Gratia suf-*  
sus homini gratiam sufficientem ad vitam æ- *ficiens cui-*  
ternam consequendam. Hæc est communis *libet da-*  
inter Catholicos, in sensu quo columna 5. de *tur.*  
voluntate Dei verba illa Apost: 1. ad Tim: 4.  
*Deus vult omnes homines salvos fieri, antea ex-*  
*plicui.*

*Prob:* Tum quia aliàs non esset verū, quòd  
Deus singulorum salutem sincere desideraret;  
quòd neminem ad mortem æternam creet,  
quòd Christus sit omnium Redemptor; sed  
hæc simpliciter vera sunt; ergo. maj: est cer-  
ta. Prob: min: ex sequentibus Scripturæ au-  
thoritatibus Sap: 11. *Misereris omnium, quia*  
*omnia potes.* & infra: *Diligis omnia quæ sunt,*  
*& nihil odisti eorum, quæ fecisti.* Ezechiel: 18.  
*Nunquid voluntatis meæ est mors impij, dicit*

*Dominus, &c. Matth: 18. Non est voluntas Patris vestri, ut pereat unus ex pusillis istis. Roman: 8. Proprio Filio non pepercit DEUS, sed pro nobis omnibus tradidit illum. ergo.*

*Datur* ASSERTIO VI. *Datur multis pro multis gra* hoc statu naturæ lapsæ, gratia proximè & *tia proxi-* completè sufficiens, ad faciendum opus salu- *mè suffici-* tare. *Prob:* quia si hoc non esset verum, *ens ad me-* frustra & planè immeritò, Deus peccatori- *rendum.* bus in via potius, quàm in termino, seu da-  
 mnatione constitutis, impropèraret, quòd  
 suæ gratiæ resistant, quòd vocanti non re-  
 spondeant, quòd salutis media offerentem,  
 spernant; sed impropèrat Prov: 9. *Vocavi &*  
*renuistis, &c. Esaia 5. Judicate inter me, &*  
*vineam meam. Jerem: 3. Nunquid vidisti, quid*  
*fecit adversatrix Israël. Ezech: 20. Irritave-*  
*runt me, nolueruntq; audire, &c. ergo.*

*Probatur* 2. manifestè ex illis verbis Christi  
 Matth: 11. *Va tibi Corosaim, &c. ex quo loco*  
 habetur, eandem gratiam excitantem, quæ  
 Tyros flexisset ad pœnitentiam, si eis data  
 esset, in Bethzaitis fuisse eo affectu frustra-  
 ram: ergo.

*Confirm:* ex Trident: sess: 6. cap: 11. *Deus*  
*impossibilia non jubet, sed jubendo monet, &*  
*facere quod possis, & petere quod non possis, &*  
*adjuvat ut possis. ergo.*

*Obijc:* Si daretur gratia proximè sufficiens  
 præsertim ad conversionem, eâ solâ positâ,  
 possit homo venire ad Christum, aliàs non  
 esset proximè sufficiens; sed non potest juxta  
 illud Christi Joann: 6. *Nemo potest venire ad*  
*me, nisi Pater meus traxerit eum. ergo. Prob:*  
*min: Per solam gratiam sufficientem nemo*

trahitur à Patre, alias defacto venisset ad Patrem, juxta illud Joann: 6. *Omnis qui audit & didicit à Patre, venit ad me*; ergo. *ix.* concedendo maj: & dist: min: non potest ob impossibilitatē ullam antecedentem, physicā, vel moralem nego min: ob impossibilitatem consequentem, ortam ex infallibilitate futuræ suæ resistantiæ, concedo min: & nego consequentiam. Itaq; prioris loci scripturæ sensus est, fieri non posse, ut quispiam ad Christum veniat, nisi quem *ad sic* veniendum gratia divina movet, & determinat, non quidē physicē, sed moraliter. Et sensus posterioris loci est, quod omnis qui *audit à Patre*, hoc est, qui adeptus est gratiam internæ inspirationis, *& didicit*, id est, qui scivit se illā trahi & moveri, venit ad Christum.

ASSERTIO VII. Quamvis piè exi- *Multis gra*  
stimandum est, quod Deus singulis ratione, *viter lapsis*  
præditis det aliquando auxiliū sufficiens, sal- *non datur*  
tem mediatē, ad salutē; multis tamen mor- *gratia re-*  
taliter lapsis, non est data deinceps gratia, *surgendi,*  
sufficiens ad resurgendum.

*Probatur i. pars.* Quamvis non plus teneatur Deus ratione præditis providere, quàm parvulis, quorum magnam partem justissimè, sine salutis remedio ipsis applicato interire, permittit; tamen sicut multa alia beneficia, ipsis suppeditat, quæ non dat parvulis, ita, etiam credibile est, quod sic suaviter res disponat, ut nullus planè adultorum sit, cui non aliquando immittat aliquas cogitationes, & affectione invitantes ad bonū alicuod virtutis, saltem moralis, quibus si pareret, adderet Deus ulteriora auxilia, per quæ ad

veram pœnitentiam & gratiam perveleretur.

Dixi *aliquando*, quia certum est hujusmodi gratiam non semper aut quolibet momento dari.

*Probatur 2. pars.* Exemplo multorum, qui immediatè post peccatum, v. g. ebrietatem, fornicationem, &c. vel in ipso peccato, subitanea & improvisa morte interierunt, quibus gratis dicerentur immixta intereà ullæ bonæ inspirationes; ergo.

*Datur omnibus* ASSERTIO VIII. Quamvis Deus omnibus justis dat gratiam sufficientem ad gratia sufficientem non peccandum mortaliter; tamen probabilius videtur, quod non omnibus hic, & non proxime, nunc, detur gratia sufficiens proximè, vel remotè, ad vitandum mortale peccatum.

*Prob: 1. pars.* Quia aliàs Deus priùs deferret justum, quàm ab eo deferretur, quod nemo Catholicorum dicet: ergo.

*Probatur 2. pars,* exemplo execratorum, & induratorum, qui multa committunt peccata mortalia; & tamen ad illa vitanda non habent gratiam sufficientem, ut colligitur ex Script: Exod: 3. & Joann: 15, ergo. *Confirm:* fundamentum unicum oppositæ sententiæ, nempe sine gratia sufficienti non haberi libertatem sufficientem ad peccandum, fallit, in damnatis, & etiam injustis, qui ad vitanda omnia venialia peccata, in probabili sententia, sufficientem non videntur habere gratiam.

ASSERTIO IX. Gratia ad quam sequitur effectus bonus, est independenter à



*De necess. & efficacia auxiliij, &c. 265*

cōcursu voluntatis creatæ efficax, in hoc sensu, quod ut intelligatur antecedere determinationem voluntatis, vim habeat promouendi voluntatem, ut se determinet ad opus, siue id faciat necessitando voluntatem, siue non. *In quo sensu gratia dicatur independentē data à concursu voluntatis.*

*Prob:* secundum Concilia & Patres. Gratia Dei fit, ut non tantum possimus bene operari, verum etiam ut actu bene operemur; sed hoc non esset verum, nisi gratia nos efficaciter moveret, & determinaret ad bene operandum, quoties sic operamur: ergo. *Prob:* maj: Ezech: 76. *Spiritum meum ponam in medio vestri, & faciam, ut in præceptis meis ambuletis.* Joan: 6. *Nemo potest venire ad me, &c.* Idem docet Concil: Arausi: & Milevit: his verbis: *Multa bona in homine sunt, quæ non facit ipse homo.*

*Confirm:* Quia alias non Deus per gratiā, sed homo per arbitrium, se ab alio, similem vocationis gratiam habente discerneret, adeoque possit in se, & non in Deo gloriari, contra illud 2. Thesi: 3. *Quis enim te discernit, &c.*

ASSERTIO X. Ad opera salutaria. *Ad opera conducentia ad vitam æternam, nulla requiritur gratia necessariò prædeterminans voluntatem; & per consequens efficacia gratiæ non consistit in hujusmodi prædeterminatione Thomistica.* *Ad opera salutaria non requiritur gratia prædeterminans.*

*Prob:* 1. Omnibus illis rationibus, quibus in Physica probavi incompatibilitatem Thomisticæ prædeterminationis cum libertate creatæ.

*Prob:* 2. Quia alias non daretur ulla gratia

sufficiens, vel efficax, nam nulla daretur, cum qua posset homo operari, & non operaretur, sed hoc est falsum, ut patet ex dictis. ergo.

*Gratia nō est efficax ab effectu secuturo. Nec à conditionata præscientia. Nec à maiori benevolentia.* A S E R T I O X I. Non ideo gratia est efficax, quia moralem necessitatem operandi semper inducit voluntati; nec talis dicitur ab effectu secuturo, nec à conditionata præscientia, aut futuritione ipsius; aut à maiori benevolentia, ex qua datur.

*Prob: 1. pars.* Quia homo experitur se, nullā necessitate induci, ad bona opera, quæ facit, magis quàm ad indifferentia, aut mala, quæ nullā prorsus tentatione exercet; imò sentit se acrius urgeri ad oppositum operis boni quod facit, quàm ad ipsum bonum opus; sed hoc non contingeret, si gratia moraliter necessitaret ad opus bonum; ergo.

*Confirm:* Ut quis cum gratia faciat opus bonum, sufficit, quod gratia fortius moveat voluntatem ad illud faciendum, quàm moveatur ab ullo alio in oppositum; sed potest sic fortius movere, absq; eo, quod moraliter necessitet ad consensum; ergo non semper sic necessitat, & consequenter efficacia gratiæ in hoc non consistit.

*Probatur 2. pars.* Implicat gratiam habere efficaciam formaliter, & ex parte actūs primi, ab ullo, quod præsupponit gratiam efficacem; sed effectus secuturus, & præscientia ejus, ac futuritio conditionata, præsupponunt gratiam efficacem: ergo per nil horum potest constitui; maj: est certa. Prob: min: ideo effectus est secuturus, ideóq; prævidetur, etiam conditionatè futurus, quia gra-

gratia est efficax: ergo ista omnia præsupponunt gratiam efficacem. Prob: consequ: nullus effectus est secuturus dependenter à gratia, nullus prævidetur, etiam conditionatè futurus, nisi effectus, ad quem requiritur gratia efficax tanquã causa, ergo ista omnia præsupponunt gratiam efficacem, & consequenter ab illis gratia non potest dici formaliter efficax.

ASSERTIO XII. Gratia cum qua fit *Gratia un-* opus salutare, est ex se formaliter efficax, in *de sit effi-* quantum suppositis circumstantijs, in quibus *cax.* datur, vim habet determinandi, actũq; determinat voluntatem ad consensum.

*Prob:* Tum ex rejectione aliarum sententiarum, tum etiam, quia non potest ostendi, in quo alio consisteret. tum deniq; , quia videmus eandem medicinam nunc sumptam, causare sanitatem, quæ in alijs circumstantijs causaret mortem: ergo similiter gratia potest esse ex se efficax, non quidem absolutè, sed comparata ad circumstantias in quibus confertur: v. g. ad talem recipientem, indolem, ingenium, inclinationem, occasionem, tentationis absentiam, & similia, sive intrinseca, sive extrinseca, quæ nata sunt conducere, ut quis bonæ inspirationis ductũ sequatur; quæ circumstantiæ, licet per se sumptæ, non sint gratiæ, bene tamen ut præludia quædam, & dispositiones, per quas præparat Deus hominis voluntatem, ut internæ inspirationi præbeat consensum, conducere possunt.

*Obijc:* Ex duobus æqualem gratiam habentibus, & quoad reliqua omnia à nobis requisita,

sita, antecederet ad consensum, vel dissensum æqualiter affectis, potest contingere, ut unus & non alter consentiat, ut docet August: lib: 12. de Civit: cap: 6. sed tunc gratia ejus qui consentit, non est efficax præcisè, ut patet; neq; etiam suppositis illis circumstantijs antecedentibus consensum voluntatis; nam hæ in utroque sunt eadem; ergo vel nullo modo est efficax, vel est efficax præcisè, quia datur ex præscientia futuri effectûs, & particulari benevolentia. R. dist: maj: Potest contingere, ut ex æq; affectis, unus & non alter consentiat, sic ut ante tam consensum unius, quàm dissensum alterius, nulla in eis debeat accidere varietas, vel differentia, nego maj: ita ut debeat accidere, concedo maj: & nego min: quia tunc gratia nec ex parte consentientis erit efficax, nec ex se quidem absolute, sed ex supposita carentia eorum, quæ antecederet ad dissensum accesserunt alteri qui noluit converti, v. g. ex carentiâ cogitationû, quæ in illo extinxerunt complacentiam conversionis, vel boni operis, vel auxerunt complacentiam alterius rei directe, vel indirecte, retrahentis à conversione.

## EPYSTILIUM PROBLEMATICUM COLUMNÆ XXII.

*An tutius sit silere, & consultius orare,  
quàm de efficacia gratiæ discurrere?*





# COLVMNA XXIII.

## De Gratia sanctificante.

**A**SSERTIO I. Quamvis defacto iusti-  
ficamur, per formam intrinsecè inhæ-  
rentem, & nobis desuper infusam, de potentia  
tamen absoluta potest quis fieri iustus sine  
ulla forma intrinseca habituali & supernatù-  
tali.

*Justifica-  
tio contin-  
gere potest  
sine forma  
intrinseca.*

*Probatnr 1. pars. ex Script: ad Titũ 3. Sal-  
vos nos fecit per lavacrum regenerationis, quam  
effudit in nos abundè, &c. sed quod infunditur  
in nobis est aliquid intrinsecum: ergo gratia  
iustificans est forma intrinsecè inhærens.*

*Confirm: Tum ex Trid: sess: 6. cap: 7. &  
can: 11. quibus in locis conclusio videtur defi-  
nita, teste Catechismo Romano autoritate  
Pij V. edito, explicante Tridentinum jam ci-  
tatum, in materia de Baptismo, dum ait: Est  
autem gratia, quemadmodum Tridentina Sy-  
nodus credendum ab omnibus, pœnâ anathe-  
matis propositam, decrevit, non solum per quã  
peccatorum sit remissio; sed divina qualitas in-  
animo adhærens. Tum etiam authorit: Augu-  
stini de spir: & lit: cap: 9. explicans illud Pau-  
li ad Rom: 3. *Justitia Dei manifesta est: Justi-  
tia, inquit, Dei, non quã ipse iustus est, sed quã  
induit hominem, dum iustificat impium.**

D. Thomas 1. 2. q. 110. probat hanc Con-  
clusionis partem, quia divinus amor, qui or-  
dinatissimus est, fertur in creaturam sub ra-  
tione

tione boni, sed nulla est bonitas in ipsa ratione, cujus amaretur à Deo, nisi bonitas gratiæ ipsi inhærentis; ergo. Hanc D. Thomæ rationem nullam esse operosè ac fusè hic probant Scotistæ; sed salvo meliori judicio, (licet re vera illa bona non est) inutiliter laborant, valeat ergo, in gratiam tanti Doctõris, ratio illa, in quantum valere potest; aliter tamen.

*Prob: Conclusio ratione:* Non implicat donum spirituale, quod esset qualitas animæ justorum inhærens, per quod formaliter justificarentur: ergo cùm hoc sit magis conforme Scripturæ, Concilijs, & Patribus, id est tenendum. Vide quæ dixi Columnâ II. de Virtutibus supernat:

*Probatur 2. pars.* tum quia in hoc nulla est repugnantia, magis quàm quòd possit aliquis denominari unitus, vel visus sine forma intrinseca; sed certum est, quod dentur defecto tales denominationes, sine forma intrinseca; ergo. Tum etiam, quia Deus est perfectus Dominus donorum suorum, ergo potest alicui non habenti gratiam sanctificantem, donare beatitudinem, sed hoc facto esset ille justus: ergo.

*Obijc: contra 1. partem.* Illud Apost: 1. Corinth: 1. *Qui factus est nobis sapientia, & justitia, &c.* ergo justificamur justitiâ Christi, nobis extrinsecâ. R. explicando Apost: justitia, id est, causa meritoria, ob quam nobis Deus dat justitiam intrinsecam, per quam formaliter justificamur, concedo antec: Justitia, id est forma, per quam intrinsecè & formaliter constituimur justî, nego antec: & consequentiam.

*Dices*

*Dices*: Sufficit iustitia Christi ad nos iustificandos etiam formaliter; ergo frustra dicimus, quod iustificemur per aliquam formam intrinsecam. *ꝛ. dist*: antec: formaliter, & intrinsecè, sicuti defacto Concilia PP. & Scriptura dicunt nos iustificari, nego antec: formaliter extrinsecè, prout in secunda parte Conclusionis asseritur, concedo antec: & nego consequentiam.

*Obijc: contra 2. partem.* Non potest ostendi aliqua forma extrinseca, quæ haberet connexionem, aut affinitatem cum denominatione iusti: ergo talis denominatio nequit provenire ab ulla forma extrinseca. *ꝛ. dist*: antec: quæ ex se habeat connexionem, concedo antec: ex voluntate Dei ordinantis illam, nego antec: & consequentiam. Itaq; si Deus vellet sic instituere signum crucis, tantam haberet connexionem cum iustificatione, quantam habet forma absolutionis defacto cum infusione gratiæ, quod sufficit.

ASSERTIO II. Gratia iustificans est habitus, seu qualitas permanenter inhærens animæ. *Prob*: tum ex dictis colum: 11. & 19. tum ex Script: Joan: 14. *Si quis diligit me, &c.* 1. Corint: 3. *Nescitis, quia templum Dei estis, &c.* ad Ephesios 3. Quibus, sicut & in multis alijs Scripturæ locis, insinuat, quod gratia sanctificans sit quid permanens, alioquin non esset verum, quod Deus illo mediante apud nos mansionem faceret, aut quod essemus templum Dei. Tum etiam ex Concil: Vienn: sub Clemente V. idem docente, ut fuse satis contra Vasquem ostendi columnâ 12. de virtutibus supernaturalibus.

*Obijc:*

*Obijc:* Scriptura varijs in locis, & præsertim Prov: 10. Lucæ 7. & Joann: 14. contritioni perfectæ adscribit justificationem, & remissionem peccatorum; sed contritio illa non est habitus, sed actus: ergo. R. disting: antec: contritioni perfectæ, tanquàm causæ meritoria, & dispositioni ad justificationem, concedo antec: tanquàm causæ formali, nego antec: & consequentiam. Ad Scripturæ loca R. illa esse intelligenda de causa meritoria, seu disponente ad justificationem, sicut intelliguntur hæc alia Tobiz 4. *Eleemosyna ab omni peccato, & à morte liberat.* Et 14. *Ipsa est quæ purgat peccata, & facit invenire misericordiam, & vitam æternam.*

*Obijc:* 2. Actus contritionis perfectæ tollit & destruit formaliter peccatum: ergo formaliter nos justificat. R. dist: antec: destruit formaliter peccatum actuale, concedo antec: habituale, nego antec: & consequentiam; nam quod nos justificat, debet formaliter utrumq; expellere; sed actus contritionis perfectæ non destruit habituale peccatum, nisi impetrativè tantum, & sic nos formaliter non justificat intrinsecè: ergo.

*Gratia nullo modo distinguitur à Charitate.*

ASSERTIO III. Gratia formaliter justificans, nec realiter, nec formaliter, propriè loquendo, distinguitur à charitate habituali. *Prob: 1. pars. ex Trident: sess: 6. c. 7. Unica causa justificationis nostræ justitia est Dei, non quæ in se justus est, sed quæ nos justos facit, dum sacratissima passionis Christi merito per Spiritum sanctum Charitas Dei diffunditur in cordibus nostris, atq; nobis inhaeret; Sed si gratia sanctificans esset aliquod realiter distinctum.*



Etum à charitate, non rectè Conciliū diceret charitatem esse unicam causam nostræ justificationis; ergo non distinguitur.

*Prob: 2. eadē pars.* Effectus proprii gratiæ sanctificantis tribuuntur à Scriptura Charitati: ergo sunt idem. *Prob: antec:* Effectus proprii gratiæ sanctificantis sunt, facere nos filios Dei, sanctificare, & tollere peccata; sed hi tribuuntur charitati in Scriptura: ergo. *Prob: min: 1. Joanni 3. Videte, qualem charitatem dedit nobis Deus, ut filij nominemur, & simus.* Ad Ephesi 1. *Elegit nos in ipso ut essemus sancti, & electi, in conspectu ipsius in charitate.* 1. Petri 4. *Charitas operit multitudinem peccatorū.* Rom: 13. *Plenitudo legis est dilectio:* ergo effectus omnes gratiæ sanctificantis tribuuntur à Scriptura charitatis habituali. Huc etiam facit illud August: de natura & gratia 42. *Charitas, inquit, est verissima, plenissima, & perfectissima justitia.* Facit etiam, quod nec charitas sine gratia, nec gratia sanctificans sine charitate, juxta illud Apost: 1. Corinth: 13. *Si distribuero omnes facultates meas, &c. unquam invenitur:* ergo.

*Probatur 2. pars.* tum quia nulla est necessitas, nec quidem formaliter unam ab altera distinguendi. Tum etiam, quia omnis formalitas positiva, & realis in creatis, ab alia entitate formaliter distincta, debet habere aliquod munus physicum, & reale, distinctum à munere positivo alterius formalitatis, ut videtur evidens in animalitate, & rationalitate hominis; quæ sunt principia diversorum effectuum realiter inter se distinctorum; sed formalitas illa positiva, quæ dicitur gratia

sanctificans, nullum habet physicum munus realiter distinctum à munere Physico charitatis: ergo.

*Distinctio  
formalis  
impropria*

*Dixi* in conclusione *propriè loquendo*, quia possunt bene dici, distingui distinctione formali extrinseca, desumpta in ordine ad diversa connotata; quæ distinctio, ut ostendi in Logica, non est vera formalis, quia non arguit in toto pluralitatem formalitatum intrinsecè, & à parte rei distinctarum.

*Obijc: contra 1. partem.* Concilium Vienn: sæpè citatum, decernens probabiliùs esse regeneratis infundi gratiam informantem, & Trident: sess: 6. cap: ii. anathematizans eos, qui dicunt hominem justificari solâ remissione peccatorum, exclusâ gratiâ, & charitate, quæ in cordibus eorum per Spiritum sanctum diffunditur, atq; illis inhæreat: ergo ex Concil: jam citatis habetur, quòd gratia & charitas inter se distinguantur. *R.* negando consequent: nam ad salvandum 1. Trident: loquendi modum sufficeret dicere, quod distinguantur formaliter, vel ratione. Deinde Concil: loquitur ibi de gratia & charitate, tanquam de synonymis.

*Obijc: 2.* Effectus formalis unius, est diversus ab effectu alterius: ergo una distinguitur realiter ab altera. Prob: antec: Effectus formalis gratiæ sanctificantis est, facere hominem Deo dilectum, pulchrum, gratum & acceptum, effectus verò charitatis est, efficere ut homo diligat Deum; sed hi sunt diversi effectus; ergo. *R.* negando antec: & disting:

tingi maj: ejus probationis, est effectus gratiæ, ut excludit charitatem, tanquam aliquid realiter ab ea distinctum; nego antec: prout est idem cum ipsa, concedo antec: & nego consequentiam. Eadem enim entitas physica, vocatur gratia, quatenus expellit peccatum, & ornat animam, eamq; constituit Filiam Dei; & vocatur etiam charitas, quatenus est principium dilectionis Dei. Et per hoc patet, quod tam bene entitas gratiæ verè & formaliter expellit peccatum, ac entitas charitatis, & è contra; licet ut vocantur illis nominibus, id ipsis non attribuatur; quod non probat aliud, quàm quod in ordine ad diversa connotata, convenient illis prædicata contradictoria, quod nil facit ad distinctionem formalem veram & Scristicam. Tamen

*Objc: contra 2. partem.* In Deo reperitur conceptus charitatis, juxta illud 1. Joann: 1. *Deus Charitas est*: sed non reperitur in illo conceptus gratiæ sanctificantis: ergo. Confirm: Doctor in 2. d. 27. q. un: n. 5. docet dari distinctionem formalem inter charitatem, & gratiam: ergo. R. dist: min: Non reperitur conceptus gratiæ sanctificantis, ut significatur præcisè illo nomine, concedo min: secundum se, & absolutè nego min: & consequent: Ad Doctorem R. eum tantum velle, quod inter gradum charitatis ut sic, communem quomodocunq; charitati divinæ & creatæ; & gratiam, hoc est, ipsam charitatem creatam, intercedat distinctio formalis, quia se habent per modum generis & speciei, quod nil facit contra nos.

*Subiectum* De subiecto gratiæ justificantis non est  
*gratia san* quod dicam, nisi quod subiectetur in ipsa vo-  
*luntate* luntate, ob rationes antea assignatas, agen-  
 do de virtutibus supernaturalibus colum-  
 mnâ 5.

*Solus cha-* ASSERTIO IV. Quamvis in regene-  
*ritatis ha-* ratione impij Fides, Spes, & Charitas infun-  
*bitus san-* dantur, solius tamen charitatis habitus, est  
*etificat.* forma formaliter justificans.

*Prob:* Nec fides, nec spes integraliter con-  
 currunt ad justificationem formalem, ergo  
 sola charitas formaliter justificat: prob: an-  
 tec: tum quia beati sunt formaliter, & per-  
 fectissimè iusti; & tamen, in communi sen-  
 tentia, nec fidei, nec spei habitus in illis ma-  
 net; ergo neuter concurrat ad justificationē  
 formalem; tum etiam, quia in peccatore,  
 manet fidei & spei habitus, & tamen in illo  
 nulla manet pars justificationis formalis, a-  
 liàs esset partialiter amicus Dei, & iustus: er-  
 go habitus fidei & spei, nec partialiter iustifi-  
 cant; adeoq; sola charitas est forma iustifi-  
 cans.

*Objc:* Non est iustus, nisi qui, ut oportet,  
 ad salutem credit, sperat & diligit, sed sic cre-  
 dere, sperare & diligere, non provenit à sola  
 charitate: ergo. Confirm: ex Trident. sessi. 6.  
 cap: 7. ubi dicit, justificationem non esse so-  
 lam peccatorum remissionem, sed etiam san-  
 ctificationem & renovationem interioris ho-  
 minis, ergo justificatio non fit per solam su-  
 scptionem gratiæ. R. negando consequent:  
 nam ex illis præmissis solum sequitur, quod  
 gratia non confertur sine fide, & spe, quod  
 quavis sit verum, non est tamen ad propositū.

Ad



Ad Confirm: & diſt: conſequens: Juſtifica-  
tio quatenus comprehendit accidentales di-  
ſpoſitiones ad ipſam prærequiſitas, vel con-  
ſequentes, non fit per ſolam gratiam, conce-  
do conſequens: quatenus comprehendit ſola  
eſſentialia juſtificari, nego conſequentiam.  
Concilium enim tantum vult, quod in prima  
impij juſtificatione infundantur, fides, ſpes,  
& charitas, hæc tanquam forma juſtificatio-  
nis, illa verò tanquam diſpoſitiones.

ASSERTIO V. Gratia habitualis, ſeu *Gratia ſan-*  
juſtificans, producitur à ſolo Deo per creati- *ſtificans*  
onem propriè dictam. Prob: tum ex Script: *proprie*  
Pſal: 50. *Cor mundum crea in me Deus*; tum, *creatur.*  
ex omnibus Scripturæ, ac Conciliorum locis;  
quibus dicitur, quòd gratia Dei infunditur in  
cordibus noſtris: tum etiam ex dictis de cha-  
ritate, columnâ 20. ubi probavi illam creari.  
ergo.

ASSERTIO VI. Ad recipiendam à *Diſpoſitio-*  
Deo juſtificationis gratiam in adultis, prævia *nis neceſſi-*  
aliqua requiritur diſpoſitio moralis, quam *tas ad gra-*  
ſine particulari gratia Dei habere non poſ- *tiâ acqui-*  
ſunt. Prob: 1. pars. tum ex varijs Scriptu- *rendam.*  
ræ locis, quibus ſæpè ad pœnitentiam invita-  
mur, & noſtræ converſionis admonemur,  
Zach: 1. *Convertimini ad me* (cooperando ſcili-  
cet gratiæ auxilianti) *Ego convertar ad vos*,  
conferendo ſcilicet gratiam ſanctificantem, 1.  
Regum 7. *Præparate corda veſtra*. Idem habe-  
tur infinitis propemodum alijs Scripturæ lo-  
cis, quibus nobis pœnitentia præcipitur. tum  
etiam ex Aug: ſerm: 15. de verbis Apoſt: *Qui*  
*fecit, inquit, te ſine te, non juſtificat te ſine te,*  
*fecit ergo neſcientem, juſtificat volentem, &c.*

tum deniq; , quia congruum est ut creatura rationalis , mentis & judicij compos , quæ suâ libertate ceciderat , & in Deū peccaverat , non aliter quàm volens , & per congruam satisfactionem , ad justitiam & sanctitatem reducatur. Ergo.

*Probatur 2. pars.* Omnibus illis principiis , quibus columnâ præcedenti , necessitatem auxilij gratiæ ad opera conducentia ad vitam æternam probavimus : quibus adde hunc Tridentini sess. 6. can: 3. textum , *si quis dixerit sine præveniēti spiritūs sancti inspiratione , atq; ejus adjutorio hominem credere , sperare , diligere , aut pœnitere posse , sicut oportet , ut ei justificationis gratia conferatur , anathema sit*

Nec contra hanc conclusionem est Doctor in 4. d. 14. q. 2. n. 13. & 14. ut bene ostendit Vasquez 1. 2. d. 186. cap: ult. Contra Sotum , Canum , & aliquos alios Thomistas , qui calumniosè imponunt Doctori , quòd Doctrinâ ipsius hic sapiat Pelagianismum ; cum tamen nil dicat , nisi quòd sine auxilio gratiæ habitualis , quod esset principium physicum necessario requisitum , ad hoc ut voluntas possit elicere actum pœnitentiæ , posset quis pœnitentiam debitam facere ; quod quàm verum sit , non solum Scotistæ , sed etiam Neutristæ post Vasquem citatum , evidenter probant , & facile , quia pœnitentia est dispositio ad gratiam justificantem in adulto peccatore , ergo non debet gratia illa prærequiri ad illâ eliciendam.

*Ponuntur  
dispositio-  
nes neces-*

ASSERTIO VII. In adulto peccatore , ad justificationis gratiam consequendam , sequentes requiruntur dispositiones , Fides ,

Spes ,

Spes, dilectio, timor Domini, detestatio peccati, propositum suscipiendi Sacramentum *sarva in adulto.*

Baptismi (si non est baptizatus) vel pœnitentia (si est baptizatus) propositū ampliùs non peccandi, novamq; vitam de cætero amplectendi. Hæc est communis, & prob: ex Trid: sess. 6. cap. 6. ubi omnes illas dispositiones pulcherrimis sanè verbis enumerat.

ASSERTIO VIII. Sola fides sine *Fides sola*  
charitate non justificat, neq; ad justificatio- *non justifi-*  
nem, sine annexis virtutibus proximè dispo- *cat.*  
nit. *Prima pars patet*, tum ex script: Jaco-  
bi 2. *Quid proderit fratres mei, si fidem quis*  
*dicat se habere, opera autem non habet.* 1. Cor:  
13. *Si habuero omnem fidem, &c.* tum etiam ex  
Trident: sess. 6. cap. 7. ubi Conclusio expres-  
sè definitur.

ASSERTIO IX. Justificationis impij, *Definitur*  
quæ est sanctificatio, & renovatio interioris *justificatio*  
hominis, per voluntariam susceptionem gra-  
tiæ, & donorum causa finalis (extrinseca ta-  
men, nam intrinseca causa finalis sunt effe- *Ejus causa*  
ctus illi, quos in anima producit, & beatitu- *finalis.*  
do æterna) gloria Dei est, & Christi; efficiens  
misericors DEUS: meritoria dilectissimus *Meritoria*  
Unigenitus, seu ejus merita: & deniq; in- *& instru-*  
strumentalis Sacramentum Baptismi, & alia *ment:*  
Sacramenta, quibus mediantibus produci-  
tur. Hæc est de fide, quoad omnes partes  
in Trident: sess. 6. cap: 7. cujus autoritate  
probatur.

ASSERTIO X. Facere hominem Dei *Effectus ju-*  
amicum, justum, sanctum, Filium Dei ado- *stificatio-*  
ptivum, ac hæredem, regni cœlestis, non con- *nis.*  
naturalis, & physicus effectus est gratiæ ju-

stificantis, sed moralis tantummodo, ex beneplacito Dei, ipsi conveniens.

*Probatur 1. pars.* Si gratia ex natura sua, physica illos produceret effectus, impossibile esset hominem habere formam illam gratiæ, & non esse hoc ipso (velit, nolit) gratum Deo, & acceptum, sicut impossibile est albedinem esse in subjecto, & non reddere illud album, sed implicat forma, quæ possit sic Deum necessitare, aliàs non liberè ad extra ageret, ergo implicat forma, quæ ex natura sua physica jam memoratos actus produceret.

*Confirm:* Posita quacunq; forma ex parte creaturæ, secluso Dei decreto, ejusq; libera ordinatione, & promissione, possit Deus, absolutè loquendo, non acceptare talem in suum singularem amicum, sed hoc non esset verum, si gratia sanctificans ex intrinseca & physica sua ratione, causaret sæpè nominatos effectus. ergo.

*Confirm: 2.* Potest Deus divinitus hominē amare, eumq; in heredem regni cœlestis adoptare, sine ulla forma intrinseca, quæ esset gratia justificans; sed hoc non esset verum, si gratia ex natura sua physica, causaret illos effectus; ergo. prob: min: Effectus formalis, & intrinsecus, ex natura rei formæ conveniens, non potest esse sine illa, ut patet de albo, quod nec divinitus sine albedine esse potest, ergo si constituere amicum, Filium, justum, &c. essent effectus physici formæ gratiæ, non possent esse divinitus sine ipsa, sed possunt, quia in hoc nulla est implicantia: ergo non sunt effectus physici, sed tantum morales gratiæ.

*Obje:*



*Obje:* Gratia sanctificans est causa formalis nostræ justificationis; ergo ex natura sua physica habet vim justificandi, independenter ab omni Dei acceptatione, & extrinseca ordinatione. Confirm: hoc. Forma accidentalis physice informans, & inhærens animæ, ex natura sua physica, producit hos effectus; sed gratia sanctificans est talis forma; ergo physice causat suos effectus. R. conced: antec: & negando consequentiam, nam potest esse vera causa formalis, quamvis moraliter tantum causet illos effectus. Ad Confirm: R. similiter dist: maj: producit suos effectus physicos, & connaturales, concedo maj: producit suos effectus morales physice, nego maj: & distinguo similiter minor: est talis forma respectu effectuum physicorum, qui ex natura rei illi conveniunt; quales sunt, informare animam, ipsamq; reddere pulchram, ornatam, & decoram, concedo min: respectu nostræ justificationis aut constitutionis in filios Dei, nego min: & consequentiam.

*Obje:* 2. Si Charitas habitualis non haberet ex natura sua vim justificandi, non esset perfecta, sed inchoata tantum justitia, & sic per se non sufficeret ad constituendum amicum Dei, nisi accedat extrinsecus favor, æstimatio, & acceptatio Dei, sed hic est error Butzeri, & Canoniconum Colonienfium condemnatus à Trid: sess: 6. can: 7. ergo. R. dist: maj: non esset perfecta justitia ex natura rei, & intrinseca sua ratione independenter ab ordinatione divina, concedo maj: accedente tali ordinatione & acceptatione, nego maj: min:

min: & consequentiam. Hæretici autem illi ideo sunt condemnati, quia perfectam, & consummatam justitiam, quâ justificamur, dicebant esse justitiam Christi, extrinsecè nobis imputatam, & fide creditam: Nos verò dicimus charitatem esse perfectam & consummatam justitiam, quamvis moraliter tantum expellat peccatum, & alios effectus producat.

*Quæ actio  
interveni-  
at in justi-  
ficatione.*

ASSERTIO XI. In justificatione impij per gratiam, non physicè, sed moraliter agentem, ita expellitur peccatum, ut nihil eorum, quæ verè rationem culpæ habent, in justificato maneat. Quod expellantur omnia peccata est de fide, definita in Trident: sess: 5. can: 5. & sess: 6. can. 7. cujus auctoritate probatur conclusio. Et *Confirmatur*, tum ex Script: Joann: 1. *Ecce Agnus Dei, &c.* Tum ratione. Potuit Deus dare gratiæ moralem, virtutem expellendi peccata, & defacto voluit, Joann: 20. *Quorum remisistis peccata, remittentur eis*; ergo defacto sic fit. Quod verò moralem tantum vim expulsi-vam peccati habeat, prob. tum ex dictis assert: præ: tum etiam, quia ex natura sua physica non opponitur peccato; ergo ex sua natura physica illud non expellit.

*Divinitus  
potest sta-  
re gratia  
cum pecca-  
to.*

ASSERTIO XII. Non est tanta gratiæ, & peccati mortalis incompatibilitas, quin divinitus possint simul in anima cohabitare; imò potest etiam peccatum remitti sine infusione gratiæ.

*Probatur 1. pars.* tum quia in hoc nulla est implicantia, tum etiam, quia inter utrumque non potest esse major oppositio, quàm con-

contraria, sed contraria possunt esse simul divinitus in eodem subjecto, ergo etiā gratia, & peccatum.

*Probat 2. pars.* tum quia in hoc nulla est implicancia, tum quia homines possunt condonare inimicitias sibi factas, absq; collatione ullius formæ intrinsecæ, ergo & Deus.

*Obyc: contra 1. partem.* Sequeretur, quòd quis esset simul justus, & injustus, dignus vitâ æternâ, & indignus, sanctus, & peccator, sed hæc sunt contradictoria, ergo. R. negando min: quia esse justum, sanctum, & dignum vitâ æternâ, prout hæ denominationes proveniunt à gratijs, non est aliud, quàm habere formam, cui connaturaliter debetur expulsiō peccati, & jus ad vitam æternam; & esse indignum vitâ æternâ, injustum, & peccatorem, non est aliud, quàm habere formam, cui connaturaliter debetur pœna æterna, sed certum est, non esse contradictorium habere illas denominationes, modo jam explicato. ergo.

*Obyc: contra 2. partem.* Non potest tolli peccatum absq; mutatione peccatoris, sed hoc esset falsum, si posset tolli absq; infusione gratiæ: ergo. R. transeundo maj: & negando min: nam peccator mutaretur tunc transeundo ab habendo peccatum, ad non habendo illud per extrinsecam Dei condonationem, & acceptationem, quā dignatur ipsum inter suos amicos & servos computare.

ASSERTIO XIII. Nequit quis certitudine fidei, naturali aut theologica, certus esse de sua justificatione, bene tamen certitudine morali, quæ securitatem aliquam pariat, bominu.


*Quæ certitudo haberi possit de justificatione bominu.*

riat, & variam anxietatem, ac timorem inordinatum excludat. Hæc est omnium Catholicorum. Prob: tum ex Trident: sess: 6. cap: 9. *Quilibet, inquit, dum se ipsum, suamq; propriam infirmitatem, & indispositionem respicit, de sua gratia formidare, ac timere potest, cum nullus scire valeat, certitudine fidei, se gratiam Dei esse consecutum.* Tum ex Script: Prov: 20. *Quis potest dicere, mundum est cor meum, purus sum à peccato.*

*Probatur 2. pars, de certitudine morali; nam talem potest quis facile habere, de dispositione sua, intentione conferentis Sacramentum, & longâ perseverantia, absq; eo, quod sit sibi conscius peccati commissi, ergo. Et hanc solummodò certitudinem nos posse habere, probant illa Scripturæ loca, quæ ab hæreticis adducuntur.*

## EPISTYLIUM PROBLEMATICUM COLUMNÆ XXIII.

*An donum perseverantiæ sit diversum à gratia justificante finali?*



## COLVMNA XXIV.

*De Merito.*

*Meriti de  
finitio.*

**A**SSERTIO I. Meritum bonorum operum bene describitur, quod sit opus liberum;



berum, & honestum viatoris, aliquâ ratione exigens à Deo recompensationem. *Probat:* tum quia habet conditiones requisitas, tum, etiam ipsam explicando, dicitur *opus liberum & honestum*, ad denotandum, quod opus meritum debeat esse moraliter bonum: dicitur, *Viatoris*, ut à propria ratione meriti excludantur opera beatorum in Patria, ubi sunt extra flatum merendi, aut demerendi; additur *aliquâ ratione exigens recompensationem*, ut abstrahatur, an de congruo, an verò de condigno exigant.

ASSERTIO II. Opera iustorum sunt *Opera ju-* verè apud Deum meritoria vitæ æternæ; est *storum es-* definita de fide in Concil: Lateran: sub Innoc: *se merito-* 3. & in Trident: sess: 6. cap. 16. ubi conclusio *ria verè.*

in terminis quasi habetur, quorum auctoritate probatur primò. *Probat*ur etiam se-

cundò, ex Script: Ecclesi: 16. *Misericordia faciet locum unicuique secundum meritum operum suorum.* Congruentia etiam conclusionis à

ratione est, quia sicut inter ipsos homines, labores & opera bona, in obsequium alicujus exhibita, merentur laudem & retributionem: ita dicendum est, quod opera bona elicita ab amico Dei, & intuitu mercedis æternæ facta, aliquid apud Deum promereantur, nam non est injustus Deus, ut ex Apost. Hebr: 6. loquitur Trident: *ut obliviscatur operis vestri*, &c. Hæretici adducunt contra hanc assertionem, varia Scripturæ loca, quibus dicitur, quod gratis & ex Dei misericordia, corona gloriæ nobis conferatur. *¶* illa loca aliud non probare, quàm quod vita æterna, partim sit opus misericordiæ, & partim justitiæ; misericor-

diæ quidem, in quantum Deus præmiat ultra condignum, & ipsa merita nostra, quibus vitam illam promeremur, dona sunt ipsius Dei, quia gratia tam habitualis, quàm actualis, quæ sunt principia merendi, gratis, & misericorditer nobis à Deo confertur. Est etiam opus justitiæ, quia ex quo semel statuit Deus ejusmodi operibus ex gratia elicitis, vitam æternam velut mercedem conferre, ex justitia pacti, & fidelitate promissionis, tenetur eam conferre, & per hoc patet ad textum illum Script: Rom: 6. *Non sunt condignæ passionēs hujus temporis, ad futuram gloriam, &c.* ergo. Patet, inquam, explicando textum, hoc modo, non sunt condignæ ex se ipsis, aut ex sua natura, concedo, ex beneplacito Dei, nego.

*Conditio-  
nes Meriti  
de condi-  
gno.*

ASSERTIO III. Meritum de condigno debet esse defacto opus viatoris liberum, moraliter bonum, ex charitate elicitum, & actualiter vel virtualiter in Deum relatum, tanquam in ultimum finem.

*Ratio 1. partis* non est alia, quàm quòd Deus defacto sic ordinaverit, ut præsens tempus viz sit tempus pugnæ, militiæ, certaminis, adeòq; tempus merendi, vel demerendi; juxta illud Apost: ad Galat: 6. *Fratres dum tempus habemus, &c.*

*Probatur 2. pars.* tum ex Script: Ezech: 31. *Beatus vir, qui potuit transgredi, & non est transgressus, &c.* 1. Corinth: 9. *Si volens hoc ago, mercedem habeo, &c.* unde est illud D. Bernardi serm: 82. in Cantica: *Ubi, inquit, non est libertas, nec meritum erit.* Tum etiam ratione, nemo meretur pœnam in eo, quod ne-  
cessa-

cessario facit, & nullo modo potest vitare, ergo nec præmium merebitur.

3. Pars est certa, nam meritum debet esse actus moraliter laudabilis, sed talis est semper moraliter bonus; ergo.

*Probatur 4. pars.* Ex Script: Joann: 28. *Sicut palmes non facit fructum à semet ipso, nisi manserit in vite, sic nec vos, nisi in me manseritis;* sed nullus manet in Deo, nisi verè justificatus, & ab omni peccatorū, saltem mortalium, macula immunis. ergo. *Confr:* hoc in omnibus istis script: Conc: ac SS. PP. locis, quibus columnā 22. & 23. probavi necessitatem gratiæ, tam auxiliantis, quàm justificantis, ad opera meritoria conducentia ad vitam æternam.

*Probatur ultima pars.* Nihil potest habere rationem medij, nisi referatur in aliquem finem, sed meritum est medium adultis necessarium, ad consequendam beatitudinem, objectivam, & formalem, ergo debet referri in Deum, qui est beatitudo nostra objectiva, tanquam in finem.

ASSERTIO IV. Præter annumeratas *Ad meritū* conditiones, ut opus sit meritorium vitæ æternæ, requiritur ex parte Dei promissio, acceptatio & pactum, de reddendo præmio pro *requiritur divina acceptatio & pactum.* tali opere.

*Prob:* 1. Matth: 20. *Nonne ex denario diurno convenisti mecum, &c.* Rom: 8. *Existimo, quod non sint condignæ passionēs hujus temporis, &c.* Idem habetur 1. Corinth: 4. Matth: 25. & alijs multis Scripturæ locis, ex quibus evidenter colligimus, opera nostra non esse meritoria vitæ æternæ, secluso Dei pacto, & promissione.

Con-

*Confirm: hoc ex Trid: sess: 6. cap: 16. Atq; adeo, inquit, bene operantibus usq; in finem, & in Deo sperantibus proponenda est vita eterna, & tanquam gratia Filij Dei, per JESUM Christum misericorditer promissa, & tanquam merces ex ipsius Dei promissione (NB.) bonis ipsorum operibus & meritis fideliter reddenda. quibus verbis nostra conclusio in terminis videtur quasi definita.*

*Probatur 2. ratione.* Meritum, maximè de condigno, habet vim obligandi Deum ex justitia retributionē, juxta illud ad Rom: 4. *Ei qui operatur merces, non imputatur secundum gratiam, sed secundum debitum;* sed secluso pacto, & promissione divinā, nullum opus creaturæ rationalis quantumvis ex gratia elicium, habet jus ad vitam æternam, aut potest obligare Deum ex justitia ad faciendam retributionem; ergo seclusā illā promissione nullum opus ipsius est meritorium de condigno, vitæ æternæ: maj: est certa: prob: minus ex dictis assertione 10. Colum: 23. tum etiam, quia nil potest esse boni in creatura, quod multis titulis Deo non debeatur; ergo nihil eorum, quæ homo potest exhibere, obligat Deum ex justitia ad reddendam mercedem, seclusā ipsius promissione, & acceptatione.

*Obyc:* Sententia hæc nostra non differt ab errore Kemnitij, aliorumq; hæreticorum VVittenbergensium, qui docuerunt opera justorum non esse meritoria ex se, sed solummodo, & præcisè ex divina acceptatione, promissione, & extrinseco favore: ergo non est tenenda. R: negando antec: nam hæretici illi



illi docuerunt opera nostra ex se esse mala, peccaminosa, & mortis aeternae meritoria, quapropter docuerunt illa opera nullâ ratione pōsse dici meritoria vitae aeternae, quàm ex sola Dei acceptatione, seu non imputatione peccatorum. Qui error longè diversus est, à Catholica Scoti doctrina, (à cujus tam injuriosa censura abstinere potuit Vasquez, l. 2. disp: 224. cap:4. donec eam intelligeret) quæ docet opera meritoria vitae aeternae ex se ante acceptationem esse bona, honesta, licita, & consequenter moraliter bona; quantumvis non sint sic de condigno meritoria vitae aeternae, independenter à Dei promissione, pacto, & acceptatione, quæ acceptatio est ultimum meriti complementum, sine quo reliqua omnia non obligarent Deum ex iustitia ad reddendam mercedem vitae aeternae.

ASSERTIO V. Divisio meriti in condignum, & congruum communis est; condignum in hoc potissimum à congruo distinguitur, quod illud inducat obligationem reddendi præmium ex iustitia supposito pacto, & acceptatione: hoc verò non inducit, nisi ex sola congruitate, vel ad summum, ex fidelitate promittentis, & præmiantis.

*Probat* 2. pars Conclusionis (prima est certa) tum quia non possunt melius diversificari; tum etiam, quia exigere præmium ex decentia quadam, & congruitate, convenit omni merito: meritum enim non est, quod ex decentia saltem, non exigit præmium. Deinde, exigere præmium ex fidelitate, & promissione præmiantis, convenit quandoq; merito de congruo, non minùs quàm merito

de condigno, ut patet de contritione elicita à peccatore, & contritione elicita à justo, quarum utraq; habet annexam promissionē de reddenda mercede, & tamen secunda est de condigno meritoria, & prima de congruo tantum, nec unum, nec alterum meritum, inducit ex natura rei, & seclusā promissione divinā, jus, aut obligationem vitæ æternæ: ergo meritum de condigno, in hoc potissimum distinguitur à merito de congruo, quòd illud inducat obligationem reddendi præmiū ex justitia, juxta illud Pauli 2. Timoth: 4. *reposita est mihi corona justitiæ*, &c. de congruo verò non.

*Obijc:* Nemo tenetur ex justitia præmiare laborem sibi, aliàs multis titulis debitum, sed omnis labor creaturæ rationalis, infinitis propemodū titulis debetur Deo. ergo. Prob: maj: quia non potest ostendi, unde oriatur in Deo talis obligatio. ergo. R. dist: maj: Si nullum intercessit pactum inter præmiantē, & promittentem de acceptando tali opere, tanquam condigno præmio, licet sibi multis alijs titulis debito, concedo maj: si intercessit tale pactum, nego maj: & concessā min: dist: similiter consequens. Ad probationem R. negando antec: nam illa obligatio justitiæ potissimum oritur ex eo, quòd Deus specialiter acceptet opera justorum ex charitate elicita, tanquā condigna præmio vitæ æternæ; eisq; moralem valorem, & condignitatem ad tale præmium conferat, quàm aliàs ex natura sua physica non haberent; ordinando inprimis, ut ipsum acceptet in suum amicum habentem gratiam habitualement. 2. acceptanda omnia

opera ipsius ex charitate facta, tanquam condigna præmio vitæ æternæ, promittendo eis tale præmium, quoties sic ex charitate alijsq; conditionibus meriti supra enumeratis procedunt; ex qua ordinatione divina, factâ cum creatura quasi conventionem, oritur in ipsis operibus, jus aliquod & condignitas moralis ad tale præmium, & ex parte Dei obligatio etiam justitiæ, licet non rigorosæ, ad conferendam mercedem ipsis promissam.

ASSERTIO VI. Nemo potest sibi *Prima gratia* promereri primam gratiam sanctificantem, *tia nō me-* per opera sequentia justificationem, seu *retur.* ipsius gratiæ infusionem, nec de condigno, per actus, qui tempore præcedunt ipsius gratiæ infusionem.

*Prob: 1. pars.* Principium meriti non potest cadere sub eodem merito, cujus est principium, aliàs idem esset simul causa, & effectus respectu ejusdem; sed prima gratia (per hanc intellige, non primum gradum gratiæ auxiliantis, de qua non est difficultas, sed primos gradus gratiæ sanctificantis, collatæ pœnitenti, qui gradus respectivè ad subsequentes gradus, per quos intenditur justificatio, prima gratia dicitur) est principium cujuscunq; actus meritorij sequentis justificationem; ergo per nullum talem actum potest de condigno promereri.

*Probatur 2. pars.* Ipsa gratia sanctificans est præcipua conditio ex necessario requisitis ad meritum de condigno, ut jam vidimus; ergo non potest peccator de condigno promereri primam gratiam sanctificantem, per actus, qui tempore præcedunt ipsius gratiæ infusionem.

*De cōgruo  
tantum  
meretur  
prima gra-  
tia.*

ASSERTIO VII. De lege ordinaria nullus potest, siue per actum contritionis, siue amoris Dei super omnia, mereri sibi de condigno primam gratiam sanctificantem, aut remissionem peccati, quamvis actus illi pro eodē instanti cum ipsius gratiæ infusione elicerentur; bene tamen de congruo.

1. *Pars probatur* iisdem argumentis, quibus præcedens assertio probata est.

*Probatur igitur 2. pars.* ex Trident: sess: 14. cap: 4. ubi postquam definivit contritionem perfectam, etiam ante Sacramenti susceptionem, reconciliare hominem Deo, & remissionem peccati, ac gratiæ infusionem promereri; subdit: *Docet præterea sacra synodus, & si contingat hanc contritionem reconciliari hominem Deo, priusquam Sacramentum actu suscipiatur, ipsam nihilominus reconciliationem, ipsi contritioni, sine Sacramenti voto, quod in ipsa includitur, non est adscribenda; ergo ex mente Concilij, contritio perfecta meretur saltem de congruo reconciliationem cum Deo, & gratiæ sanctificantis infusionem.*

*Prob: 2. ratione.* Ad actum meritorium de congruo non requiritur aliud, nisi quod sit actus moraliter bonus, & virtuosus, elicited ex speciali gratiæ actualis auxilio, sine ulla circumstantia vitiante; sed totum hoc haberi potest in peccatore, & defacto invenitur

*Augmentū* in actu perfectæ contritionis: ergo.

*gloria &*

ASSERTIO VIII. Potest homo justus non solum sibi mereri de condigno augmentum gratiæ sanctificantis, sed etiam augmentum gloriæ; & etiam primum ejus gradum.

*meri.*

*Pri-*



*Prima pars* est de fide, ex Trid: sess. 6. can: 2. & Prob: ratione, homo justus habitâ primâ gratiâ, habet omnes conditiones requisitas ad merendum de condigno, augmentum gratiæ sanctificantis; ergo poterit illud de condigno mereri, ut sic, qui justus est, magis justificaretur.

*Probatur 2. pars.* tum ex jam citato Trid: loco, in quo dicitur, quòd justificatus suis operibus meretur consecutionem vitæ æternæ, ipsam vitam æternam, & gloriæ ejus augmentum: ergo ex mente Concilij, non solùm augmentum gloriæ, sed etiam ipsam gloriam, quoad substantiam (per hanc intelligit vitam æternam) & primum ejus gradum poterit homo justus de condigno promereri: tum etiâ, quia homo justus habet omnes conditiones requisitas ad promerendum, tam primum gradum gloriæ, quàm ejus augmentū. ergo.

*Obijc: contra 1. partem.* Primus gradus gratiæ sanctificantis est ejusdem rationis cum sequentibus; ergo qui non potest primum gradum gratiæ mereri de condigno, non poterit sequentes: sed nullus potest, secundum nos, de condigno promereri primam gratiam; ergo nec ejus augmentum. R. negando consequentiam, sicut & consequentiam subsumpti, & disparitas est, quia prima gratia est principium, & causa cujuscunq; meriti de condigno, adeoque non poterit cadere sub ullo merito de condigno; non sic est de augmento gratiæ, quod præsupponit requisita ad meritum de condigno, & sic potest cadere sub merito, quamvis prima gratia non.

*Conversio  
peccatoris  
de cōgruo  
tantum  
meretur.*

ASSERTIO IX. Nullus justus (excipiente Christo) potest de condigno sibi vel alteri mereri reparationem post lapsum, bene tamen de congruo.

*Prob: 1. pars.* Non potest justus reparationem illam mereri, nisi per opera, quæ præcesserunt lapsum, aut sequuntur ad lapsum, sed per neutrum potest sic mereri reparationem: ergo. *Prob: min:* non per opera subsequen-  
tia, ut supra probavi assert: 7. non etiam per præcedentia, quia talia per peccatum mortificantur, & vim perdunt, seu, ad minimum, suspensum est omne jus, quod ex condigno habuerunt ad gratiam, & gloriam: ergo non potest fieri, ut per merita, quæ præcesserunt lapsum, mereatur quis de condigno reparationem aut reconciliationem cum Deo.

Quod etiam nec alteri potest sic mereri, probatur, tum omnibus illis Scripturæ locis, quæ limitant mercedem bonorum operum ad personam operantis. Tum Apoc: ult: *Unicuique datur merces secundum opera sua.* 2. Corinth: 5. *Unusquisque referet propria corporis, prout gessit, sive bonum, sive malum.* ergo. tum etiam, quia si posset justus mereri alteri de condigno reparationem post lapsum, posset peccator independentem ab omni suo merito & dolore de peccatis justificari, & vitam æternam consequi; sed hoc est absurdum. ergo. *Prob: maj:* quia eo ipso, quo alter meretur ipsi de condigno gratiam sanctificantem, deberetur ipsi justificatio, & consequenter vita æterna ex iustitia.

*Prob: 2. pars.* quia ad sic merendum omnia potest habere requisita. ergo, &c.

*Obijc:*

*Obijc: contra 2. partem varia Scripturæ loca, ut est illud Joann: 3. Quodcumq; petieritis Patrem in nomine meo, &c. & 16. Petite & accipietis, &c. Iacobi ult: Orate pro invicem ut salvemini, multum enim valet deprecatio iusti assidua: ergo. R. Loca illa non plus probare, quàm quod de congruo sibi aut alteri possit quis mereri reparationem post lapsum: nam oratio iustorum non innititur iustitiæ, sed soli misericordie, juxta illud. Daniel. 9. Neq; enim, inquit, in justificationibus nostris prosternimus preces, sed in miserationibus tuis multis. Meritum verò de condigno innititur iustitiæ.*

ASSERTIO X. Donum finalis perseverantiæ cadere potest sub merito, non solum de congruo, sed etiam de condigno.

*Donū perseverantiæ de condigno mereri potest.*

*Prob: conclusio, loquendo de merito de condigno (de altero non est difficultas) iustus respectu hujus doni obtinendi, habet omnia requisita ad meritum de condigno; nam habet actum moraliter bonum, ex gratia tam actuali, quàm habituali, elicitem, annexam habentem promissionem Dei, sed illa sunt requisita ad meritum de condigno; ergo potest iustus donum perseverantiæ de condigno mereri.*

*Confirm: Est in potestate iusti perseverare in bono usq; ad finem, juxta illud Matth: 10. Qui perseveraverit usq; ad finem, &c. sed hoc non esset verum, nisi haberemus potestatem merendi & impetrandi illud donum à Deo, ergo possumus illud de condigno, imò defacto merentur aliqui, nam non video cur is, qui cum timore salutem suam operatur in vi-*

gilijs, ac jejunijs multis, non possit de condigno illud mereri.

*Obijc:* Si conclusio esset vera, non esset unde sibi timeret justus damnationem, sed debet sibi timere, juxta illud Eccl: 27. *Si non in timore Domini tenueris te instanter, citò subvertetur domus tua:* ergo. R. negando maj: nam cum nemo sine speciali Dei revelatione scit, utrum amore vel odio sit dignus, merito de sua justificatione, ac perseverantia in bono, justus sibi timere debet, quamvis utraque possit de condigno mereri.

**Merita**  
**mortifica-**  
**ta revivi-**  
**scunt in**  
**justificati-**  
**one.**

ASSERTIO XI. Merita justorum per peccatum mortificata in justificatione reviviscunt in ordine ad præmium essenziale vitæ æternæ, idq; in eodem gradu, in quo fuerunt ante lapsum.

*Prob:* Ezech: 18. *Quacungq; horâ ingemuerit impius, omnium iniquitatum ejus non recordabor amplius.* Et 33. *Impietas impij non nocebit ei, in quacungq; die conversus fuerit;* sed certum est, quod ei multum noceret, & quod Deus aliquo modo recordaretur iniquitatum ejus, si bona opera præterita, & per peccatum mortificata, non reviviscerent per pœnitentiam. ergo.

*Confirm:* ex Trident: sess: 6. cap: 16. ubi re ipsa, conclusio docetur his verbis: *Hâc igitur ratione justificatus omnibus, &c.*

*Probat* 2. pars. Si in minimo gradu defraudarentur opera justorū suâ mercede per peccatum, non possit dici, quod impietas impij non nocuerit ei, aut quod fuerit Deus oblitus scelerum ipsius. ergo.



*Obijc: Ezech: 18. Si averterit se justus à justitia, & fecerit iniquitatem, omnis justitiæ ejus non recordabor; ergo non reviviscunt merita, sive ad gloriam, sive ad gratiam. R. dist: antec: & explicando scripturam, non recordabor, quàm diu manebit in peccato, maxime in ordine ad vitam æternam, concedo maj: quando resipiscet, & à peccato resurget, nego maj: & consequentiam.*

*Obijc: 2. Peccata semel remissa nunquam redeunt: ergo nec opera bona per peccatum interrupta, & morificata, redeunt aut reviviscunt per pœnitentiam. R. concedendo antec: & negando consequentiam, & paritatem; nam ad superabundantem Dei bonitatem spectat, ut bona opera per peccatum, mortificata, denuò per pœnitentiam reviviscant, & in memoriam redeant in conspectu ipsius, qui solet semper præmiare ultra condignum, & punire citra dignum, & nunquã bis in id ipsum ulcisci.*

## EPYSTILIUM PROBLEMATICUM COLUMNÆ XXIV.

*An si meritorum præmium ex miraculis colligatur, primum post Apostolos locum in cælo, Thaumaturgo nostro Antonio Paduano assignare sit necesse?*



## COLVMNA XXV.

*De existentia, & convenientia Incarnationis Verbi, Vnione hypostaticâ, ejusq; termino.*

*Messias venit, & est Christus.*

**A**SSERTIO I. Messias in lege promissus venit, & est Christus; verus Deus, verusq; homo. Hæc est de fide, quoad omnes partes.

*Probatur 1. pars. ex Script: Gen: 49. Non auferetur sceptrum de Juda, nec dux de femore ejus, donec veniat, qui mittendus est, &c. Sed certum est, circa tempus Adventûs Christi ab integro, sceptrum fuisse ablatum à Juda, & translatum ad Herodem alienigenam, ergo venit Messias qui mittendus erat.*

*Prob: 2. Daniel. 9. Animadverte sermonem, & intellige visionem, &c. Ex quo loco, sicut & ex illo 2. Esdræ 2. Ut iterum adificetur Jerusalem usq; ad Christum Ducem, hebdomadæ septuaginta, & sexaginta duæ erunt, &c. ponderato tempore à Daniele prædicto, & per hebdomadam intelligendo annum lunarem, faciliè quis veritatem conclusionis colligere poterit.*

*Probatur 2. pars, contra Nestorium & Iudæos simul. Esaia 9. Vocabitur, id est, Messias, Admirabilis, Consiliarius, Deus; & 35. Deus ipse veniet, & salvabit nos, ergo Christus est Deus. Quòd etiam sit homo verus, prob: ex Script: Deut:*

Deut: 18. *Prophetam de gente tua, & de fratribus tuis, sicut me, suscitabit tibi Dominus Deus & us*; sed hoc non esset verum, nisi esset verus homo, sicut fuit Moyses: ergo. Idem. habetur Joannis 8. *Queritis me interficere hominem, qui vera locutus sum vobis.*

*Obijc:* Judæi contra 1. partem varia Scripturæ loca, ab ipsis literaliter malè intellecta, in quibus circa tempus adventûs Messîæ, bona multa temporalia ipsis pròmissa sunt, quæ hætenùs non sunt visa; ergo nondum venit Messias. prob: antec: Esaia 11. dicitur, quòd tunc habitabit lupus cum agno, & pardus cum hædo, &c. sed ista non sunt visa: ergo. R. negando antec: nam loca illa omnia intelligenda sunt metaphoricè, prout, more suo, ingeniosè exponit noster Lyranus.

*Obijc:* contra 2. partem. Deut: 18. dicitur, quòd Messias erit similis Moyfi; sed Moyses fuit purus tantùm homo; ergo. R. dist: maj: similis quoad humanitatem, concedo maj: quoad divinitatem, nego maj:

ASSERTIO II. Naturam humanam *Possibilitas* hypostaticè uniri Verbo, in unitate suppositi, non repugnat. Est de fide, & prob: tum *Unionis* quia in hoc nulla potest ostendi repugnantia, *hypostati-* tum etiam, quia defactò sic unita est natura humana Verbo, juxta illud Joann: 1. *Verbum caro factum est*; ergo sine repugnantia potest uniri. *ca.*

*Obijc:* Non potest ostendi, quali dependentiâ dependeret natura à Verbo, ergo. *Confirm:* Si Verbum uniretur naturæ, faceret cum illa compositionem; sed actui puro, & infinito hoc repugnat: ergo. R. negando antec:

antec: nam illa dependentia est sustentati ad sustentans; seu naturæ ad suppositum dependentia. Ad Confirmationem R. dist: maj: compositionem in rigore Philosophico, nego maj: in sensu Theologico, concedo maj: & distinctâ similiter min: nego consequentiam. Itaq; unio illa naturæ cum Verbo, non est perfectivi, & perfectibilis intrinsecè, seu actûs, & potentiæ; sed potius naturæ ad suppositum, supplens vices propriæ personalitatis, & sic nullam dicit imperfectionem.

*Incarnatio non est cognoscibilis ab intellectu creato.*

ASSERTIO III. Possibilitas hujus mysterij, à sæculis adeò abscondita fuit, ut nullius intellectûs creati viribus, evidenter cognosci poterat. *Prob:* Ex varijs Scripturæ locis, in quibus mysterium hoc dicitur omnino absconditum ab hominibus, ad Ephes: 3. dicitur *Sacramentû absconditum à sæculis, & generationibus.* Ad Coloss: 1. *Mysteriû absconditum à sæculis, &c.* *Prob: 2. ratione,* Mysterium hoc incarnationis excedit vires causarum secundarum; ergo viribus naturalibus cognosci non poterat. *Prob:* antec: Præcipuum opus omnipotentiae divinæ excedit vires causarum secundarum; sed hoc mysterium est præcipuum opus omnipotentiae divinæ. ergo.

*Obijc:* Angelus naturaliter cognoscit Deum posse quidquid non est impossibile, sed hoc mysterium non est impossibile. ergo. R. dist: maj: cognoscit hoc subjectivè, id est, cognoscit eum esse omnipotentem, concedo maj: cognoscit hoc terminativè, id est, cognoscit omnia illa, quæ comprehenduntur sub omnipoten-



potentia, nego maj: & concessa min: nego consequentiam.

ASSERTIO IV. Supposità fide, potest intellectus creatus, exemplis, conjecturis, & rationibus, possibilitatem, & convenientiam, tam ex parte Dei, quàm ex parte creaturæ, hujus mysterij ostendere.

*Conjecturis potest hoc mysterium declarari.*

*Probatur 1. pars*, Exemplo conjunctionis animæ rationalis, cum corpore materiali; item unius arboris insitæ alteri; item ipsius naturæ divinæ, quæ defacto in tribus personis est; ergo divinâ virtute fieri potest, ut plures naturæ in uno conjungantur supposito.

*Prob: etiam 2. hâc conjecturâ*; probabile est DEUM posse facere illud, cujus impossibilitas assignari non potest; sed tota humana sapientia, non potest assignare impossibilitatē hujus mysterij; ergo verisimile est, Deum id posse facere, & consequenter fecisse, non est negandum.

*Probatur 2. pars*, de convenientia ex parte Dei: In hoc mysterio perfectionis divinæ ad extra, præsertim bonitas, sapientia, justitia, & potentia maximè manifestantur; sed manifestatio suarum perfectionum Deo conveniens est: ergo hoc mysterium Deo conveniens est. *Prob: maj: colligitur bonitas divina*, quia in hoc mysterio se Deus summè communicavit creaturæ, elevando ipsam ad consortium divinitatis. Apparet sapientia, quia per hoc mysterium convenientissimum invenit Deus modum reparandi genus humanum, & conjungendi in una persona, Deum & hominem; apparet justitia, quia non vi,  
sed

sed præviâ satisfactione voluit Deus genus humanum eripere à potestate inimici : appareret etiam misericordia , quia homines , qui ex fragilitate peccârunt , & non angelos admirabili modo redemit : ergo.

*Mysterij  
hujus convenientia.*

Quod etiam fuerit conveniens ex parte naturæ assumptæ , probatur ex innumerabilibus donis , & gratijs , per hoc mysterium concessis naturæ humanæ : ergo.

*Obijc:* Per incarnationem perficitur Deus , ergo non est conveniens ex parte Dei. *ꝛ. dist:* antec: intrinsecè , nego antec: extrinsecè , manifestando scilicet ejus divinas perfectiones , concedo antec: & nego consequentiam.

*Convenientia ejus ex parte naturæ humane.*

ASSERTIO V. Convenientius fuit , ut Deus humanam naturam lapsam repararet , agendo liberè ad extra , quàm angelicā.

*Prob:* assignando convenientias , quarum prima est , quòd minor pars angelorum peccavit , tota vero humana natura ceciderit. 2.

Angeli propriâ voluntate peccârunt , homo verò non , sed instinctu diaboli , qui fuit unus ex illis angelis , & mediante persuasione faminx. 3. Ruina Angelorum per homines suppleri poterat , sublevando homines ad illorum sedes ; lapsus verò hominum non poterat sic suppleri , quia nulla fuit natura , per quam suppleretur.

*Fuit opus liberum.*

Quòd verò hoc opus fuerit liberum , *prob:* tum ex dictis assert: 4. Colum: 5. tum etiam ex Arban: serm: 3. contra Arianos ; *Poterat* , inquit , *sine adventu Christi solummodò loqui Deus , & sic solvere maledictionem.* Tum denique , quia creare homines Deo non fuit necessarium , ergo nec redimere. D. Anselmus,

mus, qui in contrarium citatur aliud non intendit, quàm, quòd hoc opus fuerit Deo necessarium, in sensu composito decreti de ipsius futuritione.

ASSERTIO VI. Per actionem incarnativam, unio vera, & realis realiter distincta à natura humana, & Verbo divino, producit. *Per actionem incarnativam, unio nova fuit producta.*

*Probatur 1. pars.* Non potest dari actio nova sine aliquo termino novo: ergo nec actio incarnativa, quâ tota Trinitas efficienter naturâ humanâ Verbo univit, sine aliquo termino novo, sed nullus assignari hic potest novus terminus, nisi admittatur unio distincta: ergo antec: patet ex dictis in physica: probatur ergo subsumptum, per illam actionem non producit natura humana, nec etiam Verbum, ut omnes concedunt: ergo aliquod tertium; sed aliud assignari non potest, nisi unio vera, & realis: ergo.

*Prob: 2. pars,* tum ex dictis de prædicamentis in Logica; tum etiam, quia non potest intelligi Unio nisi per modum relationis: ergo cum ejus extrema existere possunt sine illa, dici debet relatio extrinsecus adveniens.

*Obijc:* Unio hypostatica à Concilijs, & PP. dicitur substantialis; ergo non potest consistere in relatione extrinsecus adveniente, quæ semper est accidens. R. dist: antec: est substantialis, id est, ratio jungendi verè & physicè duas substantias, concedo antec: substantialis, id est, in entitate sua substantia, nego

nego antec: & consequentiam. Patres enim egerunt contra Nestorium, qui inter naturā & Verbum unionem, affectūs & gratiæ tantum ponebat; quomodo duo amici dicuntur esse unum cor, quæ unio merè accidentalis est, sicut est unio vestis ad vestitum, quæ non tribuit vestito esse vestem, aut è contra. Nos autem ponimus unionem, quæ in entitate, quidem sua accidens est, substantialiter tamen unit, nam facit quòd homo sit Deus, & è contra.

*Terminus  
totalis a-  
ctionis in-  
carnati-  
væ.*

Hinc patet terminum totalem, & adæquatum actionis incarnativæ, esse Christum, ut est unum quid constitutum, ex persona divina, & natura humana, nam quòd resultat ex unitione humanitatis, & Verbi, est terminus adæquatus, & totalis actionis unitivæ; sed Christus resultat ex illa unitione: ergo. Patet etiam, quòd ipsa Unio hypostatica sit terminus formalis, & immediatus *ad quem*, de novo productus, actionis incarnativæ, quia de novo hic nil producitur, nisi illa unio: ergo.

*Unio hæc  
an sit cō-  
positio ri-  
gorosa.*

ASSERTIO VII. Unio hæc duarum naturarum in Christo, in rigore physico cōpositio non est, nec in omni sensu maxima.

*Prob: 1. pars.* Compositio rigorosa Physica requirit extrema realiter inter se distincta, seq; habentia per modum actūs & potentiæ perfectivi, & perfectibilis, ut patet in omnibus alijs compositionibus, sed extrema Unionis hypostaticæ sic se non habent. ergo.

*Confirm:* Extrema compositi rigorosi physici sunt imperfectiora, toto resultante ex illis, tanquam quid realiter distinctum. sed  
Chri-



Christus non est perfectior Verbo, nec est totum aliquod distinctum realiter à partibus unitis; ergo.

*Dixi in rigore physico*, quia de fide est, quòd unio illa duarum naturarum in Christo sit compositio, ut definit 5. Synodus generalis, act: 8. cap: 4. & ratio est, quia quod sit ex diversis partibus separabilibus, realiter inter se unitis, est compositum; sed Christus constat ex natura humana, & Verbo divino, verè & realiter inter se unitis, ergo est propriè loquendo in hoc sensu compositus, quamvis non in rigore Philosophico.

*Probatur 2. pars.* Illa unio est major, quæ privationem distinctionis majorem dicit, sed certum est, quòd unio graduum metaphysicorum majorem privationem distinctionis importet, quàm Unio hypostatica, ergo in hoc sensu Unio hypostatica, non erit maxima unionum. Deinde illa extrema, ad quarum unionem sequitur tertia entitas, magis inter se uniuntur, quàm illa, ad quæ non sequitur, sed ad unionem materiæ & formæ sequitur tertia entitas, & ad hypostaticam non: ergo in hoc sensu unio illa est major hac.

In alio tamen sensu unio hypostatica dici *In quo se-* potest maxima, in quantum unit extrema, *su dicatur* perfectiora extremis alterius unionis; sed *maxima* certum est, quòd extrema unionis hypostaticæ sint perfectiora extremis cujuscunq; alterius unionis veræ, & realis: ergo in illo sensu potest dici maxima; sicut etiam in ratione doni considerata, nam sic est maximum donum creaturæ collatum, ut per se patet.

*Dices*, Visionem beatificam esse perfectio-

rem hac unione; ergo hæc unio non est maxima. *R.* dist: antec: in ratione entis trans-  
eat antec: in ratione doni, nego, antec: &  
consequentiam.

*Dices* 2. Eucharistia, in qua nobis totus  
Christus datur, est majus donum, quàm sit,  
unio; ergo. *R.* negando antec: quia in Eu-  
charistia communicatur nobis Christus acci-  
dentaliter tantum, id est, per præsentiam;  
per unionem verò hypostaticam; substantia-  
liter Verbum unitur naturæ humanæ.

*Quælibet  
natura as-  
sumptibi-  
lis fuit hy-  
postaticè.*

ASSERTIO VIII. Potuit Deus hy-  
postaticè assumere naturam Angelicam, ir-  
rationalem, & omnem aliam subsistentiæ ca-  
pacem. *Probatur* 1. pars, tum ex Apost:  
ad Hebr: 2. *Nusquam angelos apprehendit, sed  
filios Abraha.* Tum etiam, quia non est ratio,  
tur humana natura distingueretur realiter à  
supposito, & non angelica; ergo nec cur una  
esset assumptibilis, & non alia; & hoc eodem  
argumento probatur 2. pars à ratione.

*Obijc: contra 2. partem.* Nulla natura est  
personabilis, nisi rationalis: ergo nulla na-  
tura est assumptibilis à Verbo, nisi rationalis.  
*R.* concedendo antec: & negando consequen-  
tiam, quia denominatio Personæ advenit  
supposito ratione naturæ tantum (ut dixi in  
metaphysica, agendo de supposititalitate) &  
non ratione supposititalitatis; unde in casu,  
quo assumeretur natura irrationalis ad unio-  
nem Verbi, cum persona Verbi non faceret  
personam, sed tantum suppositum.

*Dices*, sequeretur, quòd Deus possit dici  
lapis, lignum, lupus, &c. *R.* hoc non esse  
ma-

magis absurdum, quàm quòd possit mori, crucifigi, & sic dici, crucifixus, mortuus, &c.

*Obijc: 2. contra eandem.* Natura irrationalis est incapax sanctificationis: ergo & unionis hypostaticæ. *R. dist: antec: sanctificationis*, id est, rectitudinis & perfectionis in actibus liberis, quibus possit elevari ad fruitionem beatam, concedo antec: sanctificationis, id est, Deificationis cujusdam in ordine ad Religiosum cultum, nego antec: & consequentiam.

ASSERTIO IX. Una persona divina, *Una per-*  
potest simul naturas humanas plures assumere, *sona potest*  
non item plures personæ immediatè ean- *plures per-*  
dem numero naturam humanam. *sonas assume-*

*Probatur 1. pars*, tum quia in hoc nulla est *mere.*  
implicantia, tum etiam, quia per assumptionem unius naturæ non exhauritur infinita potentia terminandi suppositi divini.

*Probatur 2. pars.* tum autorit: D. Anselmi  
l. 2. Cur Deus homo, cap: 9. *Plures*, inquit,  
*personæ eundem hominem assumere omnino ne-*  
*queunt.* tum etiam ratione, si una natura as-  
sumeretur à pluribus personis, dependeret  
à qualibet ex ipsis, & non dependeret, sed  
hoc implicat, ergo. prob: maj: dependeret  
primò, nam quævis ex illis personis adæqua-  
tè suppleret vices propriæ personalitatis na-  
turæ; sed à propria dependeret adæquatè, si  
adesset; ergo & à qualibet ex illis personis.  
Non dependeret autem, quia non potest ali-  
quid ab alio dependere propriè loquendo,  
nisi indigeat illo alio, (ut ostendi fusè in phy-  
fica) sed in casu nostro natura non indigeret

complemento sibi dato ab una ex illis personis, ergo ab illa non posset dependere.

*Obijc: contra primam partem.* In tali casu essent duo homines, vel unus homo, sed neutrum dici potest: ergo; maj: est certa. Prob: min: non unus, quia non una sola natura est, non etiam plures, quia non essent plura supposita: ergo. &c. Quod essent plures homines, quia (ut fusè ostendi in physica) ad multiplicationem concreti substantialis, sufficit multiplicatio formæ.

*Dices cum Pontio contra hoc.* Christus Dominus includit defacto duas naturas, & tamen non potest dici duæ substantiæ; ergo non sufficit naturarum pluralitas ad multiplicationem concreti substantialis. &c. concedendo anteced: & distingu: consequens, ad multiplicationem concreti dicentis primariò formam, nego consequ: dicentis primariò suppositum, sicut dicit Christus, concedo consequent: unde argumentum est in oppositum, nam ideo non multiplicatur concretum hoc Christus, quia primarium significatū ipsius, nimirum suppositum, non multiplicatur, in proposito autem nostro, multiplicatur natura humana, quæ est primarium significatum concreti Homo, ergo & multiplicabitur ipsum concretum.

Concretū  
Christus  
primariò  
dicit sup-  
positum.

*Obijc: contra 2. partem.* Tres personæ divinae subsistunt in una natura; ergo & subsistere possunt in una natura humana. &c. negando consequentiam: ratio disparitatis est, quia natu-



natura divina infinita est, & illimitata, humana verò limitata, & finita.

*Obijc: 2.* Ideo potuit natura assumi à Filio, quia habuit potentiam obedientialem ad hoc ut possit assumi, sed non obstante illà assumptione, habuit potentiam obedientialem, ut etiam uniretur Patri; ergo. *ꝛ.* disting: maj: Ideo, & quia non erat aliquod impedimentum ad Filium, concedo maj: ideò præcisè, nego maj: & concessã min: nego consequentiã.

Dixi *immediatè* in Conclusionè. Quia potest natura creata assumi immediatè ad unionem essentia divinae, quæ in se subsistens est, & independens, quamvis communicabiliter, ut ostendì, assert: 8. columna 7. & consequenter potest terminare dependentiam naturæ creatæ, sed in tali casu assumeretur natura mediata à tribus personis; ergo mediata potest sic assumi, quamvis non immediatè.

ASSERTIO X. Verbū divinum defacto assumpsit animam rationalem, & verum corpus organicum, prius unitum animæ, cum omnibus partibus solidis, requisitis ad integritatem ejusdem: sanguinem verò immediatè non assumpsit.

*Quid assumpsit defacto Verbum.*

*Probatur 1. pars*, loquendo de anima. tum ex Scriptura: *Tristis est anima mea usq; ad mortem.* Tum quia *nihil est curatum*, teste Damasc: l. 3. de fide, *quod non fuit assumptum.* ergo si Christus non assumpsit veram animā, & verum corpus, neutrum fuit verè curatum. tum etiam, quia assumpsit veram humanitatem, aliàs non esset homo: ergo & veram animam, & verum corpus.

*Confirm:* hoc, loquendo de corpore Joann:  
1. *Verbum caro factum est.* Rom: 1. *Qui factus*  
*est ex semine David, secundum carnem.* ergo.

*Prob:* 3. pars. Christus immediatè assump-  
sit humanitatem; sed hoc non esset verum,  
nisi assumeret corpus unitum animæ, ergo  
assumpsit.

*Sanguinē  
assumpsit  
mediatē.*

*Probatur ultima pars* de sanguine (contro-  
versiam ortam inter B. Jacobum nostrum de  
Marchia, & Franciscanos omnes ex una par-  
te; & P. Jacobum à Brixia Dominicanum,  
cum suis ex altera parte, in hac materia an-  
no 1462. ejusq; initium & finem fideliter &  
fusè tractat doctissimus noster Antonius Hi-  
queus, in sua nitela Franciscana, p. 444. &  
sequi: ubi adducit Bullam Pij II. quæ teste Ar-  
riagâ, ultima est in Bullario, in qua definiti-  
va datur sententia, pro parte illorum, qui  
cum B. Jacobo conclusionem nostram, ut  
probabilem, tenuerunt) prob: inquam, san-  
guis non spectat ad primariam constitutionē  
hominis: ergo non debet immediatè assumi,  
quamvis sic sit assumptus homo. Prob: antec:  
tum quia sanguis non animatur, ut docet A-  
ristot: 2. de partibus animal: cap: 10. ergo non  
spectat ad partes primario constituentes ho-  
minem. Tum etiam, quia si esset talis pars,  
deberet vi verborum poni sub speciebus pa-  
nis, sicut ponitur corpus; sed non ponitur,  
ut definit Trident: sess: 13. cap: 3. ergo.

*Confirm:* Mantuæ, & apud S. Maximinum  
ostenduntur duæ ampullæ sanguinis Christi,  
collecti à Magdalena sub cruce, ut docet tra-  
ditio in Ecclesia recepta, & patet ex decreta-  
li illa Bulla Pij II. in qua asseritur, quod non

fit contra fidem tenere, quòd Christus Dominus reliquerit in terris particulam aliquā sui pretiosi sanguinis, sed hoc non esset verum, si sanguis fuisset immediatè assumptus, quia quod Verbum semel assumpsit, nunquā dimisit, ut post Damasc: Theologi communiter loquuntur; ergo nunquam immediatè assumpsit sanguinem.

Dixi *immediatè*, quia certum est Verbum assumpsisse sanguinem, sicut & alios corporis humores mediatè, nam qui assumpsit hominem, assumpsit omnia, quæ spectat ad integritatem & perfectionem ipsius, saltem mediatè; sed verbum assumpsit humanitatem, ad cujus integritatem & perfectionem spectat sanguis: ergo. Et hoc sufficit ad hoc ut dicatur, quòd sanguis Christi nos purgavit, liberavit, redemit, &c. quamvis valorem illum, non aliā ratione habuit, nisi (ut loquitur August: 13. Trinit: cap: 15.) quia ejus erat, qui nullum omninò habuit peccatum: sufficit etiam ad satisfaciendum, Trident: sess: 13. c. 3. ubi videtur dicere, sanguinem esse partē corporis, si dicatur, quòd sit pars non de primaria, sed de secundaria constitutione corporis.

Hinc colligere possumus, Verbum divinū *Enumerā-* per se, & immediatè assumpsisse caput, cor, *tur partes* carnem, ossa, manus, & pedes, dentes verò, *immediatè assum-* ungues, & capillos, non assumpsisse, nisi *pt 2.* mediatè tantum; ratio est, quia jam numeratæ primæ partes sunt de primaria constitutione hominis: annumeratæ verò in secundā parte non sunt, quia non animantur, ut docui in libris de anima.

*Quid prius  
assumpsit  
Verbum.*

ASSERTIO XI. Ordine intentionis, & executionis, Verbum prius naturam assumpsit humanitatem ut *quod*, quam animam, aut alias partes. Ut probetur hæc conclusio, Adverte, illud dici assumi ut *quod*, quod in se primò assumitur, & ratione cuius alia assumuntur: medium verò, quo assumptionis est forma illa, quæ constituit aliud, in esse talis speciei formaliter. Jam.

*Prob: 1. pars.* Omne agens à proposito prius intendit totum, quam partes. ergo ordine intentionis Verbum prius assumpsit humanitatem quam partes.

*Prob: 2. pars.* Illud fuit primò assumptum à Verbo, quod est in se primò personabile, & personatur; sed humanitas prius personatur, quam partes; ergo prius etiam assumitur in executione ad alienam personam, quam partes. *Prob: maj:* Assumptio naturæ fuit terminata ad personalitatem Verbi; ergo illud fuit primò assumptum, quod fuit primò personabile. *Prob: etiam min:* sola natura substantialis integra, potest cum suppositualitate facere personam, sed sola humanitas in homine est natura integra; ergo prius est personabilis quam partes.

*Confirm:* In eodem instanti fuit natura personata personalitate Verbi, quo fuisset propria personalitate; sed propria fuisset prius personata quam partes, ergo fuit personata personalitate Verbi, suppletè vices personalitatis propriæ, prius quam partes.

*Obijc:* Sanctos PP: apud Suarem hic, qui dicunt verbum assumpsisse carnem mediante ani-



anima; ergo R. dist: antec: mediante animâ,  
*ut quo*, concedo antec: *ut quod*, nego antec:

*Obijc: 2.* Primum in intentione, est ultimum in executione; atq; tota humanitas ordine intentionis fuit primò assumpta, ergo ordine executionis ultimò assumi debuit. R. dist: maj: est ultimum in executione viâ generationis, & productionis, concedo maj: viâ personationis, nego maj: & concessâ min: nego consequentiam.

ASSERTIO XII. Organisatio, seu *Simultas* carnis conceptio, & unio ejusdem ad verbum *temporis* fuerunt simul tempore; naturæ tamen ordi-*fuit in par*ne, conceptio præcessit animationem, & a-*tibus as* nimatio totius naturæ, unionem ejusdem ad *sumptis.* Verbum.

*Prob: 1. pars.* Tum quia illa omnia in eodem instanti divinitus fieri poterant; tum etiam, quia ultimata dispositio ad formam, nunquam præcedit tempore ipsam formam, in materia, sed organisatio est ultima formæ disponentis ad animam inductio: ergo non præcessit tempore animam. Unde est illud 6. Synodi ar: 6. & 11. *Simul quippe caro, simul Dei Verbi caro, simul caro animata rationalis, simul Dei caro animata rationalis.*

*Prob: 2. pars.* Prius naturâ res quævis in se est, quàm aliud suscipiat, aut ad alterum suscipiatur; ergo prius naturâ corpus est organisatum, quàm sit animatum; & totum animatum in se existit, quàm ad unionem Verbi assumitur.


ASSERTIO XIII. Verbum non as-*sine media* sumpsit naturam humanam mediante gratia *gratia ha-* habituali, prius naturâ aut tempore infor-*bit: natura* man-*est assumpta.*

mante illam. *Prob:* in eodem instanti, natura personatur personalitate Verbi, quo personaretur propriâ personalitate, si non esset assumpta; sed personaretur propriâ personalitate, ante infusionem gratiæ habitualis: ergo. *prob:* min: actus per se cujuscunq; rei, priùs naturâ illi convenit, quàm actus per accidens (ut probavi primò physicorum) sed personalitas est actus per se naturæ singularis, & gratia est actus tantùm per accidens ejus; ergo priùs convenit naturæ personari, quàm recipere gratiam.

*Obijc:* Hypostaticè uniri Verbo, excedit facultates naturæ creatæ, ergo non potest sic uniri, nisi mediante gratiâ. *R.* dist: consequens, nisi mediante gratiâ habituali, quæ est dispositio aliqua prærequisita ad unionem. Verbi, nego consequ: mediante gratiâ, id est, gratuitâ Dei voluntate, concedo consequ:

## EPISTYLIUM PROBLEMATI-CUM COLUMNÆ XXV.

*An Unio Hypostatica concursu physico  
Beatissimæ Virginis, producta sit?*



# COLUMNNA XXVI.

## *De causis Incarnationis.*

**A**SSERTIO I. Licet solus Filius defa- *Actio effi-*  
cto incarnatus sit, & formaliter termi- *ciens In-*  
naverit unionem hypostaticam, nullā tamen *carnatio-*  
habuit actionem efficientem terminatam ad *nem com-*  
illam unionem, distinctam, ab actione, tri- *munis 3.*  
bus personis communi, quā Tota, & sola *personis*  
Trinitas unionem illam produxit. Hæc est *fuit.*  
certa de fide, patet ex Conc: Nicæ: act: 2. La-  
teran: sub Innoc: III. & ex cap: *Firmiter*, de  
Summa Trinitate, & ratio est, quia opera  
Trinitatis ad extra sunt indivisibilia, ut dixi-  
mus Columnā 6. ergo. non potest secunda  
persona in genere causæ efficientis, ullam ha-  
bere actionem terminatam ad unionem, di-  
stinctam ab actione totius Trinitatis. De hac  
autem non controversatur, sed potiùs de cau-  
sa finali Adventûs Christi in carne; de qua  
fit.

**A**SSERTIO II. Si Adam non peccas- *Adamo nō*  
set, Filius Dei carnem assumpsisset. *Prob: peccante*  
Deus defacto ordine intentionis priùs decre- *Incarna-*  
vit adventum Christi, quam prævidit permis- *tio fuisset.*  
sionem peccati; ergo quamvis Adam nun-  
quam peccasset, Filius Dei carnem assumpsis-  
set. Prob: antec: Prædestinavit Deus homines  
ad gloriam, & consequenter Christum, prius-  
quàm decrevit permittere peccatum, ut an-  
tea

tea probavi Assert: 10. colum: 5. ergo priùs decrevit Deus prædestinationem Christi, & consequenter ejus adventum, quam decrevit permissionem peccati, & consequenter venisset in carne, etiamsi Adam nunquam peccasset.

*Confirm:* Omnis gratia & benedictio nobis concessa, teste Apost: ad Ephes: 1. in ordine, ad vitam æternam consequendam, collata est nobis propter Christum, & consequenter Christus fuit prædestinatus non solùm antè homines, sed etiam ante prævisionem peccati.

*Prob: 2.* Conclusio ratione. Ordinatè volens finem, ordine intentionis priùs vult finem quàm media, & inter ipsa media illud priùs vult, quod est fini propinquius, sed Deus est ordinatè volens; ergo primò vult suam gloriam, propter quam omnia fecit; & mediatè post, quod ad hanc gloriam manifestandam maximè conducit; sed inter omnia media manifestativa gloriæ Dei, nullum est principalius, aut aptius, quàm incarnatio Verbi, ergo ante omnia alia media prælegit incarnationem. *Prob: min:* Perfectiùs hoc mysterio manifestavit Deus omnia attributa sua, quàm ullo alio opere ad extra, ut probavi assert: 4. præc: Colum: ergo nullum est medium, quo magis manifestatur gloria Dei, & consequenter propinquius fini à Deo primò voluto, quàm sit incarnatio.

Obijciunt Adversarij varias Scripturæ, Conciliorum, ac SS. PP. autoritates. (videndas apud Suarem hic) quæ clarè nostræ Conclusionis oppositum videntur indicare; ergo. &c. ad omnes generaliter, quod aliud non pro-



probent, aut velint, quàm quòd Christus non venisset in carne passibili, hoc est, in carne proximè obnoxia illis passionibus, quas defactò pro nostra redemptione Christus sustinuit; aut quòd non venisset ut Redemptor, nisi esset peccatum commissum, quia tunc nulla esset necessitas redemptionis, quod totum nos fatemur; adhuc tamen dicimus, quòd non existente Adæ peccato, venisset Christus in carne impassibili, seu non subiecta illis passionibus, & hoc ut justificator, Dignificator, & Glorificator nostræ naturæ. Et per hoc patet resolutio ad alia multa argumenta, quæ hic contra nos ab adversarijs adducuntur. Tamen.

*Obijc:* 2. Christus non poterat venire vi illius decreti defactò habiti, nisi in carne passibili, ergo distinctio nostra de carne passibili, & impassibili, est tantum excogitata. Prob: antec: Non veniret vi decreti illius defactò habiti, nisi eo modo, quo defactò venerat, sed venerat in carne passibili, ergo non veniret vi illius decreti defactò habiti, nisi in carne passibili. R. dist: antec: vi illius decreti defactò habiti, transeat antec: vi ullius decreti defactò habiti, & alterius, quod necessariò haberetur de carne impassibili, si Adam non peccasset, nego antec: & consequentiam.

Itaq; Deus defactò duo habuit decreta circa hoc mysterium, per quorum primùm determinavit absolutè adventum Christi, abstrahendo à modo quo veniret: per alterum verò præviso Adami peccato determinavit modum, nimirum ut veniret in carne passibili, ad satisfaciendum pro genere humano: unde

*Duo Decreta habuit Deus circa Incarnat:*

unde si peccatum non esset futurum, non haberet Deus decretum hoc secundum de modo, sed ejus loco, ex illo decreto primo de substantia Incarnationis, sequeretur aliud decretum de modo impassibilitatis, & sic quamvis non veniret vi illius unius decreti defacto existentis, si Adam non peccasset, veniret tamen vi unius decreti jam existentis, & alterius, quod tunc sequeretur ad ipsum.

*Delebit a-  
ctuale &  
originale  
per suum  
adventu.*

ASSERTIO III. Venit defacto Christus non solum ad delendum originale, sed etiam actuale peccatum. Est de fide. *Prob-  
tum ex Script: Joann: 1. Ecce Agnus Dei, &c.  
& 10. Sanguis JESU Christi emundat nos ab om-  
ni peccato.* Tum etiam ratione. Christus instituit remedia, Sacramenta scilicet, ad delendum utrumq; peccatum, ergo defacto venit propter utrumq;.

*Propter  
solum ori-  
ginale ve-  
nisset Chri-  
stus,  
Non tamen*

ASSERTIO IV. Si solum fuisset originale peccatum sine actuali, venisset Christus in carne passibili, non vero vi (saltem illius decreti defacto existentis) sic veniret, propter sola actualia, secluso originali, commissa.

*Vi hujus de-  
creti de-  
facto ha-  
biti.*

*Probatur 1. pars.* Venit defacto ad redimendum genus humanum a servitute diaboli; sed si solum fuisset peccatum originale, haberet illud motiyum veniendi. ergo.

*Confirm: PP. docent, principale motivum Incarnationis defacto fuisse originale, juxta illud D. Gregorij, Si Adam non peccaret, Redemptorem nostrum carnem assumere non oporteret.* Et notum illud Ecclesie, in benedictione cerei paschalis, dictum: *O necessarium, Ad peccatum, quod Christi morte est deletum.* ergo.

*Pro-*

*Probatur 2. pars.* Quia nec ratione nec auctoritate probatur, quod sic veniret vi illius decreti defacto habiti, nam decretum Dei defacto, de Adventu Christi, respicit utrumq; peccatum: ergo si non esset originale, non existeret hoc decretum; & consequenter vi illius, existente actuali tantum peccato, sine originali, Christus non veniret.

ASSERTIO V. Hæc propositio, Christus est prædestinatus, est vera. *Prob:* tum quia Deus efficaci voluntate decrevit, ut Christus æternâ beatitudine frueretur: ergo verè potest dici prædestinatus. Tum etiam ex Tolet: II. in quo hæc habentur verba, *quod ex MARIA Virgine natus est, & factus, & prædestinatus esse est credendus.* Tum deniq; quia Christus sine addito dicitur *exaltatus, glorificatus, &c.* ergo simpliciter, & sine addito, dici potest prædestinatus.

ASSERTIO VI. Prædestinatio Christi est causa nostræ prædestinationis. *Prob:* ex Script: ad Ephes: 1. *Benedixit nos omni benedictione in Christo, sicut elegit nos in ipso ante mundi constitutionem.* Et infra. *Prædestinavit nos in adoptionem filiorum;* tum etiam, quia salvamur ob gloriam Christi, quæ est causa finalis nostræ justificationis: ergo & prædestinamur ob illam gloriam, quæ est terminus prædestinationis Christi.

ASSERTIO VII. Beatissima Virgo, Maria vera Mater est Dei, & Hominis. est communiter Dei, & hominis. *Prob:* 1. pars. tum ex illo ad Galat: 4. *Misit Deus Filium suum.* tum etiam, quia est vera Mater Christi, qui Deus est, ergo & Dei.

*Probatur 2. pars.* Quidquid requiritur in alijs,

alijs, fæminis ad rationem maternitatis, invenitur in Virgine respectu Christi, ut hominis, ergo. prob: antecedit: nil requiritur in alijs, nisi ut concurrant ad productionem humanitatis, subministrando materiam, ex qua fit corpus organicum; sed hoc fecit Beata Virgo. ergo.

*Obijc:* Virginitas, & Maternitas opponuntur inter se; ergo si Dei genitrix est Virgo, non potest esse Mater. *æ.* negando antecedit: nam virginitas solùm excludit actionem viri, non verò virtutem activam concurrendi ad generationem corporis organici; Maternitas etiam non infert necessariò nisi actionem viri, vel alterius, suppletis vices ejus; unde si alius suppleret concursum viri, prout in nostro proposito fecit Spiritus Sanctus, posset Virgo esse Mater, sicut defactò est Virgo MARIA.

*Due filiationes Christi.*

ASSERTIO VIII. In Christo sunt duæ Filiationes, seu relationes reales, una æterna, à qua habet esse Filius propriè dictus Patris, altera temporalis, à qua habet esse Filius Deiparæ.

*Probatur 1. pars.* Quia, ut jam dixi, Christus est Filius Dei vivi, ergo dicit relationem veram, & realem filiationis æternæ ad Patrē.

*Prob: 2. pars.* Tum quia Christus quā Homo, est verè genitus ex Maria Virgine; ergo est verus Filius ipsius, & consequenter dicit veram relationem filiationis temporalis ad Matrem, cum nil obstat. *Confirm:* Si Spiritus sanctus esset loco Verbi incarnatus, esset Filius D. Virginis, per relationem veram novam terminatam ad ipsam; ergo à paritate Christi.



Christus habet ad illam relationem temporalem.

*Dices.* Non ideo Petrum, v. g. dicere relationem Filiationis temporaneæ, quia per veram generationem à parente accipit naturam similem naturæ parentis. ergo. Contra ad resultantiam novæ Filiationis, non requiritur negatio alterius filiationis in supposito, alias idem parens ad diversos filios non diceret diversas numero relationes, quod est falsum, (ut vidimus in Logica in tract: de præd: agendo de relatione) ergo filiatio æterna Christi non impedit, quo minus quæ homo, habeat relationem aliam Filiationis ad Matrem: Et per hoc patet, quod plures Filiationes in eodem supposito esse possint.

*Obijc:* Suppositum Christi est incapax omnis novæ relationis: ergo & Filiationis creatæ novæ. R. dist. antec: subjectivè, seu intrinsecè, concedo antec: denominativè, seu extrinsecè, nego antec: & consequ: Relatio creata Filiationis, subjectatur non in supposito Christi, sed in ipsa ejus humanitate, & hoc sufficit ad hoc, ut ipsum denominet Filiū.

*Dices.* Natura abstrahens à supposito non denominatur Filia, ergo Filiatio in ipsa non subjectatur. R. negando consequ: quia talis denominatio requirit, tanquam conditionem, sine qua non, naturam suppositatam.

*Obijc:* Una Filiatio constituit unum Filium, ergo si in Christo sunt duæ filiationes, erunt duo Filij. R. concedendo antec: & negando consequ: quia ad multiplicationem concreti, requiritur multiplicatio tam formæ, quam suppositi, nisi sint formæ absolutæ, & sub-

*Quid requiritur ad multiplicationem concreti.*

stantiales, quod dico propter ea, quæ supra de assumptione plurium naturarum dixi.

*Filius naturalis Dei non verò adoptivus.*

ASSERTIO IX. Christus Dominus non solum quæ Deus, sed etiam quæ homo, est Filius naturalis. *Probatur:* tum ex scriptis: Rom: 8. *Proprio filio suo non pepercit Deus, &c.* & Matth: 16. *Tu es Christus filius Dei vivi.* tum etiam authorit: D. August: lib: contra Secundinum Manich. cap: 5. *Lege, inquit, scripturas, & nunquam invenies de Christo dictum, quod adoptivus sit Filius DEI.* Idem docuit Conc: Francofurt: sub Adriano I. Tum etiam ratione: Filiatio adoptiva, & naturalis, exigunt duas personas, quarum una est extranea, sed sine errore duas in Christo personas admittere non possumus; ergo nec dicere, quod sit Filius adoptivus.

*Requisita ad filiatiorem naturalem.*

*Confirm.* Ut aliquis dicatur filius naturalis alicujus Patris, sufficit, quod procedat naturaliter ab ipso, in similitudinem naturæ intellectualis, vel quod ex vi suæ generationis, uniatur personæ sic ab ipso procedenti, sed humanitas Christi, in primo instanti reali suæ conceptionis & generationis, fuit unita. Verbo, à Patre æterno, in similitudinem naturæ producto: ergo Christus etiam, secundum quod Homo, est Filius Dei naturalis, & non adoptivus.

*Obijc:* Ideo nos dicimur Filij adoptivi Dei, quia ex gratuita Dei voluntate mediante gratiâ sanctificante acquirimus jus ad hæreditatem æternam, sed Christus acquisivit similiter jus ad hæreditatem æternam mediante gratiâ sanctificante, ergo est Filius adoptivus. R. negando maj: præcisè, sed quia

ipræ-

præterea persona nostra est diversa, à persona Filij naturalis; at persona Christi non est distincta à persona filij naturalis: ergo.

ASSERTIO X. Beatissima Virgo nunquam infecta fuit maculâ peccati originalis. *Virgo Maria sine*

*Probatur 1.* Quod cedit in laudem & perfectionem Matris Dei, asserendum est, nisi ratione, vel autoritate constet oppositum, sed in laudem & honorem Virginis gloriosæ cedit, quod concepta fuerit sine peccato originali, & oppositum nec ratione, nec autoritate probatur. ergo. Maj: est certa. Prob: min: cedit in laudem & perfectionem Virginis, quod paulò post conceptionem fuerit sanctificata, & liberata à peccato originali, secundum adversarios: ergo similiter cedit *Probatio* in honorem, & laudem ejus quod sanctificatur *à ratione.* & liberaretur ab originali pro primo instanti suæ conceptionis, hoc est, infusionis animæ ad corpus.

*Confirm.* Diva Virgo non esset summè obligata suo Filio, ut Mediatori, nisi ab eo summum acciperet bonum, quod potest per mediatorem haberi; sed præservatio à culpa originali potest haberi à mediatore pro quocunq; instanti, quia in hoc nulla est implicancia, ergo.

Autoritates Patrum, pro hac Catholica assertione, fusissime vidè citatas in Rosario Cavelli, quod per modum appendicis in fine lib: 3. sent: nostri Doctoris habetur; quas authoritates dum videret Blossius, vir pius & venerabilis, admirabundus, exclamavit in hunc *Probatio* modum: *ab authoritate.* Mirum sanè est, adhuc in nostro ævo inveniri aliquos, qui puritatem Virginis

*vocant in dubium, pias aures offendit, quisquis modò asserere non veretur præcelsam illam Heroidem, quæ Spiritibus Angelicis sanctior est, obnoxiam fuisse peccato originali, quod hominem facit membrum diaboli, & filium iræ.*

Pro hac assertionem, adducunt multi auctoritates Divorum, Dominici, in tract: de corp: Christi contra hæreticos Albigenes, & Thomæ in 1. d. 44. & 3. & lect: 6. in cap: 3. ad Galat: sed quia Dominicani non libenter hoc audiunt, & quòd nostra conclusio illorum non indigeat patrocinio, sic illas omitto. unde,

*Obijc:* Ad dignificandam Beatissimam Virginem, non debet aliquid asseri, quod cederet in præjudicium Christi, sed cedit in præjudicium Christi, si dicatur, quòd sit concepta sine peccato originali. ergo. Prob: min: quia inde sequeretur Christum non futurum tam perfectum redemptorem generis humani, ac esset, si illa conciperetur in peccato originali. ergo. R. concedendo maj: & negando min: sicut & ejus probationem, nam ad hoc ut dicatur redemptor Virginis, sufficit, quòd ex prævisa morte ejus, & aliorum meritorum cumulo, eam ab omni labe præservaverit Altissimus, conferendo illi in primo instanti conceptionis gratiam sanctificantem; & non includendo illam in pacto communito cum Adamo in paradiso; qui redemptionis modus, multò excellentior est, quàm si post lapsum à macula eam liberaret.

*Obijc: 2.* Illud Scripturæ Rom: 5. *Omnes in Adam peccaverunt.* Confirm: Autoritate SS. Patrum Damasceni & Augustini lib: de fide ad Petrum: *Firmissimè*, inquit, *tene, &*  
nulla-

*Modus redemptionis B. Virginis ab omni labe excellentissimus.*



nullatenus dubites, omnem hominem, qui per concubitum viri & mulieris concipitur, cum peccato originali nasci. Sed sic fuit concepta B. Virgo: ergo. R. Paulum esse intelligendū tam in illo, quā etiam in alijs locis cum distributione accommodata, quasi diceret, *Omnes*, exceptā B. V. & Christo. Ad Augustinum, etiam similiter respondeo, cum nimirum esse intelligendum, cum exceptione accommodata, nam ut ipse affirmat, de natura & gratia c. 3. *Cum de peccatis agitur, de B. Virgine nullam prorsus vult habere questionem.*

ASSERTIO XI. Nec defacto Christi *Christus* stus meruit sibi incarnationem; nec de ulla *nō meruit* potentia potuit illam mereri per merita an- *incarnati-* tecedentia illam. *Prob: 1. pars. 1. Ex va-* riijs Scripturæ locis, in quibus hoc mysteriū *onem.* solius Dei misericordiæ & benignitati adscribitur, sic habetur ad Titum 3. *Apparuit benignitas & humanitas Salvatoris Dei nostri, &c.* Lucæ 1. *Per viscera misericordiæ Dei nostri.* sed si natura humana Christi antecederet ad unionem hypostaticam meruisset incarnationem, non esset opus benignitatis, aut misericordiæ, incarnatio Verbi, sed potius iustitiæ, ergo.

*Prob: 2. ratione.* Omnia opera Christi præsupponebant ipsum Christum existentem; ergo non merebantur ipsius existentiam.

*Prob: 2. pars.* Nec Christus unquam fuit, *Quid sit* nec divinitus esse potuit, sine unione hypo- *Christus.* statica ad Verbum: ergo non potuit habere ulla opera meritoria antecedentia incarnationem, per quæ mereretur illam. Prob: antec: quia Christus nil est aliud, nisi humanæ

& divinæ naturæ in eodem supposito Verbi unio : ergo non potest esse sine ulla unione.

*Obje:* Christus meruit humanitatem suam reuniri divinitati in resurrectione ; ergo poterat etiam primam unionem humanitatis ad Verbum mereri. *Prob:* consequentia. secunda unio non est minoris dignitatis quàm prima ; ergo si meruit secundam , potuit & primam mereri. *Et.* concedendo antec : & negando consequentiam , ejusq; probationis consequentiam , & ratio disparitatis est , quia Christus ipse , & merita ejus quasi omnia , præcesserunt secundam illam unionem , qua facta est post triduum mortis , & sic poterat illam mereri : At nec ipse Christus , nec meritum ipsius actu exhibitum , præcessit primam unionem hypostaticam naturæ humanæ ad Verbum , & consequenter per merita antecedentia non poterat illam mereri.

*Natum humana divinitus incarnationem mereri potuit.*

ASSERTIO XII. Potuit divinitus natura humana Christi antecedenter ad unionem hypostaticam , mereri incarnationem Filij Dei.

*Ut probetur Conclusio,* Adverte eam supponere , quod natura humana Christi sub propria personalitate existere potuerit per certum tempus , antequam assumpta fuit à Verbo divino. quo supposito

*Prob:* Conclusio independentem à meritis Christi ; Potuit Deus divinitus conferre tali naturæ sic existenti , gratiam sanctificantem , aliâq; requisita ad opera meritoria de condigno ; ergo in tali casu potuisset natura humana Christi mereri incarnationem Filij Dei ; nec contra hoc militat inæqualitas meriti ad præ-

præmium, ut patet ex dictis assert: 9. Columnâ 24. de Merito; nec etiam, quia principiū meriti non potest cadere sub merito; quia nos non dicimus, quòd Christus potuisset sibi mereri unionem hypostaticam; sed potiùs quòd natura humana Christi, casu quo præcederet unionem hypostaticam, haberétq; omnia requisita ad meritum de condigno, potuisset talem unionem mereri.

ASSERTIO XIII. De potentia abso- *B. Virgo*  
luta pura creatura potest mereri unionem, *nō meruit*  
hypostaticam quoad substantiam; defacto ta- *incarna-*  
men, nec Beata Virgo, nec SS. Patres eam sic *tionem.*  
meruerunt.

*Prob: 1. pars.* Tum ex dictis assert: præced:  
tum etiam, quia in hoc nulla est implicantia;  
tum denique, quia inter meritum & præmiū  
non requiritur æqualitas; ergo de potentia  
absoluta potest pura creatura mereri incar-  
nationem quoad substantiam. *Prob: ultimū*  
antecedens & si deberet esse æqualitas inter  
meritum, & præmium de condigno, nemo  
prudenter operaretur merens, commutando  
scilicet meritum de condigno, pro præmio,  
ut examinanti patet; nam si unum est æq;  
bonum ac alterum, moraliter loquendo, cur  
possit quis prudenter laborare, commutando  
unum pro altero? ergo. Deinde secundū *Impugna-*  
Vasquem. (contra hunc agimus) præmium, *tur Va-*  
quandoq; exceditur à merito, sine offensione *squez-*  
justitiæ cōmutatiuæ, ut patet in merito Chri-  
sti, quod secundū ipsum, infinitum est ra-  
tione personæ: ergo à paritate præmium po-  
test

test excedere meritum de condigno, sine offensione iustitiæ commutativæ; imò defacto excedit, quia iusti in via merentur gloriam de condigno, quæ longè excedit eorum merita, juxta illud Apost: *Non sunt condignæ passionibus hujus temporis, &c.*

*Prob: 2. pars.* Tum quia nullum est opus inter omnia Dei opera ad extra, magis gratuitum, quàm sit hoc Incarnationis opus, ut patet ex illo Luca 1. *Per viscera misericordiae Dei nostri, &c.* ergo. Tum etiam, quia nec beata Virgo, nec Sancti Patres potuerunt mereri substantiam incarnationis, nisi mediante gratiâ; sed antequam Deus decrevit aut uni, aut alteri dare gratiam, decrevit incarnationem quoad substantiam: ergo. *Prob: minor.* Omnis gratia collata Sanctis omnibus, fuit ipsis data intuitu meritorum Christi prævisorum; ergo merita Christi prævisa præcesserunt collationem omnis gratiæ, & consequenter meritorum, B. Virgini collatæ. Subsumo, sed merita illa Christi non fuerunt prævisa absolute futura, antequam prævisa fuit incarnatio: ergo.


*Obijc:* Diva Virgo secundum Scotum meruit esse Mater Dei (hoc enim cedit in dignitatem & gloriam Virginis, & non implicat) ergo meruit incarnationem quoad substantiam. *Prob: consequentia.* Si B. Virgo meruit esse Mater Christi, meruit similiter quòd Christus sit Filius ejus per generationem, sed hoc est mereri incarnationem quoad substantiam, ergo. *ꝛ. concedendo antec: negando*



gendo, consequi: ad cuius probationem dico  
 B. Virginem utrumq; meruisse, quòd scilicet  
 sit Mater Christi, & etiam quòd Christus sit. *Nec ma-*  
*Filius ipsius; sed nego hoc esse mereri incar-* *ternitas,*  
*nationem quoad substantiam, nam nec ma-* *nec filiatio.*  
*ternitas Virginis, nec Filiatio temporalis* *temporalis*  
*Christi ad Matrem, est de substantia incarna-* *est de sub-*  
*tionis; quia potuit fuisse incarnatio quoad* *stantia in-*  
*substantiam, solo Deo efficienter concur-* *carnatio-*  
*rente ad generationem, & productionem.* *nis.*  
 ejus, sine ulla Matre; & consequenter nec  
 generatio ejus à Matre, nec Maternitas, aut  
 Filiatio, est de substantia incarnationis.

## EPYSTILIUM PROBLEMATICUM COLUMNÆ XXVI.

*Quisquis Beatam Virginem sine labe con-*  
*ceptam fuisse divinitus propugnat,*  
*Scotista est; an ergo Neutrista Sco-*  
*rista dicendi sunt?*



## COLVMNA XXVII.

*De existentia, idiomatum communi-  
catione, ac Gratia Christi.*

*Due exi-  
stentia,  
duæq; vo-  
luntates in  
Christo.*

**A**SSERTIO I. In Christo duæ sunt  
existentiæ, duæq; voluntates, non duo  
tamen, sed unus est Christus.

*Prob: 1. pars.* In Christo dantur duæ essen-  
tiæ, realiter inter se distinctæ, quarum una  
est creata, & altera increata, ergo & duæ  
existentiæ. Antec: est de fide. Probatur ergo  
consequentia, nec realiter nec formaliter e-  
xistentia ullius rei, distinguitur ab ejus es-  
sentia (ut fusè probavi in Metaphysica, & sa-  
tis evidenter assert: 4. columnæ 2.) ergo si  
dantur in Christo duæ essentiæ, seu naturæ,  
quarum una est creata, & altera increata, da-  
buntur etiam duæ existentia.

*Prob: 2. pars,* quæ est de fide, sæpè definita  
contra Monothelitas; in Scriptura frequen-  
ter Christus dicit suam voluntatem distingui  
à voluntate Patris; sed hoc non esset verum,  
nisi in ipso essent duæ voluntates; ergo. prob:  
maj: Lucæ 22. *Non mea voluntas, sed tua fiat.*  
Joann: *Non quero voluntatem meam, sed ejus,*  
*qui misit me, Patris.* ergo. Prob: jam minor:  
Natura divina, quæ est in Patre, est etiam in  
Christo, ergo & voluntas, quæ est attributū  
absolutum naturæ divinæ Patris, est etiam in  
Christo.

*Ut probetur 3. pars*, Adverte, quòd in hoc incarnationis, nec non supremò Trinitatis mysterio, hæ voces, unus, alius, duo, tres, in masculino genere sumptæ, hypostasim, seu personam significant; In neutro verò genere acceptæ, unam, vel plures naturas significant: unde in divinis non licet dicere aliud Pater, aliud Filius, aliud Spiritus Sanctus, aut Pater, & Filius sunt duo neutraliter, quia termini illi in neutro genere sumpti connotant naturam, quæ in divinis non multiplicatur, in masculino verò genere connotant suppositum; propterea congruè loquitur qui dicit, alius est Pater, alius Filius, alius Spiritus sanctus. jam.

*Christus non est aliqua duo.*

*Prob:* Conclusio, tum ex 5. Synodo gener: colla: 8. cap: 1. Et ex Lateran: sub Martino I. consult: 5. can: 6. quibus in locis expressè definitur: tum etiam, quia ly duo masculinè sumptum, denotat dualitatem suppositi seu personæ, sed in Christo non sunt duo supposita, ut est de fide: ergo.

*Nec etiam potest dici duo neutraliter*, quia quamvis includat aliqua duo, id est, duas naturas, adhuc tamen una ex illis de illo in recto prædicari non potest, nempe creata, sed deberet sic dici de illo, si essent aliqua duo neutraliter: ergo. min: est communis: probatur ergo maj: abstractum in creatis non potest prædicari de suo concreto (ut fusè ostenditur in Logica) ergo de Christo natura humana in recto prædicari non potest, & consequenter non erunt aliqua duo.

*Obijc: contra 1. partem*, eadem res, duplici simul existentia existere non potest, sed hoc esset

esset falsum, si in Christo essent duæ existentia: ergo. maj: est certa. Prob: min: suppositum Christi existeret simpliciter existentia increata, & in casu nostræ assertionis, existeret etiam existentia creata; ergo existeret duplici existentia. R. dist: maj: duplici existentia, ita ut utraq; sit ipsi intrinseca, concedo maj: ita ut una conveniat ipsi ab intrinseco, & altera ab extrinseco, seu per communicationem idiomatum, nego maj: & distinctâ similiter min: nego consequentiam.

*Obje: contra 2. partem,* duas Epist: Honorij Papæ ad Sergium, relatas in 6. Synodo generali act: 6. & 7. in quibus Pontifex definivit oppositum nostræ conclusionis: ergo. R. Honorium propter illas epistolas laudatum non fuisse in sexta Synodo; aliqui tamen dicunt injustè Pontificem fuisse ad minimum condemnatum, quia tantum voluit dicere, quòd in Christo fuit conformitas voluntatū, an autem ita est, Deus scit. Lege Bellar: lib: 4. de Rom: Pontif: cap: II.

*Obje: 2. contra eandem.* Personæ divinæ dicuntur tres masculinè propter Trinitatem personarum; & unum neutraliter propter unitatem naturæ; sed in Christo sunt duæ naturæ, ergo debet dici duo neutraliter. R. disting: maj: propter unitatem præcisè nego maj: propter unitatem naturæ, quæ de illis in abstracto, & in concreto dici potest, concedo maj: & disting: similiter min: includit duas naturas, quarum quælibet est de illo in abstracto prædicabilis, nego min: quarum quælibet non est de ipso prædicabilis, concedo min: & nego consequentiam.



ASSERTIO II. Ambæ voluntates in Christo fuerunt propriè loquendo liberæ, & inter se optimè conformes. Est quoad utrâque partem de fide. Cõformi-  
tas volun-  
tatum in  
Christo.

*Probatur 1. pars.* De voluntate increata primò, assert: 4. Colum: 5. ergo *Prob: 2. eadem pars* Esaia 53. *Oblatus est, quia ipse voluit.* Joannis 10. *Ego pono animam meam, &c.* ergo. Deinde libertas & dominium, propriarum actionum, maxima est perfectio in agente à proposito; sed Christus est tale agens. ergo fuit liber in suis actionibus.

*Probatur 2. pars.* Voluntas humana Christi efficaciter nunquam voluit impedire, quod divina ejus voluntas præcepit, aut voluit efficaciter exequi: ergo nunquam fuit illi efficaciter contraria. *Prob: antec: Joann: 4. Meus cibus est, ut faciam voluntatem, &c. & 5. Non quero voluntatem meam, &c.* ergo.

*Obijc: contra 2. partem.* Voluntas divina efficaciter voluit mortem Christi, & creata noluit, aliàs non posset dicere quòd tristaretur, & doleat de sua morte: ergo in Christo fuit contrarietas voluntatum. R. dist: antec: pro 2. parte, noluit illam mortem efficaciter; nego anteced: ineffaciter & conditionatè, transeat antec: & nego consequentiam.

ASSERTIO III. Hæc Propositio, Christus est creatura absolutè est vera. *Prob: tum* Christus  
est creatu-  
ra. *authorit: D. Hieronymi super Epist: Pauli ad Ephes: Multi, inquit, trepidant, ne Christum creaturam dicere compellantur, nos verò libere proclamamus, non esse periculum illum dicere creaturam.* Idem docet August: epist: 57. & in Enchiridio cap: 58. Tum etiam ratione: Ho-

Homo est creatura, sed Christus est homo, ergo est creatura. Tum deniq; , quia Christus absolutè dicitur de novo genitus, mortuus, & sepultus, quæ ratione naturæ humanæ tantùm illi conveniunt, ergo similiter potest dici creatura.

*Obijc:* Multi ex SS. PP. ut videre est apud Arriagam hic, negant illam propositionem, ergo. R. eam illos negare in sensu Ariarum, qui dixerunt, Christum esse puram creaturam, non verò in sensu Catholicorum, qui noster est, unde nego consequentiam. Hoc etiam modo explicari potest Doctor in 3. d. II. q. 2. ubi videtur nobis contrarius.

*Christus  
incepit esse*

ASSERTIO IV. Potest de Christo verè dici, quòd incepit esse. *Prob:* Potest de Christo dici quòd sit creatura, genitus tēporaliter, mortuus & crucifixus, quamvis prædicata illa secundum solam humanitatem illi conveniant, ergo similiter potest dici, quòd incepit esse, quamvis secundum humanitatem solam hoc illi conveniat.

*Obijc:* De Christo dicitur, quòd sit æternus: ergo non potest de eo simpliciter dici, quòd incepit esse. R. distin: consequens, quòd incepit esse secundum divinitatem, concedo consequentiam, secundum humanitatem, nego consequentiam, sicut &, quòd ab ullo unquam Concilio aut Patre, in nostro sensu propositio nostra damnata sit.

*Christus  
est Dei ser-  
vus.*

ASSERTIO V. Christus secundum naturam humanam fuit verè Patri subjectus, ejusq; servus. *Prob:* tum ex Script: Esaiæ 42. *Eccce servus meus, suscipiam eum.* & 55. *Justifi-*  
cavit

*erabit ipse justus servus meus multos.* quibus in locis sermo est de Christo, ut docent SS. PP. unde Hier: super cap. 42. Esaia ait: *Nec mirum si servus vocatur factus ex muliere, qui cum in forma Dei esset, humiliavit se, formam servi accipiens.* Tum etiam ratione, Deus est verus Dominus Christi, ut homo est, ergo Christus ut homo est verus Dei servus. Prob: antec: Dominium omnium rerum conditarum tam est intrinsecum, & connaturale Deo, ut ipsemet se illo privare non possit; sed Christus ut homo numerandus est inter res à Deo conditas, ergo.

*Confirm:* Ad fundandam relationem verā servitutis in creatura, aliud non requiritur quàm essentialis dependentia, & subordinatio ejus ad alterum, ratione cujus subordinationis, est sub potestate alterius; sed Christus secundum naturam humanam dependet essentialiter à Deo, fuitq; , & est illi subordinatus, ergo ut homo, est, & fuit verus Dei servus.

*Obijc:* Concilium Francofurt: simul cum Epistola Adriani Papæ damnant eos, qui Christum servum Dei appellant: ergo. R. (omissis varijs aliorum resolutionibus apud Suarem hic disp. 44. sect: 1. videndas) Papā, & Concilium condemnasse ibi Elipandum, & Felicem Nestorianos, qui in sensu Nestorij simpliciter, & sine ulla determinatione, Christum dixerunt servum, hoc est, purum & solum hominem, creatā personalitate subsistentem; quod non est contra nos, qui Christum divinā personalitate subsistentem, secun-

cundum humanam naturam tantum servum appellamus.

*Pro intelligentia* sequentium Adverte, nos per communicationem idiomatum in Christo idem intelligere, ac communicationem proprietatum attributalium, utriusque naturæ, & imperfectionum naturæ humanæ, ratione cujus una potest dici de altera, unde fit

*Cōmunica  
tio idio-  
matum.*

ASSERTIO VI. Prædicata omnia, & attributa divina, quæ possunt dici de Verbo, possunt etiam dici de Christo, & etiam de homine, nisi ex natura ipsorum prædicatorum contrarium colligatur.

*Prob:* De Christo, & consequenter de homine dicitur, quod sit Deus, omnipotens, omniscius, infinitæ bonitatis, & misericordiæ, ut expressè varijs in locis clamant Scripturæ: ergo.

Dixi, *quæ dicuntur de Verbo*, quia prædicata divina, quæ de Verbo non dicuntur, ut sunt hæc, est generans, est Pater æternus, est Spiritus Sanctus, &c. nequeunt dici de Christo, aut homine defacto. Dixi etiam, *nisi ex natura ipsorum prædicatorum, &c.* quia licet de Verbo dicitur, quod assumpsit humanam naturam, hoc tamen prædicatum de Christo, aut homine, dici non potest, propter repugnantiam, quæ in adjecto est.

ASSERTIO VII. Prædicata omnia convenientia humanitati, possunt dici in concreto de Christo, Verbo æterno, & Deo.

*Patet*, quia possum dicere, quod Christus, (idem dic de alijs) sit substantia, creatura, vi-  
vens,



vens, animal, &c. Dixi *in concreto*, quia in abstracto illa prædicata, sicut nec de Christo, sic etiam nec de Verbo æterno, aut Deo in abstracto dici possunt, ut patet ex ijs, quæ in Logica dixi de prædicatione abstracti de concreto; & per hoc patet, cur hæ prædicationes, divinitas est homo, aut humanitas est homo, aut humanitas est Deus, falsæ sint.

ASSERTIO VIII. Prædicata divina non possunt dici de Christo, Verbo, aut homine, in sensu reduplicativo humanitatis, nec è contra prædicata humana in sensu reduplicativo divinitatis. Et ratio est, quia per illa prædicata significaretur, quòd ratio, cur prædicata humana convenirent Christo, aut Verbo, esset divinitas, & cur prædicata divina illi convenirent, esset humanitas, quod nemo dicet.

*Quomodo  
Prædicata  
divina pos-  
sunt dici  
de Christo.*

ASSERTIO IX. Nulla prædicata competunt Christo, aut Verbo post incarnationem, quæ denotarent ipsum non habere utramq; naturam, aut naturam humanam, habere personalitatem propriam. Patet, quia de Christo dici non potest quòd sit purus homo, aut solummodò Deus. Hinc sequitur veritas sequentis assertionis.

ASSERTIO X. Quidquid essentialiter prædicatur de DEO, aut de Verbo divino, per communicationem idiomatum, potest dici de homine in Christo; & è contra, quidquid dicitur de homine, seclusâ personalitate, & alijs quæ eam sequuntur, potest in concreto dici de Christo. Hæc est communis, & patet tum ex dictis, tum etiam ex scri-

*Prædicata  
essentialia  
Dei possunt  
dici de ho-  
mine, & è  
contra.*

ptura, varijs in locis, ut Lucae 10. Joan: 10. &c. Ratio autem desumitur ex unione utriusque naturæ, in unitate ejusdem suppositi. ergo.

*Gratia habitualis non necessario requiritur ad sanctitatem animæ Christi.*

ASSERTIO XI. In anima Christi fuit gratia habitualis; potuit tamen divinitus sine illa sancta esse, & Deo grata. 1. pars quæ à multis dicitur esse de fide, probatur omnibus illis Scripturæ locis, in quibus Christus dicitur unctus, ut Act: 1. *Quomodo unxit eum Spiritu sancto.* Psal: 44. *Propterea unxit te, Deus, &c.* Joann: 1. *Vidimus gloriam ejus, quasi unigenitum à Patre, plenum gratiâ, &c.* Prob: 2. ratione, perfectiones à Deo nobis concessæ, & quæ in suo conceptu formali, nullam dicunt imperfectionem, aut repugnantiam cum unione hypostatica, negari non debent Christo; sed gratia habitualis est talis perfectio: ergo.

*Probatur 2. pars*, ex sæpè dictis de concursu Dei, se solo supplectis concursum causæ secundæ, in ordine ad justificationem. ergo.

*Defacto requiritur gratia habitualis.*

ASSERTIO XII. Anima Christi defacto non esset grata, & sancta formaliter, sine habituali gratia. Hæc est Scotistarum omnium, solo excepto Pontio, qui sine ulla necessitate à sua recessit Schola. Prob: Non redditur anima Christi formaliter sancta, aut grata Deo, per divinitatem, nec etiam per unionem hypostaticam; ergo per solam gratiam habitualement. Prob: antec: de Divinitate, Anima Christi dicitur formaliter sancta, ratione alicujus formæ inhærentis ipsi; sed divinitas nulli rei inhærerere potest per modum formæ; ergo.

*Confirm:* Divinitas vi suæ unionis cum natura humana, non magis sanctificat animam quàm corpus; quia non magis unitur uni, quàm alteri; sed non sanctificat corpus formaliter; ergo nec animam.

*Prob:* etiam antec: (principaliter loquendo de unione) Unio secundum se non sanctificat animam, ergo. *Prob:* antec: Unio illa hypostatica stare potest cum actuali peccato, & æq; unire naturam irrationalem, ac rationalem, ut probavimus supra, sed hoc esset falsum, si Unio illa actualiter & formaliter sanctificaret animam Christi; ergo.

*Obijciunt adversarij* 1. varia Scripturæ loca, quibus Christus dicitur sanctus, ergo est sanctificatus formaliter per Unionem hypostaticam. 2. negando consequentiam, quia cum Scriptura non determinet, per quid sanctificetur, omnia quæ dicit, possunt esse vera, affirmando quod sanctificatur formaliter per gratiam habitualement.

*Obijciunt* etiam plurima SS. PP. loca, qui dicunt Christum per unionem sanctificari; ergo. 3. SS. PP. tantum velle, quod sanctificetur anima Christi, per ea omnia dona supernaturalia, quæ simul cum unione Christi collata sunt: inter quæ primum locum obtinet gratia habitualis, quæ pro primo instanti conceptionis Christi, animæ ejus sacratissimæ oblata fuit.

ASSERTIO XIII. Gratia habitualis animæ Christi, summa est non positivè, sed negativè. Hanc ut intelligas adverte, illud dici summum positivè, quod ita excedit omnia alia istius generis, ut nullum sibi in eodem genere.

genere habeat æquale, aut habere possit; negativè verò summum dicitur illud, quod licet in suo genere habeat sibi æquale, ita tamen est summum, ut à nullo simili excedatur; & in hoc sensu aqua calida ut octo, dici potest summè calida. his notatis *Prob:* tum ex Script: Joannis 1. *Vidimus gloriam ejus, &c. plenum gratiâ, &c.* Tum etiam ratione, Christus fuit naturalis Dei filius; ergo decens erat, ut anima ipsius perfectiori ornaretur gratia, quàm defactò unquam ullus habuit; sed hoc est habere gratiam negativè summam, si non aliquid ultra; ergo.

Quod verò non habuerit positivè summā, seu quā perfectiorem alius non posset habere, prob: tum quia nec ratione, nec auctoritate id ostenditur; tum etiam, quia nulla est in hoc implicantia, ut Deus liberaliter alteri animæ tot gratiæ gradus concedat, quod defactò concessit animæ Christi, sed hoc est, quod intendit conclusio. ergo.

Nec valet dicere, contra conclusionem, quòd Jesus proficiebat sapientiâ, ætate & gratiâ apud Deum, quia locus ille intelligendus est de profectu ad extra, eliciendo nimirum quotidie opera magis, ac magis Deo, & hominibus placentia; non verò de profectu interno, seu augmento novæ gratiæ habitualis. Quod dixi hic de gratia habituali, idem, ob eandem rationem affirmo de fruitione, ac visione beatifica.

*Christus  
est caput  
Ecclesiæ.*

ASSERTIO XIV. Christus etiam quā homo, non solum est caput Ecclesiæ, tam triumphantis in cœlo, quàm militantis in terra, sed etiam est caput Angelorum.

*Prob:*



*De existentia, idiomatum, &c.* 339

*Prob: 1. pars* ex Scriptura Math: ult: *Data est mihi omnis potestas in cælo, & in terra.* Ad Ephesi: 10. *Ipsū dedit caput super omnem Ecclesiam.* Philipp: 2. *In nomine JESU omne genu flectatur, &c.* ergo ex mente Scripturæ, Christus est caput totius Ecclesiæ, tam triumphantis, quàm militantis.

*Probatur 2. ratione.* Ad rationem capitis quomodocunq; desiderati, sufficit, quòd sit præcipuum membrum corporis illius cujus dicitur caput; quod influat in reliqua membra, motum & virtutem eis præbendo; ac deniq; , ut cum reliquis membris quandam habeat conformitatem, sed ista omnia conveniunt Christo respectivè ad Ecclesiam tam triumphantem, quàm militantem, ut per se patet. ergo.

*Probatur 2. pars* ex Scriptura ad Colossi: 1. *Quoniam in ipso, id est Christo, condita sunt universa in cælis, & in terra, visibilia, & invisibilia, &c.* ergo. Tum etiam, quia cedit in perfectionem Christi, si verè dicatur, quòd sit caput hominum, & Angelorum. ergo.

*Obijc:* Angeli sunt perfectiores Christo, quàm homine; ergo non potest esse caput illorum. R. dist: antec: Perfectiores essentialiter, transeat antec: accidentaliter, hoc est, in donis supernaturalibus gratiæ, & gloriæ, nego antec: & consequentiam.

*Fides in*

ASSERTIO XV. Nec Fides, nec Spes *Christo nō*  
Theologica, sive quoad actus, sive quoad habitus in Christo fuerunt. *fuit.*

*Probatur 1. pars,*  
& primo de fide actuali; Fides illa est semper annexa cum obscuritate & inevidentia, ut patet ex assert: 1. colum: sed Christus à

primo instanti suæ conceptionis habuit clarissimam & perfectissimam cognitionem rerum omnium, in essentia divina, ut postea dicemus. ergo. Probatur etiam eadem pars de fide habituali. Habitus ordinatus ad aliquem actum, sine necessitate admittitur, ubi operari non potest; sed habitus fidei est talis, & in Christo, eliciendo actum, operari non potest, ut jam dixi; ergo non debet admitti.

*Prob: 2. pars, & simul etiam prima, tum ex Apost: Cum venerit quod perfectum est, evacuabitur quod ex parte est, id est, dum venerit visio, & lumen gloriæ, ut exponunt SS. PP. desinet esse fides, & spes tam habitualis, quam actualis: ergo. Tum etiam, quia spes est semper de rebus absentibus, & quas nec videmus, nec possidemus, juxta illud Apost Roman: 8. Spes quæ videtur, non est spes; sed à primo instanti suæ conceptionis clarissimè Christus vidit, & perfectissimè possedit primum sui objectum, Deum scilicet, sub ratione summi boni: ergo circa illud objectum, nunquam habuit actum spei, nec consequenter habitum illius.*

*Obijc: contra 1. partem. Fides erit cinctorium venum ejus. Esaia 1. ergo Christus habuit Fidem. R. cum S. Hieron: Per fidem ibi intellige fidelitatem, & veracitatem in servandis promissis, unde nego consequentiam.*

*Obijc: contra 2. partem. Quamvis Christus non habuit actum spei circa objectum suum primum, habuit tamen actum circa objectum secundarium, gloriam scilicet sui corporis.*

poris, & nominis exaltationem, quod nondum in statu viæ possedit, ergo habuit actum spei. *ix.* negando antec: quia gloria corporis Christi non solum fuit illi ardua, vel difficilis, sed nec etiam fuit incerta, contingens, aut fallibilis, ut deberet esse, si circa illam haberet Deus actum spei. Deinde inter gloriam corporis, & animæ ipsi conjunctæ tanta est connexio, ut posito uno, hoc ipso ponatur altera, nisi supernaturaliter impediatur redundantia gloriæ animæ in corpus, & sic Christus gloriam animæ sperare non potuit: ergo nec corporis.


ASSERTIO XVI. In Christo fuerunt  
Dona Spiritûs sancti, & absq; imperfectione  
omnes gratiæ gratis datæ. *Probatur 1. pars.*  
quia illa dona dicunt perfectionem absq; im-  
perfectione, ergo Christo negari non debent.

*Probatur 2. pars.* Christus exercuit in actu  
secundo gratias omnes illas gratis datas, quas  
annumerat Apost 1. Corinth: 12. ergo habuit  
illas.

*Dona, &  
Virtutes  
erant in  
Christo.*

## EPISTYLIUM PROBLEMATI CUM COLUMNÆ XXVII.

*An Gratia Capitis in Christo, distingua-  
tur à gratia ejus habituali?*



## COLVMNA XXVIII.

### *De Scientia, & Merito Christi.*

*Habuit  
scientiam  
beatam.*

**A**SSERTIO I. Anima Christi à primo instanti suæ conceptionis habuit scientiā beatam, & perfectam Dei visionem.

*Prob: 1. ex Scriptura Joann: 3. Quod scimus loquimur, & quod vidimus testamur. Et infra: Qui de cælo venit super omnes est, & quod vidit, & audivit, hoc testatur. Prob: 2. ratione.* Christus à primò instanti suæ conceptionis, fuit Filius Dei naturalis; ergo ab illo instanti habuit perfectam Dei visionem.

*Confirm:* Nihil est negandum naturæ humanæ Christi, quod ejus gloriam & honorem extollit & commendat, nisi quod ratione, vel autoritate urgenti, ei negari debet; sed neutro modo visio beata à primo instanti conceptionis ei negari potest: ergo à primo illo instanti, habuit perfectam illam visionem.

*Obijc: Luc: 24. Nonne hac oportuit pati Christum, & ita intrare in gloriam suam; ergo Christus ante resurrectionem non fuit beatus, & clarificatus. R2. negando consequentiam; nam nec locus ille, nec alia quæ ab hæreticis adducuntur, loquuntur de gloria animæ Christi, sed potiùs de gloria corporis in resurrectione, & ascensione ipsius; & de manifestatione & exaltatione sui nominis.*

*Nō fuit prius viator.*

*Obijc: 3. Christus fuit viator; ergo non ha-*



habuit visionem & fruitionem beatificam. R. dist: antec: purus viator, nego antec: viator simul & comprehensor, concedo antec: & nego consequentiam.

ASSERTIO II. Licet Scientia beata animæ Christi fuerit negativè summa, non tamen fuit comprehensio divinæ essentia. *Visio comprehensiva negatur Christo.*

*Probatur 1. pars.* Gratia animæ Christi fuit negativè summa, ut vidimus assert: 13. præced: colum: ergo & scientia à paritate.

*Probatur etiam 2. pars.* tum ex dictis assert: 10. columnæ 2. tum etiam autoritate D. Augusti in lib: de cognitione veræ vitæ cap: 31. & in quæstiunculis de Trinitate, ubi ait, *Videri potest Deus per dona gratia, ab Angelis, & animabus Sanctorum, plenam verò divinitatis naturam, nec Angelus, nec Sanctorum ullus perfectè videre poterit, & ideo incomprehensibilis dicitur Deus.*

ASSERTIO III. Intellectus creatus animæ Christi, non videt actu in Verbo, omnia quæ ipsum Verbum videt. *Prob:* tum ex dictis assert: 7. columnæ 3. tum etiam, quia si anima Christi videret omnia actu quæ videt Verbum, deberet esse infinita, sicut & visio Dei; sed hoc illi repugnat, quia perfectiones particulares Dei creaturis repugnant: ergo. *Prob:* maj: Infinitas visionis Verbi colligitur ex eo, quod nihil est possibile, actuale, præteritum, aut futurum, quod non cognoscat, ergo si intellectus animæ Christi, omnia illa cognosceret, deberet esse infinita perfectionis, sicut est intellectus divinus, in cognoscendo.

*Obijc:* Intellectus animæ Christi per crea-

*Unde ori-  
tur major  
perfectio  
visionis.*

tam & finitam visionem, videt Deum in se, infinitè perfectum: ergo quamvis videret objecta illa omnia infinita, quæ videntur à Verbo, adhuc visio ejus esset finita. R. concedendo antec: & negando consequentiã, nam perfectio visionis non colligitur ex perfectione objecti præcisè, sed potiùs ex diversitate objectorum, & difficultate tendendi in illa; certum enim est, faciliùs esse hominem unũ distinctè cognoscere, quàm totam arenam, quæ est in littore maris, quamvis homo sit multò perfectior illà. Itaq; licet intellectus creatus defactò finitã visione, infinitum cognoscat Deum, non tamen infinita objecta categorematicè distincta, propter rationem jam assignatam, & consequenter non videt omnia, quæ videt ipse DEUS.

*Modus vi-  
dendi o-  
mnia in  
Verbo.*

ASSERTIO IV. Intellectus animæ Christi videt omnia in Verbo habitualiter, non verò actualiter. *Prob:* Dignificanda est perfectio animæ Christi, omni meliori modo quo potest fieri, sine repugnantia, sed non repugnât, ut omnia videat in Verbo habitualiter, in hoc sensu, quatenus nulla sit res quam vult videre, & de qua interrogaretur, quam non statim videret. ergo.

*Confirm:* De fide est, Christum omnia cognovisse, ut colligitur ex illo Joann: 6. *Nunc scimus, quia omnia scis; & ad Coloss: 2. In quo sunt omnes thesauri sapientie, & scientie absconditi:* ergo cum actualiter illa non cognoscat, ut vidimus assert: præced: restat ut habitualiter illa cognoscat.

*Obijc:* Quilibet Beatus potest hoc modo omnia videre in essentia divina; ergo non est ali-

aliquid singulare in anima Christi. *ix.* dist: antec: de lege ordinaria, nego antec: de potentia absoluta, hoc est, si Deus vellet omnia illa repræsentare, concedo antec: & nego consequentiam. Deus enim speculum est voluntarium, repræsentans in sua essentia omnibus, ea tantum quæ vult, & quando vult, sic non repræsentat alijs beatis, nisi determinata objecta, ultra quæ non potest ullus ordinatè velle plura videre. Animæ verò Christi repræsentat omnia taliter, ut ad quodcunq; vult se convertere in illo speculo, statim illud videat.

*Obijc:* Christus ignoravit determinatum. *Cur nō videret tempus universalis ac ultimi judicij, ut colligatur ex illo Marci 13. De die autem illa, vel omnia habera; nemo scit, neq; Angeli in celo, neq; bitualiter. Filius, sed Pater: ergo.* *R.* negando anteced: nam locus ille scripti: tantum vult, quòd Filius non scit de illo die, ut revelaret illam discipulis, aut etiam alijs; cum quo stare, potest, quod in se notitiam illius habuerit: Pater verò dicitur scire illum diem, quia non solum in se habuit notitiam illius, sed etiam revelavit illam Christo, seu Filio suo.

ASSERTIO V. Præter scientiam beatam animæ Christi, in ea etiam admittimus *res in generalitatem* infusam rerum in genere proprio. *nere pro-*

*Probant* hoc aliqui, quia Christus Lucæ *prio.* 2. anno 12. suæ ætatis, inventus fuit inter Doctores, audiens & interrogans eos de lege, non sine admiratione adstantium, sed in tali ætate hoc non potuisset præstare scientiâ acquisitâ, ergo debebat fieri per infusam.

*Fortè hæc probatio parum convincit, nam*  
anno

Doctrina  
pueri 7.  
tantum  
annorum.

anno 1649. dum adhuc Romæ, in florentissimo quondam S. Isidori Collegio, Theologiæ ipse operam navarem, puerulus septennis, ex integra Philosophia & Theologia, publicas cum applausu propugnavit Theses, & tamen diligentiam Magistri omnia didicit.

*Probatur ergo ratione.* Decuit naturam humanam Christi omnem habere perfectionem competentem naturæ creatæ rationali, sive in ordine ad utilitatem, sive ad ornatum; sed scientia infusa rerum, & etiam acquisita in proprio genere, est maximum ornamentum animæ rationalis, ergo non debet Christo negari.

*Probatur ultima pars Conclusionis,* tum ex Script: Hebræ: 5. ubi de Christo legitur, quod cum esset Filius Dei, didicit ex his quæ passus est obedientiam, ergo habuit scientiam experimentalem. Tum etiam ratione, quia multa fuerunt objecta, quæ secundum existentiam actualem, non erant ab initio existentia, aut præsentia animæ Christi, in proprio genere, ut est cæstum; ergo non potuit in proprio genere intuitivè illa cognoscere, & consequenter, sicut successu temporis inceperunt esse existentia & præsentia ipsi, ita & ille incepit habere cognitionem intuitivam earundem.

*Obijc:* Christus clarissimè vidit, & perfectè cognovit omnia in Verbo, ergo frustra poneretur cognitio eorundem in genere proprio. *iv.* concedendo antec: & negando consequentiam, nam non est inconveniens, ut perfectam, & minùs perfectam ejusdem rei cogni-



cognitionem, in diverso genere cognoscendi, & ex diversis motivis, quis habeat.

*Obijc: contra ultimam partem.* Si successu temporis acquisivisset notitiam rerum in genere proprio, quas antea in illo genere non cognovit, ignorantia istarum rerum fuisset, antecedenter in illo, sed hoc repugnat perfectioni ipsius. R. dist: maj: fuisset in ipso antecedenter ignorantia, quæ esset privatio omnis scientiæ, talis rei in omni genere cognitionis, nego consequentiam: ignorantia, quæ esset privatio omnis scientiæ experimentalis, & intuitivæ cognitionis talis rei, in genere proprio, concedo maj: & dist: similiter min: nego consequentiam.

ASSERTIO VI. Christus meruit nobis per actus portionis inferioris, superioris, & etiam beatificos. Ut probetur hæc conclusio, adverte, in potentijs rationalibus, duplicem assignari à Theologis portionem, unam superiorem, inferiorem aliam; portio superior in intellectu, est ipsemet intellectus, in quantum contemplatur ipsum Deum, seu incommutabilem ejus veritatem. Inferior verò portio, est ipse intellectus, in quantum contemplatur inferiora hæc: similiter voluntas, prout respicit, & diligit æterna, per actus charitatis, dicitur portio superior, & prout fertur & diligit caduca hæc, & temporalia bona, dicitur portio inferior. His notatis

*Probatur 1. pars Conclusionis.* Multa acciderunt Christo contraria affectioni commodi, ut sitis, fames, passio, &c, quæ tamen per actus portionis inferioris, propter Deum gau-

*Per varios actus meruit nobis Christus.*

gaudenter acceptavit, eiq; in satisfactionem pro peccatis nostris obtulit, ergo per actus portionis inferioris nobis meruit.

*Prob: 2. & 3. pars* Quia actus illi habuerunt omnia requisita ad rationem meriti; ergo meruit Christus nobis per illos etiā actus.

*Obijc: contra hanc partem.* Actus beatifici in Christo fuerunt simpliciter necessarij; ergo per illos actus nil meruit sibi, aut nobis. *R.* negando antec: quod ab Adversarijs non probatur.

*Obijc: contra 1. & 2. partem.* Christus secundum utramq; portionem fuit in termino; ergo non potuit secundum ullam portionem ex illis mereri. *Prob: antec: loquendo de inferiori, de qua potest esse difficultas, illud est simpliciter in termino, quod nullum potest habere actum inordinatum circa finem ultimum; sed voluntas humana Christi, secundum portionem inferiorem, non potuit habere talem actum inordinatum, quia fuit impeccabilis. ergo. R.* negando antec: ejusq; probationis maj: quia ut aliquid dicatur esse simpliciter in termino, non sufficit, quod non valeat elicere actum inordinatum, vel peccaminosum circa finem ultimum, aut aliquid tendens in ipsum; sed ulterius requiritur, ut sit perfectè & adæquatè conjunctum. Fini, non solum secundum affectionem justitiæ, sed etiam commodi, quo modo portio inferior animæ Christi in via, non fuit conjuncta Deo, quia passa est multa incommoda in hac vita, quæ non potuisset pati, si fuisset ultimæ in termino.

ASSERTIO VII. Christus Dominus *Incepit*  
 incepit mereri in primo instanti suæ conce- *mereri in*  
 ptionis. *Prob:* Christus pro illo instanti ha- *primo in-*  
 buit omnia requisita ad meritum, gratiam, *stanti ra-*  
 nimirum, potentiam liberam, non impedi- *tionis.*  
 tam, & objectum præsens per intellectum:  
 ergo meruit. *Prob:* consequentia, pro quo  
 cunq; instanti voluntas non impedita, est di-  
 spolita ad agendum, potest exire in actum.  
 secundum, nisi impediatur; ergo cum vo-  
 luntas Christi in primo instanti conceptionis  
 ejus, habuit omnia requisita ad hoc, ut pos-  
 sit exire in actum secundum meritorium, pro  
 illo instanti potuit mereri, & consequenter de-  
 facto meruit.

*Obijc:* Esse præsupponitur ad operari; er-  
 go & Christus ad suum meritum. *Confirm:*  
 Christus pro primo instanti non habuit usum  
 rationis, quia organa ejus non erant disposi-  
 ta, ergo non meruit. *R. dist:* antec: Priori-  
 tate naturæ, concedo antec: temporis, nego  
 antec: & consequentiam. *Ad Confirm: R.*  
 Merito Durandum notari Carbone à multis,  
 propter illud argumentum: unde nego an-  
 tecedens,

Ex hac conclusione inferitur, Christum to-  
 to tempore vitæ suæ, sine interruptione me-  
 ruisse, quia nunquam cessavit ab actibus bo-  
 nis, & meritorijs. ergo.

ASSERTIO VIII. Christus Dominus *Meruit si-*  
 meruit sibi gloriam corporis, & nominis ex- *bi Christus*  
 altationem; non verò visionem, aut fruitio- *aliqua, sed*  
 nem beatificam. *non visio-*

*Prob: 1. pars* ex script: Lucæ 22. *Nonne hæc nem, aut*  
 oportuit pati Christum, & ita intrare in gloriā *fruitionē.*  
*suam.*

Ad Hebræ: 2. *Vidimus Jesum propter passionem mortis, gloriâ & honore coronatum.* Ad Philip: 2. *Factus est obediens, &c.* Ex quibus locis clarè ostenditur, Christum sibi meruisse gloriam corporis, & nominis exaltationem.

*Probatur 2. pars.* Primus actus, quem defactò habuit voluntas Christi, in primo instanti conceptionis, fuit actus fruitionis beatificæ, & primus actus intellectûs, visio beatifica, ut antea diximus, sed idem actus non potest esse simul meritum & præmium sui ipsius: ergo Christus defactò non meruit visionem suam, aut fruitionem beatificam, nec consequenter lumen gloriæ, aut gratiam habitualement, ad illa prærequisita in potentijs.

*Obijc: contra hanc partem.* De potentia absoluta potuit Christus mereri fruitionem suâ, ut docet Doctor in 3. d. 18. q. unica, n. 12. ergo defactò dicendum est, quòd illa meruerit. Prob: consequentia, gloriosius est habere præmium ex merito, quando potest sic haberi, quàm sine merito, sed potuit haberi fruitio Christi ex merito ejusdem. ergo. R. concedendo antec: & negando consequentiam. Ad ejus probationem R. dist: maj: Gloriosius est, si acquisitio talis præmij non præsupponat aliquam imperfectionem in præmiando, concedo maj: si præsupponat, nego maj: & concessa min: nego consequentiam. acquisitio enim præmij intuitu meritorum, præsupponit carentiam aliquam istius præmij, & consequenter quòd acquirens præmium, transiret à statu imperfecto ad perfectum, quod longè imperfectius est, quàm si aliquis nunquam caruisset tali præmio.



ASSERTIO IX. Omnis gratia homi- *Ex meritis*  
ni lapso collata, sive sit fides, vel alia gratia, *Christi est*  
ad justificationem disponens, sive ipsa justifi- *omnis gra-*  
cationis gratia; Item remissio omnis peccati, *tia nobis*  
tam actualis, quàm originalis, ac tandem *collata.*  
ipsa gloria æterna, sunt ex meritis Christi  
prævisis, vel actu exhibitis. Hæc est com-  
munis inter Catholicos.

*Prob:* ex Script: varijs in locis: *Benedixit*  
*nos omni benedictione spirituali in cælestibus in*  
*Christo.* Joann: 1. *De plenitudine ejus nos o-*  
*mnnes accepimus*, (utiq; quidquid accepimus.)  
Idem habetur in varijs alijs, tam Scripturæ,  
ac Conciliorum, quàm SS. PP. locis, ergo.  
Ratio etiam est, quia nobis illa omnia mere-  
ri, cedit in laudem & gloriam Christi, ergo  
hoc est asserendum.

ASSERTIO X. Probabile est Christū *Meruit An-*  
meruisse Angelis, & primo etiam homini o- *gelis & ho-*  
mnem gratiam, & gloriam, ipsis à Deo con- *minibus,*  
cessam. *Prob:* ex Scriptura ad Ephes: 1. *Pro-*  
*posuit omnia instaurare in Christo, quæ in cælis, tam gra-*  
*& terra sunt.* Joann: 14. *Nemo venit ad Patrē, tiam.*  
*nisi per me.* Ex quibus locis multi ex sanctis  
Patribus veritatem nostræ Conclusionis col-  
ligunt. Unde Cyrillus Alexandr: lib: 5. in  
Esaï. Proph: cap: 54. ait: *Per ipsum enim* (id  
est Christum) *omnis fructificatio spiritualis,*  
*tam in sanctis Angelis, quàm in nobis insta-*  
*est, &c. ergo.* *Probatur ratione.* Dignitas  
Christi multum extollitur, per hoc, quòd di-  
catur, quòd non solum hominibus, sed etiam  
Angelis meruerit gratiam, & gloriam. ergo  
cum in hoc nulla sit inconvenientia, est asse-  
rendum.

*Obijc:* Gratia quæ in applicatione Sacramentorū confertur, non est ex meritis Christi, ut docet August: qui in divinam gratiam refert, quòd uni baptismus, & non alteri, conferatur, ergo non omnis gratia collata est nobis ex meritis Christi. R. negando antec: & ad probationem ex Augustino dico, illum non velle excludere consortium meritorum Christi, sed tantum velle dicere, quod divinæ gratiæ principaliter attribui debeat, quòd uni conferatur baptismus, & non alteri.

## EPISTYLIUM PROBLEMATICUM COLUMNÆ XXVIII.

*An plaga lateris Christi fuerit meritoria, & operativa salutis nostræ, pro illo instanti, in quo fuit inflicta?*



## COLVMNA XXIX.

*De satisfactione, potentia, & defectibus animæ Christi.*

*Satisfactio Christi nō fuit de toto rigore justitiæ.* **A**SSERTIO I. Satisfecit Christus sufficienter pro toto genere humano; sed non de toto rigore justitiæ. *Prima pars est de fide, & patet ex Scriptura* 1. Joann: 2. *Ipse est propitiatio pro peccatis nostris, non pro nostris tantum, sed & pro totius mundi.* ergo

*Prob:*

*Probatur 2. pars.* Satisfactio Christi non habuit omnia requisita ad rigorem justitiæ, ergo non fuit de rigore justitiæ. Prob: antec: Solutio fuit ex bonis creditoris, nempe ipsius Dei, cui omnes actiones bonæ, naturæ humanæ Christi, debebantur varijs alijs titulis; sed hoc est contra rationem rigorosæ justitiæ, ergo.

*Confirm:* Justitia rigorosa, & gratia opponuntur; sed omnia opera Christi fundabantur formaliter in gratia habituali, & fundamentaliter in gratia unionis, & utramq; gratiam gratis à Deo Christus ut homo accepit, ergo opera satisfactoria ipsius non erant de toto rigore justitiæ.

*Obijc:* Scriptura & PP. passim docent in satisfactione Christi servatam fuisse justitiam: ergo fuit de toto rigore justitiæ. R. disting: justitiam rigorosam excludentem misericordiam, & gratiam Redemptoris, nego antec: justitiam non rigorosam fundatam in tali gratia, & fideli promissione Creditoris, concedo antec: & nego consequentiam.

ASSERTIO II. Licet opera Christi *Opera Christi* negativè summi valoris fuerint intrinsecè, *sti infiniti* non tamen infiniti valoris. 1. *Pars patet valoris nō* ex dictis assert: 13. colum: 27. ubi gratiam *sunt.* Christi negativè tantum summam fuisse, ostendi: ergo & opera ejus erunt similiter negativè summa, nam ex intensione gratiæ, opera sumunt condignitatem suam, & valorem.

*Probatur 2. pars.* Visio beata animæ Christi, non fuit infinitæ perfectionis, ut ostendi assert: 3. colum: 28. ergo nec alia Christi ope-

ra erunt infiniti valoris intrinseci à paritate. *Confirm:* Principia elicitiva meritorum in Christo, fuerunt limitata, & finita virtutis; ergo meritum ab eis elicited, non potest esse infiniti valoris intrinseci: consequentia patet, quia nulla causa totalis producit effectum se, perfectiorem. *Prob:* etiam antec: Principia elicitiva meritorum in Christo, sunt intellectus, voluntas, & gratia, sed ista sunt finita & limitata virtutis, non solum in entitatibus suis, sed etiam in virtute activa: ergo.

*Obijc:1.* Si meritum Christi esset finitum intrinsecè, posset exhauriri, sed hoc est falsum; ergo. *Prob:* maj: Meritum finitum non videtur posse satisfacere pro infinitis peccatis: ergo dato casu, quod darentur infinita peccata, thesaurus meritorum Christi posset exhauriri. *ꝛ. negando maj:* ad cujus probationem. (admisso casu) nego thesaurum meritorum Christi posse exhauriri, & ratio est, quia merita & satisfactio Christi, non applicantur ad deletionem peccatorum divisibiliter, & per partes, ut supponere videtur argumentum, sed indivisibiliter, & per modum causae meritoriae, ita ut totum meritum ad omnia & singula peccata cōparetur, sicut lumen Solis ad omnes stellas, & non ad tot, quin ad plures, & infinitas stellas producibiles, possit se extendere sine ullo dispendio suae lucis.

*Obijc:2.* Valor satisfactionis crescit ex dignitate personae satisfaciētis; sed persona Christi fuit infinita. ergo. *ꝛ. dist:* maj: Personae satisfaciētis, proportionē quādam servatā, ita scilicet, ut intrinsecè & denominativè sit altioris ordinis, quā satisfactio personae inferioris.



ferioris, concedo maj: personæ satisfaciētis, omnimodā proportionē servatā, ita scilicet, ut intrinsecē & infinitē crescat valor operis secundū dignitatem infinitam personæ, nego maj: & concessa min: nego consequentiam.

ASSERTIO III. Purus homo donis gratiæ dotatus, de potentia absoluta, potuit satisfacere pro peccatis generis humani.

*Purus homo potest satisfacere*

*Prob:* Potuit Deus creare aliquem hominem innocentem, non descendentem ab Adamo, eiq; conferre plenitudinem gratiæ, auxilio cujus possit actus elicere de condigno meritorios, quibus Deus placaretur; sed talis tunc satisfaceret pro peccatis generis humani; ergo divinitus pura creatura dari potest, quæ satisfaceret pro peccatis generis humani. *Prob:* maj: quia in hoc nulla est implicancia; *Prob:* etiam min: Deus se solo, sine ulla satisfactione ex parte causæ secundæ, posset salvare genus humanum; ergo & mediante satisfactione talis creaturæ.

*Obijc:* Peccatum generis humani fuit infinitæ malitiæ; sed nulla pura creatura potest satisfacere pro infinita malitia. ergo. *Prob:* maj: Offensa crescit ex dignitate personæ offensæ, ergo. & negando maj: (loquendo de malitia intrinseca actûs peccaminosi) & distinguendo ejus probationem, ex dignitate offensæ objectivè & extrinsecè, concedo maj: intrinsecè & formaliter nego; authoritates SS. PP. nec non Scripturæ, quæ videntur dicere, quòd nullus purus homo poterat satisfacere pro peccatis generis humani, intelligendæ sunt de potentia ordinaria.

*Mediator Dei & hominum.* ASSERTIO IV. Solus Christus secundum naturam humanam in Verbo subsistentem, fuit verè, & est mediator Dei & hominum. *Prob:* ex Script: ad Hebr: 8. *Christus nobis testamenti mediator est.* Et alibi: *Mediator Dei & hominum Christus JESVS.* *Prob:* ratione, Mediator perfectus debet participare aliquid ab extremis inter quæ mediat; sed solus Christus, respectivè ad Deum & homines, habet illam conditionem, quia solus de utraq; natura participat. ergo.

*Christi oratio fuit vera.*

*Queres.* Utrum Christus in via, verè & propriè oraverit? R. affirmativè, & patet, quia Verba Scripturæ debent intelligi rigorosè in sensu literalì, ubi nec ratio, nec urgens auctoritas suadet contrarium; sed in Scriptura Lucæ 6. Matth: 14. & 26. aperrè dicitur quòd oraverit; ergo hoc debet intelligi de oratione propriè dicta.

*Est causa moralis tantum miraculorū.*

ASSERTIO V. Miracula Christi non physicè, sed moraliter tantum, & impetratoriè procedebant ab ejus humanitate. *Prob:* tum auth: SS. PP. qui ubiq; refundunt miracula Christi in ejus divinitatem, tanquam in solam causam efficientem (vide illos citatos apud Suarem hic) ergo ab humanitate tantum moraliter procedebant. Tum etiam ratione. Christus multa miracula edidit, in quibus nulla potuit intervenire actio physica humanitatis; ergo idem dicendum est de reliquis miraculis, ab ipso patratis; antecedens patet, in servo Centurionis, & filio Reguli, quos absens curaverat. consequentia etiam patet à paritate.

*Adversary* varia SS. PP. & Scripturæ loca, ut est illud Lucæ 6. *Virtus ex illo exibat, & sanabat omnes*, adducunt, contra nostram Conclusionem. Ad quæ r. illa non plus probare, quàm quòd humanitas Christi moraliter miracula illa patravérat.

ASSERTIO VI. Christus Dominus *Christus* quatenus homo, nullum habuit jus, aut spe- *non fuit* ciale titulum in universum orbem, aut in *rex tem-* ullam ejus partem. *poralis.* Probatur: tum ex Script: Joann: 18. ubi Christus ipse conclusionem tenet his verbis: *Regnum meum non est de hoc mundo.* Idem etiam colligitur Matth: 8. *Filius hominis non habet ubi reclinet caput suum.* Psal: 39. *Ego autem mendicus sum, & pauper.* ergo. Tum etiam ex Poëtarum Flore, Sedulio Hiberno, in Hymno Epiphaniæ Domini, *Hostis, inquit, Herodes impie, Christum venire quid times, &c.* Tum deniq; ratione, quia Regnum Judæorum, neq; jure electionis, neque etiam successionis debebatur Christo; ergo nullum regnum; consequentia est evidens. Prob: antec: de jure electionis, quia nunquam fuit electus, ergo. Prob: etiam de jure successionis; tum quia jus regni Judæorum, per successionem debebatur descendentibus tantum ex familia David per Salamonem, sed B. Virgo descendit ex illo, non per Salamonem, sed per Nathan; ergo.

ASSERTIO VII. Christus Dominus *Fuit Rex* secundum naturam humanam fuit rex spiri- *spiritualis.* tualis, & sacerdos, habens potestatem super omnia regna mundi, & reges. Probatur, tum ex script: Esai: 33. *Dominus Rex noster, &c.*

Psal: 2. *Ego autē constitutus sum Rex ab eo, &c.*  
 Apoc: 19. *Rex Regum, & Dominus dominantium*; ergo cū Rex temporaliis non fuerit, loca illa intelligi debent de Regno spirituali; tum etiam, quia condidit leges spirituales, Reges omnes, & Regna concernentes; ergo. Prob: antec: Math: ult: *Euntes docete omnes gentes, docentes eos servare quaecūq; mandavi vobis. ergo.*

*Fuit Sacerdos.*

Quod verò fuerit Sacerdos, probatur ex Script: Hebr: 7. *Eò quòd maneat in æternum, sempiternum habet sacerdotium.*

*Confirm: ratione.* Christus fuit mediator Dei & hominum, offerens Deo Patri preces & hostias (juxta illud Joann: 17. *Ego pro eis sacrificabo me ipsum*) pro salute generis humani, sed talia facere est proprium officium Sacerdotis. ergo. Loca omnia Scripturæ, quæ adducuntur ab Almachano ad probandum, quòd Christus fuerit rex temporalis, intelligi debent de regno, ac potestate spirituali.

*Impeccabilitas Christi ab unionem malè colligitur.*

ASSERTIO VIII. Unio hypostatica ex præcisâ sua ratione, non reddit naturam humanam Christi absolutè impeccabilem, unde defactò per gratiam habitualement, aliâq; dona supernaturalia consequentia ad unionem, redditur formaliter impeccabilis.

*Probatur 1. pars.* Natura humana Christi ex se est peccabilis; ergo non redditur impeccabilis præcisè per unionem hypostaticâ: antec: est certum, probatur ergo consequentia: potuit Deus ad unionem Verbi Divini non solum assumere naturam intrinsecè peccabilem, sed etiam naturam actualiter pecca-



to infectam, ut probavimus assert: 8. columnâ 25. ergo unio hypostatica ex præcisa sua ratione, non habet reddere naturam humanam Christi impeccabilem.

*Prob: 2. pars.* Tum quia non potest ostendi alia causa Christi impeccabilitatis defactò, tum etiam, quia ab illo anima Christi habet esse impeccabilis, à quo habet formaliter sanctificari, sed hoc habet à gratia habituali, ut probavi antea agendo de gratia, & merito Christi: ergo.

Adversarij Catalogum SS. PP. adducunt *Respondetur Patri-* contra nostram Conclusionem, qui videntur *bus.* negare Christo ratione unionis hypostaticæ, etiam potentiam ad peccandum. R. tamen illas autoritates tantum probare, Christum non posse peccare, imò & defactò impeccabilem esse, de potentia ordinaria, & hoc ratione Unionis hypostaticæ, quæ defactò secum trahit summam gratiam, & gloriam, per quæ respiciendo potentiam ordinariam, natura Christi formaliter & proximè est impeccabilis, quod non est contra nos.

ASSERTIO X. Natura humana Christi, nullâ ratione est ubiq; realiter. *Ubiq; natura* *Prob: natura*  
Matth: 28. *JESUM quem queritis non est hic.* *humane*  
Joann: 11. *Gaudeo propter vos, ut credatis, quia non eram ibi.* *Prob: etiam ratione.* Esse  
realiter ubiq;, est attributum essentiae divinae, conveniens illi ratione immensitatis, ergo non potest competere naturæ Christi humanæ.

*Obijc:* Natura humana Christi est unita Verbo, ergo est ubiq; præsens ubi est Verbum.  
A a 5

bum. R. negando consequentiam, quia caput est unitum animæ verè & realiter, & tamen non est in pede, in quo est anima. ergo.

*Dolor & tristitia in Christo fuerunt.* ASSERTIO XI. In Christo fuit verus dolor, vera tristitia, & admiratio. *Prob:*

1. pars. Pars sensitiva fuit perfectissima in Christo, adeóq; sensus tactus perfectissimus in ratione perceptivi, ergo poterat percipere objectum quodcunq; tam conveniens, quam disconveniens, quando ipsi sufficienter applicabatur; sed parti sensitivæ Christi fuerunt applicata objecta maximè disconvenientia, & nociva durante passione ejus: ergo in illa parte habuit dolorem.

*Prob:* etiam de tristitia Matth: 26. *Tristis est anima mea usq; ad mortem.* Probatur etiam ratione. Christo proposita fuerunt objecta, nata causare tristitiam, magis quàm dolorem, & mortem. ergo.

*Admiratio in Christo admittitur.* 3. Pars patet, Matth: 8. *Audiens autem Jesus, miratus est.* Et 15. *O mulier, magna est Fides tua.*

*Objc:* Christus habuit summum gaudium semper ex beatitudine essentiali, ergo non poterat habere tristitiam. R. concedendo antec: & dist: consequens, circa objectum gaudij concedo antec: circa aliud objectum nego antec: & consequentiam.

*Natura simul cum defectibus universalibus, non verò par.* ASSERTIO XII. Christus assumpsit simul cum natura defectus universales; non verò particulares. *Prob:* Universales defectus naturæ sunt mors, fames, sitis, fatigatio, &c. sed de fide est, definitum in Concilio Ephesino, quod Christus passus est illos defectus, ergo

ergo assumpsit illos simul cum natura. Idem *particularibz*  
 prob: tum ex Script: Esaiæ 53. *Verè languores assumpta*  
*nostros ipse tulit.* Tum Joann: 4. & Matth: 4. *est.*  
 quibus in locis sitis & famis fit mentio; tum  
 etiam, quia assumpsit corpus mortale, passi-  
 bile, ut sic per omnia assimilaretur omnibus  
 absq; peccato, ut loquitur Apost: ergo debet  
 etiam assumere conditiones, & defectus talis  
 corporis.

*Probatur 2. pars.* Quia non decebat, ut  
 Christus defectus particulares, puta deformi-  
 tatem corporis, febres, &c. qui impedirent  
 ipsum in suis operationibus, assumeret, ergo.  
 Nec valet dicere, quòd *verè languores nostros*  
*ipse tulit,* &c. (ut loquitur Esaias) nam sensus  
 est, quòd verè tulit, id est, abstulit languo-  
 res, & infirmitates nostras, &c.

ASSERTIO XIII. Anima Christi se- *Nō ad lo-*  
 cundum realem & substantialem præsentiam *cum da-*  
 descendit ad infernum, quì limbus Patrum, *mnatorū,*  
 & sinus Abrahæ dicitur. Ad locum verò da- *sed ad lim-*  
 mnatorum non descendit, nisi secundum vir- *bū Patrē*  
 tutem. *Prob: 1. pars,* quæ est definita in *anima*  
 Toletano 4. cap: 1. & in Lateran: sub Inno- *Christi*  
 cent: III. cap: 1. Probatur, inquam, tum ex *descendit.*  
 communi SS. PP. consensu; tum ex symbolo  
 Apostolorum, ac Scriptura, psal: 107. *Con-*  
*trivit portas areas, & vinctes ferreos confregit.*  
 Tum etiam ratione: Anima Christi separata  
 à corpore, debuit fuisse in aliquo loco præ-  
 sentialiter, sed non fuit in cœlo; nec sub cœ-  
 lo aptior erat, & convenientior locus, quàm  
 limbus, in quo detinebantur animæ SS. Pa-  
 trum. ergo. Ratio autem secundæ partis est,  
 quia

quia non fuit necessariū, ut ad locum illum, in quo nullus est ordo, & à quo nulla est redemptio, aliter descenderet, quàm per virtutem; ergo.

*Corpus*

*Christi in*

*resurrecti-*

*one orna-*

*tum 4.do-*

*tibus cor-*

*poris glo-*

*riofi.*

ASSERTIO XIV. Corpus Christi in sua resurrectione fuit gloriosum, adeoque ornatum quatuor dotibus corporis gloriosi, in- corruptibilitate scilicet, agibilitate, subtili- tate, & claritate.

*Prob:* Resurrectio Christi fuit exemplar & causa resurrectionis Sanctorum, ut docet Apost: sed sancti omnes in resurrectione habebunt corpora gloriosa, ornata quatuor jam dictis dotibus; ergo à fortiori Christus. *Prob:* min: ex eodem Apostolo loco jam citato versu 36. ubi pulchrè ostendit, qualiter Sanctorum corpora resurgent cum jam dictis quatuor corporis gloriosi dotibus.

## EPISTYLIUM PROBLEMATI-CUM COLUMNÆ XXIX.

*An Corpus Christi in sepulchro fuisset putrefactum, si centum annos resurrectio fuisset dilata?*





## COLVMNA XXX.

### *De Adoratione , & cultu Imaginum.*

**A**SSERTIO I. Adoratio , est actus, *Quid sit*  
 quo quis se alteri submittit , in signum, *adoratio ,*  
 excellentiæ , & superioritatis. Est communis, *& quotu-*  
 quia convenit omni , & soli. ergo. Adoratio *plex.*  
 sic descripta , alia est interna , externa alia.  
 Interna est actus voluntatis , quo quis vult se  
 alteri submittere , ob excellentiam in eo co-  
 gnitam : Externa verò est actus alicujus po-  
 tentiæ externæ , quo quis actum internæ ado-  
 rationis significat , & protestatur , cujusmodi  
 sunt sacrificia , genuflexiones , & hujusmodi.  
 Adhuc adoratio dividitur in *duliam , hyper-*  
*duliam , & latriam.* Dulia est cultus exhibi- *Quid sit*  
 tus creaturis , non habentibus excellentiam, *Dulia.*  
 aliquam singularem. Hyperdulia est cultus *Quid Hy-*  
 exhibitus creaturis , habentibus talem emi- *perdulia.*  
 nentiam , ut est illa , quæ debetur D. Virgini,  
 ex eo , quòd sit Christi mater. Latria verò *Quid sit*  
 est cultus , seu reverentia , quæ soli Deo de- *Latria.*  
 betur in illo sensu , quo Scriptura loquitur ,  
 Deut: 6. *Dominum Deum tuum adorabis , & illi*  
*soli servies.* Ad Tim: 1. *Soli DEO honor & glo-*  
*ria.* His notatis sit

**A**SSERTIO II. Humanitas Christi *Humani-*  
 conjuncta Verbo divino adoranda est eodem *tas Christi*  
 cultu *adoranda,*

*adoratio-* cultu latriæ, quo ipsum Verbum. *Prob:*  
*ne Latriæ.* tum ex Concil: Alexand: in epist: ad Nestor:  
 in quo reprehenditur hic loquendi Nestorij  
 modus: *Propter eum qui induit, veneremur*  
*eum qui indutus est*, quasi diceret hæreticus,  
 propter divinitatem præcisè, veneror huma-  
 nitatem Christi. Unde subjungit Concilium:  
*Unus intelligitur Christus unigenitus Dei filius,*  
*qui unâ adoratione cum propria carne adora-*  
*tur.* Tum ex Trid: sess: 14. cap: 5. definiente  
 Sacramentum Eucharistiæ, seu species Evcha-  
 risticas, esse adorandas cultu latriæ ob præ-  
 sentiam Deitatis; sed multò perfectiori modo  
 Deitas est præsens humanitati Christi, quàm  
 illis speciebus Eucharisticis: ergo à fortiori  
 debet adorari cultu latriæ. Tum etiam ex Pa-  
 tribus, quos fusè citant moderni omnes, &  
 præsertim Lorca hic d. 88.

*Prob: 2. ratione.* Ut aliquod totum adore-  
 tur per se, sufficit ut una ex eis partibus, sit  
 ratio motiva adorationis; sed in Christo est  
 una pars, natura scilicet divina, cui per se  
 debetur cultus latriæ: ergo totus Christus  
 secundum omnes suas partes, vi illius moti-  
 vi est adorandus cultu latriæ: *Prob: maj:*  
 ut homo dicatur bonus, vel sanctus, sufficit  
 ut una pars ejus, scilicet anima, sit talis, er-  
 go ut totum hoc quod dicitur Christus, ado-  
 retur cultu latriæ, sufficit ut una pars ejus sit  
 motiva ratio talis adorationis.

*Obijc:* Adoratio Latriæ soli Deo debetur;  
 sed humanitas Christi unita, non est Deus.  
 ergo. R. dist: maj: Soli Deo, vel id quod u-  
 nitur Deo in unitate suppositi; transeat maj:  
 soli

foli Deo, excludendo illud, quod ipsi unitur, nego maj: distingu: etiam min: humanitas in abstracto concedo min: in concreto, nego min: & consequentiam.

ASSERTIO III. Natura humana Christi secundum se considerata, cum omnibus donis & gratijs sibi concessis, seclusa Unione hypostaticâ, majori cultu adorari non debet, quàm cultu hyperdulæ.

*Humanitas secundum se considerata, adorari debet cultu Hyperdulæ.*

*Prob:* In natura sic considerata, non invenitur ratio motiva cultûs patriæ: ergo sub tali consideratione, non debet adorari majori cultu, quàm hyperdulæ. *Prob:* antec: Tota ratio adorationis Patriæ in Christo homine, defactò, est unio naturæ humanæ cum supposito divino, ergo abstrahendo ab illa unionem, tali cultu adorari non potest.

Nec Patres, aut Concilia, quæ contra nos citat fusè Vasquez, aliud probant, quàm quòd humanitas unita Verbo, sub illa consideratione, alio cultu adorari non potest, quàm cultu Patriæ, quod non est contra nos.

*Exponuntur Patres & Concilia.*

ASSERTIO IV. Sancti omnes adorandi sunt adoratione Dulæ, & B. Virgo cultu hyperdulæ. 2. Pars supposita veritate primæ, non habet difficultatem, quia sicut B. Virgo omnes alias puras creaturas, in donis gratiæ & gloriæ longè superat, & antecellit; ita illi debetur major præ ceteris veneratione & cultus, sed cultus major non datur, post Patriæ cultum, quàm hyperdulæ. ergo.

*B. Virgini Hyperdulæ, & Sæctis omnibus Dulæ tantum Cultus debetur.*

*Probatur ergo 1. pars.* Tum ex Concil: Rom: sub Felice I. & ex sexta Synodo generali, ac tandem ex Trident: Sess: 25. in quibus definita est.

ta est.

ta est. Tum etiam ex Script: Numerorum 21. 3. Regum 18. 1. Regum 18. 4. Regum 2. Josue 2. & ad Rom: 2. quibus in locis expresse dicitur, quod sancti & boni sint adorandi, & colendi; tum etiam ex SS. PP. quos fusissime apud Bellarminum hic citatos invenies. Tum deniq; ratione: Honor civilis debetur, secundum Philosophos, civili virtuti, sapientiae, potentiae & nobilitati; ergo honor plus quam civilis debetur supernaturali virtuti sapientiae, & nobilitati: nam dignum est, ut à nobis in terra honoretur, quem Deus in cœlis honorare dignatur.

Frivolas hæreticorum objectiones, solutas vide apud Bellarminum loco citato, interea fit

*Invocatio  
Sanctorum  
licita.*

ASSERTIO V. Sancti cum Christo regnantes, invocandi sunt. Est de fide, quoad utramq; partem. *Prob: 1. pars.* A quo quis beneficia licite potest accipere, ab eo licite potest beneficia petere, sed scriptura passim docet Sanctos cum Christo regnantes, multa beneficia mortalibus contulisse; ergo licite possumus ab eis talia beneficia postulare. Maj: est certa. *Prob: min:* Angelus confortavit Danielelem; Daniel 1. Item Zachariae 1. Angelus orat Deum pro liberatione populi. Genesis 48. *Angelus qui eruit me de cunctis malis, benedicat pueris istis.* ergo.

Confirm: tum quia in hac vita utiliter & licite sine ullo Christi præjudicio unus rogat, alterum, quatenus pro ipso oret, sic filij Israël rogaverunt Samuelem, Paulus Rom: 15. Romanos rogat his verbis: *Obsecro vos, ut adjuvatis me in orationibus, pro me ad DEUM.*

tum



tum etiam infinitis penè miraculis, quibus sancti sæpiſſimè demonstrarunt se audire preces viventium, seq; velle eos adjuvare, à quibus invocantur, quæ non nisi ab induratis, vel protervis negantur hæreticis.

*Obyc:* Sancti in cœlo sunt in termino merendi, ergo nobis suis meritis nihil possunt impetrare, & consequenter frustra invocantur. *Respondetur hæreticis.*

*Confirm:* Sancti non agnoscunt preces viventium, ergo frustra invocantur. *Prob:* antec: 3. Regum 8. *Tu nosti solus corda Filiorum hominum.* R. negando consequentiam, quia merita in via à sanctis accumulata, intuitu quorum nimis honorati amici facti sunt Dei, abundè sufficiunt, ut impetrent nobis à Deo, quod in fide petimus. *Ad Confirm:* R. negando antec: nam sancti cum Christo regnantes clarè vident in essentia divina, quando Deus vult, quid circa nos hic agatur, & hoc sufficit, ut cognoscant se à nobis invocari, & ut cum veritate dicatur, quòd solus Deus cognoscat secreta cordium, quia nimirum ab alijs non cognoscuntur in cœlo, nisi quando expedit, & Deus vult.

ASSERTIO VI. Imagines Christi & Imagines Sanctorum sunt venerandæ, eorúmque reliquæ cultu dulci adorandæ. Est de fide, & Reliquiæ Sanctorum quoad utramque partem, definita in varijs conciliis & novissimè in Trid: sess: 25. ubi hæc sunt. *colenda*  
habetur cautela, nimirum, ut imagines sic venerentur, ut in eis nulla collocetur fiducia, nec ab eis aliquid petatur, nec credatur ipsis inesse ulla divinitas, sed solum honorentur propter eos, quos nobis representant.

Probatio  
ex Scriptu  
ra.

*Probatur 1. pars.* Tam quia in script: Exodi 25. habetur, quod Deus ipse præceperit, ut fierent imagines duorum Cherubin. Numerorum 21. ut fieret serpens æneus mandavit; tum etiam ex perpetua traditione Ecclesiæ, ac approbatis historijs de effigie Christi, ab ipsomet tam Veronicæ, quàm Edessæ Regi Abagaro, missa; tum deniq; ratione, quia ex imaginibus variæ desumuntur utilitates; ergo usus earum est utilis. Prob: antec: Per imagines plebs indocta instruitur, juxta illud D. Gregorij, *quod legentibus est scriptura, hoc indoctis præstat pictura.* 2. Visus imaginibus, revocatur nobis in memoriã, mors & vita Sanctorum. 3. Sunt signa benevolentia, & amoris hominum erga Sanctos. Lege Bellarminum hic, aliõsq; Controversistas, apud quos hæreticorum objectiones solutas invenies.

*Probatur 2. pars.* Tum ex Concilijs jam citatis; tum ex perpetua Ecclesiæ traditione, ac continuis miraculis, quæ contigerunt, ac contingunt: tum etiam ex Script: quæ Exodi 13. dicit Moysen cum magno honore ossa Joseph secum accepisse; sicut & ipse Joseph Gen: 50. ossa Jacob cum honore transtulit ex Ægypto. Item act: 8. *Curaverunt Stephanum viri timorati, &c.* 4. Regum 13. Ossa Elisæi suscitaverunt mortuum. Act: 19. Sudaria Pauli deferebantur ad infirmos. Et Matth: 14. Fimbria vestis Christi infirmos sanabat. ergo. Tum deniq; quia corpora Sanctorum, erant templa Sanctarum animarum cum Christo jam in cœlis regnantium. ergo sunt digna honore.

Obyc:


*De ador: & cultu Imaginum. 369*

*Obijc: contra 1. partem Exodi 20. Non facies tibi sculptile, neq. omnem similitudinem. R.* Scripturam ibi non prohibuisse usum imaginum (aliàs Deus Exodi 25. non curasset fieri duo Cherubim) sed potius idola gentium, & Deos manibus fabricatos, quibus adoratio latriæ impenderetur.

*Obijc: contra 2. partem illud Lucæ 11. Va vobis (loquitur de Scribis & Pharisæis) qui edificatis monumenta Prophetarum, &c. sed si liceret reverentiam exhibere reliquijs, non deberent propterea reprehendi. ergo. R. 1.* Christum Pharisæos reprehendisse, quia non ex vero zelo & affectu erga prophetas, sed potius ex hypocrysi, & simulato affectu edificârunt sepulchra prophetarum. *R. 2.* Locutionem illam esse figuratam, quia una pars sententiæ reticeri solet, ad maiorem energiam, & vim explicationis: nam Judæi ornando sepulchra majorum, testimonium ferebant contra se, qui in animo habuerunt occidere Christum & Apostolos: & sic dicitur, *Va vobis Pharisæi, qui edificatis sepulchra, ubi addendum est, cum imitemini eos, qui prophetas occiderunt.*

**E PYSTILIUM PROBLEMATICUM  
COLUMNÆ XXX.**

*An non decipiuntur Poloni, qui S. Adalberti Reliquias hic Praga existentes, Gnezna in Polonia tanquam presentes venerantur?*



## COLVMNA XXXI.

### De Sacramentis in genere.

*Definitio  
Sacramen-  
ti ut sic.*

*Est signum  
ad placi-  
tum.*

*Signatum  
Sacramen-  
ti, est gra-  
tia tam  
habitualis,  
quàm sub-  
sistens.*

*Signum est  
practicum*

**A**SSERTIO I. Sacramentum rectè de-  
scribitur signum sensibile, gratiam Dei,  
vel effectum ejus gratuitum, ex institutione  
divina efficaciter significans, ordinatum ad  
salutem hominis viatoris. *Prob:* Tum quia  
superflua non est, nec manca. Tum etiam,  
ipsam explicando, *Ly signum* (id est ad placi-  
tum) est genus, in quo Sacramentum conve-  
nit cum reliquis signis sensibilibus; reliquæ  
particulæ sunt differentię illius ab his. Di-  
citur *sensibile*, quia Sacramenta defactò insti-  
tuta; sensibilia sunt, & esse conveniebat, ut  
huic nostro mortali statui proportionata es-  
sent. Dicitur *Gratiã Dei*, ut denotetur signa-  
tum hujus signi, quod est gratia; additur *vel  
effectum ejus gratuitum*, propter Sacramentū  
Eucharistiæ, quod in Ciborio custoditum, non  
est signum gratiæ sanctificantis, sed subsisten-  
tis, realis nimirum præsentia Christi Domini  
sub speciebus, quæ præsentia est gratuitus  
effectus Dei. Dicitur *efficaciter significans*,  
ad denotandum, quòd Sacramenta sint signa  
practica gratiæ, quia causant illud quod signi-  
ficant; additur *ex institutione divina*, tum,  
quia Sacramenta omnia defactò à Deo insti-  
tuta sunt, nec ab alio institui poterant, sine  
ipsius cooperatione singulari; tum etiam, ut  
à ratione Sacramenti excludatur martyrium,  
quod



quod quamvis causet gratiam, à Deo tamen, ut applicaretur ad illum effectum, institutum non est. Additur deniq; , *ordinatum ad salutem*, &c. ad denotandum, quod pro solis viatoribus Sacramenta sint instituta.

*Solis viatoribus applicari potest.*

*Hic obiter adverte*, Sacramenta dici gratiam conferre, ex opere operato; & non ex opere operantis præcisè; quia etiam male moraliter collata, puta, ob turpis lucri finē, conferunt gratiam ea recipienti, non obstante peccato conferentis; quod autem ex opere operantis confert gratiam, debet illud conferre per modum meriti, seu actionis meritoriae, sicut datio v. g. eleemosynae propter Deum, gratiam confert danti, si non sit obex ex parte ipsius.

ASSERTIO II. In statu innocentiae nullum fuit, aut si perseverasset, esset Sacramentum. Pro statu autem legis naturae, & etiam scriptae, fuerunt à Deo instituta Sacramenta.

*Probatur 1. pars.* Status ille nullam patiebatur aut pateretur infirmitatem corporis, aut animae, ut diximus Columnâ 8. de Statu Innocentiae, ergo Sacramenta pro illo statu nec ordinata sunt, nec si perseverasset, ordinarentur, & per hoc patet, quod protoparentum matrimonium, veri Sacramenti rationem non habuerit.

*Probatur 2. pars.* Pro nullo unquam tempore, reliquit Deus cultores suos, sine remedio ad salutem necessario, sed omni tempore post lapsum fuit necessaria ad salutem delictio originalis: ergo pro quocunq; tempore post lapsum fuit à Deo ordinatum re-

*In statu naturae.*

medium efficax ad illud delendum; sed illud remedium fuit Sacramentum; ergo pro lege etiam naturæ fuit Sacramentum, nec valet dicere, quod non possimus assignare quale fuit illud, quia teste August: lib: 5. contra Julianum cap: 21. Scriptura ob ignorantiam nobis causam voluit id nos latere.

*In statu Veteris Legis.* *Probatur 3. pars.* Circumcisioni in lege scripta, conveniebant omnia requisita ad verum & propriè dictum Sacramentum, ergo verum fuit, & propriè dictum Sacramentum.

*Confirm: ex Aug: lib: 2. de nupt: & concupisc: Ex quo, inquit, instituta est circumcisio in populo DEI, ad purgationem hujus peccati veteris, valebat magnis & parvis, sicut baptismus valere cæpit, ex quo institutus est, sed baptismus valet ad conferendam gratiam ex opere operato; ergo etiam circumcisio.*

*Explicatur Florentinum.*

*Obijc: Concilium Florentinum in Decrero Fidei ad Armenos, distinguere Sacramenta novæ Legis, à Sacramentis veteris Legis, quia hæc non conferbant gratiam, sed solum per passionem Christi dandam significabant; illa vero continent & conferunt gratiam dignè suscipientibus; sed hoc esset falsum, si circumcisio ex opere operato conferret gratiã. ergo. 1. concedendo maj: & negando min: quia circumcisio non est Sacramentum veteris Legis præcisè, quia Abraham data fuit quadraginta circiter annis, antequam lex scripta per Moysen data est. 2. (admittendo gratiã quod sit Sacramentum veteris Legis) Concilium aliud non velle, quàm quod Sacramenta veteris Legis non conferebant gratiã, nisi dependenter à meritis Christi, futuris, no-*

ut verò Legis Sacramenta conferunt gratiā  
dependentem à meritis Christi, jam in opere  
exhibitis.

ASSERTIO III. Sacramenta causant *Causant*  
gratiam non physicè sed moraliter tantum. *tantum mo-*

1. Pars est de fide, & patet ex definitione, *raliter gra-*  
Sacramenti. *Probatur 2. pars.* Baptismus *tiam.*

non producit physicè gratiam: ergo nullum  
Sacramentum à paritate. Prob: antec: cau-  
sa physica alicujus effectus debet realiter exi-  
stere, quando producit ille effectus; sed  
baptismus non existit realiter, quando pro-  
ducitur gratia. ergo, maj: est certa. prob: mi:  
Baptismus consistit in ablutione, & verbis  
his: *Ego te baptizo, &c.* sed verba illa, quæ  
successivè proferuntur, nunquam simul exi-  
stunt realiter, ergo baptismus non existit rea-  
liter quando producit gratiam, & consequen-  
ter non physicè, sed moraliter causat eam.

*Confirm:* Tum quia gratia (ut sæpè antea  
diximus) est effectus creationis: ergo per Sa-  
cramenta physicè produci non potest: tum  
etiam, quia omnia, quæ Scriptura, Concilia  
& Patres, dicunt de causalitate Sacramento-  
rum respectu gratiæ, salvantur, dicendo,  
quòd moraliter illam causant, qui modus lo-  
quendi propriissimus est, & facilis. ergo.

*Obijc:* Ex conclusione sequeretur, quòd  
Sacramenta non haberent majorem efficaciam  
ad causandam gratiam, quàm verba malefi-  
corum habent ex pacto inito cum Dæmone,  
ad causandos mirabiles & insuetos effectus  
quos producunt, sed hoc est inconveniens,  
ergo. *R.* negando sequelam, quia Sacra-

menta habent infallibilem efficaciam à nulla causa impedibilem (si adsint requisita omnia) respectu gratiæ; talem autem non habent verba illa maleficorum, nam frequenter desiderato privantur effectu.

*Character  
est quali-  
tas realis.*

ASSERTIO IV. Baptismus, Confirmatio, & Ordo imprimunt characterem; qualitatem nimirum realem & spirituales, subiectatam in anima. *Prima pars* est de fide, definita in varijs Concilijs, & ratio ejus est, quia cum etiam secundum hæreticos Sacramenta illa non possint reiterari, & alia quatuor possunt; ergo imprimunt characterem, & hæc non.

*Prob: 2. pars.* Nil aptius potest assignari pro ratione formali characteris, quam dicendo, quod sit qualitas. ergo.

*Obijc: contra 1. partem.* Nec ex Scriptura, aut Patribus possumus evidenter probare dari characterem, ergo non datur. R. dist: antec: secludendo declarationem Ecclesiæ, concedo antec: includendo illam, nego antec: & consequentiam.

*Author*

*Sacramen-  
torum.*

ASSERTIO V. Septem novæ Legis Sacramenta instituta sunt immediate à Christo Domino. Est de fide, definita in Trid: sess: 7. can: 1. cujus autoritate, sicuti & hac Ambrosij lib: 4. de Sacram: cap: 4. *Author Sacramentorum quis est, nisi Dominus JESUS Christus.* Probatum.

*Pura crea-  
tum insti-  
tuere Sa-*

ASSERTIO VI. Non potest purus homo, de potentia absoluta, instituere propriè dictum Sacramentum. *Prob: Insti-  
tuere*



tuere Sacramentum proprie loquendo, est a-  
 licui signo sensibili conferre efficacem signi-  
 ficationem, & causationem gratiæ; sed so-  
 lus Deus, in cuius potestate est creare gra-  
 tiam, potest hoc conferre. ergo.

*Obijc:* Ex ordinatione divina, non impli-  
 cat puro homini instituere signa sensibilia, ,  
 ad quorum applicationem conferetur gratia  
 eo modo, quo defacto per Sacramenta con-  
 fertur; sed talis esset principalis institutor  
 Sacramentorum. ergo. *R.* concedendo maj:  
 & negando min: nam sicut talis instituens si-  
 gna, non posset illis dare efficaciam in ordi-  
 ne ad gratiam producendam, sic nec institutor  
 Sacramenti propriè loquendo dici posset.

Hinc infertur, quòd Christus quà Deus,  
 est author & causa principalis Sacramento-  
 rum; quà verò homo, causa tantum imme-  
 diatè determinans illa signa sensibilia, quæ  
 defacto sunt Sacramenta, & meritoria me-  
 rens, quòd Deus illis signis mediantibus con-  
 currat ad conferendam gratiam efficaciter  
 & infallibiliter suscipienti illa.

ASSERTIO VII. Neque infidelitas, *Improbi-*  
 neque improbitas ministri invalidat Sacra-  
 mentum, modo adhibitis debitis alijs essen-  
 tialibus, habeat intentionem faciendi, quod *tas mini-*  
 facit Ecclesia. Est de fide definita in Flo-  
 rentino, & Trid: sess: 7. cap: 12. ubi damnat *stri non in-*  
 illos, qui dicunt ministrum in statu peccati *validat*  
 mortalis, administrantem Sacramentum, nil *Sacramē-*  
 efficere. *Prob:* Tum ex perpetua Ecclesiæ *tum.*  
 traditione, tum etiam, quia ministri non suâ,  
 sed divinâ authoritate operantur, ut patet ex

illo Ioannis 1. *Hic est qui baptizat.* & Corint.  
3. *Neg, qui plantat est aliquid, &c. ergo.*

*Requiri-  
tur inten-  
tio.*

Quòd verò debeat habere intentionem faciendi, quod facit Ecclesia, probatur, tum ex Trident: jam citato, his verbis: *Si quis dixerit in ministris, dum Sacramentum conferunt, non requiri intentionem, saltem faciendi, quod facit Ecclesia, anathema sit.* Tum etiam, quia aliàs qui joco, vel recreationis gratiâ ablueret aliquem, proferendo verba baptismi, sicut in comœdijs solet fieri, verè baptizaret, quod nemo diceret. Nec valet dicere, quòd sic baptizavit Athanasius aliquem, dum adhuc puer esset; quia etiam tunc jocando, intentionem habuit faciendi, quod facit Ecclesia, vel nihil fecit.

*Sufficit  
certitudo  
moralis.*

*Obijc:* Si requireretur intentio ministri nullus posset esse certus, an sit verè baptizatus, sed hoc est inconueniens, ergo. *æ. dist:* maj: certus moraliter, nego maj: physicè, concedo maj: & distincta similiter min: nego consequentiam,

*Non suffi-  
cit inten-  
tio habi-  
tualis.*

ASSERTIO VIII. Ad validè conficiendum Sacramentum, non sufficit habitualis intentio, bene tamen actualis, & virtualis. *Probatur 1. pars,* Ut conficiatur Sacramentum, debet minister habere, humano modo, intentionem conficiendi illud, sed intentio habitualis non est talis; ergo. maj: est certa, quia præterita intentio, nec in se ipsa actualiter, nec in effectu aliquo ab illa proveniente, manens, non est intentio humano modo existens, sed tamen est intentio habitualis,

tualis, ergo intentio habitualis non existit humano modo.

*Probatur 2. pars* (de actuali non est diffi- *Sufficit in-*  
cultas) de intentione virtuali; quotiescunq; *tentis vir-*  
aliquis continuat applicationem mediorum, *tualis.*  
ad finem actualiter antea intentum, censetur  
rationabiliter & humano modo intendere fi-  
nem, quamvis actu de illo non cogitet, sed  
habens intentionem virtualement hoc facit; er-  
go intentio virtualis est sufficiens ad confectio-  
nem Sacramenti.

*Confirm:* Si non sufficeret intentio virtua-  
lis, esset moraliter impossibile conficere be-  
ne Sacramenta, quoties essent necessaria; ;  
sed hoc est inconueniens. ergo. *Prob: maj:*  
stante fragilitate humanâ, est moraliter im-  
possibile habere semper intentionem actua-  
lem; ergo si virtualis non sufficeret, esset  
moraliter impossibile conficere Sacramenta,  
quoties conficiuntur.

ASSERTIO IX. Sacramenta novæ *Constat*  
Legis constant materiâ & formâ. *Prob: materiâ*  
rum ex Florentino in Decreto Eugenij, ubi *& formâ.*  
dicit Sacramenta novæ Legis tribus perfici;  
rebus, scilicet, tanquam materiâ, verbis, tan-  
quam formâ, & personâ ministri, habentis  
intentionem faciendi, quod facit Ecclesia;  
ergo, tum etiam ex dicendis de ipsis Sacra-  
mentis in specie.

*Obijc:* Sacramentum pœnitentiæ non ha-  
bet materiam, quia sola forma perficitur,  
ergo. *iy. dist:* antec: Materiam ex qua, con-  
cedo

cedo antec: materiam circa quam, nego antec: & consequentiam. Illud enim Sacramentum, pro materia circa quam habet peccata poenitentis.

*Verba debent esse consecratoria.*

ASSERTIO X. Verba quæ requiruntur ad Sacramenta, non sunt concionatoria, sed consecratoria. *Prob:* Tum ex praxi Ecclesiæ sic dicentis; tum etiam ex dicendis de Sacramentis in specie, tum deniq; , quia quando dicimus, verba debere esse consecratoria, aliud non intelligimus, quàm quòd verba necessariò requirantur ad Sacramentum, ita, ut ijs accedentibus fiat Sacramentum, quod sine illis non fieret. ergo.

*Materia & forma invariabilis.*

ASSERTIO XI. Sacramenta novæ Legis habent ex Christi institutione materiã & formam determinatam, ita necessariò requisitas, quòd nullâ ratione mutari possint, quoad substantiam. Est de fide, in Trident: sess: 21. cap: 2. ubi dicit, in Ecclesia semper potestatem fuisse in Sacramentorum administratione, ea statuere vel mutare, quæ expedire judicaverit, salvâ eorum substantiâ, ex quo loco, sicut & ex perpetua Ecclesiæ traditione, probatur conclusio.


*Obje:* Matrimonium ante Tridentinum, fuit validum sine præsentia Parochi, & jam non est, ubi est receptum Concilium; ergo Concilium mutavit substantiam illius Sacramenti. R. negando consequentiam, quia Concilium addidit præsentiam Parochi, per modum conditionis, sine qua non fieret validus



lidus contractus, quod bene potuit sine mutatione substantiæ matrimonij facere, ut postea dicemus.

EPISTYLIUM PROBLEMATICUM  
COLUMNÆ XXXI.

*An ad validè conficiendum Sacramentum ebriosi ministri intentio sufficiens sit?*



COLUMNÆ XXXII.

*De Sacramentis Baptismi, & Confirmationis.*

**A**SSERTIO I. Verum, & propriè dictum Sacramentum novæ Legis, à Christo Domino institutum, est ablutio exterior corporis per aquam facta, sub certa verborum forma, nata sanctificare animam. *Definitio Baptismi, ejusq. institutor.*

*Prob: 1. pars.* Tum ex dictis colum: præced: de Sacramentis in genere, tum quia baptisimus habet omnia requisita ad verum Sacramentum novæ Legis: tum deniq; ex Scriptura Joann: 3. *Nisi quis renatus fuerit ex aqua & Spiritu Sancto, non intrabit in regnum celorum.* ergo.

*Prob: 2. pars.* Tum quia habet requisita ad bonam descriptionem, tum ipsam explicando, dicitur *ablutio exterior corporis*, ut distinctin-

stinguatur Baptismus à quacunq; interna spiritali ablutione, quâ mundaretur anima à peccatis. Dicitur *per aquam*, ut excludatur omnis ablutio per alium liquorem facta, additur *sub certa verborum forma*, ad denotandam formæ necessitatem. Dicitur nata sanctificare animam, ad denotandum effectum hujus Sacramenti, qui est collatio gratiæ, & peccati originalis remissio.

*Quando est institutū.*

ASSERTIO II. Sacramentum hoc institutum fuit à Christo ante passionem, ad ejus validitatem quamvis trina ordinariè requiratur, absolute sufficeret una immersio.

*Prob: 1. pars.* Tum quia discipuli ante passionem Christi baptisabant, ut patet Joann: 3. sed hoc non esset verum, nisi baptismus tunc fuisset institutus: ergo: tum etiam, quia in lege nova Eucharistiæ susceptio præsupponit Baptismum, quæ janua est omnium Sacramentorum; sed Christus instituit Eucharistiam ante mortem, eamq; discipulis dedit, ut est de fide Matth: 26. ergo ante passionem instituit baptismum.

*Sufficit una immersio.*

*Probatur 1. pars.* Tum quia Doctores communiter docent sufficere, ut aspergatur baptizandus, quo modo probabiliter loquendo, baptizata sunt tria illa millia, de quibus sic mentio act: 2. tum etiam ex praxi multarum Ecclesiarum, quæ unâ tantum immersione baptizare solent.

*Materia*

ASSERTIO III. Materia remota hujus Sacramenti aqua est elementaris, proxima verò est ablutio. *Prob: 1. pars*, tum ex Laterani in cap: *Firmiter*, & ex Tridenti sess: 7. can: 2. quibus in locis definita est, tum

etiam

etiam ex illo actorum, *Ecce aqua hic, quis prohibet me baptizari?* Tum deniq; , ex perpetua Ecclesiæ traditione.

*Prob: etiam 2. pars.* quia non potest ostendi, quænam esset materia proxima, nisi dicatur quòd sit ablutio : ergo.

*Hinc inferitur*, nullam aliam materiam, quantumvis fluidam, posse esse materiam huius Sacramenti, præter aquam naturalem, & elementarem, à qua non semper iuscula pauperum, præsertim Franciscanorum, specie distinguì judico ; unde in tali validè posse, quem baptizari, affirmo.

*Inferitur 2. ad rationem baptismi sufficere*, *Si tantum* ut una tantum corporis pars abluatur ; unde *emineret* si ex utero matris, sola manus v. g. vel etiam *solus digitus* *emineret*, existimo, quòd *sufficit*, *baptizari posset* ablutio illius patris, ad valorem baptismi, quia anima, quæ verè spiritualiter ab-  
*creatura.* luitur, tam bene informat digitum, ac informat caput : ergo abluendo digitum, tam bene creatura baptisaretur, ac si ablueretur caput ; tamen quia communior sententia oppositum renet ; & quod in administratione Sacramentorum tutior pars est semper eligenda, sic suaderem, ut postquam nasceretur creatura sic baptizata, denuo sub conditione, baptisaretur.

ASSERTIO IV. Forma hæc Baptismi, *Latinorū*  
*Ego te baptizo in Nomine Dei Patris, & Filij, forma bona*  
*& Spiritus Sancti, bona est.* Hæc est de fide, *na est.*  
& colligitur ex illo Matth: 28. *Euntes in universum mundum, baptizantes eos, &c.* Nec forma hæc Græcorū : *Baptizetur servus Christi, In Nomine Patris, &c.* diversa est substantiali-

tialiter, ab hac nostra: & consequenter una est re ipsâ forma Baptismi Græcorum, & latinorum.

Formam autem baptismi, sicut & cujusvis alterius Sacramenti, substantialiter variari posse sex modis in sequenti disticho notatis, docent Theologi communiter:

*Nil forma demas, nil ponas, nil variabis.*

*Trāsmutare cave, corrumpere verba, morari.*

Harum variationum explicatio, obvia est apud Authores communiter, unde contra conclusionem

*Tempore  
Apostolorum non  
fuit in usu  
aut licita  
alia forma.*

*Obyc:* Tempore Apostolorum, baptismus collatus in nomine Christi, validus fuit, ut habetur Act: 2. ergo forma Sacramenti Baptismi non fuit semper una. R. communiter concedendo antecedens, & consequentiā, quia, inquiunt, Apostoli ex singulari dispensatione usi sunt illâ formâ, quæ dispensatio jam cessavit. Tamen R. 2. negando antec: & ad locum Apostoli R. Petrum ibi fuisse locutum, modo, quo defacto nos ipsi, dum alteri aliquid mandamus, Christianè loquimur, ut cūm dicimus, celebret in Nomine Domini JESU, dormiat, pergat (ut sic loquamur suadet Apost: ad Coloss: 3. dum ait: *Omne quodcūq; facitis in Verbo aut opere, omnia in Nomine JESU facite*) & tamen non intendimus, ut celebrando, dormiendo, aut pergendo, utatur quis illis verbis, ergo male infertur, quod Petrus, quamvis dixerit ut baptizentur aliqui in Nomine Jesu, voluerit baptizantes debere uti illis verbis tanquam formâ, imò contrarium potuit intendisse, ut

nimi-



nimirum in Nomine JESU baptizarentur, applicando tamen materiam, & formam à Christo Matth: 28. institutam.

ASSERTIO V. Baptismus fluminis *Diversitas* distinguitur specie à Baptismo Joannis, nec *Baptisma-* non fluminis, & sanguinis. *tum inter*

*Probatur 1. pars.* Baptismus Christi confert gratiam ex opere operato, & est verum, & propriè dictum Sacramentum; sed Baptismus Joannis, non fuit Sacramentum, nec sic contulit gratiam, ut colligitur ex illo Matth: 3. *Ego vos baptizo in aqua, ille vero in igne & Spiritu sancto*; id est, per collationem gratiæ sanctificantis. Distinguitur etiam à Baptismo fluminis, qui est dolor perfectus de peccatis, & à Baptismo sanguinis, seu martyrio, quia hæc non conferunt gratiam, nec delent peccatum, sine voto baptismi fluminis: ergo.

ASSERTIO VI. Minister necessitatis hujus Sacramenti est quivis homo, rationis compos, potens debito modo applicare materiam, & formam, requisita ad Baptismum. Est de fide in Florent: & Trident: jam citatis, & patet ex perpetua praxi, ac traditione Ecclesiæ. *Minister necessitatis.*

ASSERTIO VII. Ordinarius minister Baptismi est summus Pontifex in tota Ecclesia: quilibet Pontifex Sacerdotatus in tota sua Diœcesi: & quilibet Parochus in sua Parochia, absq; quorum licentia, nemini, extra casum necessitatis, licet baptizare. *Minister ordinariis.*

*1. Pars* de Parocho, Episcopo, & Pontifice est definita in Florentino, & probatur ex per-

petua praxi Ecclesiæ. *Probatur 2. pars.* tum quia nulli licet usurpare jus alienum, ipso invito. ergo. Tum etiam, quia id habetur in cap: constat de Consecratione, & in Clement: uni: de Baptismo. ergo.

*Franciscani  
abstinere  
debēt præ  
alijs à mi-  
nistratio-  
ne Bapti-  
smi.*

Ex hac Conclusionē infertur, quòd quamvis nobis Fratribus Minoribus, non prohibeatur ex regula, ut non administremus hoc Sacramentum, tempore necessitatis (verba enim illa regulæ, *ne fiant compadres virorum vel mulierum*, intelligenda sunt de Compatribus quoad elevationem, ut in generali capitulo Mechlinensi 1499. declaratum est) tamen præ alijs Religiosis existimo nos maximè obligari ad nunquam baptizandum, extra extremum necessitatis casum, aut nisi intercederet expressa & voluntaria Parochi licentia, quia certum est, quòd inter Patrinos baptizans sit principalis.

*Parvuli om-  
nes ba-  
ptizandi.*

ASSERTIO IX. Parvuli omnes baptizari debent, & possunt. Est de fide definita in Trident: sess: 7. can: 13. *Prob:* Parvuli sunt capaces vitæ æternæ, & redemptionis per Christum, juxta illud Evangelistæ: *Sinite parvulos venire ad me:* ergo.

*Necessitas  
Baptismi.*

ASSERTIO X. Baptismus post Evangelij promulgationem semper fuit necessarius, non solum originali peccato infectis, sed etiam immaculatæ Virgini conceptæ; & in utero sanctificatis. *Prob:* Præceptum illud Baptismi universale est, nullum excipiens, ergo nec sanctificati in utero, aut immaculatè concepta ab illo eximentur.

*Obje:*

*Obje:* Beatissima Virgo fuit gratiâ plena: ergo nil ipsi profuit Baptismus. *W.* negando consequentiam, nam permittendo se baptizari exercuit actû virtutis, & externe professa est legem Evangelicam, & reddita est publicè capax aliorum Sacramentorum.

Parvuli expositi, sicut & monstra, baptizandi sunt sub conditione, hoc modo: *Si es parvulus expositi quomodo baptizandi.*  
*capax, ego te, &c.*

ASSERTIO XI. Ad validè baptizandum parvulum quemcunq; , nec parentum, nec dominorum consensus requiritur, & sic infidelium filij ipsis invitis, non solùm validè, sed etiam licitè baptizantur, quando id fieri posset, sine periculo æqualis, aut majoris mali.

*Probat 1. pars.* Parvuli omnes ex se sunt capaces baptismi; nec ratione aut autoritate constat, quod consensus parentum, tanquam conditio saltem, requiri debet ad hoc, ut validè baptizentur. ergo.

*Probat 2. pars.* Tum exemplo Mathat: 1. Mach: 2. qui jussit parvulos omnes in bello captos circumcidi, quod haud dubiè sciebat fieri invitis parentibus. Tum etiam, quia nil obstat, quò minùs possint baptizari parvuli tales, sine consensu parentum. ergo.

Dixi, nisi inde magis malum sequeretur, quia si sequeretur, puta si ob baptismum parvulorum infidelium parentes vellent Christianos sibi subjectos injustè persequi, aut ad infidelitatem cogere, tunc non esset licitum illos parvulos baptizare, quia non sunt faciendâ bona, ut inde eveniant mala.

*Necessitas  
medij ba-  
ptismi.*

ASSERTIO XII. Sacramentum baptismi necessarium est necessitate mediij in re, vel in voto, omnibus tam parvulis, quàm adultis. Est de fide definita in Concil: Milevit: Carthag: & Trident: sess: 7. can: 5. *Prob.* Illud dicitur necessarium necessitate mediij, sine quo, regulariter loquendo, nullo modo finis consequi potest; sed Sacramentum baptismi est taliter necessarium. Ergo maj: est certa, prob: min: Joann: 3. *Nisi quis baptizatus fuerit, &c.* Dixi in re, vel in voto, quia quando baptismus fluminis re ipsâ haberi non potest, sufficit vel fluminis, vel sanguinis, cum voto Sacramenti.

*Effectus  
baptismi.*

ASSERTIO XIII. Conferre gratiam sanctificantem, delere peccatum tam originale quàm actuale si adsit, & characterem imprimere, sunt effectus Sacramenti Baptismi. Est de fide.

*Probat* 1. pars. Tum ex Concilio Vienne[n]si in Clément: tum etiam ex Trident: sess: 5. de peccato originali, & sess: 6. ubi docet omnia peccata deleri per justificationem, sed per baptismum confertur justificatio in peccato existentibus, ergo. Tum deniq; ex dictis assert: 1. columnæ præced: *Ultima etiam pars patet* ex dictis Columnæ præced:

*Quæ ne-  
cessitas cæ-  
remonia-  
rum Ba-  
ptismi.*

ASSERTIO XIV. Cæremoniæ, quibus ordinariè utimur in baptizandis originali peccato infectis, de essentia baptismi non sunt, omitti tamen sine peccato nequeunt, si commodè adhiberi possunt. Hæc est certa.

1. *Pars patet* ex praxi Ecclesiæ, quæ in necessitate docet parvulos omittis illis cæremoniis



nijſe eſſe baptizandos. *Prob: etiã 2. pars.*

Ex ejuſdem Eccleſiæ praxi, quæ monet circa infantes, in neceſſitate gravi, omiſſis caremoniis baptizatos, ſuperato periculo, ut ſiant debitæ caremoniæ; quæ in his continentur verſibus, quorum explicationem in Agenda quærat.

*Sal, Oleum, Chriſma, cereus chriſmatè, ſaliſa, Caremo- Flatus, virtutem, baptiſmatis iſta figurant. nix Bapti- Hac cum patrinis, non mutant, ſed tamen or- ſimi, nant.*

ASSERTIO XV. Ubi receptum eſt *Quot de-* Tridentinum, Patrini de fonte levantès ba- *beant eſſe* ptizandum, non debent eſſe niſi unus, vel u- *Patrini.* na, vel ad ſummum unus, vel una ſimul. Hæc habetur in Trident ſeſſi 24. cap. 2. ex quò colligitur, quòd, ſi alij ultra numerum affi- gnatum tetigerunt baptizandum, nullam contrahent affinitatem, quia cognatio illa ſpiritualis non contrahitur, niſi inter Patri- num & baptizatum, ejusq; parentes: ac in- ter baptizantem baptizatum, ejusq; parentes.

ASSERTIO XVI. Confirmatio, ve- *Definitio* rum & propriè dictum novæ Legis Sacramen- *Sacramen-* tum, bene deſcribitur, Sacramentum unctio- *ti Conſir-* nis Chriſmatis conſecrati, quo debitus mini- *mationis.* ſter, frontem baptizati inungit, ſub certa forma verborum.

*Prob: 1. pars.* Tum ex Florentino in De- creto Eugenij, & Trident ſeſſi 7. can. 1. de Confirmatione, ubi expreſſè deſinitur; tum etiã, quia Scriptura Act: 8. docet, Petrum & Joannem, per impoſitionem manuum con- tuliffe gratiam Samaritanis; ſed ſecundum

sanctos PP. impositio illa fuit Sacramentum confirmationis: ergo. Tum etiam auth: D. August: l. 2. contra Epist: Petiliani cap: 104. *Sacramentum*, inquit, *Chrismatis in genere signorum visibilium*, *Sacramentum est, sicut Baptismus.* ergo.

*Probat*ur etiam 2. pars, quia habet conditiones bonæ descriptionis.

**Materia** ASSERTIO XVII. Materia remota  
**& forma** Confirmationis est Chrisma, substantia scilicet  
**Confirmatio.** ex oleo olivarum & balsamo confecta; proxima, unctio; Forma verò: *Signo te signo crucis, & confirmo te chrismate salutis, in Nomine Patris, & Filij, & Spiritus sancti. Amen.*

*Prob:* 1. pars, tum ex Concil: jam citatis, tum ex perpetua Ecclesie traditione, tum etiam, quia non potest ostendi alia convenientior materia Sacramenti, confortantis animam in militia spirituali, quàm oleum & balsamum, quibus corpora nostra confortantur.

2. & 3. Pars de fide sunt, & extra controversam certæ.

*Obyc:* Apostoli contulerunt hoc Sacramentum per manuū impositionem sine Chrismate: ergo Chrisma non est ejus materia. R. negando antec: quia quamvis Scriptura Chrimatis mentionem non facit, credendum tamen est materiam illam fuisse à Christo institutam, & ab Apostolis adhibitam.

**à quo christi** ASSERTIO XVIII. Chrisma bene-  
**ma debe-** dici debet ab Episcopo, qui solus ordinarius  
**et benedi-** est minister hujus Sacramenti; extraordinarius autem de licentia Papæ potest esse simplex

plex

plex Sacerdos. 1. Pars patet ex decreto Eugenij, dicentis Chrisma bene dictum ab Episcopo, esse materiam hujus Sacramenti.

2. Pars est definita in Trident: jam citato, & patet ex Scriptura Actor: 8. ubi narratur, quod cum Philippus in Samaria baptizasset multos, Apostoli missi sunt, ut eis manus imponerent, seu (ut loquitur August:) ut illos confirmarent. ergo.

Prob: 3. pars. Sanctus Gregorius Papa, ut ipsemet scribit lib: 3. moralium, epist: 26. dedit licentiam Presbyteris Sardinie conferendi hoc Sacramentum. Adrianus etiam VI. nostris Patribus in Indijs commorantibus, dedit auctoritatem confirmandi (authentica ejus concessio habetur hodie in nostro Hispanensi Conventu) sed hoc non facerent, si Sacerdotes privati non possent esse ministri hujus Sacramenti. ergo.

*Minister  
delegatus.*

ASSERTIO XIX. Sacramentum hoc admodum utile est, non tamen necessarium ad salutem, secluso contemptu, necessitate præcepti, aut medij.

*Nulla est  
Necessitas  
hujus Sa-  
cramenti.*

Probatur 1. pars. Sacramentum hoc confert gratiam sanctificantem, & alias gratias actuales, quibus homo confortatur ad pugnandum pro fide; imprimic etiam characterem, ut est de fide, & abunde constat ex dictis de Sacramentis in genere; sed isti effectus sunt ad modum utiles: ergo.

*Utilissimū  
tamen est.*

Probatur 2. pars. Quia nullum potest ostendi præceptum divinum, naturale, aut Ecclesiasticum, obligans Christianos ad hoc Sacramentum, secluso contemptu, ergo. Dixi secluso contemptu, quia certum est, quod mor-

raliter peccaret, qui, non solum ex contemptu, nollet hoc Sacramentum suscipere, sed etiam qui ex negligentia omitteret illius susceptionem, quando commodè possit.

## EPISTYLIUM PROBLEMATICUM COLUMNÆ XXXII.

*An Sacerdotes Franciscani, in partibus  
ubi desunt Episcopi, possint bodie gau-  
dere privilegio Adriani VI. circa ad-  
ministrationem Confirmationis?*



## COLVMNA XXXIII.

*De Essentia, materia & Forma Sacra-  
menti Eucharistiae.*

*Euchari-  
stia pra  
ceterū e-  
minentia.*

**A**SSERTIO I. Eucharistia verum novi testamenti Sacramentū præstantissimū est omnium Sacramentorum. 1. Pars patet ex Carthaginensi 3. c. 27. Florent: in Decreto unionis, & Trident: sess: 7. can: 1. his verbis: *Si quis dixerit Sacramenta novæ Legis non fuisse omnia à Christo Domino instituta, &c. anathema sit.* Patet etiam ratione, quia Eucharistiae convenit tota ratio Sacramenti.

2. Pars patet etiam, tum ex Trident: jam citato, can: 3. ubi anathematizat eos, qui dicunt omnia Sacramenta esse æqualis dignitatis, & sess: 13. ubi hoc Sacramentum vocat  
fan-



sanctissimum : sacrosanctum & divinum, in quo Deus divitias divini sui erga homines amoris effudit : ergo. tum etiam, quia effectus hujus Sacramenti, nempe corpus Christi est præstantissimus, & causa effectuum aliorum omnium Sacramentorum : ergo.

ASSERTIO II. *Essentia* tota hujus Sacramenti in esse permanentis consistit in *Eucharistis speciebus consecratis, significantibus corpus & sanguinem Christi.* *Prob: Impugnando adversariorum sententias : & in primis, quòd corpus Christi non sit pars aut tota essentia hujus Sacramenti.* *Probat: Tum quia Sacramentum debet esse res sensibilis, sed corpus Christi in hoc Sacramento non est sensibilis, ergo non est Sacramentum, aut pars illius : tum etiam, quia corpus Christi est effectus hujus Sacramenti, ergo non est ipsum Sacramentum ; tum deniq; , quia de fide est, ex Tridenti sess: 13. Corpus Christi contineri in hoc Sacramento ; ergo non est ipsum Sacramentum.*

Quod etiam consecratio non sit, probatur: *Non in causa non est de essentia effectus, sed consecratio est causa hujus Sacramenti, ergo major est certa. minor prob: ex Florenti sæpe citato, ubi dicitur, formam hujus Sacramenti esse, verba Christi, quibus Sacramentum hoc conficitur ; sed quod conficit aliquid, est illius causa. ergo.*

*Confirm: Quod ex natura sua transit, & in quadam successione consistit, non est de essentia rei permanentis (res enim non potest permanere sine sua essentia) sed Sacramentum.*

hoc est quid permanens (manet enim in altari, & à fidelibus verè sumitur transeunte formâ) & forma consecrativa est quid transiens, ergo forma illa non est de essentia hujus Sacramenti in esse permanentis.

*Dices* Rem transeuntem, moraliter tamen manentem, posse esse de essentia rei permanentis, sed forma consecrationis censetur moraliter manere, manente Sacramento. ergo. Contra Sacramentum Eucharistiæ potest per mensem (ne dicam tres) manere postquam transiit forma, sed quod sic manet, non potest moraliter censi continere, rem taliter transeuntem. ergo.

*Jam positivè probatur Conclusio.* Speciebus consecratis convenit tota ratio Sacramenti Eucharistiæ, ergo in illis essentialiter consistit.

*Obijc:* Consecratione fit hoc Sacramentum, sed species non sunt consecratione, sed potius Corpus Christi: ergo non in speciebus, sed in corpore Christi consistit hoc sacramentum. *ꝛ.* concedendo maj: & dist: min: Species secundum se, & nudè sumptæ, concedo min: species consecratæ, nego min: & consequentiam.

*Obijc: 2.* Non posset hoc Sacramentum adorari cultu latriæ, nisi includeret saltem corpus Christi, sed debet sic adorari. ergo. *ꝛ.* dist: maj: nisi includat ipsum tanquam partem essentialem, nego maj: tanquam partem essentialem, vel tanquam aliquid sub speciebus contentum, concedo maj: & min: & nego consequentiam.

*Obijc:*

*Obje:* 3. Forma est de essentia hujus Sacramenti; sed verba consecrationis sunt formæ fieri, est de ma; ergo. R. dist: maj: in fieri concedo maj: essentia Eu- in esse permanentis, nego maj: & distincta si- charistia. militer min: nego consequentiam.

ASSERTIO III. Eucharistia rectè *Definitio* describitur species consecrata panis & vini, *Sacramentum* nata causare gratiam sanctificantem in debi- *Eucharisti-* te illas suscipiente. *Probat:* tum ex dictis, *sist.* tum quia habet requisita omnia.

ASSERTIO IV. Unitas specifica hu- *Qualis sit* jus Sacramenti, non physica, sed moralis est, *Unitas hu-* & integralis, coalescens ex partialibus Sacra- *jus Sacra-* mentis distinctis inter se numero, & specie, & *menti.* ordinatis ad aliquod unum totale significandum.

Quòd sit unum specie *probat*ur, tum quia Trident: sess: 7. de Sacramentis in genere can: 1. anathematizat eos, qui dicunt plura, vel pauciora dari Sacramenta novæ Legis quam septem, inter quæ Eucharistiam enumerat: ergo Sacramentum Eucharistia: unum est. Tum etiam, quia diversitas specifica specie- rum panis, à speciebus consecratis vini, non impedit unitatem specificam hujus Sacramenti. ergo, prob: antec: quamvis ossa, caro, & nervi sint inter se realiter & specie distincta, adhuc tamen constituunt unum specie, corpus humanum; ergo quamvis species consecrata panis & vini, sint inter se partialia, Sacramenta specie diversa, adhuc possunt, constituere unum specie Sacramentum totale, quod dicitur Eucharistia. *Probat*ur jam

hoc est quid permanens (manet enim in altari, & à fidelibus verè sumitur transeunte formâ) & forma consecrativa est quid transiens, ergo forma illa non est de essentia hujus Sacramenti in esse permanentis.

*Dices* Rem transeuntem, moraliter tamen manentem, posse esse de essentia rei permanentis, sed forma consecrationis censetur moraliter manere, manente Sacramento. ergo. Contra Sacramentum Eucharistiæ potest per mensem (ne dicam tres) manere postquam transiit forma, sed quod sic manet, non potest moraliter censeri continere, rem taliter transeuntem. ergo.

*Jam positivè probatur Conclusio.* Speciebus consecratis convenit tota ratio Sacramenti Eucharistiæ, ergo in illis essentialiter consistit.

*Obijc:* Consecratione fit hoc Sacramentum, sed species non fiunt consecratione, sed potius Corpus Christi: ergo non in speciebus, sed in corpore Christi consistit hoc Sacramentum. *¶.* concedendo maj: & dist: min: Species secundum se, & nudè sumptè, concedo min: species consecratæ, nego min: & consequentiam.

*Obijc: 2.* Non posset hoc Sacramentum adorari cultu latræ, nisi includeret saltem corpus Christi, sed debet sic adorari. ergo. *¶.* dist: maj: nisi includat ipsum tanquam partem essentialem, nego maj: tanquam partem essentialem, vel tanquam aliquid sub speciebus contentum, concedo maj: & min: & nego consequentiam.

*Obijc:*



*Obje:* 3. Forma est de essentia hujus Sacramenti; sed verba consecrationis sunt forma; ergo. R. dist: maj: in fieri concedo maj: in esse permanentis, nego maj: & distinctâ similiter min: nego consequentiam.

*Forma in fieri, est de essentia Eucharistia.*

ASSERTIO III. Eucharistia rectè describitur species consecratae panis & vini, nata causare gratiam sanctificantem in debitoribus illas suscipiente. *Definitio Sacramenti Eucharistiae.* Probat: tum ex dictis, tum quia habet requisita omnia.

ASSERTIO IV. Unitas specifica hujus Sacramenti, non physica, sed moralis est, & integralis, coalescens ex partialibus Sacramentis distinctis inter se numero, & specie, & ordinatis ad aliquod unum totale significandum. *Qualis sit Unitas hujus Sacramenti.*

Quòd sit unum specie probatur, tum quia Trident: sess: 7. de Sacramentis in genere can: 1. anathematizat eos, qui dicunt plura, vel pauciora dari Sacramenta novæ Legis quam septem, inter quæ Eucharistiam enumerat: ergo Sacramentum Eucharistiae unum est. Tum etiam, quia diversitas specifica specierum panis, à speciebus consecratis vini, non impedit unitatem specificam hujus Sacramenti. ergo, prob: antec: quamvis ossa, caro, & nervi sint inter se realiter & specie distincta, adhuc tamen constituunt unum specie, corpus humanum; ergo quamvis species consecratae panis & vini, sint inter se partialia, Sacramenta specie diversa, adhuc possunt constituere unum specie Sacramentum totale, quod dicitur Eucharistia. Probat: jam Conclusio de unitate physica, species conse-

cra-

cratæ panis non uniuntur physice speciëbus consecratis vini, ergo non faciunt unum specie physicum cum speciebus vini.

*Unitas specifica Eucharistiæ est tantum moralis.*

*Probat 3. pars.* Unitas specifica hujus Sacramenti, non potest aliter explicari, nisi dicendo quod sit moralis, & integralis, ut patet ex jam dictis: ergo debet hoc dici.

Quod verò unitas hæc coalescat ex partialibus Sacramenti, numero & specie distinctis, probatur: Species consecratæ panis sunt signa sensibilia physica specie diversa, ex ordinatione divinâ significantia efficaciter effectus gratiæ subsistentis diversos: ergo sunt duo Sacramenta partialia diversæ rationis, consequentia est evidens, quia talibus signis convenit definitio Sacramenti, à nobis antea assignata, colum: 30. assert: 1. Prob: antec: Sanguis Christi est diversæ rationis specificæ à corpore, sed species vini significant primariò sanguinem, & species panis non sed corpus; ergo.

*Confirm:* Materia corporis Christi, scilicet panis, & forma, nempe, *Hoc est corpus meum*, tam sunt diversæ rationis specificæ, à materiâ & formâ sanguinis, & è contra, quàm sunt à materia & forma aliorum Sacramentorum, sed ab illis in esse Sacramenti realiter & specie distinguuntur; ergo & inter se, loquendo de specie physica, non verò morali, ut antea probavi.

*Laici non sumunt integrum & totale specimen Sacramenti.*

*Obijc: contra ultimam partem.* Si species panis non sint totale & integrum Sacramentum Eucharistiæ, sequitur, quod Laici non sumant integrum Sacramentum: sed hoc dicere non debet: ergo. R: maj: in omni rigore

verum

veram esse, abstinendum tamen est coram simplicioribus præsertim, ab illo loquendi modo, aliàs putarent, quòd non sumerent, integrum corpus & sanguinem Christi, aut unum Sacramentum, quod tamen non est verum, quia species panis sunt perfectissimum Sacramentum, & sub illa continetur vivum, & verum Christi corpus, simul cum sanguine & divinitate, & sic qui sumit illud, perfectum Sacramentum Eucharistiæ accipit, quamvis secundum rigorem sermonis integrum Sacramentum, in sensu jam explicato, nonumat.

ASSERTIO V. Tot sunt Sacramenta corporis Christi partialia numero distincta, quot sunt hostiæ consecratae discontinuæ.

*Vera distinctio numerica inter plura partialia Sacramenta.*

*Prob:* Totum homogenium, v. g. amphora aquæ, quæ ante divisionem una erat numero aqua, si dividatur in plures partes, quavis ab altera numero distinguitur, ergo quavis hostia ante divisionem sit unum numero Sacramentum corporis, tamen post divisionem erit diversum.

*Confirm:* De fide est, quemvis ex suscipientibus hostiam sacram, sumere verum Sacramentum Eucharistiæ: ergo si duo sumant simul duas particulas, accipiunt duo numero Sacramenta; implicat enim, ut naturaliter duo simul eadem numero species sumant, aut ut eadem numero species sint simul in diversis locis.

ASSERTIO VI. Materia requisita ad conficiendum Sacramentum Corporis Christi, est panis ex farina & aqua naturali confectus, & ad conficiendum Sacramentum sanguinis quæ? san-

sanguinis, vinum de vite. Hæc est de fide ex Trident: sessi. 13. & prob: tum ex facto Christi, qui usus est pane, & vino, tum etiam ex praxi perpetua Ecclesiæ.

*Corporis  
vera ma-  
teria est  
panis tri-  
ticeus.*

ASSERTIO VII. Solus panis triticeus potest esse materia Sacramenti corporis, est de fide in Trident: jam citato, & etiam Florentino, quorum autoritate probatur.

Dices, Concilium tantum velle triticeum panem esse materiam ordinariam, & necessariam tantum necessitate præcepti hujus Sacramenti, non vero necessitate Sacramenti. Contra eodem modo loquitur Concilium de materia corporis, sicut de materia sanguinis; ergo vel vinum de vite non erit de necessitate Sacramenti necessarium, pro materia sanguinis, quod nemo dicet; vel panis triticeus erit necessitate Sacramenti necessarius, pro materia corporis.

*Christus in-  
stituit vi-  
num pro  
materia  
sanguinis,  
abstrahendo à rubro  
& albo.*

Obijc: Quamvis Christus consecravit in vino albo, non sequitur inde, quod vinum rubrum non sit materia sanguinis, ergo quamvis consecravit panem triticeum, non sequitur inde, quin panis hordeaceus possit consecrari. R. concedendo antec: & negando cōsequentiam, quia Christus pro materia sanguinis instituit vinum de vite, abstrahendo ab hoc, an esset album, vel rubrum, ut patet ex perpetua Ecclesiæ traditione; pro materia autem corporis, non instituit panem quomodocunq; sed solum triticeum.

*Non suffi-  
cit lora,  
nec succus,*

Hinc infertur, nec succum ex agresta, nec acetum, nec loram posse esse materiam consecrationis sanguinis, quia non sunt vinum  
de



de vite. Idem dic de succo incluso in uva, *in uva is-*  
non verò de musto aut de vino parum acido. *clusus.*

ASSERTIO VIII. Tam azimus, *Et azimus*  
quàm fermentatus est sufficiens materia Sa- *& ferment-*  
cramenti corporis. *Prob: de azimo (de fer- tatus suffi-*  
mentato non est difficultas, nam additio fer- *cit pro ma*  
menti non tollit, quin panis sit verus panis *teria cor-*  
usualis) Christus Dominus consecravit in a- *poris.*  
zimo, ergo panis azimus est sufficiens mate-  
ria. *Prob: antec: Christus usus est illo pane,*  
quo secundum legem tunc debebant omnes  
Judæi uti; sed ille fuit azimus: ergo maj: est  
certa. *Prob: min: consecravit Christus illa no-*  
cte, quâ ille & Judæi omnes debebant come-  
dere agnum Paschalem, hoc est lunâ decimâ  
quartâ i. Mensis, qui à Judæis dicebatur *Ni-*  
*san*, sed illo die, & sequentibus duobus, pa-  
nis fermentatus erat prohibitus, ut habetur  
Exod: 12. v. 18. & 19. ergo min: est certa, *prob:*  
ergo maj: tum Matth: 26. *Primo die Azimo-*  
*rum, &c.* tum etiam sic: Christus comedit a-  
gnum paschalem, & consecravit panem pri-  
mâ die Azimorum, sed illa fuit luna decima  
quarta primi mensis ad vesperam (dies illa a-  
pud Judæos non habuit primas Vesperas) ut  
patet ex Scriptura loco citato; ergo conse-  
cravit panem, qui illa luna fuit usualis, sed  
ille fuit azimus, ut patet ex jam dictis, ergo.

*Obyc: Christus abrogavit legalia, sed panis*  
azimus est aliquid legale: ergo non est insti-  
tutus pro materia hujus Sacramenti. *g. con-*  
cedendo maj: & dist: min: est legale in quan-  
tum à Christo institutus pro materia hujus  
Sacramenti nego min: est legale aliquid, in-

in quantum Judæi illo utebantur, concedo  
min: & nego consequentiam.

*Quæ ne-  
cessitas a-  
quæ infu-  
se in cali-  
cem.*

*Aqua ma-  
net simul  
cum san-  
guine Chri-  
sti in cal-  
ce.*

*Quid per  
aquam de  
notetur?  
Est præce-  
ptum Ec-  
clesiæ tan-  
tùm de in-  
fusione a-  
quæ.*

ASSERTIO IX. Aqua ex præcepto tantùm Ecclesiæ miscenda vino ante consecrationem, probabiliter loquendo, nec in vinum, nec in sanguinem transit.

*Probatur 1. pars.* Tum ex Concilijs sæpè citatis, ac perpetua Ecclesiæ traditione, & ipsius Christi factò, qui, ut in Liturgijs D. Jacobi Apostoli & Marci Evangelistæ expressè habetur, in nocte cœnæ miscuit aquam vino, ad denotandum, quòd de ipsius sacratissimo latere exiret sanguis, qui per vinum denatur, & aqua elementaris. Quòd autem

mixtio illa ex solo Ecclesiæ præcepto facienda sit, probatur, tum ex Trident: sess: 22. cap: 7. ubi sic habet: *Sancta Synodus monet, præceptum esse ab Ecclesia Sacerdotibus, ut aquam vino in calice offerendo miscerent.* Tum etiam, quia de nullo præcepto divino in hoc puncto nobis constat; nam per hoc, quòd ipse vinum miscuit aquam, malè colligitur, quòd præceperit Discipulis, & alijs, ut idem facerent, sicut per hoc, quòd laverit priùs Discipulorum pedes, quòd priùs comederit cœnam, & postea sedentibus Discipulis, dederit eis Eucharistiam, malè colligeretur quòd præceperit alijs, ut idem faciant in administratione hujus Sacramenti, ergo admixtio illa aquæ cum vino, ex puro puto Ecclesiæ præcepto facienda est, nec aliud intendit Julius Pontifex, aut Cyprianus, relati in cap: *Cum omnes*, de Consecratione, d. 2.

*Probatur ultima pars (quæ de probabilitate*

te stando puræ rationi loquitur) Aqua non convertitur nec immediatè, nec mediatè in sanguinem: ergo nullo modo. Prob: antequoad primâ partem: Aqua non est materia nec pars materiæ sanguinis, ergo non convertitur immediatè in sanguinē; Prob: anteced: secundum Trident: sess: 13. Vinum de vite est materia hujus Sacramenti; sed aqua non est de vite. ergo. Probatur 2. pars antecedentis principalis, si gutta v. g. aquæ posset converti à vino cui imponderetur, in vinum, sequeretur, quod ampulla vini, in vinum converteret unum vas aquæ; sed hoc nemo rationaliter admittet, ergo neq; illud. Probatur sequela: Potest ampulla vini converti in se duas guttas aquæ, ergo & quatuor, & sex, & consequenter paulatim integrū vas. Prob: consequentia, quod plus est de vino, eo majorem habet vim convertendi in se aquam; sed conversâ primâ guttâ aquæ in vinum, plus erit de vino, quàm antea fuit: ergo factâ conversione primæ guttæ aquæ, vinum habebit majores vires ad alias & alias guttas in se convertendas.

*Dices.* Per conversionem aquæ in vinum, vires vini debilitari. Contra 1. Per conversionem lignorum in ignem, vires prioris ignis non debilitantur, sed augentur, quia factâ illâ conversione fit major ignis quàm antea, sed factâ conversione aquæ in vinum, est plus de vino quàm antea, ergo vires illius non debent debilitari. Contra 2. Aqua quæ in vinum convertitur, debet post conversionem esse ejusdem rationis cum vino convertente illam, ergo per additionem illius, præ-

cedentis vini vires non debent debilitari, sed potius augeri, & consequenter factâ illa conversione, vinum habebit majores vires, ad alias & alias aquæ guttas convertendas.

*Confirm: hoc 1.* Humiditas & frigus, quæ sunt qualitates connaturales substantiæ aquæ, expelli non possunt, nisi per contrarias qualitates, nempe calorem, & siccitatem, sed manifestum est, quod vinum non habeat, formaliter loquendo, calorem aut siccitatē, ergo non habet vires, quibus posset expellere qualitates conservativas aquæ; sed illis non expulsi, manet semper substantia aquæ; ergo in calice simul cum sanguine manet substantia aquæ.

*Manente aquâ cum sanguine melius representatur veritas & figura sanguinis.* *Probatur secundò eadem pars.* Si diceretur, quod in consecrato Calice maneret aqua in sua substantia, melius representaretur in hoc Sacramento veritas & figura sanguinis, & aquæ naturalis, quæ de latere Christi in Cruce fluxerunt; nec in hoc ullum esset periculum Idololatriæ, ut unicuique prudenti patet: ergo stando puræ rationi hoc est dicendum.

*Dixi rationi, quia stando authoritati, probabilius est, quod aqua prius convertatur in vinum, & postea in sanguinem.*

*Quomodo materia debeat esse determinata.* ASSERTIO X. Materia consecrationis debet esse determinata & certa; non tamen determinata magnitudinis, aut parvitatē, modò sit sensibilis.

*Prob: 1. pars.* Tum ex Rubricis Missalis, tum etiam, quia forma consecrationis, in qua proferuntur *Hoc*, & *Hic*, non esset vera, nisi materia esset certa, & determinata, & moraliter ad minimum præsens, hoc est, iudicio



dicio prudentis, non notabiliter distans a proferente formam.

*Probatur 2. pars.* Quævis quantitas sensibilis panis est panis, & vini, est vinum; sed panis, est materia consecrabilis; ergo & quævis ejus sensibilis quantitas. Dixi *sensibilis*, quia Sacramenta sunt signa sensibilia, propterea sic instituta, ut possit quis cognoscere quando suscipiuntur; sed insensibilis pars panis non esset talis. ergo.

ASSERTIO XI. Determinata verborum forma ad hoc Sacramentum sufficiens & necessaria, est illa, in Canone Missalis Romani assignata. Est de fide, ex Trident: sess: 13. & Florent: in Decreto unionis. *Prob:* Tum quia Christus non est usus aliâ consecrandi formâ: tum etiam ex praxi omnium fidelium adorantium Christum, statim ac verba illa proferuntur. ergo. *Forma vera consecrationis.*

ASSERTIO XII. Ut validè cōsecretur panis, sufficiunt hæc quatuor verba: *Hoc est Corpus meum*; & ut vinum, sufficiunt hæc, (vel æquivalentia) *Hic est sanguis meus*: ut verè licitè præmitti debent alia omnia in Canone posita, incipiendo à *Qui pridie*. *Quæ verba sufficiunt pro consecratione.*

*Prob: 1. pars.* Ad confectionem Sacramenti sufficit, ut Minister habens intentionem debitam, applicet materiæ formam essentialiter requisitam; sed illa quatuor verba sunt forma hic requisita ad consecrationem panis, ut definit Florent: & Trident: jam sæpius citatum. ergo.

*Prob: 2. pars.* Tum à paritate formæ consecrationis: tum etiam, quia ideo sola hæc

verba, *Hic est sanguis meus*, non sufficerent, vel quia Christus omnia alia, quæ in Canone subsequuntur, adjunxit: vel quia Ecclesia illa semper adjungit. sed neutrum horum est sufficiens ratio. ergo. Prob: 3. non primum, tum quia omnia illa verba, ut à nobis defactò proferuntur in Canone, non habentur apud ullum unum ex Evangelistis: tum etiam, quia quamvis ad formam corporis Christus adjunxit *ly quod pro vobis tradetur*, adhuc tamen, etiam secundum Adversarios, particula illa non est de essentia formæ corporis: ergo quamvis subjunxisset post *ly sanguinis mei*, alia omnia quæ ordinariè à nobis proferuntur, inde non sequitur, quòd essent de essentia formæ sanguinis.

Non etiam secundum, quia Ecclesia adjungit ad illa verba semper *ly enim*; & tamen secundum omnes non est de essentia formæ. ergo.

*Præceptū Ecclesiæ circa formam Consecrationis* Probatur ultima pars. Ex præcepto saltē Ecclesiæ debent omnia verba in Canone posita proferri; ergo licitè nullum ex illis omitte potest.

*Obijc: pro prima parte.* Si Sacerdos proferat illa sola quatuor verba, non præmittendo alia in Canone posita, tunc non significaretur ibi esse Corpus Christi, sed Sacerdotis; ergo non sufficiunt illa.

R. distinguendo antecedens, non significatur præcisè ex vi sermonis, sine intentione proferendi ea in persona Christi, concedo antecedens: si Sacerdos habeat intentionem proferendi ea in persona Christi, nego antecedens & consequentiam.


ASSERTIO XIII. Forma hujus Sacramenti profertur à Sacerdote recitative & *Forma hac & re-*  
significative simul. Ut intelligatur Conclu- *citativè &*  
sio, adverte tunc verba aliqua recitative, seu *significati-*  
materialiter tantum proferri, quando unus *de profer-*  
alterius dicta nudè narrat, vel profert, non *tur.*  
curando, quid per illa significatur, ut fre- *Quid sit*  
quenter facit actor in comœdia, & qui linguâ *verba re-*  
loquitur, quam non intelligit. Significative *citativè*  
verò, quando proferuntur verba cum inten- *proferre.*  
tione significandi per ea, quod ex institutio-  
ne sua debent significare. Hinc facile colligitur, quid sit verba recitative & significative simul proferre. Nunc probatur Conclusio, Sacerdos profert illa verba in persona Christi, & per ea intendit idem significare, quod Christus intendebat: ergo profert ea recitative & significative simul. ergo.

*Confirm.* Si merè recitative verba formæ proferrentur à Sacerdote, non significarent Corpus Christi esse hic & nunc sub his speciebus præsens, sed potius sub illis speciebus, quas in cœna discipulis dedit Christus; sed de fide est, verba consecrationis significare Corpus Christi esse hic & nunc præsens sub illis speciebus: ergo non merè recitative proferuntur. Probatur major, qui nudè tantum recitat verba ab alio prolata, vel quia nihil intelligit, vel si aliquid, non aliud, quàm quod ille alter ante per ea tali loco & tempore significabat, sed Christus significabat per verba in Cœna ab ipso prolata Corpus suum esse sub illis solis speciebus, quas ille tunc in cœna coram se habuit: ergo si verba illa

non sequitur tenendo nostrā conclusionem;  
ergo. Lege Doct: in 4. distinct: 8. q. 2. n. 17.

# EPISTYLIUM PROBLEMATICUM COLUMNÆ XXXIII.

*An forma Eucharistiae de rigore sermo-  
nis, logicè loquendo, sit vera?*



## COLUMNÆ XXXIV.

*De reali praesentia Corporis Christi,  
& transubstantiatione.*

**A**SSERTIO I. Verè realiter & sub- *Realis pra-*  
stantialiter sub speciebus consecratis *sentia Chri-*  
Corpus & Sanguis Christi continentur. Est *sti sub spe-*  
de fide, definita in varijs Concilijs, quorum *ciebus.*  
authoritate, sicut & omnium ferè Sanctorū  
Patrum (quos fusè citat Bellarminus lib: 1.  
de Eucharistia cap: 6. & sequentibus.

*Prob: 1. Conclusio. Prob: etiam secundò.*  
Christus Matth: 26. & alibi sæpè dixit, illud  
quod dedit Discipulis esse ipsius Corpus, er-  
go cum nec ratio, nec autoritas exigit, ut  
illa verba intelligantur improprie, creden-  
dum est, quòd verè & proprie, juxta literalē  
Scripturæ sensum, ibi contineatur Corpus  
Christi. Confirmatur hoc, non est ulla ra-  
tio, cur verba illa Joannis 1. *Et verbum caro*



connaturalem ad locum est in Eucharistia, sub qualibet specie tam panis, quàm vini. Est de fide, definita in Concilio Constantinopolitano, sess: 13. Florent: in Decreto Unionis, & Trident: sess: 13. cap: 3. his verbis: *Hæc Fides semper in Ecclesia Dei fuit, statim post consecrationem verum Domini nostri Corpus, verumq; ejus sanguinem sub panis & vini specie, unà cum ipsius anima & divinitate existere; sed corpus quidem sub specie panis, & sanguinem sub vini specie, ex vi verborum, ipsum autem corpus sub specie vini, & sanguinem sub specie panis animamq; sub utraq; vi naturalis illius connectionis & concomitantia, quâ partes Christi Domini, qui jam ex mortuis resurrexit, non amplius moriturus, inter se copulantur: Divinitatem porro propter admirabilem illam, ejus cum corpore & anima hypostaticam unionem. Quapropter verissimum est tantundem sub alterutra specie, atq; sub utraq; contineri. ergo.*

*Probatur 2. ratione.* Non potest esse materialiter corpus vivum & verum sine anima, sanguine, & accidentibus suis connaturalibus; nec sanguis vivus, nisi conjunctus corpori; sed sub speciebus panis ponitur vivum & verum Christi corpus (Christus enim, ut ait Apostolus, non amplius moritur, mors illi ultra non dominabitur.) ergo.

*Dixi in conclusione, non dicentibus respe- Christus etum connaturalem, ad locum, quia talia, nō est præ- accidentia, ut sunt motio, actio, passio, &c. sens. secundum supponunt locum, & modum essendi in ipso dūm alinaturalem, & extensum, qui modus non est quos re-*  
*D d 5 com- spectus.*

compatibilis cum ubi Sacramentali Corporis Christi in Eucharistia.

*Obijc:* Non ponitur humanitas Christi ubicunq; est divinitas, quamvis uniatur physice divinitati: ergo non ponitur anima aut sanguis, ubicunq; ponitur Corpus Christi, quavis cum illo habeant naturalem connexionem. *ry.* negando consequentiam & paritatem, quia Divinitas ob suam illimitationem & immensitatem est ubiq; necessario, & sic non est inconveniens, ut sit in multis locis, ubi non est humanitas Christi, quæ finita est & limitata, secus dicendum est de corpore vivo, & sanguine.

*Cum corpore & sanguine Christi non manet substantia.*

ASSERTIO III. Sub speciebus Eucharisticis simul cum corpore & sanguine Christi non manet substantia panis & vini. Est expressè de fide definita in Lateranensi, sub Innocent: III. Florent: in Decreto Unionis, & Trident: sess: 13. Can: 2. his verbis: *Si quis dixerit in SS. Eucharistia Sacramento remanere substantiam panis & vini, unà cum corpore & sanguine Domini, anathema sit.* Probatur conclusio jam citatorum Conciliorum, auctoritate, quibus adde, quæ inferius de transubstantiatione dicemus.

ASSERTIO IV. Nulla intercedit unio formalis & vera inter species Eucharisticas, & corpus Christi. *Prob:* Non uniuntur hypostaticè, ut omnes concedunt, non etiam accidentaliter, quia conservantur sine omni subjecto, ut omnes docent, non intercedit etiam unio formæ substantialis ad materiam, quia corpus non habet rationem, aut sub-

subiecti, aut materiæ respectu specierum, aut è contra. ergo nullo modo uniuntur verè; & sic tenendum est, quòd Corpus Christi sit speciebus Eucharisticis tantùm præsens, per relationem veram & novam, extrinsecus advenientem.

*Obijc:* Species erant unitæ panis & vino; sed Corpus Christi succedit substantiæ panis, ergo. *R.* distingu: minorem, succedit ita, quod contineatur sub speciebus, sub quibus continebatur panis, concedo min: succedit sic, ut in corpore subiectentur species, sicut in pane subiectatæ erant, nego min: & consequentiam.

ASSERTIO V. Operationes immanentes, quæ in cælo Christo conveniunt, conveniunt etiam illi in Sacramento: actiones autem Christum sensuum externorum exercere non valet, *sed in hoc bene tamen intellectus & voluntatis.*

*Probatur 1. pars.* Nullum absolutum desinit esse in aliquo, propter nudum & novum præsentiam respectum, sed operationes immanentes, puta visio & fructio beatifica, sunt qualitates absolutæ: ergo non desinunt esse in Christo, propter præsentiam ejus Sacramentalem.

*Probatur 2. pars.* Sensus externi Christi, secundum statum, quem habet in Sacramento, non possunt moveri ab objecto sensibili: ergo Christo ut sic constituto, non potest cōpetere operatio sensus externi.

*Prob: 3. pars.* Nihil impedit, ut Christus habeat, ut in Eucharistia existens, operationes intellectus & voluntatis, ergo. *Prob: antec:* Potentiæ puræ spirituales, non possunt.

in suis operationibus impediri per hoc, quod totum cujus sunt, inveniatur modo sibi non connaturali; sed intellectus & voluntas in Christo sunt potentiae connaturales. ergo.

*Obijc: contra 1. partem.* Sensatio sensus exigit praesentiam objecti; sed objecta cognita & visa in caelo non sunt illi in Eucharistia praesentia. ergo. R. distinguendo maj: praesentiam objecti alicubi, concedo maj: in omni loco nego maj: & concessa min: nego consequentiam.

*In quo statu intellectus moveatur ad intellectionem* *Obijc: contra ultimam partem.* Intellectus non movetur ad intellectionem objecti sensibilis, nisi dependenter à phantasmatibus; sed in phantasia Christi, ut in Eucharistia existit, intellectionem nullam habet operationem, ergo nec intellectus. R. distingu: maj: Pro statu patriae & beatitudinis, nego maj: pro statu viae, concedo majorem & minorem, & nego consequentiam.

**ASSERTIO VI.** Corpus Christi in Eucharistia, non potest neq; per se, neq; per accidens, physice moveri localiter, à movente Corpore Christi specie, bene tamen moraliter.

*Probat: Non potest in Sacramento Corpus Christi moveri physice ab ullo, nisi quatenus moveret physice species, quibus corpus est praesens; vel quatenus corpus comitetur semper species, quocunq; moveantur; sed neutro modo dici potest, quod physice Corpus Christi moveatur à Sacerdote. ergo. Major est certa. prob: min: quoad 1. partem, exemplo Doct: per hoc, quod Angelus sisteret se praesentem lapidi, movens lapidem, non propterea moveret Angelum, ut est certum, sed non*



non est major unio physica inter corpus Christi & species, quàm in tali casu esset inter Angelum & lapidem: ergo movens species, non movet physicè corpus Christi.

*Probatur etiam minor principalis quoad secundam partem.* Si Angelus ille præsens lapidi determinaret, quod se veller movere ad motum lapidis causatum ab alio; motus ille Angeli, moto lapide, non proveniret physicè à movente lapidem, sed potiùs ab ipsomet Angelo, & moraliter tantùm à movente lapidem, supposità determinatione Angeli; sed eodem modo allegatur Christus, ex decreto nimirum Dei, ad hoc, ut à voluntate divina moveatur physicè, quoties à Sacerdote, moventur species; ergo non moventur physicè à movente species, sed potius à Deo, & moraliter tantùm à movente species, & per hoc patet probatio secundæ partis, & quomodo verum est, quòd Sacerdos elevet Corpus Christi in altari, deferat illud ad infirmos, &c.

**ASSERTIO VII.** Corpus Christi in sensu reduplicativo præsentiæ Sacramentalis, neq; de potentia absoluta videri potest ab oculo corporeo, bene tamen in sensu specificativo.

*Probatur 1. pars.* Non potest potentia visiva etiam divinitùs ferri in aliquod objectũ, quod est extra latitudinem objecti sui proprii; sed præsentia sacramentalis est extra latitudinem oculi corporei. ergo. Maj: est certa, prob: min: Objectum oculi est color vel lumen, vel sensibile commune, quale sunt numerus, motus, quies, figura & magnitu-

*An corpus Christi ab oculo corporeo in Eucharistia possit videri.*

gnitudo; sed præsentia illa sacramentalis, sub nullo ex illis continetur. ergo.

*Probatur 2. pars.* Nihil impedit, quo minus possit naturaliter videri corpus, habens sacramentalem præsentiam, non visâ præsentia, nisi quia non habet extensionem localem, seu præsentiam suam naturalem, sed non implicat, ut Deus in productione visionis, suppleat defectum utriusq; : ergo. Maj: est certa. probatur min: Potest Deus supplere concursum connaturaliter requisitum ex parte objecti ad visionem, ex parte gratiæ ad actum meritorium, & luminis gloriæ ad visionem beatificam; ergo & defectum extensionis localis requiritæ, ad ocularem visionem corporis Christi.

*Obijc: contra 1. partem.* Potest oculus corporeus videre præsentiam duarum rerum: ergo & præsentiam sacramentalem Corporis Christi divinitus saltem. Prob: antecedens, potest discernere inter absentiam & præsentiam rerum duarum, ergo & videre præsentiam. R. negando antecedens, ejusq; probationis antecedens, loquendo de præsentia formaliter sumpta; nam oculus vidit tantum colores & lumen; & intellectus tunc est, qui discernit, an res sit præsens, vel absens.

*In quo statu intellectus possit videre præsentiam corporis Christi.*

ASSERTIO VIII. Intellectus creatus, pro hoc statu nequit naturaliter intuitivè videre præsentiam Corporis Christi in Eucharistia; bene tamen in statu separationis.

*Probatur 1. pars.* Pro hoc statu nihil potest intuitivè cognoscere, nisi dependentè à sensibus;

sibus; sed presentia illa sub nullo sensu externo cadere potest, ut jam dixi, ergo.

*Probatnr 2. pars.* Presentia sacramentalis continetur sub objecto adequato motivo intellectus creati, non dependentis à sensibus: ergo potest naturaliter à tali intellectu cognosci, probatur antec: continetur sub ente ut sic, ergo.

ASSERTIO IX. Transubstantiatio, *Definitio* transitio totius substantiæ in substantiam, *Transub-* possibilis est. *Prob: 1. pars* illam explicando: *Ly transitio*, id est conversio, est *stãtiatio-* nis.

genus, in quo definitum convenit cum alijs mutationibus, *ly totalis* est differentia, definiti à corruptione naturali, in qua nunquam definit tota substantia rei. Additur substantiæ in substantiam, ad denotandum, quòd uterq; terminus hujus mutationis sit substantia.

*Probatnr 2. pars.* Non implicat, ut definat esse substantia aliqua v. g. lignum, secundum se, & omnes suas partes essentielles, manentibus duntaxat accidentibus; & ut alia substantia de novo incipiat esse secundum se totam, & priori succedat sub iisdem accidentibus; sed talis esset transubstantiatio. ergo.

ASSERTIO X. Transubstantiatio *formaliter* loquendo dicit actionem veram & *maliter dicitur* novam, quâ mediante panis convertitur in *cat tran-* Corpus Christi. *Probatnr.* Non potest ha- *substãti-* beri effectus novus & realis, nisi per actionē *atio.* novam & realem, sed presentia Corporis Christi ad species Eucharisticas, & desitio totalis substantiæ panis sunt effectus novus &

realis : ergo ponitur per actionem novam & realem.

*Terminus  
à Quo, &  
ad Quem,  
Transub-  
stantiatio-  
nis.*

ASSERTIO XI. *Terminus*, à quo actionis transubstantiatiuæ est substantia panis & vini ; ad quem verò, de novo productus, est ipsa præsentia corporis ad species, ut habet concomitantem definitionem substantiæ panis.

*Probatur prima pars.* *Terminus* à quo cuiuscunq; conversionis substantialis est ille, qui definit esse, quando producit terminus ad quem, ut per se patet ; sed in conversione transubstantiatiua, substantia panis & vini est quæ definit esse. ergo.

*Probatur 2. pars.* Per illam actionem nihil de novo producit, præter illam præsentiam ; ergo.

*Terminus  
formalis  
Transub-  
stantiatio-  
nis.*

ASSERTIO XII. Absolutè loquendo, terminus formalis *Ad quem* hujus conversionis substantialis, præter illam substantiam, est terminus ejus formalis *ad quem*.

*Confirm:* Terminus formalis *ad quem* actionis conversivæ est illud, in quod aliud convertitur, ut patet in quacunq; conversione, tam substantiali, quàm accidentali ; sed substantia panis per hanc conversionem convertitur, in substantiam corporis Christi, ergo terminus *ad quem* illius, erit ipsum corpus Christi : Major est certa, & min: de fide, ex Trident: sess: 13. cap: 4. can: 2. ubi ait : *Mirabilem hanc conversionem, esse totius substantiæ panis & vini, in substantiam Corporis & Sanguinis Domini.*

*Obijc:* Potest transubstantiatio esse muta-  
tio



tio substantialis, quamvis terminus *ad quem*, illius esset accidens, puta præsentia; ergo frustra assignatur pro termino illius *ad quem*, substantia corporis. Prob: antec: Decapitatio est mutatio substantialis, quamvis terminus *ad quem* illius est pura negatio capitis, & similiter dic de omni corruptione substantiali. ergo. R. negando antec: & consequentiã suã probationis, & disparitas est, quia transubstantiatio est mutatio substantialis positiva, & sic petit terminum substantialem positivum; decapitatio autem non est, sed potius negativa mutatio, & sic contentatur solâ negatione pro termino.

ASSERTIO XIII. Per actionẽ tran- *Per hanc*  
substantiatiã non producitur, nec conserva- *Corpus*  
tur ipsa substantia corporis Christi in Eucha- *Christi nõ*  
ristia. Prob: Implicat ut idem effectus de- *produci-*  
pendeat à duabus actionibus totalibus, seu *tur, nec cõa*  
etiam, quarum una esset totalis, & altera, *servatur.* (  
partialis, ut fusè probavi in physica, sed si  
per transubstantiationem defacto vel conser-  
varetur Corpus Christi, dependeret à duabus  
totalibus actionibus; ergo. Probatur minor.  
Corpus Christi est jam productum & conser-  
vatum à 1663. annis, productione & con-  
servatione adæquatâ independenter ab actio-  
ne transubstantiativa; ergo si produceretur  
aut conservaretur per illam actionem, depen-  
deret à duabus actionibus adæquatis, seu  
quarum una est adæquata.

*Confirm:* Sine ulla prorsus necessitate dice-  
retur, quod per actionem transubstantiatiã  
produceretur aut cõservaretur Corpus Chri-

sti; ergo non debet hoc dici. Probatur antecedens. Ad transubstantiationem non requiritur aliud, nisi ut Corpus Christi sistatur præsens speciebus, & quòd ratione illius præsentia destruaturs substantia panis & vini, sed totum hoc potest haberi, quamvis per actionem transubstantiativam, nec produceretur, nec conservaretur Corpus Christi. ergo.

*Obijc:* Transubstantiatio non rectè diceretur actio substantialis, nisi per illam produceretur substantia: ergo debet per illam produci: sed non alia, nisi substantia Corporis Christi. ergo.

*Confirm:* Corpus Christi est terminus formalis, *ad quem*, hujus conversionis: ergo per illam produciturs. & negando antecedens, nam ut dicatur substantialis, sufficit, quòd virtute illius substantia Corporis Christi sistatur præsens speciebus, & destruaturs substantia panis & vini, producereturq; etiam de novo substantia Corporis Christi, nisi antea esset producta.

Ad *Confirmationem* & distinguendo antecedens, terminus formalis de novo productus, nego antecedens, terminus formalis specificativus illius actionis, & succedens substantia panis, concedo antecedens, & nego consequentiam.

*Quid sufficiat ad hoc, ut Transubstantiatio dicatur substantialis.*

*Quid pro formali dicat transubstantiatio.*

ASSERTIO XIV. Transubstantiatio est actio tantum adductiva Corporis Christi ad species.

*Probatur.* Tum quia non potest ostendi, in quo alio consisteret: tum etiam, quia sufficit, ut dicatur actio adductiva, hoc est, actio, quâ mediante verè & physice ipsa præsentia nuda Corporis Christi ad species produciturs: ergo est tantum actio addu-

*De reali pres: Corp: Christi, &c. 417*

adductiva, quæ concomitantem habet defitionem, imò & veram annihilationem panis, (tunc annihilatur substantia, quando nulla pars substantialis illius manet) in cuius locū succedit substantia adducta.

ASSERTIO XV. Accidentia absoluta panis & vini, post consecrationem manent sine subjecto saltem ultimato. *Accidentia Eucharistica manent sine subjecto.*

*Probatur* Authoritate Conciliorum Lateran: in cap: *Firmiter*, Florentin: in Decreto Eugenij, & Trident sess: 13. cap. 2. definientium, quod in Eucharistia manant species panis, destructa substantia utriusq; , sed accidentia illa non subiectantur in corpore Christi, cui nec uniuntur, ut antea probavi assertionem sextā hujus columnæ; nec potest ostendi, in quali essent, tanquam in subjecto ultimato, ergo in nullo tali sunt.

*Dixi* ultimato, quia ex suppositione, quod detur quantitas realiter distincta à substantia, erit sufficiens subjectum immediatum omnium qualitatum Eucharisticarum, ut probavi in physica; non tamen ultimum, quia ipsamet quantitas exigit subiectari in substantia, tanquam in subjecto immediato suo, & mediato seu ultimato qualitatum. *Quantitas est subjectum accidentium immediatum sed non ultimum.*

ASSERTIO XVI. Agens naturale, potest agere in species Eucharisticas illas destruendo; sub illis tamen manet tam diu Corpus Christi, quamdiu maneret substantia panis connaturaliter loquendo, si adesset. *Corruptibilitas species concieru consecrataru permanet.*

*Prob: 1. pars*, experientiā hostiæ in ignem projectæ: ergo. *Probatur etiam 2. pars.* Tum ex praxi Ecclesiæ venerantis hostiam ex Tum ex praxi Ecclesiæ venerantis hostiam ex *Christi sub speciebus quāta sit.*

stomacho ejectam, aut in sordido loco projectam; tum etiam, quia nulla est ratio, cur naturaliter loquendo sub accidentibus diutius maneret substantia panis incorrupta, quam substantia Corporis Christi præsens; sed manentibus accidentibus integris, conaturaliter loquendo, maneret semper substantia panis; ergo & substantia Corporis Christi illi succedens.

## EPISTYLIUM PROBLEMATICUM COLUMNÆ XXXIV.

*An simul cum puerili forma in hostia apparente, maneat Corporis Christi vera substantia?*



## COLVMNA XXXV.

*De necessitate praecepti, & ministro  
Eucharistiae.*

*Nulla est  
necessitas  
medij Eu-  
charistiae.*

**A**SSERTIO I. Eucharistia non est necessaria necessitate medijs, neque in re, neque in voto, ad consequendam vitam æternam. *Probatur.* Quod non est necessarium ad obtinendam primam gratiam justificantem, non potest esse necessarium necessitate medijs ad salutem; sed Eucharistia non est necessaria, neque in re, neque in voto ad primam gratiam

tiam



tiam illam obtinendam : ergo. maj: est certa, nam habens primam gratiam justificantem, est Filius Dei, & hæres Regni cœlestis, ut est de fide. Prob: jam min: quoad primam partem : Per baptismum confertur baptizato prima gratia justificans, ut probavi assertione 13. Columnæ 31. Et similiter per pœnitentiam confertur prima gratia justificans post lapsum, & hoc ante sumptionem Eucharistiæ: ergo Eucharistia in re non est necessaria ad primam gratiam, nec consequenter ad salutem.

*Prob: etiam 2. pars* de voto, eatenus Eucharistia esset sic necessaria, quatenus vorum ipsius afferret aliquem effectum necessarium ad salutem; sed nullum affert; ergo probatur min: *Votum Eucharistiæ non potest esse* magis utile ad salutem, quàm esset ipsa Eucharistia, si in re confertur; sed Eucharistia re ipsâ suscepta, non affert ullum effectum necessarium ad salutem, ut patet ex mox dictis : ergo.

*Obijc: Joann: 3. Nisi quis renatus fuerit ex aqua & Spiritu sancto, &c. colligitur, quod Baptismus sit necessarius necessitate mediij: ergo ex his alijs Joann: 6. Nisi manducaveritis carnem Filij hominis, non habebitis vitam in vobis, colligi debet, quod hoc Sacramentum sit necessarium necessitate mediij, in re, vel in voto ad salutem. R. nega: anteced: nam ex illo loquendi modo Scripturæ tantum colligitur, quod baptismus sit necessarius necessitate mediij vel præcepti; quod verò sit necessarius necessitate mediij, non ex illo loco præcisè colligimus, sed potius quia est medium.*

necessarium ad primam gratiam. Deinde certum est, Christum illis verbis Joann: 6. *Nisi manducaveritis, &c.* fuisse locutum solis adultis, qui soli proprie loquendo manducare possunt, & sic nihil facit ad propositum.

*Præceptum  
divinum de  
sacramenta  
Eucharistiæ  
fit ab ad-  
ultis.*

ASSERTIO II. Præcepto Divino comprehendente, omnes & solos adultos rationis compotes, Eucharistia necessaria est ad salutem. Probatur ex illo Joann: 6. *Nisi manducaveritis carnem filij hominis, & biberitis ejus sanguinem. non habebitis vitam in vobis.* 1. Corinth: 1. *Hoc facite in meam commemorationem.* Quæ verba ad minimum afferunt necessitatem præcepti divini.

*Soli adulti  
ligantur  
hoc præ-  
cepto.*

Quod verò hoc præcepto soli adulti tenentur, probatur, tum quia soli illi capaces sunt præcepti, ejusq; obligationis, qui habent suas liberas actiones; sed soli adulti habent hujusmodi actiones: ergo soli illi obligantur illo præcepto. & propter hoc Trident sess: 21. cap: 4. damnat eos, qui dicunt Eucharistiam esse parvulis ullo modo necessariam ad salutem.

*Et quidem  
omnes.*

Quod etiam omnes adulti obligentur illo præcepto, probatur, quia non est potior ratio, cur unum comprehenderet adultum, & non alterum; ergo omnes comprehendit.

*Obyci: contra 1. partem.* Non magis præcipitur in locis jam Scripturæ citatis, pro illa parte sumptio corporis quam sanguinis, sed sumptio sanguinis non est sub illo præcepto, ergo nulla. R. negando min: & consequentiam, nam qui corpus sumit Christi vivum, & sumere debet, etiam sanguinem in illo contentum.

*Obyci:*

*De necess: præc: & ministro Eucha: 421*

*Obijc: contra 2. partem.* Infideles non sunt capaces hujus Sacramenti: ergo non obligantur ad illius sumptionem. *R.* distingu: antecedens, capaces proximè, id est, durante infidelitate, concedo antecedens, remotè, nego antecedens, & consequentiam. Infideles enim comprehenduntur sub præcepto divino, & sic tenentur deponere infidelitatem, & illud complere.

ASSERTIO III. Probabile est, quod *Quoties* non solum in mortis articulo, sed etiam ali- *obliget hoc* quoties in vita teneatur quis præcepto divino *præceptū* ad sumendam Eucharistiam. *fideles ad*

*Probatur 1. pars.* Præceptum illud divinum *sumendā* obligat aliquando adsumtum: ergo in mortis *Euchari-* articulo antecedens est certum, nam aliàs *stiam.* esset frustraneum. Probatur consequ: tunc syncerè debet obligare præceptum, quando ejus observantia est magis utilis ad consequendum finem, ob quem Sacramentum est institutum, sed finis ille, qui est corroboratio virium spiritualium, & perseverantia in gratia, nunquā est magis utilis & necessarius, quàm in articulo mortis. ergo.

*Probatur jam 2. pars.* Tum quia præceptū affirmativum divinum non semel, sed etiam aliquoties in vita obligat (excipe præceptum de Sacramento baptismi, quod ex ratione sua particulari & specifica habet, ut non possit nisi tantum semel in vita obligare) ut patet de amore Dei & fide actuali, sed hoc est præceptum affirmativum, ergo aliquoties in vita obligat.

ASSERTIO IV.. Non solum humana- *Præceptū* no, sed etiam divino præcepto consecrans, *quale sit*

*de consecranda utraque specie simul.* tenetur sub utraq; specie consecrare, & probabiliter loquendo communicare. *Probatur* *Conclusio* de præcepto humano, ex cap: *Comperimus* de consecratione, distinctione 2. ubi dicitur, quòd nemo possit sine gravi sacrilegio dividere hoc mysterium; sed hoc non esset verum, nisi esset præceptum Ecclesiæ de consecrando sub utraq; specie. ergo.

*Probatur etiam* de præcepto divino, Lucæ 22. *Hoc facite in meam commemorationem*, quibus verbis teste Trident: sess: 22. c. 1. præcipitur à Christo Apostolis, eorúmque successoribus, consecratio sub utraq; specie.

*Præceptum juris humani circa hoc.* *Probatur jam tertia pars*, & de jure humano patet ex cap: *Relatum*, de consecratione, distin: 2. ubi dicitur, quòd hi, qui sacrificantes non edunt, rei sunt Dominici Sacramenti; & ex Trident: sess: 13. cap: 8. De præcepto etiam Divino probatur illà ratione fundatà, in præcepto & facto Christi, quā priorem partem probavi.

*Obje:* Consecravit Christus in Emaus sub una specie: ergo & nos licite possumus. *R.* negando consequentiam, quia Christus non tenebatur ad sua præcepta, sicut nos ad illa observanda tenemur.

*Præceptum Ecclesiæ circa annuam communionem.* ASSERTIO V. Datur Præceptum Ecclesiasticum de communicando semel in anno; illo tamen non tenetur, qui omisit tempore Paschali communionem, ad communicandum, usq; ad proximum Pascha.

*Probatur 1. pars* ex Concilio Lateranensi in cap: *Omnis utriusque sexus*. Et ex Trident. sess: 13. can: 9. his verbis: *Si quis negaverit omnes*

*& sin-*



*De necess. præc: & ministro Euch: 423*

*& singulos Christi fideles utriusq. sexus, cum ad annos discretionis pervenerint, teneri singulis annis saltem in Paschate ad communicandum, juxta præceptum S. Matris Ecclesie, anathema sit.*

*Probatur jam 2. pars. Qui omisit ante mediam noctem Vesperas, aut omisit jejunare, die præscripto ab Ecclesia, non tenetur vi præcepti ad orandum post mediam noctem, aut ad jejunandum die sequenti; ergo nec etiam tenebitur ille, qui omisit Communionem tempore Paschali, ad communicandum vi præcepti, ante sequens Pascha.*

ASSERTIO VI. Nullum existit Christi præceptum, quo Laici obligantur sub utraque specie ad communicandum. Est de his præceptis definita, in varijs Concilijs, novissimè in Trident. sess. 21. cap. 1. *Prob: Tum solvendo inferiùs objectiones adversariorum; utraq. speciem etiam, quia communicantibus sub una specie simul à tantum specie promisit Christus Joann. 6. vitam æternam; Si quis manducaverit, inquit, ex hac pane, vivet in æternum: ergo nullo præcepto divino obligantur non consecrantes, ad communicandum sub utraque specie. Tum deniq; quia in primitiva Ecclesia fuit etiam usus communionis sub una tantum specie, ut patet ex facto Christi in Emaus, ubi communicavit duos Discipulos (qui Lucæ 24. cognoverunt eum in fractione panis) sub una tantum specie; ergo usus talis communionis est licitus.*

*Confirm: Quamvis spectato jure divino communicatio sub utraq; specie licita est, eam tamen justè & licitè Ecclesia prohibuit ob sequentes*

*Inconvenien-  
tie pro-  
pter quas  
Ecclesia u-  
sum specie-  
rum san-  
guinis ab-  
rogavit.*

causas; Primò, ut obviaret hæreticis negan-  
tibus, totum Christum, secundum corpus &  
animam, & sanguinem, sub una specie con-  
tineri, quapropter utriusq; speciei necessita-  
tem inferebant. Secundò, ut occurreret  
Lutheranis, & alijs docentibus Communio-  
nem sub utraq; specie esse sub præcepto divi-  
no. Tertio, ut evitaret varias irreverentias,  
& incommoda multa, quæ contigerunt in  
communione Laicorum, dum fuisset licita,  
sub utraq; specie, frèquenter enim sanguinis  
guttæ cadunt in terram, vestes, & barbas,  
præsertim aggressium rusticorū, & ægrotan-  
tium. Lege Becanum hic. Sed istæ sunt suffi-  
cientes causæ, ob quas Ecclesia prohiberet  
communione sub utraq; specie. ergo.

*Quomodo  
intelligen-  
tur illa ver-  
ba, Nisi  
manduca-  
veritis.*

*Obijcies.* Habetur præceptum de commu-  
nione sub utraq; specie, respectivè ad omnes,  
Joann: 6. *Nisi manducaveritis carnem filij ho-*  
*minis, &c.* & Lucæ 22. *Hoc facite in mei com-*  
*memorationem.* ergo. R. negando anteced-  
nam in primo loco Christus loquitur solis di-  
scipulis, eorum in Sacerdotio successoribus;  
vel dic ly & ibi idem significare, quod ly vel,  
ut sensus sit: *Nisi manducaveritis carnem Filij*  
*hominis, vel biberitis ejus sanguinem,* quæ ex-  
positio magis placet, nam sæpè in Scriptura  
&, sumitur pro vel, ut patet Act: 3. *Argentum*  
*& aurum non est mihi,* id est, vel aurum. Le-  
vit: 15. *Patri matriq; qui maledixerit, sanguis*  
*ejus super eum,* id est, patri vel matri. Ad se-  
cundum locum, R. Christum ibi loqui solis  
Apostolis, eorūq; successoribus, ut supra  
dixi.

ASSEŖTIO VII. Probabilius est, *Sumptio*  
quòd qui sub una tantùm specie communi-*unius spe-*  
cat tantùm recipiat gratiæ. quantum ille, qui *ciei tantã*  
sub utraque communicat. *gratiam.*

*Prob:* Non est potior ratio, cur maiorem *causat,*  
reciperet gratiam, qui sub utraq; specie com-*quantam*  
municaret, quàm qui duas hostias simul vel *utrinq;*  
consequenter sumeret; sed secundùm omnes,  
qui plures hostias simul vel consequenter su-  
mit, non accipit maiorem gratiam, quàm  
qui unam sumit: ergo.

*Confirm:* Qui comunicat sub una specie,  
æquè perfecte sumit Christum, & Sacramen-  
tum, ac qui sub utraq; specie communicat.:  
ergo æqualem gratiã cum hoc accipiet. *Con-*  
*firmatur 2.* Si opposita opinio esset vera, dif-  
ficile esset persuadere hæreticis, & etiam Ca-  
tholicis simplicioribus, quod Ecclesia posset  
privare Christianos illo fructu majori: ergo  
non est tenenda.

*Obijc:* Tam sumptioni corporis, quàm san-  
guinis, promissa est gratia: & sumptio unius  
non impedit alterius effectum. ergo plus gra-  
tiæ confertur per sumptionem utriusq; quàm  
unius solius. R. 1. hoc argumento æquè pro-  
bati, quod duæ hostiæ simul sumptæ, causent  
maiorem gratiam, quàm una: ac probat,  
quod utriusq; speciei sumptio, plus gratiæ  
causet, quàm unius; sed primum non placet  
adversarijs, ergo nec secundum placere de-  
bet. R. 2. distinguendo antec: pro secunda  
parte, non impedit, quando simul sumitur,  
nego anteced: quando diversis temporibus,  
concedo antecedens, & nego consequentiam.  
Itaq; licet quævis ex speciebus ex se est pro-  
ducti-

ductiva gratiæ totius, quam ambæ causant, quando simul sumuntur; tamen quando simul, seu per modum unius spiritualis convivij sic sumuntur, eandem gratiam in intentione producant, quam produceret una sola, si sumeretur.

*Quis possit consecrare & dispensare Eucharistiā.*

ASSERTIO VIII. Soli Sacerdotes validè possunt consecrare Eucharistiā; illi verò, & Diaconi, urgente necessitate, illam populo dispensare possunt.

*Probatur 1. pars* est de fide, in Concilio Nicæno can: 14. Lateranensi sub Innocen: III. & Trident: sess: 22. c. 1. & 23. can: 1. quorum auctoritate probatur primò conclusio. Probatur etiam secundo solis Apostolis, eorūq; in Sacerdotio successoribus, præceptum & potestatem dedit Christus conficiendi hoc Sacramentum his verbis, Lucæ 22. *Hoc facite in meam commemorationem. ergo.*

*Diaconus potest distribuere Eucharistiā.*

*Probatur 2. pars* de Diacono (non est difficultas de Sacerdote) tum ex praxi primitivæ Ecclesiæ, quæ Diaconis hanc distribuendi potestatem dedit, ut colligitur ex Legendis S. Laurentij, & Concilio Carthaginensi 4. c. 38. ubi dicitur, quòd Diaconus præsentè Presbytero, *Eucharistiā Corporis Christi*, si necessitas cogat, jussus dispensare populo potest. ergo.

*Item Laicus, in casu dispensationis, & gravis necessitatis*

Quod dixi de Diacono, accedente dispensatione, imò sine dispensatione, accedente gravi & extrema mortis necessitate affirmo de laicis, nimirum, quòd possint tam sibi, quam alijs hoc Sacramentum ministrare, exemplo Martyris gloriosæ Mariæ Scotorum Reginae (quam iniquissimè impia Elisabetha Anglo-



Anglorū Regina morti tradidit) quæ se ipsam  
semper in carceribus communicabat.

ASSERTIO IX. Religiosi mendican- *Privilegia*  
tes, vi suorum privilegiorum, possunt mini- *Religioso-*  
strare Eucharistiam in proprijs Ecclesijs, qui- *rum circa*  
buscunq; Christi fidelibus, quocunque anni *dispensa-*  
tempore, excepto festo Paschæ Resurrectio- *tionē hu-*  
nis (per hoc intellige diem illam temporis *jus Sacra-*  
Paschalis, quo suscipiens intendit satisfacere *menti.*  
præcepto Ecclesiæ de communione Paschali)  
sine Parochorum licentia. *Prob: Summi*  
Pontifices, qui veri sunt Parochi & Pastores  
in universa Ecclesia, varijs Religiosis hoc pri-  
vilegium concesserunt, sic nobis Franciscanis  
concessum est à Nicolao V. Julio II. Sixto IV.  
& Leone X. Vide Rodriquem tom: 1. q. 56.  
interea fit.

ASSERTIO X. Ut dignè quis suscipiat *De ijs quæ*  
Eucharistiam, debet esse in statu gratiæ; & *requirun-*  
consequenter conscius peccati mortalis, sine *tur ex par*  
prævia sacramentali pœnitentia, si adest co- *te suscipi-*  
pia Confessarij, ad Eucharistiam sumendam *entis eam*  
accedere non debet. *dignè.*

*Probatur 1. pars.* Tum ex Trident: sess: 13.  
can. 9. & ex Apost: 1. Corint: 11. *Probat autem*  
*se ipsum homo, & sic de pane illo edat, tum*  
etiam, quia aliter accedens, magnam irre-  
verentiam exhibet Christo. ergo.

*Probatur etiam 2. pars.* Tum ex Trident:  
jam citato, *Ecclesiastica*, inquit, *consuetudo de-*  
clarat probationem necessariam esse, ut nullus  
sibi conscius peccati mortalis, *quantūvis sibi con-*  
tritus videatur, absq; *premissâ sacramentali*  
confessione, ad sacram Eucharistiam accedere  
debeat. ergo. A S-

*Jejunium  
naturale  
ex prae-  
cepto Eccle-  
siae necessa-  
rium.*

ASSERTIO XI. Præcepto positivò Ecclesiastico suscipientes Eucharistiã debent esse jejuni, jejunio etiam naturali, nisi in casu necessitatis à jure vel Ecclesia concessio vel admissio.

*Prob:* Tum ex communi consensu DD. idè docentium, tum etiam ex Concilio Carthaginensi c. 20. & Constantiensi sessi. 13. quorum autoritate probatur.


*Dixi* jejunio naturali, id est, quo ab intrinseco per modum cibi & potùs nihil in stomachum debet trajeci, ut intelligatur, quòd non impediatur quis à sumptione licita hujus sacramenti, per hoc, quòd deglutiatur salivam, aut guttam aquæ, dum lavat v. g. manus.

*Effectus  
hujus Sa-  
cramenti.*

ASSERTIO XII. Sacramentum hoc debitè illud fumentibus confert gratiæ sanctificantis augmentum: remittit venialia, & præservat à mortalibus. Hæc est inter Catholicos communis, & patet ex dictis de Sacramenti in genere.

## EPYSTILIUM PROBLEMATICUM COLUMNÆ XXXV.

*An Papali potestate licitè possit Sacerdos  
sub una tantùm specie consecrare?*



# COLVMNA XXXVI.

## De Sacrificio Missæ.

**A**SSERTIO I. Sacrificium propriè *Definitio*  
 dictum bene describitur, quòd sit res ali- *Missæ Sa-*  
 qua per actionem externam Deo oblata, *cificij.*  
 quâ, mediante aliquâ sui destructione, signi-  
 ficatur supremum Dominium vel excellentia  
 Dei, & subjectio sacrificantis ad ipsum. Est in  
 terminis Pontij hic. *Prob:* quia convenit o-  
 mni & soli. ergo.

**A**SSERTIO II. Non omne opus bo- *An alia o-*  
 num in honorem Dei præstitum, habet ratio- *pera meri-*  
 nem sacrificij propriè dicti. *Prob:* Miseri- *toria dici*  
 cordia est opus bonum, in honorem Dei præ- *possint Sa-*  
 stitum, sed non est sacrificium, ut colligitur *cificia.*  
 ex illo Ossee 6. *Misericordiam volo & non sa-*  
*cificium.* Idem dic de obedientia, quæ teste  
 Script: 1. Reg: 15. *Melior est obedientia*; ergo.

*Confirm:* Ad rationem Sacrificij propriè di-  
 cti requiritur res aliqua quæ offertur, id est,  
 hostia distincta ab actione offerentis: ut pa-  
 tet ex ejus descriptione, & ex illo Genes: 22.  
*Ecce ignis & ligna, ubi est victima holocausti:*  
 ergo ad rationem sacrificij non sufficit sola  
 actio bona, nisi intelligatur nomen sacrificij  
 in larga significatione, prout frequenter in  
 Script: sumitur.

**A**SSERTIO III. In Missa offertur *In Missa*  
 Deo verum & proprium Sacrificium. Est de *offertur*  
 fide, ex Trident: sess: 22. cap: 1. *Prob:* Tum propriè *sa-*  
*ex cificium.*

ex Script: Malachiæ 2. *O vos Sacerdotes, qui despicitis nomen meum, & offertis super altare meum panem pollutum, &c. ab ortu enim Solis usq; ad occasum magnum est nomen meum in gentibus, & in omni loco sacrificatur, & offertur in nomine meo oblatio munda; ubi teste Trident: jam citato Propheta loquitur de Eucharistia. Tum etiam ratione: Descriptio sacrificij ut sic à nobis assignati, convenit Eucharistiz; ergo.*

*Obijc: Sacrificium debet Deo offerri, non verò ab hominibus comedi; sed Eucharistia comeditur ab hominibus: ergo non est Sacrificium. R. negando maj: nam agnus Paschalis erat verum sacrificium, & tamen comedebatur ab Hebræis: ergo.*

*In quo cō-* ASSERTIO IV. Ratio formalis con-  
*sistat ratio* stitutiva Sacrificij Missæ, non in sumptione,  
*formalis* specierum, sed in sola consecratione panis &  
*Sacrificij* vini consistit principaliter & primariò.  
*Missæ.*

*In sola cō-* Probatur, tum quia Sacrificium est actio  
*sacratione* Sacerdotis, ut Sacerdotis, sed sumptio non  
*consistit.* est talis, nam quivis Christianus sumere po-  
 test Eucharistiam, tum etiam Authoritate  
 SS. Patrum Irenæi, Nissæni, Ambrosij & Gre-  
 goriij lib: 4. Decalog: c. 36. dicentium essentiã  
 hujus Sacrificij consistere in sola consecratio-  
 ne; unde docent post ipsos cõmuniter Theo-  
 logi feria sextâ in Parasceve non fieri sacrifi-  
 cium, quamvis fiat sumptio, quia illâ die non  
 consecratur & offertur Corpus Christi. Tum  
 deniq; quia præcipuus actus Sacerdotis, per  
 quem repræsentat personam Christi est con-  
 secratio, ergo in consecratione principaliter  
 & primariò consistit Sacrificium.



Dixi principaliter & primariò, quia secundariò & tanquam integrale complementum sumptio spectat ad hoc Sacrificium, imò sumptio dici potest completivè Sacrificium, & per hoc satisfit autoritatibus quibuscunque, quas adversarij contra nos adducere possunt.

ASSERTIO V. In hoc sacrificio, quòd propitiatorium & satisfactorium est pro peccatis, & pœnis peccato debitis, Christus est principalis offerens & oblatum.

*Quæ sit hostia hujus Sacrificij & effectus?*

Probatur hoc ultimum, quia Christus est qui dedit Sacerdotibus potestatem offerendi hoc Sacrificium suo nomine: ergo, quamvis quantum ad concursum physicum quâ homo est, nec ad consecrationem nec sumptionem concurrat, adhuc principale offerens dici potest. Est etiam res oblata, quia ipse est, qui consecratione sub speciebus ponitur.

Probatur jam 2. pars. tum ex Trident: sess: 22. c. 2. his verbis: *Docet sancta Synodus Sacrificium istud verè propitiatorium esse; per quod ipsum fieri, ut si cum vero corde & recta fide, cum metu & reverentia, contriti ac pœnitentes, ad Deum accedamus, misericordiam consequamur, & gratiam inveniamus in auxilio opportuno.*

ASSERTIO VI. Collatio fructus sacrificij dependet ab applicatione Sacerdotis; unde validè, non verò licitè, religiosus contradicente superioris mandato applicat fructum hujus sacrificij, cui voluerit, modò sit capax.

*Acujus applicatione collatio fructus sacrificij pœdeat?*

Prob: 1. pars. Deus constituit celebrantem dispensatorem hujus Sacrificij: ergo ab ipsius

applicatione pendet collatio fructus ejus.

*Probatur etiam 2. pars.* Quidquid dependet à potestate ordinis, non potest invalidari per voluntatem superioris (aliàs non posset Sacerdos, contradicente superiore validè consecrare) sed potestas applicandi sacrificium, ut convenit Sacerdoti, est potestas ordinis, & non jurisdictionis: ergo. Prob: min: ex ordinatione Sacerdotum, in qua dicitur: Accipite potestatem offerendi Sacrificium pro vivis & defunctis, ergo. Probatur secunda pars Conclusionis, talis facit contra obedientiam, quam Superiori vovit, & sic peccat mortaliter in re tam gravi, ejus mandato cōtradicens. Pro intelligentia sequentis assertionis:

*Quis valor & fructus sacrificij hujus?*

Adverte valorem Sacrificij distingui ab ejus fructu per hoc, quòd valor sit virtus, quā habet ad causandum aliquem effectum; fructus verò est ipse effectus per hunc causatus. Jam sit

*Effectus hujus Sacrificij est finitus.*

ASSERTIO VII. Hoc Sacrificium non causat effectum intensivè, aut extensivè infinitum, & consequenter non ita prodest multis, pro quibus simul offertur, ac uni soli.

*Intensivè.*

*Prob:* Hoc Sacrificium non potest causare aliquem effectum, cujus nullus hominum est capax; sed nullus hominum est capax effectus intensivè infiniti: ergo. Prob: maj: Sacrificium non habet virtutem efficiendi, nisi in ordine ad suum effectum homini conferendum: ergo non potest causare effectum, qui ab homine recipi non potest. Prob: etiam, min: Anima hominis, cui effectus Sacrificij applicatur, est finita & limitata virtutis & capa-

capacitatis: ergo non capax alicujus effectus intensivè infiniti.

Quod etiam non extensivè ( per talem in- *Et exten-*  
telligunt effectum, qui non potest exhauriri *sive.*  
per certum numerum hominum, sed ita sin-  
gulis ex infinitis hominibus prodest, ac si uni  
applicaretur.) Prob: quia aliàs, qui à diver-  
sis acciperet plura stipendia, promissis, posset  
omnibus satisfacere, applicando illis tantum  
unum sacrum, sed hoc est contra praxim Ec-  
clesiæ, intentionem offerentium stipendium,  
& sacræ Congregationis decisionem. ergo.  
Prob: maj: ex ratione contractus non tenetur  
Sacerdos nisi fructum sacrificij ex opere ope-  
rato singulis in tantum applicare, in quan-  
tum singuli possunt illum recipere, si seor-  
sim pro illis applicaretur, hoc autem fit in-  
proposito. ergo.

*Obijc:* Ex conclusione sequeretur, quod  
quod plures audirent Sacrum, eò minùs qui-  
vis ex illis de fructu ejus participaret; sed  
hoc est falsum, aliàs deberet aliquis fugere  
Sacrum, quod à multis simul audiretur. R.  
negando maj: quia quamvis offeratur Sacri-  
ficiu etiam pro singulis qui illud audiunt,  
non tamen principaliter, & sic non frustran-  
tur ullo augmento sacrificij illis debito.

ASSERTIO VIII. Regulariter lo- *De loco, ubi debet*  
quendo non licet celebrare extra locum divi- *peragi hoc*  
no cultui dedicatum, per consecrationem, *Sacrificiū*  
vel benedictionem. *Probatur ex tot Con-*  
cilio- *regulari-*  
tiorum decretis, & præsertim Trident: sessi *ter.*  
22. in decreto, de observandis & evitandis in  
celebratione Missæ.

*Dixi regulariter, quia Episcopi non obstā-*

re decreto Trident: celebrare possunt in locis non consecratis, ut habet c. ult: de privilegijs in 6.

*Privilegia  
mendicā-  
tium circa  
hoc.*

Religiosi etiam mendicantes, vi suorum privilegiorum, super portatile, extra loca sacra, sine licentia illa ordinarij celebrare possunt defacto, ut docet Rodriquez noster tom: 1. q. 83. n. 223. ubi ponit Privilegium Sixti IV. in gratiam nostrorum Patrum concessum, quo datur nobis licentia, non solum in Oratorijs & locis quibus degimus, sed etiam in quocunq; alio loco congruenti & honesto, celebrandi liberè & licitè Missas super portatile; idem concessit postea Alexander V I. addens, quod etiam in Cameris sæcularium & plateis licitè celebrare possimus. Novissimè Gregorius XIII. eandem facultatem concessit Patribus Societatis, quâ alij mendicantes ob communicationem privilegiorum licitè uti possent.

*Quæ ex  
prescripto  
Ecclesie re-  
quirantur  
ad licitè  
celebran-  
dum.*

ASSERTIO IX. Ad licitè celebrandum, non solum requiritur, ut Ecclesia non sit interdicta, nec polluta; sed etiam requiritur, ut altare sit stratum duplici mappâ lineâ vel unâ saltem duplicatâ, Corporali purè lineo, & consecrato. Hæc est communis, & non habet difficultatem, nisi ut notet quinq; sequentes modos, quibus Ecclesia potest pollui. Polluitur ergo primò per homicidium, voluntarium & peccaminosum, secundò per infusionem peccaminosam sanguinis in notabili quantitate (dixi peccaminosam, quia si quis involuntariè se nimirum defendendo, aliquè lædat, vel lædatur ab amente; vel si pueri rixando tundant se ad sanguinis effusionē




in Ecclesia, per hoc non polluitur.) Tertio, per pollutionem mortaliter peccaminosam, (talis non esset actus conjugal conjugum, qui in Ecclesia longo tempore detinerentur.) Quarto per sepulturam excommunicati. Quinto per sepulturam Pagani vel infidelis, è quorum grege computantur non baptizati, nisi in utero simul cum matre sepeliantur.

De alijs requisitis ad celebrandum, sicut & de præcepto obligante ad audiendam Missam diebus festivis, & Dominicis, non est ulla difficultas. Unde sit.

## EPISTYLIUM PROBLEMATI CUM COLUMNÆ XXXVI.

*An satisfacit præcepto de audiendo Sacro, qui illi adstat animo tantum peccandi?*



## COLUMNÆ XXXVII.

*De natura, objecto & specie perfectissima Virtutis pœnitentiae.*

**A**SSERTIO I. Virtus pœnitentiæ, de *Definitio*  
qua hîc, bene describitur, actus quo de *Virtutis*  
testatur & doletur de peccato Theologico cõ- *pœnitentiæ.*  
misso, determinaturq; voluntas sufficienter  
ad non peccandum de cætero, & ad applican-  
da omnia necessaria, ut reconcilietur Deo.

*Prob:* Convenit omni & soli, constat genere & differentia; ergo est bona.

*Obijc:* Actus, quo aliquis iustus, v.g. B. Virgo, detestaretur peccatum, esset actus pœnitentiæ; & tamen nostra illi descriptio nō conveniret: ergo non est bona. *Prob:* antec: pro secunda parte. Non determinaretur per ipsū voluntas ad aliquid faciendum, ut reconcilietur Deo, nam nunquā fuit inimica Dei, ergo. *R:* distingu: antec: pro prima parte, pœnitentia de qua hic agimus, nego antec: alicujus alterius, transeat antec: & nego consequentiam; nos enim hic agimus de pœnitentia, supponente culpam, & disponente ad justificationem, præcisè tali.

*Obijc:* 2. Attritio non determinat voluntatem ad conciliandum se Deo extra Sacramentum, & tamen est actus pœnitentiæ de qua hic, ergo. *R:* distingu: antec: pro prima parte, non determinat efficaciter semper, cōcedo antec: sufficienter, nego antecedens, & consequentiam.

*An Pœnitentia sit Virtus propriè dicta?* ASSERTIO II. Pœnitentia Virtus est propriè dicta, & quidem distincta à Charitate. *Probat* 1. pars. Ille habitus est virtus propriè dicta, qui inclinatur & disponit ad actus honestos & meritorios; sed talis est habitus pœnitentiæ; ergo. *maj:* est certa, & patet ex dictis assert: 1. colum: 12. de Virtutibus moralibus. *Probat* etiam min: Pœnitentia inclinatur ad odiendum peccatum, dolendū de illo, & satisfaciendum Deo pro illo, idq; ob bonum & honestum finem, nimirum, ut homo reconcilietur Deo; sed illi sunt actus honesti, & moraliter boni ac meritorij, ut patet: ergo. *Confirm:* Patres & Trident: sess: 14. cap: 4. docent pœnitentiam esse necess.

cessariam post baptismum; sed non esset sic necessaria, nisi esset virtus, & actus illius meritorius, ergo.

*Prob: 2. pars.* Potest haberi pœnitentia, *Est virtus*  
fine actu & habitu charitatis: ergo est distin- *distincta à*  
cta à charitate. *Prob: anteced: Potest quis charitate.*  
in peccato mortali existens, elicere actum  
pœnitentiæ, puta attritionem; sed talis non  
haberet nec actum, nec habitum charitatis,  
ut patet ex dictis sæpè antea, ergo pœniten-  
tia distinguitur à charitate. *Prob: maj: quia*  
aliàs non posset aliquis habere attritionem de  
peccato, etiam extra Sacramentum, sine eo  
quod justificaretur, quod nemo diceret.

*Obijc: contra 1. partem.* Aristoteles 2. Ethic:  
6. docet verecundiam non esse virtutem, quia  
supponit turpe factum, de quo quis erubescit;  
sed pœnitentia præsупponit tale factum, ni-  
mirum peccatum: ergo non est virtus. R. (om-  
missis diversis & intricatis aliorum solutioni-  
bus) Aristotelem crasse hic errasse, sicut & in  
multis alijs erravit, præsertim quando do-  
cuit, omnes virtutes esse connexas, illumq;  
solum virtuosum dicendum, qui omni vitio  
careret, & omnes virtutes haberet.

*Obijc: 2. contra eandem.* Omnis actus vir-  
tuosus, debet habere objectum bonum & ho-  
nestum; sed objectum pœnitentiæ, peccatum  
scilicet, non est tale, ergo pœnitentia non est  
actus virtuosus. R. disting: maj: Omnis actus  
virtuosus prosecutionis, & amoris, concedo  
maj: fugæ & odij honesti, nego maj: & distin-  
cta similiter min: nego consequentiam.

ASSERTIO III. Pœnitentia non est *Pœnitentia*  
eadem cum virtute religionis, nec una deter- *est distin-*  
mina- *cta à Relig:*

*Est virtus specialis in aliquo sensu.* minata species virtutis, ut sic; bene tamen virtus specialis est, intelligendo per talem, eam quæ habet objectum formale distinctum ab objecto omnium aliarum virtutum.

*Probatur prima pars.* Religio respicit ultimam cultum Deo à creaturis debitum, ratione Excellentie in ipso repertæ; sed hoc non respicit pœnitentia: ergo.

*Probatur 2. pars.* Sub pœnitentia, de qua hic, continentur multi actus specie diversi, ut contritionis & attritionis, qui frequenter ex diversis motivis eliciuntur; imò ipsius attritionis actus, non idem motivum semper habent; sed sub specie infima virtutis non possunt contineri actus specie diversi: ergo.

*Probatur ultima pars.* Pœnitentia habet objectum formale diversum ab objectis aliarum virtutum, ut statim videbimus: ergo in illo sensu ipsa erit virtus specialis distincta ab alijs virtutibus.

*Objectum formale pœnitentia.*

ASSERTIO IV. Objectum formale virtutis pœnitentiæ, à nobis descriptæ, est honestas, quæ relucet in eo, quòd aliquis detestetur & doleat de peccato commisso, ex eo, quòd nollet Deum sibi habere offensum.

*Prob:* Quicumq; utiliter pœnitet de suis peccatis, id facit ex hoc jam assignato motivo: ergo motivum illud, seu honestas, quæ relucet, &c. erit objectum formale pœnitentiæ. Probatur anteced: Non potest aliquis meritoriè pœnitere de suis peccatis, sine eo, quòd nollet sibi DEUM offensum, nec ostendi potest ulla alia virtus, quæ hoc habet pro motivo, nisi forte pax, quæ etiam pœnitentia rectè dicitur.

*Obje:*



*Obijc:* Per charitatem potest aliquis detestari, & dolere de peccato, propter motivum in conclusione assignatum: ergo illud non rectè assignatur pro objecto formali pœnitentiæ. *R.* distingu: antecedi: detestari & dolere, formaliter, nego antecedens, eminenter, transeat antecedens, & nego consequentiam.

*Dices:* Actus Contritionis seu pœnitentiæ perfectæ, quo dolet quis de peccato propter Deum summè dilectum, est actus Charitatis, & tamen elicitur ex motivo jam dicto formaliter: ergo. *R.* distingu: antecedens, ex illo motivo solo, nego antecedens, ex illo & alio, nempe propter Deum summè dilectum, concedo antecedens, & nego consequentiam.

*Obijc:* 2. Doct: in 4. distinct: 14. q. 2. nu: 6. *Explicatur* ubi dicit, Pœnitentiam esse speciem justitiæ vindicativæ, eò quòd per illam satisfacimus Deo. ergo formale objectum illius non distinguitur ab objecto justitiæ. *R.* explicando Doct: & distinguendo antecedi: est species justitiæ vindicativæ, seu ipsa justitia imperativè, concedo antec: elicitivè & formaliter, nego antecedens, & consequentiam. Nos enim loquimur de pœnitentia formali.

ASSERTIO V. Si sumatur pœnitentia latius quàm prout ad justificationem disposita, objectum materiale ejus, erunt omnia illa, quæ deservire possunt ad non offendendum Deum, & ad reconciliandam offensam positam: Si verò strictiùs, pro eo scilicet, quod deservit ad justificationem, objectum materiale prosecutionis illius erunt omnia illa, quæ tanquam media deservire possunt,

in ordine, ad reconciliandum hominem cum Deo.

*Prob: 1. pars.* Objectum formale pœnitentiæ est honestas relucens in eo, quod Deus nō habeatur offensus: ergo objectum materiale ejus erunt omnia, quæ deserviunt ad non offendendum illum, vel ad reconciliandum jam offensum. *Prob: consequ:* Objectum materiale actus & habitus cujuscunq; , est omne illud, in quod tenditur ratione objecti formalis habitus illius vel actus.

*Prob: 2. pars.* Quia objectum formale pœnitentiæ sic sumptæ est honestas, quæ relucet in hoc, quod Deus placetur; ergo objectum materiale prosecutionis illius erunt omnia illa, quæ tanquam media deservire possunt in ordine ad reconciliandum hominē cum Deo.

Cū autem auxilia, inspirationes Divinæ, ad eliciendos actus virtutum necessaria, gratiæ item habituales, actus etiam & habitus aliarum virtutum, maximè deserviunt ad Deum non offendendum, vel ad placandum illum jam offensum, sequitur, quod sint objectum materiale prosecutionis pœnitentiæ.

*Objectum materiale fugæ pœnitentiæ.*

ASSERTIO VI. Objectum materiale fugæ pœnitentiæ, est omne peccatum Theologicum actuale & habituale, tam mortale, quam habituale. *Prob:* Objectum materiale fugæ cujuscunq; virtutis sunt actus oppositi honestati, ad quam inclinatur; sed actus oppositi honestati virtutis pœnitentiæ, sunt omnia peccata in conclusione assignata: ergo. Major patet inductione aliarum virtutum, nam temperantia fugit gulam, justitia furtum, &c. ergo & pœnitentia peccatum.

Mi-

Minor etiam patet, quia nihil opponitur Deo non offenso, aut pacificato, quàm offensa DEI.

ASSERTIO VII. Contritio perfecta *Definitio* est actus pœnitentiæ, quo quis dolet ex cha- *contritio-*ritate supernaturali de peccato cōmisso, pro- *nis*pter Deum summè dilectum.

*Probatur.* Quia convenit omni & soli; *ly a-*ctus est genus, in quo contritio actualis con-venit cum attritione, & *ly propter Deum*, &c. est differentia illius, ab hac.

*Obijc:* Potest dari contritio, quæ non est propter Deum summè dilectum ex charitate Dei; ergo contritio perfecta malè describitur à nobis. Probatur anteced: Potest haberi actus pœnitentiæ, habens annexam justificationem, qui non sit propter Deum; sed nullus est talis actus, nisi contritio perfecta: ergo. Prob: maj: ex Script: Ezechielis 18. *Si impius praecepta custodierit, & pœnitentiam egerit, iniquitatum ejus non recordabor.* Et 33. *Cum averterit se peccator ab injustitia sua, & ab omnibus iniquitatibus suis, &c.* 1. Regum 13. ubi legitur David solùm dixisse *peccavisse*, & statim Dominus transtulit peccatum ejus; sed hæc verba, & promissa Dei, liberaliora videntur, quàm ut ad solam contritionem ex motivo charitatis conceptam allegari debeant. ergo contritio non debet esse propter Deum, &c. R. negando antecedens, cum antecedenti suæ probationis, nam omnia illa loca intelligenda sunt de pœnitentia, propter Deum ex charitate summè dilectum elicitā, aliàs attritio justificaret extra Sacramentum, quia per attritionem possit quis averti  
ab

bet habere dolorem & detestationem peccati, super omnia mala possibilia.

ASSERTIO IX. Ad contritionem, *Sufficit dolor appretiativè.* perfectam non requiritur, ut sit summus dolor & detestatio peccati intensivè, bene tamen appretiativè. 1. Pars quæ est expressa, mens Doct: in 4. distin: 30. q. 2. probatur, totum, quod ex Script: Concilijs & Patribus de contritione adducitur, salvari potest sine summo dolore, & detestatione peccati intensivè summa, ergo ad talem dolorem aut detestationem peccati non sunt fideles coartandi. Prob: antecedens ex illis locis, aliud de contritione non habetur, quàm quod ad illam requiratur Amor Dei super omnia; dolor & detestatio peccati super omnia; sed ista possunt haberi sine dolore aut detestatione summa intensivè: ergo. Prob: min: Dolor & detestatio peccati ad contritionem requisita, possunt esse summa alijs modis, puta appretiativè. unde,

*Probatur 2. pars conclusionis.* Contritio debet esse dolor & detestatio peccati super omnia aliquo modo, sed non alio quàm isto; ergo. Probatur min: rum ex dictis in probanda prima parte, tum quia modus ille facillimus est.

*Obijc:* Non potest quis dolere de peccato etiam appretiativè, plus quàm de pœna æterna inferni: ergo talis dolor non requiritur. Probatur antecedens, quia nemo rationabiliter potius vellet pœnam inferni sustinere, quàm mortaliter peccare; ergo. R. negando anteced: & distinguendo probationis ejus antecedens, si pœna æterna inferni consideretur,



retur, ut non habens annexum peccatum, nego antecedens; si ut habens annexum peccatum, concedo anteced: & nego consequ:

*Contritio  
debet esse  
de omni-  
bus pecca-  
tis.*

ASSERTIO X. Contritio debet esse de omnibus peccatis mortalibus commissis, non tamen explicitè.

*Probatur 1. pars.* Per contritionem perfectam disponitur quis sufficienter ad justificationem; sed hoc non esset verum, nisi esset de omnibus mortalibus commissis: ergo. Probatur min: Non est sufficienter dispositus ad justificationem, qui affectum aliquem haberet erga aliquod peccatum mortale; sed qui non haberet contritionem de omnibus mortalibus commissis, haberet affectum aliquem mortalis peccati, ut per se patet. ergo.

*Prob. 2. pars.* Ad contritionem non requiritur, nisi ut quis doleat de peccato, modo quo requiritur, ut justificetur extra Sacramentum; sed sic potest quis dolere de ipsis sine eo, quod explicitè doleat de quolibet in particulari: ergo dolor ille explicitus non requiritur.

*Quomodo  
contritio  
versetur  
circa sin-  
gula pec-  
cata.*

ASSERTIO XI. Contritio ita versatur circa peccata propria ut magis illa, quantumvis venialia sint, detestatur quis, quam mortalia aliena; & inter ipsa propria, magis graviora, quam minus gravia.

*Prob: 1. pars.* Potius deberet quis permittere occisionem innocentis, quam mentiri venialiter, ergo magis debet detestari peccatum proprium veniale, quam mortale proximi. Probatur antecedens, tum ex communi illo axioma: non sunt facienda mala, ut inde eveniant bona. Tum etiam, quia Deus non

non præcipit impedire peccatum proximi, quando id facere non possum sine meo proprio peccato, etiam veniali: ergo peccatum proprium etiam veniale, magis detestari quis debet, quàm mortale alienum.

*Probatur 2. pars.* Peccatum ideò est detestabile, quia est malum; ergo quo fuerit gravius malum in suo ordine, eò erit detestabilius per actum contritionis. Hinc infertur, mortale actuale proprium, magis esse detestabile per contritionem quàm originale; & propter eandem rationem, originale quàm veniale.


ASSERTIO XII. Contritio perfecta, *Contritio* etiam extra Sacramentum, habet annexam *justificat.* justificationem. *Prob:* Contritio semper

habet amorem Dei super omnia annexum; sed talis amor non habetur sine justificatione. ergo nec contritio. Minor patet ex Script: 4. *Omnis qui diligit me, ex Deo natus est.* Proverb: 8. *Ego diligentes me diligo.* Unde Bernardus Epist: 117. *Nemo, inquit, se amari dissimulat, si jam amat, nec etiam redamare pigebit DEUM, qui nos amabit necdum amantes.*

*Probatur 2. ex Trident: sess: 14. c. 4. Hanc, inquit, contritionem, etsi quandoq, charitate perfectam esse contingat, hominemq, DEO reconciliare. ergo reconciliat hominem sine Sacramento.*

## EPISTYLIUM PROBLEMATICUM COLUMNÆ XXXVII.

*An ad contritionem perfectam sufficiat duratio instantanea?*



## COLVMNA XXXVIII.

### *De Attritione, necessitate & efficacia Pœnitentiæ.*

*Attritio-  
nis descri-  
ptio.*

**A**SSERTIO I. Attritio bene describitur actus pœnitentiæ de peccato non super omnia, nec semper habens annexam justificationem. *Probatur.* Quia convenit omni & soli: ergo ly actus pœnitentiæ est genus, in quo attritio cum contritione convenit, reliquæ particulæ sunt differentia.

*Objectum  
ejus for-  
male.*

**A**SSERTIO II. Objectum formale attritionis est omne illud, quod hominem meritorie inducere potest ad detestandum & dolendum de peccatis. Hæc non est contra Trident: sess: 14. cap: 4. nam quamvis ibi duo tantum motiva attritionis assignet, timorem scilicet gehennæ, & turpitudinem peccati; non intendit tamen ibi Concilium assignare objectum formale adæquatum attritionis, quod inde patet, quia non loquitur absolute; sed tantum dicit, attritionem ex illis communiter concipi.

*Probatur Conclusio.* Ad attritionem non requiritur, nisi motivum sufficiens ad actum pœnitentiæ. Atqui hoc motivum assignatum in conclusione est tale; ergo recte assignatur pro objecto formali attritionis.

ASSERTIO III. Potest elici actus attritionis ex motivo charitatis; attritus tamen nequit in tantum intendere suos actus, ut ex attrito fieret contritus.

*Ex quo motivo elici possit attritio.*

*Probatur 1. pars.* Motivum Charitatis est sufficiens ad eliciendum actum doloris de peccatis super omnia appretiative: ergo erit etiam sufficiens motivum ad eliciendum dolorem, infra summum de peccatis appretiative, sed dolor ille esset actus attritionis, ergo.

*Probatur 2. pars.* Actus vitalis semel elicitus, nunquam potest magis intendi, nam non intenditur huiusmodi actus per additionem gradûs ad actum remissum jam elicitedum, sed potius per destructionem prioris actûs remissi, & productionem intensioris actûs, ut est per se clarum, ergo attritus non potest intendere suum actum, ita ut ex attrito fiat contritus. Per hoc tamen non nego, quin habens attritionem possit elicere circa idem objectum actum contritionis, & in hoc sensu ex attrito fieri contritus.

ASSERTIO IV. Mediante solâ attritione, quamvis justificatur quis in Sacramento pœnitentiæ, ad illam tamen non requiritur dolor de peccatis imperatus à charitate, aut amor Dei super omnia. Hæc non contra Scotum, sed Scotistas est.

*Qualis dolor ad attritionem in Sacramento requiritur.*

*Prob: 1. pars,* tum ex Trident: sess: 14. c. 4. ubi ait: *Contritionem imperfectam, quæ attritio dicitur, conceptam ex metu gehennæ & turpitudine peccati, si voluntatem peccandi excludat, disponere hominem ad obtinendam veniam*



*peccatorum*, ergo. Tum etiā, quia omnia, quæ Script: PP. & Conc: requirunt ad justificationē peccatoris in Sacramento, habentur per attritionem, etiam conceptam ex metu gehennæ: ergo attritio talis sufficit, ut quis iustificetur in Sacramento sine omni contritione.

*Probat*ur jam *secunda pars*. Trident: jam citatum, absolutè docet illam attritionem, quæ ex turpitudine peccati, vel metu pœnarum gehennæ concipitur, si voluntatem peccandi excludat, hominem ad Dei gratiam in Sacramento pœnitentiæ disponere; sed illa locutio non esset simpliciter vera, si ad attritionem sufficientem cum Sacramento ad justificationem, requireretur semper imperium charitatis, ut per se patet, ergo non requiritur tale imperium.

*Confirm*: Sacramentum pœnitentiæ est Privilegium Christi Domini concessum Christianis, ut facilius esset via salutis in lege nova, quàm veteri: ergo debet posse iustificare mediante aliquo dolore aut attritione, quæ se solâ sine Sacramento non iustificat; sed si attritio quæ cum Sacramento iustificat, deberet esse imperata ab amore Dei super omnia, hoc non esset verum: ergo non debet sic esse imperata. Probat<sup>ur</sup> subsumptum, illa attritio, quæ esset imperata à charitate, aut amore Dei super omnia, iustificaret sine Sacramento, nam amor Dei super omnia, semper habet annexam justificationem. ergo.

Authoritates, quas fusè Scotistæ ex Script: & Patribus adducunt contra hanc assertionem, aliud non probant, quàm quod nullū opus per modum meriti de condigno valeat

sine

sine charitate; cum quo bene stat, quod valeret per modum meriti de congruo opus elicatum sine illo motivo; & consequenter, quod attritio sic valeret; tamen pro illis

*Obijc:* Trident: sess: 6. c. 6. ubi inter alias dispositiones ad justificationem requisitas, ponit dilectionem Dei; ergo cum attritio disponit ad justificationem, debet saltem imperari à dilectione seu charitate Dei. *R.* negando consequentiam, nam Concilium ibi ponit dispositiones, quæ communiter haberi solent, ut peccator justificetur, non autem quæ necessariò haberi debent, quia certum est, quod possit disponere se sufficienter ad justificationem, etiam in instanti fortè, nisi processu actuum, quos fieri præscribit Trident:

ASSERTIO V. Peccatori adulto rationis compoti, pœnitentia aliqua, hoc est, in re, vel in voto, virtualis, eminentialis, aut formalis, necessaria est, ad salutem necessitate medij. *Necessitas pœnitentia in adultis.*

*Prob:* ex Trident: sess: 14. c. 4. *Fit autem quovis tempore ad impetrandam peccatorum veniã hic contritionis motus necessarius;* sed hoc non esset verum, nisi pœnitentia in aliquo sensu in conclusione expresso necessaria esset ad salutem: ergo. *Confirm:* hoc ex Script: Lucæ 13. *Nisi pœnitentiam egeritis, omnes simul peribitis.*

*Dices,* ex his locis bene colligi, quod pœnitentia sit necessaria ad salutem aliquo modo, non tamen quod sit necessaria necessitate medij. *Contrà,* tam ex Script: quàm ex Trident: colligitur, quod pœnitentia sit simpli-

citer necessaria. ergo necessitate medij. Prob: consequentia, quidquid est simpliciter necessarium, ita ut eo omisso, etiam sine sua culpa aliquis non consequatur salutem, est necessarium necessitate medij; sed sic est pœnitentia necessaria: ergo. Probatur minor, quia si quis in instanti post suum peccatū moreretur, perderet salutem, & tamen non peccaret negligendo pœnitentiam, ut communiter omnes docent: ergo.

*Sufficit ali-  
quando in  
voto.* Dixi in Conclusionē, in re, vel in voto, quia nihil impedit, quò minùs aliquis mediante heroico actu charitatis, quo martyrium gloriose pateretur, justificaretur sine omni dolore de peccatis suis, sive quia non occurrit memoria peccatorum, sive quia non habuit tempus; sive quia non est bene instructus; an, aut qualem dolorem habere debeat de suis peccatis; defectum enim doloris in similibus casibus suppleret votum Sacramenti, virtualiter inclusum in actu tam heroico.

*Præceptū  
juris divi-  
ni & natu-  
rae circa  
pœnitentiam.* ASSERTIO VI. Datur præceptum Juris Divini positivi, & etiam naturæ, de aliquâ pœnitentia.

*Probatur 1. pars,* tum authoritatibus Scripturæ & Tridentini in confirmationem præcedentis assertionis adductis, quibus, adde illud Ecclesi: 2. *Si pœnitentiam non egerimus, incidemus in manus Domini.* ergo.

*Probatur 2. pars.* Jus naturale præcipit applicare media necessaria ad finem, quem quis sibi tenetur eodem jure acquirere; sed pœnitentia est tale medium respectu beatitudinis, quam quis tenetur sibi ex jure naturæ acquirere. ergo.

Con-

*Confirm:* Tenetur quilibet compos rationis jure naturæ diligere Deum super omnia: ergo etiam tenetur dolere de ejus offensa, & vitare illam, & consequenter agere pœnitentiam.

ASSERTIO VII. Non tenetur quis *An oblige-*  
ad pœnitendum sæpius de eodem peccato, autur quis  
statim post peccatum commissum. *ad iteran-*

*Prob: 1. pars.* Tum quia non potest con-*dam pœ-*  
vinci ex ullo capite talis obligatio: ergo nul-*nitentiam*  
la datur. *de eodem*

*Probatur etiam 2. pars.* Si daretur talis ob-*peccato.*  
ligatio, sequeretur, quòd ille, qui statim non  
eliceret actum pœnitentiæ de suo peccato, sin-  
gulis momentis peccata nova committeret;  
sed hoc est nimis durum. ergo. Probatur se-  
quela, si præceptum pœnitentiæ singulis mo-  
mentis obligaret, qui non observaret præce-  
ptum, singulis momentis peccaret: ergo si  
præceptum pœnitentiæ obligat statim post  
peccatum commissum, qui negligit illam, sin-  
gulis momentis peccabit.

*Confirm:* Non tenetur quis statim post pec-  
catum ad contritionem, quæ est pœnitentia,  
reconcilians hominem cum Deo: ergo ad  
nullam. Consequentia est evidens, quia,  
non est ratio, cur ad illam potius, quàm ad  
hanc. Probatur antecedens, tum quia ob-  
ligatio illa esset valdè rigida, tum etiam, quia  
inde sequeretur peccatorem cum attritione,  
non posse licitè accedere Sacramentum, quia  
secundùm adversarios post peccatum statim,  
reneretur ad contritionem; sed hoc est fal-  
sum. ergo.



*Obijc: contra hanc partem.* Non pœnitendo statim de peccato continuatur peccatum; sed continuando peccatum peccatur de novo: ergo non pœnitendo statim peccatur de novo. *R.* distinguendo maj: continuatur peccatum positivè & actualiter, nego maj: negativè & habitualiter, concedo maj: & distinguo similiter min: continuando per actum positivè & actualiter, concedo min: negativè & virtualiter, nego min: & consequentiam.

*Obijc: 2.* Tenetur quis se liberare à periculo imminente mortis temporalis, statim ac in illud incidit: ergo à fortiori à periculo mortis spiritualis animæ; sed statim ac quis mortaliter peccat, imminet ipsi periculum mortis animæ. ergo. Respondet Lugo negando antecedens, quia, inquit, quamvis tenetur quis se non mutilare, non peccat tamen, non impediendo malum semel illatum. *R.* tamen concedendo anteced: & negando consequent: & disparitas est, quia homo non posset se liberare à morte temporali, nisi statim se liberet, ut suppono: morrem autem animæ, moraliter loquendo, evadere quis potest, & frequenter evadit, quamvis differat peccatum, tollere pro primo, secundo & etiam tertio instanti, postquam illud committit.

*Quoties  
quando  
obliget pœ  
nitentia  
præceptū.*

ASSERTIO VIII. Præceptum pœnitentiæ obligat non solum in mortis articulo, & quoties imminet periculum grande vitæ; sed etiam probabiliter loquendo extra mortis periculum aliquoties in vita.

*Probat 1. pars.* Tunc vel nunquam pœnitentia formalis obligat, quando est summa  
ejus

ejus necessitas, sed in mortis articulo, & in morali etiam vitæ periculo est summa necessitas pœnitentiæ: ergo præceptum ejus tunc obligat.

*Probat*ur 2. pars. tum ex Script: *Vigilate, quia nescitis quâ horâ fur veniret*: ubi suadet, ut ad recipiendum judicem simus parati; sed qui totâ vitâ usq; ad mortis periculum pœnitentiam negligit, hoc non facit: ergo. Tum ex August: serm: 50. de temp: *Pœnitentia*, inquit, *quæ ab infirmo petitur, infirma est, quæ autem à moriente, timeo, ne etiam ipsa moriatur*. Tum deniq; exemplo proborum omnium, qui damnant dilationem pœnitentiæ, unde in adagio est, quod *qui malè vivit, malè finit*.

ASSERTIO XI. Nullum est defacto *Efficacia* tam grave peccatum, aut numerus peccatorum tam magnus, qui per pœnitentiam *pœnitentia* deleri non possit, si re ipsa habeatur vera.

*Probat*ur ex Script: invitante homines ad *Delet* pœnitentiam, & promittente eis universali- *cata o-*ter veniam peccatorum, sine ulla exceptio- *mnia*ne. Et Ezech: 18. *Si peccator pœnitentiam egerit à vijs suis pessimis, omnium iniquitatum ejus non recordabor amplius*. Item quotiescunq; *ingemuerit peccator in corde suo, &c.* Isaia 13. *Derelinquat impius viam suam, &c.* Joannis 20. *Quorum remisistis peccata, remittuntur eis, &c.* ubi Christus Apostolis, eorumq; successoribus, plenam & universalem potestatem dedit ab omnibus peccatis absolvendi, sed non nisi mediata pœnitentiâ; ergo pœnitentia extendit se ad quamcunq; gravitatem & numerum peccatorum.


*Prob:*

*Prob: 2. ratione.* Contritio perfecta habet annexam justificationem, sicut & attritio cum Sacramento teste Trident: sess: 14. c. 4. Sed hoc non esset verum, si per pœnitentiam non possem delere peccata quantumvis gravia: ergo.

*Obicies* Matth: 12. Blasphemia in Spiritum Sanctum neq; in hoc, neq; in altero seculo remittitur: ergo dantur peccata, quæ per pœnitentiam deleri non possunt. R. negando consequentiam, quia Christus tantum ibi insinuare voluit, quòd peccata in Spiritum Sanctum difficiliùs remittantur, quàm alia, eò quòd peccata illa magis directè opponantur charitati quàm alia, & in hoc sensu explicari possunt, alia loca quæ ab adversarijs ex Scriptura adducuntur.

## EPYSTILIUM PROBLEMATICUM COLUMNÆ XXXVIII.

*An pœnitentia præceptum, ad ullum ex decem decalogi referatur?*



## COLUMNNA XXXIX.

*De natura & necessitate Sacramenti  
pœnitentiæ, nec non Confessione  
Sacramentali.*

**A**SSERTIO I. Sacramentum pœnitentiæ bene describitur signum sensibile, quo absolvitur baptizatus à peccatis, mediantibus verbis id efficaciter significantibus. Est re ipsa conformis definitioni, quam tradidit Doct: in 4. dist: 14. q. 4. his verbis: *Pœnitentia est absolutio hominis pœnitentis, facta certis verbis cum debita intentione prolatis à Sacerdote jurisdictionem habente, ex institutione divina efficaciter significantibus absolutionem animæ à peccatis.* Quæ descriptio exactè docet omnia necessaria ad pœnitentiam, eâ tamen utendum non videbatur, quia admodum longa est rei tam curtx; & plura continet, quæ ad descriptionis necessitatem non faciunt.

*Descriptio  
Sacramen-  
ti pœnitē-  
tiæ.*

*Probatur ergo Conclusio.* Convenit omni & soli: ergo. *Ly signum* est genus, in quo Sacramentum hoc convenit cum reliquis Sacramentis. Reliquæ particulæ sunt differentia illius ab his.

**A**SSERTIO II. Datur Sacramentum Pœnitentiæ, cujus essentialis ratio in recto in sola consistit absolutione.

*Ratio for-  
malis hujus  
Sacramen-*

*Probatur 1. pars* Matth: 16. *Tibi dabo claves*

*ti.*



*regni cælorum, quodcumq; ligaveris super terram, &c. Joannis 20. Quorum remisit peccata, &c. Ex quibus locis Patres & Concilia colligunt dari pœnitentiæ Sacramentum. Prob: 2. Authorit: Florent: in decret: unionis, ac Trident sess: 14. c. 4. Si quis, inquit, dixerit pœnitentiam non esse verè & propriè Sacramentum, à Christo Domino institutum, anathema sit. Probatur ratione Doct: Instituire Sacramentum fuit Deo possibile, & congruit ejus institutio, nam cum baptismus non sit iterabilis, congruū erat, ut institueretur aliquod Sacramentum, quo resurgerent, qui relapsi essent post baptismum: ergo est institutum.*

*Ut probetur 2. pars. Adverte me non velle dicere, quòd tota hujus Sacramenti essentia, in absolutione consistat, nam certum est, præter absolutionem Sacramentum hoc essentialiter includere rationem genericam Sacramenti, ut sic, unde quod intendo, probare est, differentiam essentialem hujus Sacramenti, in sola consistere absolutione. Jam probatur 2. pars Conclusionis. Illud dicit pœnitentiæ Sacramentum in recto seu essentialiter, quod primariò contrahit rationem Sacramenti ut sic, ad esse hujus Sacramenti pœnitentiæ, ut distincti ab omnibus alijs Sacramentis; sed hoc facit sola absolutio: ergo illam solam dicit Sacramentum pœnitentiæ in recto. Maj: est certa, prob: min: Sacramentum hoc institutum est per modum judicij, quo Sacerdotes de reis sententiam ferunt, teste Trident: sess: 14. c. 2. sed actum quemcumq; ad esse actûs judicialis contrahit primariò sententia judicis: ergo & Sacramen-*

mentum ut sic, contrahet adesse Sacramenti Judicialis, absolutio per quam sententia Judicis exprimitur.

*Confirm:* Nihil potest esse ratio constitutiva Sacramenti, nisi quod est signum sensibile; sed contritio non est tale, ergo non est ratio constitutiva hujus Sacramenti. Deinde sine Confessione & satisfactione validè hoc Sacramentum conficitur, ergo nullus ex illis actibus est de essentia hujus Sacramenti. Antecedens patet quoad confessionem in casu necessitatis, quo aliquis validè possit absolvi sine prævia confessione. Patet etiam quoad satisfactionem, quia illam non nisi peracto Sacramento exhibemus, ut patet ex praxi Ecclesiæ, quæ injunxit pœnitentiam confidentibus, persolvendam post confessionem: ergo neq; confessio, nec satisfactio erunt de essentia hujus Sacramenti. Probatur consequentia. Nulla res potest esse sine sua essentia: ergo.

*Obje: contra 1. partem* varias hæreticorum explicationes, seu potiùs depravationes locorum Script: & maximè Joann: 20. quem ipsi explicare debere putant de prædicatione. iv. explicationem illam malā esse, nam Christus loquitur loco citato de potestate judicaria, quam Judex audito reo, pronuntiata sententiā exercet, ut docet August: & alij Patres communiter.

*Obje: contra 2. partem.* Ad validitatem hujus Sacramenti necessariò requiruntur absolutio, jurisdictio, intentio Sacerdotis, peccata, contritio, confessio & satisfactio: ergo ejus ratio formalis malè statuitur in sola  
absq.

absolutione, exclusis reliquis. R. negando consequentiam, tum ob rationes jam assignatas, tum etiam, quia frequenter multa requiruntur necessario ad aliqua, quæ non sunt de eorum essentia; sic ad relationem requiruntur fundamentum & terminus, ad compositum per se, Unio, &c. Et ad iudicium actor, reus, testis. Itaq; omnia jam assignata præter absolutionem requiruntur vel tanquam materia circa quam, seu objectum absolutionis sacramentalis, vel tanquam dispositio requisita ad validitatem Sacramenti.

Obyc: 2. contra eandem. Actus pœnitentis, contritio videlicet, confessio & satisfactio, sunt materiæ hujus Sacramenti, ut docet Trident: sess: 14. c. 4. his verbis: *Si quis negaverit ad integram & perfectam peccatorum remissionem requiri tres actus in pœnitente, quasi materiam Sacramenti pœnitentiæ, contritionem videlicet, Confessionem & satisfactionem, quæ tres pœnitentiæ partes dicuntur, anathema sit.* ergo sunt de essentia illius, sicut semper est materia de essentia compositi. R. primo Concilium non dicere, quod sint materia, sed quod sint quasi materia, quæ verba diversa

*Quomodo* sunt à sensu adversariorum. R. 2. explicando Concilium, dicit illa esse materiam circa quam, & partes talis materiæ, concedo, materiam ex qua, aut partes proximæ constituentes hoc Sacramentum, nego antecedens, & consequentiam; quamvis enim materia objectum sit, circa quam scientia versatur, non est tamen de illius essentia. ergo. Et si quæras, quænam est materia ex qua hujus Sacramenti? R. quod nullam habeat, sicut etiam,

nec formam, in sensu quo solet accipi pro altera parte compositi, resultantis ex materia & forma: sufficit enim, quòd habeat materiam, circa quam versatur absolutio, quæ propterea forma dicitur, quia circa illam versatur materiam.

ASSERTIO III. Hoc Sacramentum *Institutio* institutum est à Christo Domino, Joann: 20. *hujus Sa-* quando dixit: *Quodcumq; solveritis super ter-* *cramenti.* *ram;* &c.

*Probatur 1. pars.* De institutione tum auctoritate Trident: sess: 14. c. 1. *Si quis*, inquit, *dixerit pœnitentie Sacramentum à Christo Domino institutum non esse, anathema sit.* Tum etiam ex dictis de Sacramentis in genere, ut *suprà*.

*Probatur etiam 2. pars.* ex eodem Trident: citato c. ultimo ubi expresse docetur.

*Obijc: contra 1. partem.* Confiteri est grave onus: ergo non credendum est fuisse institutum à Christo Domino. *ix.* negando consequentiam, quia gravis culpa, ac grande malum, grave & ponderosum debet habere remedium.

*Obijc: contra 2. partem.* Æquè ex illa auctoritate Joannis colligitur obligatio confitendi venialia, ac mortalia; sed illa non necessariò tenetur quis confiteri, ergo nec hæc. *ix.* ex illa auctoritate præcisè non deduci, quòd hæc aut illa essent confitenda; sed ex illa & perpetua Ecclesiæ traditione, & explicatione fundata in eo, quòd venialia non faciant inimicum DEI, mortalia autem faciant.



*Præceptū  
Ecclesie  
circa hoc  
Sacramen-  
tum.*

ASSERTIO IV. Fideles baptizati, præcepto tam Divino, quàm Ecclesiastico, tenentur ad hoc Sacramentum in mortis articulo, si in mortale peccatum sunt lapsi.

*Probatur* de præcepto divino ex dictis assertionis præcedentis. De Ecclesiastico res est extra controversiam, in Concilio Lateranensi præcepta.

*Probatur etiam ultima pars*, quia nunquā potius deberet obligare, quàm in mortis articulo: ergo.

*Aliquādo  
frequētius  
per acci-  
dens obli-  
gat.*

ASSERTIO V. Præceptum hoc per frequētius accidens obligat, quoties est sumenda Eucharistia, amandus Deus super omnia, aut ali- quod aliud faciendum est, quod in statu gratiæ à peccatore fieri debet.

*Prob:* tum ex dictis Colum: 36. tum etiam, quia probatio illa, quam Paulus I. Corinth: II. præcipit his verbis: *Probet autem se ipsum homo, & sic de pane illo edat, &c.* quando est copia Confessarii, debet adhiberi pro hoc Sacramento: ergo.

*Quomodo  
aliquis sa-  
tisfaciat  
præcepto  
annuæ cō-  
fessionis.*

ASSERTIO VI. Præcepto de annuā Confessione satisfacit, qui quocunque anni tempore confitetur.

*Prob:* Ecclesia non præcipit nisi sacramentalem Confessionem, semel in anno; ergo quocunq; anni tempore quis confitetur, satisfacit huic præcepto. *Probatur* antecedens ex cap: *Omnes utriusq; sexus.*

*Peccati oc-  
culti con-  
fitenda.*

ASSERTIO VII. Ut hoc Sacramentum validè administretur, ordinariè loquendo necessarium est omnia peccata mortalia, etiam occulta, uni Sacerdoti confiteri.

*Prob:*

*Probatur* ex Concilio Lateranensi, in quo præcipitur, ut omnis utriusq; sexûs, postquã ad discretionem pervenerit, omnia peccata sua fideliter confiteatur saltem semel in anno. Et ex Trident: sess: 14. cap: 5. & can: 7. *Si quis, inquit, dixerit, in Sacramento pœnitentia necessarium non esse jure divino, confiteri omnia & singula peccata mortalia, quorum memoria cum debita & diligenti meditatione habeatur, etiam occulta, & circumstantias, quæ peccati speciem mutant, anathema sit.*

*Prob: 2.* Tum ex perpetua & constanti Ecclesiæ traditione, tum etiam ex varijs SS. Patrum autoritatibus, quas hic fusè moderni adducunt.

*Obyc:* Peccata publica ex se satis sunt manifesta: ergo saltem illa confiteri non debent, R. distinguendo antecedens, sacramentaliter nego antecedens, extra Sacramentum, concedo antecedens, & nego consequentiã.

*Dixi in Conclusionem, uni Sacerdoti, quia, qui unam partem uni confiteretur, & alterã alteri, non sufficienter cõfiteretur, ut docent Authores communiter. At qui tantum uni omnia mortalia confiteretur, & postea venialia suo Confessario, cui noller dicere graviora, sufficienter confiteretur.*

ASSERTIO VIII. Non tenetur quis *Confessio* præcepto Divino, aut Ecclesiastico, ad Con- *per inter-* fessionem per interpretem faciendam, adeoq; *pretem li-* nec ad publicam; potest tamen homo sic con- *cita, sed* fiteri licitè. *non neces-*

*Prob: 1. pars.* Tum ex Trident: sess: 14. c. 5. *varia.* ubi expressè docetur. Tum etiam, quia non constat de ullo præcepto tali, Divino, aut Ecclesiastico. ergo. *Pro-*

*Probatur ultima pars.* Confessione publicæ, & etiam per interpretem, convenirent omnia requisita ad hoc Sacramentum. ergo.

*Obijc: contra ultimam partem.* Una ex circumstantijs requisitis ad confessionem est, ut sit secreta; ergo nec publicè, nec per interpretem confiteri licet. Antecedens patet ex his vulgaribus versibus:

*Sit simplex, humilis, Confessio, pura, fidelis,  
Atq; frequens, nuda, discreta, lubens, verecunda.  
Integra, secreta, lachrymabilis, accelerata,  
Fortis & accusans, quæ sit parere parata.*

ix. distinguendo antecedens, Confessionis præceptæ, concedo antecedens, Confessionis ad quam quis non obligatur, nego antecedens, & consequentiam.

*Obijc: 2.* In articulo mortis, quando quis non est certus, quod habeat contritionem, tenebitur confiteri per interpretem, si velit esse de sua salute securus: ergo datur præceptum de Confessione per interpretem subinde facienda. R. negando antec: nam in tali casu sufficeret illi nutu, vel signo Sacerdoti manifestare se peccasse, ad obtinendum huius Sacramenti effectum.

*Circumstanz mutantes speciem* ASSERTIO IX. Non solum species, sed etiam circumstantiæ mutant species peccatorum, in confessione necessario confitenda sunt; secus dicendum est de circumstantijs, quæ non mutant speciem, quanvis gravantes, notabiliter aggraurent.

*necessario sunt confitenda.* 1. Pars de speciebus patet ex Trident: jam supra citato. *Probatur autem 2. pars, sine* Con-

Confessione illarum circumstantiarum, specificus numerus peccatorum confiteri non potest; sed debet ille numerus confiteri; ergo & circumstantiæ.

*Probatur ultima pars.*, tum quia Tridentinum loco citato tantum loquitur de circumstantiis ijs, quæ mutant speciem: tum etiam, quia integra peccatorum confessio, quoad numerum & speciem, fieri potest, sine eo, quod confiteantur circumstantiæ, aggravantes intra eandem speciem. ergo.

*Obijc: contra hanc partem.* Qui furatus est centum ducatos, tenetur in confessione summam illam explicare; & tamen circumstantia illa quantitatis summæ, non mutat speciem peccati furti; & idem dic de illo, qui uno ictu, seu explosione unâ tormenti centum occidit homines; ergo circumstantiæ aggravantes intra eandem speciem sunt necessario confitendæ. R. cum Rodriquez nostro, quem sequitur Cardinalis de Lugo, negando antecedens, nam sufficeret, illi pœnitenti, confiteri, se fuisse furatum quantitatem sufficientem ad peccatum mortale, vel commisisse homicidium mortaliter peccaminosum: imò cum Pontio hic, disp: 45. q. 7. nu: *Etiā in* 53. existimo contra Lugonem, etiam si inter-rogatq, rogaretur pœnitens à Confessario, illum non *non tene-* teneri ad circumstantiam illam confitendam, *tur circū-* quia non obligatur, nisi ut numerum & spe-stantiam-  
ciem peccatorum mortalium confiteatur, & *confiteri.* consequenter, Confessario curiosè interroganti de alijs circumstantiis aggravantibus tantum, dicere possit se non teneri ad confitendam illam circumstantiam. De Circum-



stantijs autem ipsis, de quibus hic fusè aliqui agunt, egi Columnâ 9. de Actibus humanis. & fusissimè agit Pontius disput: 45. summæ.

*Absolvendus est, qui nullū doloris signū dare potest.*

ASSERTIO X. Confessio facta sine voce, nutibus, aut alijs signis, valida est, & bona. Imò qui in Epilepsiam, aut aliam infirmitatem inciderit, ratione cujus impediretur in operatione sensuum externorum, modò antea catholicè vixerit, sine ullo sacrilegij periculo, conditionatè absolvendus est, quamvis nullum daret doloris signum.

*Probatur 1. pars.* Talis confessio est accusatio dolorifica de peccatis: ergo valida est & bona.

*Prob. 2. pars.* Tum quia in tali conditionata absolutione, etiamsi privetur effectū, nullum est mali periculum, magis quàm in baptismo conditionato infantis expositi, re ipsâ aliàs baptizati; sed secundum omnes, sic expositus conditionatè baptizari debet, nisi constet, quòd fuerit antea baptizatus: ergo. Tum etiam, quia juvandus est proximus in ordine ad salutem æternam, omni modo possibili, & licito; sed talis conditionata absolutio est modus, quo frequenter proximus in ordine ad vitam æternam juvari potest: ergo. *Prob. min:* Potest contingere in tali casu, ut proximus sibi sit præsens, & absolutionem desideret, quamvis per signa aliqua externa, suum animum exprimere non posset, ut sibi ipsi contigisse fatetur noster Mercantius: ergo in tali casu est absolvendus.

*Confirmatur.* Præsumendum est, quòd qui  
Chri-

Christianè vixit, animum habuerit confitendi sua peccata: ergo quamvis incideret in dementiam, epilepsiam, aut aliam hujusmodi infirmitatem, adhuc tamen absolvendus est conditionatè, hoc modo: *Si es capax, ego te absolvo.*

*Obijc:* pro P. Pontio. Qui incidit in Epilepsiam, vel amentiam, fuit in statu gratiæ, dum incidit, vel non fuit, si primum non indiget absolutione; si secundum, non constat ipsum habere dispositionem requisitam ad absolutionem: ergo non est danda illi absolutio. R. primò hoc argumentum, si aliquid *Reytitur Pontius* valeret, probare quod non liceret absolvere constitutum in statu gratiæ, quod nemo dicet; cum sola peccata venialia, quæ cum justificatione compatibilia sunt, sufficiens materia sunt absolutionis. Deinde possit apoplecticus ille, esse in statu peccati mortalis, & de eo, ex motivo attritionis dolere, ac absolutionem desiderare, quamvis nullo externo signo, posset suum desiderium alteri explicare; sed in tali casu prodesset ipsi absolutio; ergo non gratis illi applicaretur. Unde R. 2. quod & in utro & in altero statu constituto, possit absolutio prodesse, cujus contrariū non probat argumentum.

ASSERTIO XI. Formā absolutionis *Forma est* essentialiter consistit in his solis verbis: *Absolvo te.* *Prob:* Nihil est necessarium ad formam *absolutio- nis* hujus Sacramenti, nisi quod est necessarium ad ferendam sententiam de pœnitente; sed illa duo verba, *Absolvo te*, ad hoc sufficiunt; ergo.

*Obijc:* In forma baptismatis debet fieri expressa mentio Trinitatis: ergo & hic. *R.* negando consequentiam, & disparitas est, quia baptismus est janua & solennis professio Fidei, uti & confirmatio est robur ad confitendam fidem publicè, & sic, quamvis in illis fiat mentio Trinitatis, sine cujus cognitione fides stare non potest; non tamen hic.

*Sufficit ut dolor ab-  
solutionē  
precedat.*

ASSERTIO XII. Non est necessariū, ut dolor requisitus ad validitatem hujus Sacramenti præcedat confessionem, sed sufficit, quod absolutionem præcedat.

*Prob:* Quia nec ratione, nec auctoritate ostenditur, quòd dolor ille debeat præcedere Confessionem. ergo.

*Obijc:* Confessio debet esse accusatio; sed si non præcedat dolor, non erit, sed historica narratio: ergo. *R.* concedendo majorē, & distinguendo min: non esset accusatio completa formaliter loquendo, transeat min: incompleta, complebilis tamen per subsequenterem dolorem, & subjectionem ad claves, nego min: & consequentiam.

*Sacramen-  
tum hoc,  
non est va-  
lidum, in-  
forme.*

ASSERTIO XIII. Dolor sufficiens ad validitatem Sacramenti pœnitentiæ, sufficit etiam, ut habeat semper suum effectum, & consequenter nunquam est validum, & informe. *Probat.* Ad validitatem hujus

Sacramenti, non sufficit aliquis dolor, qui non est efficax detestatio peccati, conjuncta cum proposito emendandi vitam, & satisfaciendi pro commisso delicto, prout requiritur in hoc foro; sed talis dolor, & detestatio peccati, sufficit ut Sacramentum conferat  
effe-


effectum gratiæ; ergo stante tali dolore, Sacramentū semper conferet illum effectum, & consequenter non erit validum & informe: stante enim dolore tali invalidum esse non potest; nec etiam informe, stante productione gratiæ.

*Obje.* cum Suare. Si quis committeret duo peccata, unum v. g. furti, & alterum homicidij, & oblivisceretur postea peccati furti, dum confiteretur peccatum homicidij, de quo solo tunc doleret, ob malitiam particularem ipsius, ille validè confiteretur, & absolveretur, sed non consequeretur gratiam, quia habet obicem peccati furti, de quo non dolet, nec quidem virtualiter, ut suppono: ergo in tali casu Sacramentū esset validum, & informe. R. negando majorem, nam ut quis validè absolvatur à peccato mortali, non fati est, ut doleat de illo sub ratione tantum specifica, sed etiam dolere debet sub ratione generica, sub qua detestatur etiam virtualiter peccatum, inculpabiliter oblitum.

EPISTYLIUM PROBLEMATI CUM  
COLUMNÆ XXXIX.

*An pœnitens teneatur Confessario interroganti, an habuerit consuetudinem peccandi, fateri veritatem?*





## COLVMNA XL.

### *De Ministro hujus Sacramenti.*

*Requiri-  
tur pote-  
stas ordi-  
nis, & ju-  
risdictio-  
nis.*

**A**SSERTIO I. Sacerdos, hujus Sacra-  
menti minister; non recipit vi ordinis  
completam facultatem absolvendi quoscunq;  
à peccatis; unde ultra potestatem ordinis, ut  
quis validè possit absolvere, requiritur pote-  
stas jurisdictionis.

1. *Par* est definita in Trident: sess: 14. cap:  
6. cujus autoritate probatur.

2. *etiam Par* probatur autoritate Ecclesiæ  
in Florent: in quo dicitur, quòd minister de-  
bet esse Sacerdos, habens jurisdictionem or-  
dinariam, vel delegatam; sed neutram ha-  
bet vi ordinis, hoc est, vi suæ institutionis in  
Sacerdotem: ergo. Probatur minor. Si qui-  
vis haberet vi ordinis talem jurisdictionem,  
nemo haberet autoritatem delegatam; sed  
Florentinum docet autoritatem delegatam  
posse conferri alteri: ergo.

*Confirm:* Si vi ordinis quis haberet pro-  
ximam jurisdictionem respectu omnium, Ec-  
clesia non posset invalidare ullius Sacerdotis  
jurisdictionem; sed hoc falsum esse expressè  
patet, ex capite *Omnes utriusq.*: ergo. Prob:  
sequela. Ideò Ecclesia non potest efficere,  
quin Sacerdos consecret, si cum debita inten-  
tione proferat formam supra materiam debi-  
tam, quia illa potestas confertur illi vi ordi-

nis : ergo si potestatem absolvendi vi ordinis acciperet, non posset Ecclesia invalidare ipsius absolutionem.

*Obijc:* Quilibet Sacerdos in ordinatione, accipit facultatem remittendi & retinendi peccata, ut patet ex illis verbis Joann: 20. quæ ab Episcopo proferuntur : *Quorum remiseritis peccata, remittuntur eis* : ergo vi ordinis accipit potestatem. *R.* distingu: antecedens, facultatem remotam, concedo antecedens, proximam, nego antecedens, & consequentiam.

*Obijc:* 2. In mortis articulo, quivis Sacerdos potest quemlibet alium absolvere, sine ulteriori ulla jurisdictione, præter illam, quæ accepit in ordinatione; sed illa non magis determinatur ad omnes in tali articulo, quàm ad omnes absolute: ergo. *R.* negando maj: nam illam jurisdictionem habet Sacerdos ab Ecclesia, quæ constituit ipsum judicem in tali articulo omnium, in absentia proprii Sacerdotis, aut alterius jurisdictionem delegatam habentis.

ASSERTIO II. Minister ordinarius *Quis dicitur ordinarius minister.* hujus Sacramenti est, cui ex vi sui muneris, & officij, absq; privilegio & delegatione alterius, competit jurisdictio ordinaria in foro conscientiarum. Hæc est re ipsâ communis inter Doctores, quorum autoritate probatur.

ASSERTIO III. Hujus Sacramenti *Ordinarij ministri,* tres sunt ministri ordinarij, Papa videlicet *Papa, Episcopus, & Parochus.* in universa Ecclesia; Episcopus in sua Diocesi, & Parochus in sua Parochia. Hæc est *com- Parochus.*

communis. *Probat*ur, Papæ ex vi suæ electionis in summum Pontificem, competit jurisdictionis in universalem Ecclesiam, quia Supremus est ac ordinarius Pastor gregis Christi, ejusque generalis Vicarius, ut antea jam probavi agendo de fide. Episcopo etiam vi suæ electionis, ac Parocho vi suæ legitimæ institutionis, respectivè in Diocesim, & Parochiam, competit ordinaria jurisdictionis, quia veri pastores sunt commissi sibi gregis, & consequenter absq; privilegio, vel delegatione alterius, audire possunt Confessiones sibi subditorum.

Hinc infertur, 1. Omnes illos, qui ex vi officij vel beneficij præfatorum ordinariorum locum obtinent, & quasi ordinarij vocantur, in foro conscientie respectivè ad sibi subditos, legitimam habere absolvendi potestatem. Et hujusmodi sunt, 1. Supremus Pœnitentiarius Romanus, Vicarij generales, & Legati à latere summi Pontificis. 2. Vicarij generales Episcoporum, & Pœnitentiarius Ecclesiæ Cathedralis, ubi pœnitentia est in officium erecta. 3. Vicarij Parochiales, ubi similiter Vicarij tales in officium Parochorum sunt assumpti; Ut videntur esse Vicarij Parochiales Sacri Ordinis Benedictinorum, Præmonstratensium, & Cisterciensium, ubi Monasterio beneficium Parochiale est annexum.

*Vicarij legitimè absolvent,*

*Superiores mendicantium, respectu suorum sub-*

Infertur secundò, quòd Ordinariorum nomine & jure gaudent, qui in Ordinibus exceptis ab Episcopali Jurisdictione, quasi Episcopalem Jurisdictionem in suos subditos exercent, & similiter dic de ijs, qui ad modum

Archi-

Archi-Presbyterorum, in religionibus exem-  
ptis, curam animarum, ex vi officij exercere  
debent. Generales Ordinum exemptorum,  
quasi Archi-Episcopalem, vel Episcopalem  
jurisdictionem habent, in universum Ordi-  
nem, vel Congregationem. Provinciales si-  
militer, respectu suarum Provinciarum, &  
Custos respectu Custodiæ, quasi Vicariorum  
generalium jurisdictionem habent. Guardi-  
ani similiter, Priores, Rectores, Correcto-  
res, & alij sic instituti Superiores Monasteri-  
orum, Conventuum & Collegiorum, quasi  
Parochialem, seu potius Archi-Presbyterale-  
m, ratione suorum officiorum, jurisdic-  
tionem habent in sibi subiectos.

Infertur tertio ex jam dictis, Generales  
Ordinum, per totam Religionem, & Provin-  
ciales per Provincias suas posse instituere  
Confessarios Religiosorum, sine prævia ap-  
probatione Ordinarij. Similiter dic de Ab-  
batibus, Rectoribus, & Guardianis, res-  
pectivè ad suas personas; nam possunt confiteri  
subiectis sibi Sacerdotibus, quamvis nec ab  
Ordinario, nec à Generali, aut Provinciali,  
Confessarij sint approbati.

ASSERTIO IV. Christiani omnes,  
qui continentur Religiosis habentibus à Pon-  
tificè delegatam auctoritatem, qualem ha-  
bent Confessarij omnes approbati Religioso-  
rum mendicantium, satisfaciunt præcepto  
Ecclesiæ, de annua Confessione.

Prob: Præceptum Concilij Lateranensis de  
annua Confessione, non obligat, nisi ut quis  
semel tantum in anno confiteatur proprio



Sacerdoti, aut alteri de ejus licentia; sed qui confitetur Religiosis jam dictis, confitetur habenti licentiam proprii Sacerdotis. ergo. Probatur mini Summus Pontifex est proprius Pastor & Sacerdos omnium Fidelium in hoc foro; sed à summo Pontifice licentiam habent Religiosi exempti, & ab Ordinario approbati, audiendi confessiones omnium fidelium: ergo.

*Quid sit  
delegatus.*

*Quæres 1.* Quid sit Minister delegatus? R. quòd sit ille, qui non potest absolvere (loquor de delegato in hoc foro) ex officio suo, sed recipit authoritatem ab aliquo Ministro ordinario; puta à Papa respectivè ad totam Ecclesiam: ab Episcopo, vel Vicario ejus generali, respectivè ad totam Diocèsim, & à Parocho accedente consensu Ordinarij, respectivè ad suos sibi subditos.

*An delegatus possit  
subdelegare?*

*Quæres 2.* Utrum delegatus posset subdelegare suam authoritatem alteri? R. hoc dependere à voluntate delegantis, & sic ex verbis quibus delegat, aut alijs circumstantijs, cognosci potest delegati potestas, in ordine ad hoc.

*Non expirat.*

*Quæres 3.* An jurisdictio delegata expiret morte delegantis, sive mors illa sit civilis, sive naturalis? R. negativè, & hoc patet ex praxi Ecclesiæ, quæ permittit, ut aliquis utatur authoritate delegatâ, post mortem delegantis, quod non faceret, si non esset licitum.

*Reservatio  
casuum  
licita.*

ASSERTIO V. In Ecclesia est potestas reservandi aliqua peccata, etiam in foro interiori, à quibus nulli nisi authoritatem habenti, licet absolvere. Est de fide defini-

ta in Trident: sess: 14. Can: 11. cujus authoritate probatur.

Hinc malè colligitur, quòd Generales aut Provinciales Religiosorum, possunt sibi reservare quos volunt casus: nam quamvis Archi-Episcopalem, vel Episcopalem quasi auctoritatem habent respectivè ad suos subditos; tamen Clemens VIII. ob varia & rationabilia motiva, prohibuit illis, ne reservent ulla peccata, nisi certa ab ipsomet in Bulla specificata, quæ ordinariè referuntur in constitutionibus Religionum.

*Quæres*, An qui reservet aliquod peccatum, potest ab illo absolvere, & alteri dare facultatem absolvendi ab illo? *æ.* affirmative, si est Sacerdos, & ratio est, quia reservans potest absolute illam reservationem tollere: ergo & absolvere ab illo peccato, vel dare alijs facultatem ab eo absolvendi. *Dixi*, si est Sacerdos, Superiores Religiosorum, qui Ordinem Sacerdotalem non suscipiunt, reservare peccata possunt, absolvere tamen ab illis per se non possunt, bene tamen absolvendi licentiam alteri impertire valent, & reservationem tollere.

ASSERTIO VI. Confessarius tenetur *Scientia* habere Scientiam sufficientem, taliter ut *Confessa-* sciat distinguere inter mortalia, & venialia, *rio neces-* sicut & inter illa peccata, quæ communiter *saria* annexam habent censuram, vel reservationem. *Prob:* Judex in foro civili, tenetur tantam habere scientiam, ut possit delictorum gravitatem cognoscere; & scire, quanam delicta merentur hanc poenam, & quanam

*Absolutio  
Valida.*

nam illam; sed Confessarius est Judex in foro Conscientiæ: ergo ad minimum debet habere scientiam in conclusione specificatam; & consequenter, mortaliter peccat ignarus, qui exponit se ad audiendas confessiones, ubi urgens non est necessitas. At qui bonâ fide ignaro confitetur, validè absolvitur, nisi ex parte ipsius ponatur obex, quia ignorantia Sacerdotis non facit, quin absolvendi habeat jurisdictionem.

*Obligatio  
Parochorum.*

ASSERTIO VII. Parochi tenentur audire Confessiones subditorum, non solum semel in anno, & in articulo mortis, sed etiâ quoties rationabiliter rogantur, & sine gravi incommodo possunt.

*Probat.* Tum quia propter hoc dantur ipsis beneficij fructus; tum etiam, quia sunt Patres spirituales Parochianorum; ergo sicut Pater corporalis, cui spiritualis assimilatur, tenetur filio, non solum in extrema necessitate, sed etiam quoties necessarium est, pro viribus providere necessaria ad vivendū, juxta suum statum; sic & Parochus debet providere subditis; qui filij spirituales illius sunt, non solum in mortis articulo, sed etiâ, quando ad magnum profectum spiritualem subditis, id est valde conveniens.

*Juvandi  
non verò  
turbandi  
sunt sim-  
plices.*

ASSERTIO VIII. Rudiores à Confessario juvandi sunt, non tamen turbandi nimîâ curiositate interrogationum, præsertim in materia carnis.

*Probat.* 1. pars. Quia spectat ad officium Judicis spiritualis, bene examinare consci-  
entia

*De ministro hujus Sacramenti.* 477

entiam pœnitentis, nescientis illā per se aperire, sed hoc fit interrogando ipsum genericè de peccatis, quæ ab ipsius conditionis personis, ordinariè committi solent: ergo. Min: est certa, probatur ergo maj: sine tali examine debitam de defectibus pœnitentis sententiam ferre non potest. ergo.

*Probatur etiam 2. pars.* quia talibus interrogationibus, innocentem aliàs pœnitentem possit instruere in malo, quod ei in mentem antea nunquam venit: ergo à nimia curiositate interrogationum, præsertim in materia carnis, abstinere debet.

ASSERTIO IX. Ut validè Confessarius absolvat, debet habere Jurisdictionem, ut verò licitè, debet esse in gratia.

*Prob: 1. pars,* ex Trident: sess: 14. c. 7. ubi ait, nullius momenti absolutionem esse debere, quam Sacerdos profert in eum, in quem ordinariam aut subdelegatam non habet jurisdictionem.

*Probatyr 2. pars.* Tum ex dictis de ministris aliorum Sacramentorum, tum etiam, quia minister cujuscunq; Sacramenti debet se conformare in quantum potest Christo, à quo potestatem habet; tum deniq;, quia sancta sanctè sunt tractanda; sed sic Sacramentum hoc sanctè non tractaretur à Ministro, si in mortali peccato licitè posset illud administrare: ergo non potest.

ASSERTIO X. Invalidè administrans hoc Sacramentum, puta ob defectum jurisdictionis, aut dispositionis ex parte pœnitentis, *Obligatio ignorari Confessarij.*



tis, aut quia non obligavit illum ad restitutionem faciendam, sicut debebat; tenetur inducere pœnitentem ad repetendam Confessionem, si sine scandalo, infamia, fractione sigilli, & nocumento suo proprio, id facere posset; sin minùs, ad nihil tenetur.

*Probatur 1. pars.* Qui est causa cur aliquis non observet præceptum divinum, propter præcepti ignorantiam, quam causavit in ipso; debet tollere illam ignorantiam, si potest, sine gravi suo damno; sed invalidè administrans hoc Sacramentum, est causa, cur pœnitens non consequatur effectum præcepti divini de hoc Sacramento; seu cur præceptum illud non observet, validè sua peccata confitendo, ergo tenetur illum admonere. Probatur min: nam sic absolutus putat se non obligari ad reiterandam denuò illam Confessionem, sed hoc provenit ex negligentia Confessarij. ergo.

*Confirm:* Si quis diceret alicui obligato ad audiendum Sacrum, quod non esset obligatus, & sic averteret illum, tenetur postea ad contrarium illi significandum: ergo qui invalidè administrat Sacramentum hoc, tenetur postea pœnitentem admonere de sua obligatione, in ordine ad reiterandam confessionem.

*Probatur ultima pars:* Nemo tenetur procurare spirituale bonum alterius, præsertim, quod alijs vijs licitis procurare possit, eum tanto incommodo: ergo ubi est periculum scandali, infamiae, aut fractionis sigilli, non tenetur Confessarius pœnitenti aperire defectum commissum in ejus absolutione.

*Obijc:* Quamvis pœnitens non sit verè absolutus, tamen cum bona fide processit, primâ sequenti confessione (in qua virtualiter saltem de omnibus commissis tempore vitæ peccatis, dolebit) condonabuntur ipsi peccata omnia in priori confessione, non remissa: ergo non tenetur Confessarius invalidè absolvens, pœnitentem de invaliditate Sacramenti admonere. *R.* transeundo antecedens, & negando consequentiam, nam posset pœnitens esse in statu, in quo non teneretur postea ullo modo confiteri; imò per accidens est, quòd confiteatur postea, quia incertum est, quàm diu vivet; ergo quamvis si confiteretur, peccatorum præcedentium remissionem obtineret, adhuc tamen teneretur Confessarius ipsum admonere de defectu Sacramenti, nisi jam dictæ inconvenientiæ sequerentur.

ASSERTIO XI. Si Confessario constaret pœnitentem non esse ritè dispositum, deberet ei negare absolutionem. Indispositus censeri non debet pœnitens, qui probabilem Confessarij opinionem, contra suam sequi non vult.

*Prob: 1. pars.* Confessarius non exerceret ritè Officium Judicis, si indispositum absolutur: ergo non debet illum absolvere. Probatur antec: Officium Judicis est justam proferre sententiam, sed Confessarius in tali casu justam non proferret sententiam, absolvendo nimirum, absolutione indignum.

Hinc infertur, Confessarium antequam absolvat, debere probabiliter existimare pœnitentem sufficienter esse dispositum, tam respectu

*Indispositus  
to negari  
debet ab-  
solutio, tam  
lis censeri  
non debet;*


*qui sequitur  
opinionem  
probabilem.*

spectu temporis præteriti, ut nimirum quod satisfecit obligationi, quâ tenebatur sub mortali; quàm etiam respectu præsentis, ut v. g. quòd sufficienter doleat de peccatis commissis, quem dolorem Confessarius ex modo narrandi peccata, aut ex alijs signis externis, deprehendere potest; ijs autem deficientibus, pœnitenti se dicenti ex animo dolere, & promittenti in futurum vitæ emendationem, credere debet.

*Probat autem 2. pars.* Qui sequitur opinionem probabilem in foro conscientiæ, dispositus ad absolutionem censeri debet, sed pœnitens in casu conclusionis, sequeretur opinionem probabilem, ut suppono: ergo indispositus censeri non debet.

## E PYSTILIUM PROBLEMATICUM C O L U M N Æ X L.

*An Religiosus extra Monasteriũ existens,  
cum omnimoda necessitate celebrandi,  
possit etiam à reservato casu absolvi  
per Clericum sacularem approbatum?*



# COLVMNA XLI.

## *De Sigillo, & Sacramentali Satisfactione.*

**A**SSERTIO I. Sigillum Sacramentale, *Quid sit*  
 est obligatio singularis, quam habet *Sigillum?*  
 Confessarius in omni casu, etiam quo totius  
 Imperij salus periclitaretur, ad tacendum,  
 etiam post mortem pœnitentis, dicta in Cón-  
 fessione (intellige in ordine ad absolutionem  
 Sacramentalem:) omnia, quorum revelatio  
 Sacramentum redderet onerosum, vel odio-  
 sum. Hæc non indiget probatione, unde  
 fit

**A**SSERTIO II. Hæc obligatio suppo- *Juris est*  
 sita institutione hujus Sacramenti, juris est *natura,*  
 naturæ, Divini, & Ecclesiastici. *Divini, &*

*Probatur 1. pars.* Est juris naturæ, non in- *Ecclesiasti-*  
 famare proximum in ullo casu, absq; ratio- *fici.*  
 nabili causa, sed si quis revelaret peccata in  
 confessione audita, infamaret proximum,  
 absq; rationabili causa; ergo est juris natu-  
 ræ hoc non facere. Probatur min: Non po-  
 test excogitari rationabilior causa infamandi  
 proximum, per apertionem Sigilli, quàm  
 quando ex illa revelatione, posset caveri no-  
 tabili malo Reipublicæ; sed illa non esset ra-  
 tionabilis causa, ob quam deberet infamari  
 proximus, aperiendo sigillum. Maj: est cer-  
 ta, probatur min: Eatenus illa esset rationa-  
 bilis



bilis causa, quatenus posset revelatione confessionis caveri illi malo; sed non posset: ergo. Probatur min: Si ad cavendum illi malo, liceret revelare confessionem, nemo confiteretur peccatum tale: ergo per facultatem revelandi in confessione dicta, nullatenus caveretur imminenti illi malo.

*Confirm:* Positivè impedire spirituale bonum proximi, est contra divinum & naturale præceptum; ut est evidens, sed per apertionem sigilli, suppositâ obligatione confitendi, impediretur spirituale bonum proximi, nam non confiteretur unquam sua peccata; ergo.

*Pœna violentis sigillum.*

*Probatur ultima pars, ex cap: Sacerdos, de pœnit: in 6. ubi violanti Sigillum confessionis, pro pœna imponitur depositio & peregrinatio ignominiosa & perpetua. Et ex cap: Omnis utriusq. sexûs, ubi determinatur illi pro pœna depositio, & inclusio perpetua in aliquo Monasterio.*

*Obijcies.* Si hæc obligatio esset juris naturæ, non posset Confessarius de licentia pœnitentis peccata revelare; sed hoc est falsum. ergo. & negando maj: quia præceptum illud includit negationem consensûs pœnitentis, quâ ablatâ, cessat obligatio præcepti.

*Obijc: 2.* Obligatio illa est positivi juris divini, secundum Scotum in 4. d. 21. q. 2. n. 11. ergo non est juris naturæ. & negando consequentiam, quia est utriusq; Juris, sicut & multa alia sunt præcepta.

*Subiecta obligata.*

ASSERTIO II. Non solum Confessarius, sed etiam interpret, internuncius, Consilia-

filiarius, & quicumq; alius, qui quovis modo ex Confessione aliquid audivit, tenetur Sigillo Confessionis. *Probatur Conclusio* de interprete (de Confessario certum est illum directè obligari) fieret injuria Sacramento, si interpreti liceret violare sigillum Confessionis. Ergo præcepto illo quo tenetur Confessarius obligatur etiam interpres. *Probatur* antecedens, retardarentur homines nè cum *de inter-* tanta fiducia ad hoc possint accedere Sacra- *prete.* mentum, & sic redderetur confessio odiosa; sed hoc est injuriam facere Sacramento. ergo.

*Confirm:* Interpres non solum est instrumentum pœnitentis, sed etiam Sacerdotis: nam sicut alter per illum loquitur, ita etiam suo modo Sacerdos per ipsum audit, & sic participat secretum ejus: ergo obligatur illo sigillo quo Sacerdos.

*Probatur etiam Conclusio* de internuncio, & *De inter-* Consiliario, quem Confessarius ex consensu *nuncio &* pœnitentis consulat (idem dic de Superiore, *Consilia-* à quo petitur licentia ad absolvendum à re- *rio.* servatis) quia illi participant actum clavium, scilicet quoad clavim scientiæ, & suppleant defectum ministri: ergo obligantur illo præcepto, quo Confessarius tenetur.

*Probatur etiam de illo, cui Confessarius ini-* *De eo, cui* què revelaret Confessionem, transferens ali- *revelare-* quid in alium, quod non potest licitè de jure *tur confes-* transferre, non dat illi alteri jus utendi, aut *sio.* transferendi rem illam in tertiam; sed Confessarius revelans confessionem, non habet jus transferendi notitiam illam in alterum, ergo si defacto transferat, alius non habet.

jus transferendi. Probatur maj: non habens jus in rem aliquam, non potest transferre illud in alium: ergo.

*De illo, qui casualiter audiret.*

*Probatur etiam* de illo, qui dolosè & furtivè audit confessionem, quia talis facit injuriam Sacramento, & personæ pœnitentis. ergo tenetur illam refarcire quantum potest, sed nullo modo potest, nisi servando secretum, quantum sigillum postulat: ergo ad hoc obligatur. Probatur etiam, tum de illis, qui casualiter & ex inadvertentia audiunt peccata, tum etiam de illis, coram quibus, in casu necessitatis, aliquis est confessus, quia tenentur servare proximum indemnem in fama, & nullam Sacramento facere injuriam; sed neutrum præstarent, si eis liceret uti scientiâ habitâ ex confessione. ergo.

*Objc:* Si esset tam stricta obligatio, non solum Confessarij, sed etiam aliorum jam nominatorum, ad non revelanda peccata in confessione explicata, sequeretur, quòd Confessarius quandoq; esset obligatus ad mentiendum, & etiam pejurandum; sed hoc non est dicendum. ergo. Probatur sequela major: Potest interrogari à Judice, an in Confessione audivit peccatum tale aliquod ab aliquo, qui ipsi reverà fuit confessus, tale peccatum, & tunc vel mentiri liceret ei, vel revelare confessionem. R. negando sequelam, ad ejus probationem, dico quòd Confessarius in tali casu licitè possit uti restrictione mentali, & sic sine mendacio respondere, quòd non sit confessus, addendo in mente, ut renunciarem tibi. Posset etiam animosius

se gerere, dicendo se non velle loqui de ijs, quæ confessionem tangunt.

ASSERTIO III Non licet Confessario negare schedulam auditæ Confessionis, ei, qui non est verè confessus propter defectum debitæ dispositionis, si ad illum mittatur pœnitens, ut confiteatur cum obligatione, ut referat Schedulam.

*Probat*ur negando tali personæ schedulam, proderet aliquomodo sigillum, & malam pœnitenti dispositionem; sed hoc illi non licet: ergo nec negare schedulam.

Dixi, *si ad illum mittatur*, quia si non sic *Quando* mittatur, aut ex Superioris mandato ei con- *licet nega-* fiteri tenetur pœnitens; meritò ei denegaret *re schedu-* schedulam; tum quia per hoc nihil dicit, sed *lam Con-* tantùm non approbat testimonio positivo *fessionis,* Confessionem esse validam: tum etiam, quia aliàs via aperiretur fraudibus, & multi improbi Parochos in Paschate deciperent: tum deniq; , quia scandalosum esset, & iniquum, publicæ meretrici perseveranti, aut etiam occulto sic pallianti suum delictum, testimonium dare Confessionis.

ASSERTIO IV. Sub Sigillo Confessi- *Quanam* onis cadunt peccata omnia, tam mortalia, *cadunt sub* quàm venialia, eorùmq; circumstantiæ, ac *sigillo.* objecta, in Confessione audita.

*Probat*ur. Quia nihil horum potest revelari sine gravi injuria, & nocumento saltem Sacramenti; ergo. nihil illorum debet revelari. *Probat*ur antèc: Si liceret revelare vel minimum veniale, averterentur homines à Confessione venialium peccatorum; sed hoc



esset Sacramento injuriosum & nocivum. ergo.

*Ufus notitiæ in confessione habitæ illicitus.* ASSERTIO V. Ufus notitiæ comparatæ in Confessione, cum morali periculo revelationis directæ, vel indirectæ, nunquam est licitus, & consequenter non licet Confessario imponere pœnitenti pœnitentiam publicam in satisfactionem peccati commissi, si inde sequatur revelatio etiam indirecta, seu suspicio alicujus gravis criminis, talis pœnitentis.

*Statuta prohibita.* Probatur. Omnis revelatio etiam indirecta, repugnat Sigillo Confessionis: ergo omnis talis est prohibita. Ex hoc infertur, non licere superioribus per statutum ordinare, ut pro tali, vel tali occulto peccato, Confessarius talem, vel talem publicam imponat pœnitentiam.

*Ufus subinde licitus.* ASSERTIO VI. Licet uti notitiâ illâ Confessionis, quando ex illo usu nulla sequitur etiam indirecta revelatio, nec morale periculum ejus.

*Prob:* Actio illa nullo modo violat secretum Sigilli, ergo non est illicita: Probatur consequentia, quia non potest ostendi, ex quo alio capite posset habere maliciam intrinsicam, nisi ex apertione Sigilli: ergo cum per illum usum nullatenus violatur Sigillum, usus in se non erit illicitus. Hinc sequitur, 1. Post Confessionem licitè Confessarium orare posse pro pœnitente, petendo illi remissionem, vel emendam. 2. Consulere posse in re dubia virum doctum, sine periculo cognitionis personæ. 3. Ex Confessione n-

inter-

interrogationem facere necessariam, vel utilem pœnitenti, tali tamen modo, ut alius non intelligat, unde confessor moveatur ad interrogandum. 4. Potest ipse Confessor diligentius custodire rem propriam, & etiam vitam, lege Navarrum c. 8. n. 17.

ASSERTIO VII. Ut usus Confessionis sit licitus, & honestus, debet etiam esse sine injusto gravamine pœnitentis, & ob aliquam gravem causam, seu utilitatem.

*Conditio-  
nes requi-  
tæ ad lici-  
tum usum.*

*Prob: 1. pars.* Quamvis actio illa non esset contra secretum Sigilli, tamen esset injuriosa Sacramento, quia sumeretur per illam ut instrumentum ad injustitiam exercendam; ergo non est licita, & consequenter non licet Superiori ex scientia Confessionis, exterius punire pœnitentem, aut privare illum beneficio, vel aliâ re, in qua habet jus acquisitum; Ratio secundæ partis est, quia hoc secretum est res valde sacra: ergo non licet illo uti ad actiones alias externas, nisi ob honestum finem, proportionatum tali medio.

ASSERTIO VIII. Potest Confessarius licitè uti scientiâ confessionis, etiam ad damnum aliquod pœnitentis, quando illud damnum est tale, quod ipsemet pœnitens teneretur subire illud.

*Usus lici-  
tus cum  
damno pœ-  
nitentis.*

*Prob:* Prælatus audiens Confessionem sui proprii Confessarii, ex qua intelligeret illum non esse Sacerdotem, potest licitè amplius non confiteri (quamvis alter adverteret, quod uteretur Prælatus scientiâ Confessionis) sed per hoc pœnitens incurreret aliquod damnum, ex suppositione, quod esset illi gra-

tum & honorificum, agere Prælati Confessarium: ergo non obstante illo detrimento, licitè Prælatus utitur scientiâ confessionis.

*Confirm:* Nihil vetat usum scientiæ confessionis, nisi revelatio peccati, vel retardatio à Confessione, aut decretum Clementis VIII. Sed nihil horum reddit usum scientiæ illius illicitum, in casu conclusionis: ergo. Non primum, quia ut suppono, nec indirectè revelatur peccatum. Non secundum, nam, quamvis casuum reservatio Superioribus, reddit confessionem valdè difficilem subditis, sicut & assignatio unius in particulari Confessarij, cui soli licitum est confiteri, tamen nec reservatio illa illicita est, aut assignatio prohibita. ergo etiam si hæc licentia utendi scientiâ confessionis redderet illam difficiliorē, non inde sequitur, quòd esset illicita. Et consequenter Prælatus sciens ex Confessione, Petrum peccaturum si exhibet, potest licitè illum domi retinere, aut aliò, ubi peccandi periculum non est, mittere; sicut & abstinere à portione, quam ex Confessione scit esse infectam veneno.

Quod etiam Decretum Clementis VIII. *Detretum Clementis VIII.* (Tam superiores pro tempore existentes, quam Confessarij, qui postea ad Superioratus gradum fuerint promoti, caveant diligentissime, ne eâ notitiâ, quam de aliorum peccatis in confessione habuerunt, ad exteriorem gubernationem utantur, &c. atq; hæc per quoscunq; Regularium Superiores, quicunq; illi sint, observare mandamus) non impediatur, patet, quia debet intelligi respectivè ad regulares in casu revelationis directæ, aut indirectæ, & in casu damni,

nni, ad quod subeundum non teneretur pœnitens.

ASSERTIO IX. Extra Sacramentum, *Consensus*  
de licentia pœnitentis, licitè loquitur Confes- *pœnitentis*  
sor de auditis in Confessione, siue cū ipso met, *sufficit.*  
siue quocunq; alio. *Prob:* Quod à pœnitente  
licitè fieri potest, cū ejus licentia à Confes-  
sario licitè sit; sed extra Confessionem licitè  
potest pœnitens dicere omnia, quæ in Con-  
fessione dixit: ergo & de illius licentia licitè  
referuntur à Confessario.

ASSERTIO X. Homo justus per sua, *Opera ju-*  
propria opera, absolutè & simpliciter dicen- *storum sa-*  
dus est pro suis peccatis satisfacere; & apud *tisfactoria*  
Deum remissionem pœnæ temporalis, illis  
debitæ obtinere. Hæc est de fide in Trident:  
sess: 14. cap: 13. & 14. saltem quoad ultimam  
partem.

*Prob: 1. pars.* Nos verè coram Deo, per  
nostra opera meremur vitam æternam; ut est  
de fide: ergo similiter per nostra opèra sa-  
tisfacimus. *Prob:* consequentia, tum quia  
non est majus hoc posterius, quàm illud prius,  
imò minus est. Tum etiam, quia Trident:  
sess: 6. Can: 14. & 26. eodem modo de utroque  
loquitur. Tum præterea, quia eadem virtus  
gratiæ, aliæq; omnes conditiones ad meri-  
tum requisitæ, concurrunt ad satisfactionem  
ergo sicut per meritum acquirimus jus ad  
præmium vitæ æternæ, ita per satisfactionem  
pœnam nobis debitam compensamus, & sol-  
vimus.

*Confirm:* Satisfactio nostra non magis re-  
pugnat dignitati Christi satisfaciens, quàm  
meritum dignitati Christi merentis (satisfac-



ctio enim nostra satisfactioni Christi innititur, quia propter ipsum acceptatur, & ut rationem justitiæ participet, in ejus satisfactione fundatur) sed non obstante dignitate, Christi merentis, nos verè meremur præmiū per propria merita, quæ Dei sunt dona, ergo & satisfacimus per propria opera. Et per hoc patet ad fundamentum Baiistarum.

*Probatur jam 2. pars.* Tum authorit: Trid: jam citati. Tum etiam ex Script: Matth: 3. *Facite fructus dignos pœnitentiæ*, id est, qui pœnitentiam consequuntur, & consequenter digni sunt aliquâ remissione, ut loquitur Augustinus de vera & falsa pœnitentia, c. 15. 2. Corinth: 7. *Gaudeo non quia contristati estis, sed quia contristati estis ad pœnitentiam.* Tum deniq; quia magis est mereri vitam æternam, quàm remissionem pœnæ temporalis consequi; sed illud possumus: ergo & hoc.

*Confirm:* Quia nihil obstat, quin homo justus possit satisfacere pro pœna temporali: nam teste Trident: sess: 14. c. 16. *Nihil deest justificato, quo minùs plenè illis operibus, quæ in Deo facta sunt, divinæ legi pro hujus vitæ statu satisfecisse videatur:* sed lex divina ordinat, ut satisfaciat pro pœna temporali, in quam cōmutatur æterna: ergo potest pro hoc statu satisfacere plenè & consequenter de condigno pro pœna temporali.

*Opera satisfactoria sunt, ut sunt pœnalia.*

ASSERTIO XI. Opera nostra propriè loquendo satisfactoria sunt, quatenus aliquomodo sunt pœnalia.

*Prob:* Tum ex communi modo loquendi sacræ Script: ac SS. Patrum, qui ubicunque

exhortantur homines ad satisfaciendum pro peccatis, opera pœnalia proponunt, Joëlis 2. *In jejunio, fletu, &c.* Matth: 11. *In cinere & cilicio pœnitentiam, &c.* Tum etiam, quia satisfactio est actus justitiæ, quo pœnitens vendicat, & punit in se divinam injuriam; sed vindicta propriè fit per pœnam: ergo & satisfactio debet esse pœnalis. Tum præterea, quia satisfactio etiam ordinata est ad correctionem hominis, ut illum à peccando contineat: sed hoc optimè & accommodatissimè fit per pœnam: ergo.

*Confirm:* Non ab eodem principio opus habet, quòd fit satisfactorium, à quo habet quòd fit meritorium; meritorium enim esse per se convenit operi, quatenus est laudabile, & bonum (meritum enim non respicit Deum ut offensus est, sed potius ut debitor est præmij intuitu bonorū operum promissi; satisfactio verò respicit personam offensam, & fit semper per modum vindictæ, ad persolvendam pœnam debitam) sine ullo respectu ad offensam, satisfactorium autem esse, convenit ei, ut respicit personam offensam: ergo ut sit satisfactorium, debet fieri per actum, ut pœnalis est.

*Distinctio meriti à satisfacti-  
one.*

ASSERTIO XII. Tenetur Confessarius satisfactionem imponere pœnitenti: nulla est tamen certa satisfactionis mensura lege Ecclesiasticâ taxata, quam imponere tenetur: unde consideratâ peccatorum gravitate, ac pœnitentis dispositione, arbitrio illi utendum est.

*Arbitraria obligatio Confessarij.*

*Probatur 1. pars.* Tum ex Trident: sess: 14.

c. 8. ubi expresse docetur. Tum etiam, quia Confessarius ut medicus, tenetur curare vulnera pœnitentis, & ut Judex æquitatem servare; ergo sicuti debet absolvere hominem dispositum, ita etiam curare debet, ut homo satisfaciat Deo.

*Prob: 2. pars.* Tum ex Concilio Nicæno, c. 12. Tum ex c. *Mensuram.* de pœnit: d. 1. & ex multis alijs, quæ referuntur, 26. q. 7. quibus in locis dicitur hoc pendere ex arbitrio Sacerdotis. Tum etiam, quia satisfactio hæc maximè ordinatur in bonum & curationem pœnitentis; sed dispositio pœnitentis frequenter est varia, & consequenter nec eadem quantitas, nec idem modus pœnitentiæ potest omnibus expedire: ergo arbitrio Judicis hoc est relinquendum.

*Confirm:* hoc totum ex Trident: jam citato, c. 8. *Debent ergo Sacerdotes Domini* (inquit Trident:) *quantum spiritus & prudentia suggerit, pro qualitate criminum, & pœnitentium facultate, salutare ac convenientes satisfactiones injungere, ne si fortè peccatis conniveant, & indulgentias cum peccatoribus agunt, levissima quedam opera pro gravissimis delictis injungendo, alienorum peccatorum participes fiant:* ergo consideratâ gravitate peccatorum, & dispositione pœnitentis, Confessarius imponere debet pœnitentias.

*Qualitas  
personæ  
consideranda est.*

Hinc infertur, cum pœnitentia injungenda est, consideratâ personæ dispositione, quod imprudenter imponderetur pro pœnitentia pauperi eleemosyna, aut nimis senî, & infirmo, aut etiam ijs, qui labore manuum suarum quo-

quotidie se sustentant, abstinentia. Lege Navarrum c. 26. & Dianam p. 5. T. II. R. 31. ubi dicit, quòd pro nunc, pro uno peccato mortali, injungere Coronam B. Virginis, esset gravis pœnitentia.

ASSERTIO XIII. Quamvis probabile est, quòd non teneatur pœnitens acceptare pœnitentiam injunctam à Sacerdote, in ordine ad satisfaciendum pro pœna temporali, in quam commutatur æterna; probabilius tamen, & in praxi securior est sententia opposita, quæ nimirum docet, quòd pœnitens teneatur satisfactionem rationabilem sibi impositam acceptare, & acceptatam adimplere.

*Pœnitens, in probabili sententia, tenetur acceptare pœnitentiam.*

*Probatur 1. pars*, autoritate tot doctissimorum virorū nostræ scholæ, qui post Doct: in 4. d. 19. q. 1. n. 17. quibus adde Gabrielem Med: Navar: & Silves: unanimiter eam tenent; ergo probabilis est illa sententia. Jam

*Proba: 2. pars.* Illa sententia probabilior dici debet, & in praxi tutior, quæ præter auctoritatem tot Doctorum eam tenentiū, conformior est Conciliorum, ac Sanctorum Patrum decisionibus, & dictis; sed sententia docens, quòd pœnitens teneatur acceptare injunctam sibi pœnitentiam, eamq; adimplere etiam sub reatu peccati mortalis subinde, præter auctoritatem Thomistarum, ac Neutristarum ferè omnium, conformior est consiliorum, ac Patrum dictis: ergo est probabilior. Prob: min: tum ex C. *Omnis utriusq;*, ubi eodem modo præcipitur fidelibus ut confiteantur, ac ut pœnitentiam impleant; tum etiam



etiam ex Trident: ad literam assert: 3. citato ; & infra in eodem c. ubi dicitur , *esse in Sacerdotibus potestatem ligandi , non tantum ad infirmitatis medicamentum , sed etiam ad peccati commissi vindictam* ; & in hoc sensu definit Can: 25. ejusdem sess: datam esse Sacerdotibus potestatem , non solum absolvendi , sed etiam ligandi ; sed non esset verum , quod possent ligare , si pœnitens licite posset injunctam pœnitentiam non acceptare : ergo debet illam acceptare.

*Confirm:* hoc autoritate Leonis Papæ Epist: 91. & habetur in C. *Multiplex* , de pœnit: & in Concilio Salecustadiensi c. 18. in tom: 3. Conciliorum. *Multi* , inquit , *tantâ falluntur stultitiâ , ut capitali crimine culpati , pœnitentiam à suis Sacerdotibus acceptare nollent.* ergo sententia docens , quod teneantur illam acceptare , Patribus & Concilijs est conformior.

*Facit nobis Scotus.*

*Confirm:* 2. secundum Doct: jam citatum , d. 19. Si pœnitens acceptet pœnitentiam injunctam , obligatur præcepto Ecclesiæ ad illam implendam ; sed nullum Ecclesiæ præceptum possunt Scotistæ ostendere , quo sic obligaretur , præter aliquod , quo obligatur ad pœnitentiam injunctam suscipiendam : ergo ex doctrina Scoti , rationabiliter infertur , quod teneatur ad illam suscipiendam.

*Probatio à ratione.*

*Prob:* 2. *à ratione.* Confessarius tenetur satisfactionem imponere : ergo pœnitens tenetur illam acceptare. *Prob:* consequentia , tum quia aliàs valde inefficax esset potestas vindicativa Sacerdotis. Tum etiam , quia unusquisq; tenetur parere judici rectè judican-

ti, sed imponendo pœnitentiam rectè judicat: ergo.

Quòd verò hæc sententia sit in praxi securior; probatur, tum quia Scotistæ, æquè ac *In praxi  
tutior.*

Neutristæ reprehendunt eos, qui pœnitentiã injunctam non adimplent. Tum etiam, quia si opposita sententia practicaretur, in vanum laboraret Sacerdos imponendo pœnitentiam, (præsertim si Cajetani sententia, quæ docet *Sententia  
Cajetani.* pœnitentē non obligari ad implendam pœnitentiam, etiam acceptatam, quia, inquit, acceptatio illa non est votum aut promissio, sed tantum simplex propositum, vera esset) quia sic pauci curarent de satisfactione sic imposita.

*Obijc:* Nec justitia, nec virtus ulla, aut præceptum, obligat pœnitentem ad acceptandam sibi injunctam pœnitentiam: ergo non tenetur illam acceptare. *Confirm:* quia etiam si non satisfaceret pro hac vita ullo modo, adhuc tamen satisfaceret in altera, nempe in Purgatorio, ergo recusando pœnitentiam potest licitè remittere se pro satisfactione facienda, ad alteram vitam. *R.* negando antecedens, cujus falsitas patet ex probationibus conclusionis. Ad confirmationem *R.* similiter negando antecedens, nam non acceptando pœnitentiam (si confessio esset in materia mortali, & pœnitentia proportionata delicto) peccaret mortaliter, pro quo peccato, in altera vita satisfacere non potest.

*Dixi in conclusione: Satisfactionem rationabilem*, nam absq; peccato potest pœnitens non acceptare pœnitentiam graviorē, quàm *Potest nō  
acceptare  
pœnitentiã  
pro excessivam*

pro tali delicto ab alijs Confessarijs prudentioribus imponi scit & solet, nam non tenetur, nisi ad pœnitentiam necessariam; sed pœnitens potest rationabiliter existimare, quod illa gravior non sit necessaria, quandoquidem scit alios prudentes & doctos leviores imponere pro talibus peccatis, in iisdem circumstantijs: ergo.

*Stat9 peccati mortalis non impedit.*

ASSERTIO XIV. Status peccati mortalis non impedit, quin licitè quis persolvere possit pœnitentiam sibi injunctam.

*Probat9*, tum quia Confessarius præcipit tantum opus, v. g. jejunium, & non modum ejus, sed in peccato mortali constitutus, potest aliquis jejunare: ergo & persolvere sufficienter pœnitentiam sibi injunctam. Tum, etiam, quia si quis deberet alicui 20. florenos, satisfaceret illi, quamvis in statu esset peccati mortalis, aut etiam ex fine vanæ gloriæ debitam illam summam restitueret: ergo etiam, satisfaceret obligationi jejunandi, v. g. quamvis in statu esset peccati mortalis, aut ex fine vanæ gloriæ jejunaret.

*Obyc.* Non potest aliquis satisfacere, sine eo, quod satisfactio habeat suum effectum; sed constituti in peccato mortali satisfactio, non haberet suum effectum: ergo non esset satisfactio. R. distinguendo maj: effectum omnem, nego maj: aliquem suum effectum, concedo maj: & distinctâ similiter min: nego consequentiam. Satisfactio enim illa, quamvis annexam non haberet remissionem pœnæ (ideo fortè, quia Deus illam acceptare non vellet, tolleretur tamen debitum quod pœnitens

*De sigill: & sacrament: satisfact: 497*

nitens habuit, implendi sibi injunctam pœnitentiam, quæ ablatio debiti effectus est satisfactionis.

ASSERTIO XV. Potest pœnitens implere per alium satisfactionem sibi impositâ, *Potest un-*  
accedente Confessarij consensu, non verò *pro alio*  
contradicente Confessario. *satisfac-*  
*re.*

*Probatur.* Satisfactio illa fieret ex motione illius pœnitentis; ergo potest sic dici aliquomodo actus pœnitentis; sed ideò Ledesma negat unum posse in hoc foro satisfacere pro alio, quia satisfactio sacramentalis debet esse actus ipsius pœnitentis; ergo potest sic satisfacere.

*Probatur 2. pars.* Obligatio satisfaciendi oritur ex præcepto: ergo si Confessor præcipit, ut pœnitens per se v. g. jejundet, non implebit præceptum, quamvis alius ipsius nomine jejundet.

ASSERTIO XVI. Pœnitentia imposita ab uno Confessario, potest in foro Sacramentali, ab alio etiam æquali, non solum im- *Pœniten-*  
mutari in aliam æqualem, sed etiam in miti- *tia impo-*  
orem; imò si ita prudenter judicaverit, ad *sita ab uno*  
bonum animæ pœnitentis expedire, potest *mitigari,*  
alius omnino illam tollere, & vel levissimam, *& mutari*  
vel nullam imponere. *ab alio po-*  
*test.*

*Probatur.* Non obstante sententiâ à priori Confessario latâ, adhuc pœnitens potest eandem causam in judicium afferre, denuò confitendo, & sic novam sententiam postulare, potest; ergo etiam Confessarius poterit juxta suum arbitrium pœnitentiam imponere, prout ipsi in Domino melius visum fuerit: ergo poterit etiam priorem sententiam mu-




tare in posteriorem, aliàs obligaretur pœnitens ad publicam satisfactionem condignam, de eodem peccato faciendam, quod nemo dicet, quia sicut Deus non punit bis id ipsum, ita nec petit duplicem satisfactionem condignam pro eodem peccato.

*Dices*, per hoc fieret injuria priori Confessario, qui justam sententiam tulit, & condignam satisfactionem imposuit: ergo non potest revocari licitè ipsius sententia ab alio. *R.* negando antecedens, nam cùm hoc judicium sit reiterabile in favorem pœnitentis, non per modum appellationis, sed potiùs per modum novi Judicij æqualis præcedenti, posterior Judex nullam facit injuriam priori, commutando pœnitentiam ab eo injunctam, in mitiorem, vel etiam in nullam.

## EPYSTILIUM PROBLEMATICUM COLUMNÆ XLI.

*An inferior Sacerdos quâ talis, possit pœnitentiam à superiore Confessario injunctam pro reservatis, commutare?*



## COLVMNA XLII.

## De Extrema Vnctione.

**A**SSERTIO I. Dari Sacramentum ex- *Datur Sa-*  
 tremæ unctionis in nova Lege à Christo *cramentū*  
 Domino institutum est de fide. *Prob: Tum extrema*  
 ex dictis Colum: 31. de Sacramentis in gene- *unctionis.*  
 re, tum ex Trident: sess: 14. c. 1. de extrema,  
 unctione. Tum etiam ex Script: Jacobi 5.  
*Infirmatur quis in vobis? Inducat presbyteros*  
*Ecclesiæ, & orent super eum, ungentes eum, in*  
*Nomine Domini, & oratio fidei salvabit infir-*  
*rum, & alleviabit eum Dominus, &c. si in pec-*  
*catis est, dimittentur ei.* Quem locum SS.  
 Patres, quos fusè citat Svarez hic, & Coccius,  
 intelligunt de Sacramento extremæ Unctio-  
 nis, unde Aug: serm: 215. de tempore, quòties,  
 inquit, aliqua infirmitas supervenerit, Corpus  
 & sanguinem Christi, ille qui egrotat, accipiat,  
 ac deinde corpusculum suum ungat, ut illud,  
 quod scriptum est, impleatur in eo. *Infirmatur*  
*aliquis? Inducat Presbyteros, & orent super*  
*eum, ungentes eum oleo.* Idem docet lib: de *Probatur*  
 rectitudine Catholicæ conversationis aliquā- *ex Scriptu-*  
 tulum à principio. Tum deniq; Marci 6. ubi *ra.*  
 habetur, quòd Apostoli ungebant infirmos  
 oleo, & sic sanabant eos: ergo ex Scriptura  
 sufficienter colligitur institutio hujus Sacra-  
 menti. Quod verò unctio illa infirmi sit Sa-  
 cramentum, probatur, est signum sensibile,

remissivum peccati, & collativum gratiæ ex opere operato. ergo est Sacramentum.

*Obijc:* Non constat de certo tempore, quo hoc Sacramentum fuit institutum; ergo est Papistica tantum inventio. *Confirm: glossa* in extravaganti *de secundis nuptijs*, negat extremam unctionem esse Sacramentum: ergo non est. *¶* negando consequentiam, nam multa alia esse à Christo facta & instituta, credimus, quamvis de determinato tempore institutionis nobis non constat: ergo quamvis non constaret de certo tempore, quo hoc Sacramentum fuit institutum, adhuc teneremur credere ejus institutionem.

Ad Confirmationem *¶* negando consequentiam, quia glossator ibi erravit, unde jussu Greg: 13. glossa illa in nova editione juris Canonici correctæ est: vel si mitius loqui vis, dic glossatorem tantum voluisse, quod non sit Sacramentum imprimens characterem.

*Quid sit  
extrema  
unctio.*

ASSERTIO II. Sacramentum hoc bene describitur, quod sit signum sensibile unctionis olei, mediante hac verbali formâ: *Per istam sanctam unctionem, &c.* ex institutione divina efficaciter significans curationem finalem venialium. Hæc re ipsa est Doct: in 4. d. 23. q. unicâ. *Prob:* quia nec superflua est, nec manca. ergo.

*Materia  
& forma.*

ASSERTIO III. Materia proxima hujus Sacramenti est unctio; remota verò oleum olivarum ab Episcopo benedictum, vel ab alio ex ejus commissione. Forma autem est hæc vel æquivalens: *Per istam sanctam Vnctionem, & suam piissimam misericordiam, indul-*

*dulgeat tibi Dominus quidquid peccasti per visum, &c.*

*Probatur 1. pars & simul 2.* Quia non potest materia hujus Sacramenti applicari, nisi per unctionem. ergo unctio est ejus materia proxima. Deinde perpetua Ecclesiæ traditio est, quòd oleum illud debeat esse olivarum: ergo hoc est sentiendum. Quòd verò debeat de necessitate Sacramenti ab Episcopo esse benedictum: probatur ex Florent: in instructione Armenorum, & Trident: jam supra citato; nec non authorit: Innoc: 1. in Epist: ad Decant: c. 8. ubi dicit: *agros inungendos esse oleo ab Episcopo confecto*, seu benedicto, ut loquuntur jam citata Concilia: etgo.

Dixi, *vel ab alio ex ejus, &c.* quia in Ecclesia græca consuetudo docet oleum infirmorum ab ipsis Sacerdotibus benedici posse; quam consuetudinem Clemens VIII. in sua instructione ad Episcopos Latinos circa ritus Græcorum, videtur approbare.

*Probatur etiam 2. pars* de forma, auctoritate jam citatorum Conciliorum, ac inveteratâ consuetudine Ecclesiæ Romanæ: ergo.

Dixi *vel æquivalens*, quia talis sufficeret, si Sufficit acut tempore D. Ambrosij in Ecclesia Mediolanensi hæc sufficiebat: *Ungote oleo sanctificato, in nomine Patris, & Filij, & Spiritus sancti, ut more militis preparatus ad certamen, aëreas possis superare potestates.* Et idem dic de alijs formis usitatis in alijs Ecclesijs, & non reprobatis à Romana: ergo non solum forma Romana, sed etiam æquivalens, sufficit pro forma hujus Sacramenti.



*Sufficit**quandoq;  
unius par-  
tis unctio.*

ASSERTIO IV. Necessitate Sacramenti necessarium non est, inungere omnes partes corporis, quæ ex ritu Ecclesiæ Romanæ, communiter inungi solent; sed sufficit unam partem inungere, faciendo in forma mentionem quinque sensuum, hoc modo: *Per istam, &c. Quidquid deliquisti per visum, auditum, gustum, odoratum, & tactum.*

*Probatur.* Tum autoritate tot Doct: eam tenentium, ut videre est apud Dianam 3. p. T. 4. R. 168. & p. 8. Tracta: 1. R. 21. Tum etiam, quia sicut in Sacramento pœnitentiæ, integritas Confessionis, quæ alias necessaria est urgente necessitate; omitti potest; ita etiam videtur rationabile, quod urgente peste, morbo contagioso, aut alio urgente periculo, licetè posset hoc Sacramentum, una vel alterâ tantum unctione perfici.

*Minister  
solus Sa-  
cerdos.*

ASSERTIO V. Minister hujus Sacramenti ex ordinatione Christi necessarius, est solus Sacerdos. Hæc est de fide definita in Trident: sess: 14. c. 4.

*Probatur* ex D. Jacobo jam supra citato, ubi de solis Sacerdotibus Ecclesia facit mentionem: ergo.

*Minister  
ordinarius.*

ASSERTIO VI. Minister Ordinarius est solus Parochus, seu Pastor infirmi, sine cuius-licentia, extra necessitatis extremæ periculum, peccaret Clericus secularis, conferens hoc Sacramentum, & Religiosus incurreret excommunicationem Papalem: in necessitate verò, ut si Parochus absit, vel Sacramentum administrare noller, licetè etiam à regulari Sacerdote administrari potest.

*Pro-*

*Prob: 1. pars.* Tum ex Clementi 1. de privilegijs; ubi prohibetur Religiosis sub excommunicationis pœna, ne administrent hoc Sacramentum infirmis sæcularibus in quos non habent jurisdictionem: tum etiam, quia solus Parochus seu Pastor proprius, habet jurisdictionem in gregem sibi commissum: ergo peccaret alius, qui ipso non consentiente, & per se non volente conferre Sacramentum, illud administraret. Secunda pars non indiget probatione.

*Quæres 1.* Utrum plures Sacerdotes possunt *Plures Sa-*  
simul administrare hoc Sacramentum, ita *cerdotes*  
ut unus ungat unum sensum, proferendo for- *simul ad-*  
mam debitam, & alter similiter sensum alte- *ministrare*  
rum? R. affirmative, quia forma ab uno *possunt hoc*  
quoq; prolata in applicatione materiæ debi- *Sacramen-*  
tæ, in proprio sensu vera est. ergo. *tum.*

*Quæres 2.* An sub mortali peccato, pro- *Tenetur*  
prius Pastor administrare tenetur hoc Sacra- *Parochus*  
mentum, per se, vel alium, infirmo illud pe- *hoc Sacra-*  
tenti? R. cum communi, secluso vitæ, aut *mentum,*  
morbi contagiosi periculo, affirmative: & ra- *petenti ad*  
tio est, quia non solum ex charitate, sed etiã *ministrare.*  
ex iustitia tenetur reddere alteri petenti il-  
lud, in quod habet jus; sed seclusis jam di-  
ctis periculis, infirmus habet jus petendi à  
Parocho extremam unctionem. ergo.

*Dixi,* secluso vitæ, &c. quia existimo Pa- *Aliquādo*  
rochum in illis circumstantijs legitimè esse. *Parochus*  
excusatum, nam non tenetur vitam corpora- *non obli-*  
lem evidentri periculo exponere pro subdito, *gatur ad-*  
nisi ille extreme indigeat ad consecutionem *ministrare.*  
vitæ æternæ, ut se sic exponat; vel saltem  
nisi in gravi periculo amissionis vitæ æternæ

versetur, sed per carentiam extremæ unctionis, quæ non est medium necessarium ad salutem, non constituitur subditus in ullo tali periculo. ergo.

*Quodnam* ASSERTIO VII. Solus viator, adultus sit subjectū tæ ætatis, & renatus, rationis compos, vel *capax hu-* qui aliquando usum rationis habuit, & in *ius Sacra-* tæ periculo, gravi morbo, constitutus, capax *menti.* est hujus Sacramenti.

*Prima pars patet* ex suprâ dictis de Sacramentis in genere, ubi ostendi Sacramenta omnia pro solis viatoribus esse instituta.

*Patet etiam 2. pars* contra Majorem q. 2. tum ex praxi Ecclesiæ, ac communi Theologorum consensu, dicentiū infantes non esse, capaces hujus Sacramenti, quod est consummativum pœnitentiæ; tum etiam secundum Trident: sess: 14. in principio de hoc Sacramento, in subjecto capaci hujus Sacramenti, debet esse vita Christiana inchoata, per perpetuam pœnitentiam; sed soli illi, qui adultæ sunt ætatis, rationabilem hunc pœnitentiæ actum elicere possunt: ergo. Tum denique, quia hoc Sacramentum institutum est propter luctam, & gravissimas tentationes in articulo mortis superandas; sed infantes in illo articulo nullo indigent remedio ad superandas tentationes, quarum sunt incapaces; ergo non sunt etiam capaces hujus Sacramenti.

*Probaturs etiam 3. pars*, ex supradictis de baptismo, ubi dixi, quod baptismus sit janua Sacramentorum, & consequenter quod soli

soli baptizati seu renati, capaces sunt aliorum Sacramentorum. ergo & hujus.

*Probatur 4. pars* ex Trident: jam citato, nam nullus nisi rationis compos, & qui aliquando peccare actualiter potuit, vitam Christianam inchoare valet, modo jam suprà dicto: ergo nullus nisi rationis compos, capax est hujus Sacramenti.

Dixi, vel qui aliquando, &c. quia amentes, & furiosi à nativitate, pari passu cum infantibus transeunt ex hac vita. At si aliquando usum rationis in tantum habuerunt, quòd fuerint capaces peccati actualis, temptationis, resistentiæ, & fiduciæ in Deum, Sacramenti hujus capaces sunt, quia per accidens est, quòd hic & nunc sint impediti, ne hos actus exercere valeant. *Amentes & furiosi.*

*Probatur 5. pars.* Tum ex verbis D. Jacobi, *infirmatur quis in vobis, &c.* ex quibus habetur, quòd soli infirmi ungi debeant. Tum ex Florent: sæpè citato, ubi dicit: *hoc Sacramentum nisi infirmis dari non debere.* Idem docet etiam Trident: sess: 14. c. 3. *ubi declarat, hanc unctionem infirmis exhibendam: illis verò præsertim, qui tam periculosè decumbunt, ut in exitu vitæ constituti videantur: unde & Sacramentum exeuntium appellatur: ergo.*

ASSERTIO VIIII. Secluso contemptu & scandalo, non peccat mortaliter, qui negligit susceptionem hujus Sacramenti. *Nō est peccatum non recipere*

*Probatur.* Seclusis illis, nullum est præceptum affirmativum de suscipiendo hoc Sacramentum, ergo negligere illud non est peccatum mortale.



tale. Probatur antecedens, tum quia hoc Sacramentum non est medium necessarium, sed tantum utile ad salutem: ergo ex natura rei, seu ex vi suæ institutionis, non affert secum præceptum. Tum etiam, quia D. Jacobus in promulgatione hujus Sacramenti, nullius præcepti facit mentionem, sed simpliciter dicit, *infirmatur quis in vobis, inducat Presbyteros.* Tum deniq; , quia Trident: loco jam citato, agens de hoc Sacramento, tantum dicit, illud *non posse à Christianis sine peccato contemni*, ex quo loco evidenter inferitur, secluso scandalo, & contemptu, illum non peccare, qui hoc Sacramentum non suscipit.

*Confirmatur.* Ecclesia cum tempore interdicti, permittat fidelibus ministrare ea Sacramenta quæ sunt necessaria, hoc Sacramentum minimè ministrare permittit, ut patet ex c. *Quod in te.* de pœnit: Sed hoc non esset verum, si hoc Sacramentum esset sub præcepto: ergo non est. Subsumo, sed secluso scandalo, contemptu, aut aliâ circumstantiâ malâ, omittendo illud, quod sub nullo præcepto est, nemo peccat: ergo nec omittendo hoc Sacramentum.

*Obijc:* pro Pontio, omittere remedium, maximè utile ad salutem animæ, & etiam corporis, non potest quis sine peccato mortali; sed in gravi infirmitate constituto, Sacramentum hoc ad utrumq; effectum, est valde utile: ergo sine peccato omitti non potest. R. negando maj: absolutè, cujus falsitas mille exemplis ostendi potest, nam non peccat Franciscanus, non jejunando, aut meditando, ul-

*Rejicitur  
Pontius.*


tra præscriptum suæ Regulæ & Statutorum;  
& tamen ad salutem animæ, diutius medita-  
ri, & frequentius jejunare, esset ipsi valde  
utile. Deinde Carmelitanis, & Augustinianis,  
qui nos imitando, nudis pedibus ince-  
dunt, valde utile esset ad sanitatem corpora-  
lem, portare calceamenta, & nullo (quod  
sciam) voto, obligantur ad non sic inceden-  
dum; & tamen non peccant illam utilitatem  
omittendo. ergo.

ASSERTIO IX. Proprius effectus Sa- *Effectus*  
cramentalis extremæ unctionis est, remitte- *extrema*  
re venialia, alleviare infirmum, & si ita ex- *Unctionis.*  
pediat, recuperare sanitatem.

*Probatur Conclusio*, hoc Sacramentum est  
institutum ad illos effectus conferendos, ut  
paret ex verbis D. Jacobi: ergo jam nume-  
rati; veri sunt effectus proprii hujus Sacra-  
menti. Dixi *proprius*, quia conferre au-  
gmentum gratiæ habitualis, convenit huic  
Sacramento respectivè, sicut & alijs.

## EPISTYLIUM PROBLEMATI CUM COLUMNÆ XLII.

*An extrema unctio causet suos effectus fi-  
nita una unctione, an verò finitus o-  
mnibus?*



## COLUMNNA XLIII.

### De Ordine.

*Definitio  
Sacramēti  
Ordinis.*

**A**SSERTIO I. Sacramentum Ordinis, seu ordinatio bene describitur signum, sensibile, quo traditur potestas Viatori ad aliquas functiones, circa Eucharistiam subeundas.

*Probat.* Quia constat genere & differentiâ, omniq; & soli convenit. *Ly signum sensibile* est genus, in quo Ordinis Sacramentum convenit cum alijs Sacramentis; reliquæ particulæ sunt differentiæ. Quod verò omni Ordini conveniat, patet, quia nullus est Ordo, ex septem cōmuniter assignatis, quibus si placet adde Episcopatum, cui non convenit, proximè vel remotè, potestas ad aliquam functionem circa Eucharistiam exercendam, ut patebit ex dicendis. ergo.

*Numerus  
quis sit Or  
dinum.*

**A**SSERTIO II. Ordines in universum sunt octo: Ostiariatus scilicet, Lectoratus, Exorcistatus, Acolythatus, Subdiaconatus, Diaconatus, Presbyteratus, & Episcopatus.

*Probat.* Tum quia definitio à nobis assignata, convenit omnibus in particulari Ordinibus jam numeratis: ergo omnes participant rationem Ordinis sacramentalis. Tum etiam, quia Concilium Carthaginense quartum, vocat Ordinationem Clericorum minorum, quæ fit per collationem quatuor Ordinum

num minorum, Ordinationem, non secus ac consecrationem Episcopi, Presbyteri, Diaconi ac Subdiaconi, sed certum est ex illo Concilio, sicut etiam ex Florent: in instructione Armenorum, ac Trident: sessi 23. quod quinque illi jam nominati sint veri Ordines. ergo & quatuor minores. Tum denique ex communi consensu Doct: docentium dari septem Ordines, quatuor nimirum minores, qui non habent annexum castitatis votum, & tres majores, Subdiaconatus scilicet, Diaconatus, & Presbyteratus, qui & majores dicuntur, & sacri, quia & annexum habent castitatis votum: & immediatius potestatem tribuunt circa Eucharistiæ consecrationem, & administrationem, quàm minores.

*Cur majores sacri dicantur?*

Quod verò Episcopatus sit verus Ordo, de quo multi dubitant, probatur, rectè colligimus Presbyteratum verum esse ordinem, quia per illum datur potestas Presbytero consecrandi corpus Christi, qualem nullus nisi Sacerdos habet; sed per Episcopatum datur potestas Episcopo conferendi ordines omnes sacros, confirmandi, & ordinariè consecrandi chryisma, qualem nullus, nisi Pontifex habet: ergo Episcopatus est propriè loquendo Ordo. Confirmatur Episcopatus teste Trid: sessi 23. c. 4. & Can: 6. est Sacerdotio major, quia Episcopi successerunt Apostolis, quoad dignitatem & potestatem ordinandi, & confirmandi; sicut & Presbyteri, septuaginta duobus Discipulis, qui in dignitate inferiores erant Apostolis, ut evidenter colligitur ex assumptione Matthiæ ex officio discipuli, ad Apostolarem seu Episcopalem dignitatem. Deinde

*Episcopatus est verus ordo.*

*72. Discipuli non erant Episcopi.*



inde ut docet ibidem Concilium c. 4. præter cæteros Ecclesiasticos gradus, ad Ecclesiasticum Hierarchicum Ordinem, præcipuè pertinet Episcopatus; sed hoc esset inconveniens, nisi Episcopatus esset verus Ordo. ergo.

*Obijc.* Si Episcopatus esset Ordo, darentur octo Ordines, sed hoc non admittunt Concilia, præsertim Romanum, sub S. Silvestro c. 7. & Carthaginense 4. cui interfuit S. Augustinus c. 2. Nec non Florentinum in instructione Armenorum. ergo.

*Confirm.* S. Hieronymus tom: 6. in commentarijs ad verba Apostoli Titii. Episcopū & Presbyterum docet esse pares; ergo Episcopatus non est Ordo distinctus à Presbyterato. R. concedendo maj: & negando min: quia nullibi Concilia positivè dicunt Episcopatum non esse Ordinem; unde illius mentionem in locis jam citatis ideo non fecerunt, quia non est Ordo requisitus ad Sacerdotium, de cujus requisitis agebant ibi Concilia. Ad Confirmationem Vasquez post nostrum Me-

*Responde-* dinam respondet, Hieronymum fuisse in illa  
*tur Conci-* sententia, sed cum in varijs locis, ut in Epist:  
*lyjs, & Di-* 54. ad Marcell: & 1. ad Heliod: nec non in c. 2.  
*de Hiero-* Michææ agnoscere videatur, Presbyteratum  
*ymo.* & Episcopatū, ut distinctos Ordines. Respon-  
det Pontius cum modernis multis, sanctum Doctorem tantum velle, quod antequam schisma illud fuisset in Ecclesia, quo unus dicebat se esse Pauli, alter Apollinis, & tertius Cephæ, quantum ad gubernium Ecclesiæ, & decidendas quascunq; controversias, pares Episcopis, erant Presbyteri; licet in ratione ordinis essent diversi.

Hæc quidem explicatio mihi videtur admodum dura, quia certum est, quod tempore illius schismatis, Petrus & Paulus præminentiam habuerint super alios, etiam Apostolos, tam in decidendis quibuscunq; controversijs, quàm etiam in gubernio Ecclesiæ, ut colligitur ex actibus & Concilijs Apostolorum; unde existimo Hieronymum ibi humano more errasse, sicut & frequenter erravit Augustinus, ut patet ex Libr: retractationum.

ASSERTIO III. Nec prima tonsura, *Prima tō-*  
nec Cantoratus, propriè loquendo, Ordines *sura non*  
sunt. *Prob: de prima tonsura (de Cantoratu fatentur omnes) tum quia definitio ordinis illi non convenit, nam nullum habet speciale munus in Ecclesiastica Hierarchia: ergo. Tum etiam, quia Trident: sess: 23. c.2. videtur positivè excludere illam à ratione Ordinis, dum ait, quòd qui jam Clericali tonsurâ insigniti essent, congruum fuit, ut per minores ad majores ascenderent Ordines.* *est Ordo.*

Deinde, nominando ibidem Ordines minores, seu non sacros, & etiam majores, primæ tonsuræ memoriam non facit: ergo signum est, quòd non sit Ordo. Tum deniq; quia Catechismus Romanus, Authoritate Pij V. editus, dicit Parochum debere docere populum, quòd prima tonsura sit præparatio quædam ad suscipiendos Ordines, sicut exorcismus ad Baptismum, & sponsalia ad matrimonium: ergo non est Ordo.

ASSERTIO IV. Octo jam dicti Or- *8. Ordines*  
dines, vera sunt partialia Sacramenta, con- *sunt par-*  
tenta

*tialia Sacramenta.* tenta sub ordine ut sic. *Prob:* Sunt octo signa sensibilia distincta, constantia materiâ & formâ, & conferentia diversas potestates in Hierarchia Ecclesiastica: ergo sunt diversa Sacramenta partialia, & consequenter Sacramentum Ordinis, est tantum unum per aggregationem. Probatur antecedens, assignando materias & formas omnium in particulari. Sacramenti ergo quo confertur Ostiarius, materia est traditio clavium, & forma (sicut & in alijs omnibus ordinibus) sunt verba illa, quibus utitur consecrans, quando ordinando claves porrigit. Materia Lectoratus est porrectio libri Lectionum (loquor semper de materia proxima.) Exorcistæ, porrectio libri Exorcismorum. Acolythatus, porrectio ampullarum vacuarum vel saltem unius, & candelabri, cum cereo extincto. Subdiaconatus, traditio calicis vacui cum patena superposita, ac libri Epistolarum. Diaconatus, impositio manuum, vel manus, & traditio libri Evangeliorum. Presbyteratus, est traditio calicis cum vino, ac patenæ cum pane. Materia deniq; Episcopatus est impositio manuum trium Episcoporum, seu unius saltem, & duorum Abbatum, ac unctio manuum, traditio baculi pastoralis, annuli ac libri Evangeliorum; & forma sunt verba in Pontificali Romano assignata, quæ proferruntur in applicatione materiæ proximæ, ab Episcopo consecratæ. Hæc omnia patent ex Concilio Carthagenensi 4. ac praxi Ecclesiæ Romanæ, notata in Pontificali, ac Catechismo Romano.

*Quæres 1.* Quodnam sit munus Ordinis cuiuslibet ex jam octo dictis? *Munus cuiuslibet* *Or-*  
 & ostiarij esse claudere Ecclesiam. *claudere* *Or-*  
 Lectoris, Prophetias & lectiones legere. *claudere* *Or-*  
 Exorcistæ, immundos spiritus per exorcismum expellere. *claudere* *Or-*  
 Acolyti præparare lumen, vinum & aquam ad Missam. *claudere* *Or-*  
 Subdiaconi, præparare calicem pro Missa celebranda, & legere Epistolam. *claudere* *Or-*  
 Diaconi, catechizare, cantare Evangelium, & de licentia Parochi baptizare, prædicare, & in necessitate Eucharistiam administrare. *claudere* *Or-*  
 Presbyteratus Eucharistiam consecrare, & poenitentiae Sacramentum administrare. *claudere* *Or-*  
 Episcopatus denique, sacros Ordines conferre, *claudere* *Or-*  
 Crisma benedicere, vel consecrare, Ecclesias & altaria benedicere.

*Quæres 2.* Utrum materia & forma cuiuslibet Ordinis in particulari, determinata sint à Christo Domino? *Materia* *Forma* *cuiuslibet* *Or-*  
 & negativè, nam Christus tantum ordinavit, ut conferantur ordines per materiam & formam convenientem, *claudere* *Or-*  
 nihil in specie determinando, de materia hac, vel illa in particulari. *claudere* *Or-*  
 Quod inde evidenter colligitur, tum quia Græci veros habent Sacerdotes, ac legitimum consecrandi modum, & tamen ordinantur sine porrectione instrumentorum, de quibus jam egimus: ergo porrectio illa non fuit determinatè à Christo Domino assignata, pro materia hujus Sacramenti. Tum etiam, quia tempore Christi, & Apostolorum, non extabant instrumenta illa omnia, quæ de facto assignantur, pro materia Ordinum; tunc enim nec Evangeliorum, nec Epistolarum liber extabat: ergo mate-



riæ illæ in specie, non à Christo, sed ex ejus auctoritate, ab Ecclesia determinatæ sunt.

*Minister  
ordinarij  
huius Sa-  
cramenti.*

ASSERTIO V. Ordinarius hujus Sacramenti minister, quamvis Episcopus sit, Pontificiâ tamen dispensatione, quatuor minores, Subdiaconatus, & Diaconatus, à simplici sacerdote conferri possunt.

1. *Pars* est definita de fide in Florent: in Decreto Eugenij. & Trid: sess: 23. ca: 4. & 7. Hujus ratio alia non est, quàm quod Christus sic instituit, ut constat, tum ex perpetua & constanti praxi Ecclesiæ, tum etiam ex testimonio tot sanctorum Patrum, maximè Eusebij lib: 6. ubi dicit: Novatianum Hæreticum diu laborasse, ut ab aliquo Episcopo in Sacerdotem ordinaretur, quod non fecisset, nisi sciret praxim Ecclesiæ fuisse, non nisi per solos Episcopos Ordines conferri. Potest congruentia hujus institutionis sumi ab auctoritate, Politica, nam sicut in politicis ad sæcularem Principem spectat distributio dignitatū Reipublicæ, sic in Republica Ecclesiastica, congruenter à Christo institutum est, ut soli Episcopi, qui Principes illius sunt, dignitates, & ministeria distribuunt.

*Abbates etiam conferunt Ordines.*

*Probat*ur jam 2. *pars.* Tum ex Trid: sess: 23. c. 10. de reformatione, ubi supponit, Abbates regulares posse conferre quatuor minores, ut in praxi, non solum Abbates, sed etiâ Presbyteri Cardinales defacto conferunt. Tum etiam, quia Innoc: VIII. anno 1489. teste Roderico nostro tom: 1. q. regularium, p. 18. art: 3. privilegium concessit Abbati Cisterciensi in Gallia, alijsq; primis Abbatibus ejusdem

iusdem Ordinis, ut nimirum Prior ille omnibus suæ Religionis Monachis, reliqui verò quatuor, solis sibi subjectis fratribus, sacros Ordines Subdiaconatûs, & Diaconatûs conferre possint, prout frequenter contulerunt. ergo.

*Obijçt:* Simplex Sacerdos potest Eucharistiam conficere, quod magis est, quàm Ordines conferre; ergo & potestate ordinariâ, Ordines conferre valet. R. negando consequentiam, nam non semper qui potest majus, potest etiam & minus, præsertim in ijs, quæ pendent à libera alterius voluntate.

ASSERTIO VI. Papali dispensatione *Ministri* fieri nequit, ut Episcopus validè consecratur *Episcopus*, à simplici Sacerdote, aut Sacerdos à non Episcopo: potest tamen, & solet Episcopus *parus* consecrari, ab uno solo Episcopo, & duobus Abbatibus.

*Probaturs 1. pars.* Tum ex praxi Ecclesiæ, tum etiam, quia major à minori benedici non potest, sed jure divino Episcopus est major Presbytero, ut colligitur ex Trid: sess: 23.

*Probaturs etiam 2. pars.* Tum ex communi consensu Ecclesiæ, tum etiam, quia si in Pontifice resideret talis potestas, in tam longa annorum serie probabiliter illam alicui delegasset: sed hoc nunquam fecit: ergo.

*Probaturs ultima pars.* Tum ex praxi Ecclesiæ, tum etiam ex S. Clemente lib: 8. Constitutionû Apostolicarum c. 27. ubi idem docet. Et exemplo S. Augustini in Angliam à S. Gregorio missi, qui ut solus consecraret Episcopos, potestatem habuit.

ASSERTIO VII. Initiandus sacris Ordinibus, debet esse masculus, & baptizatus, non verò adultus.

*Probat 1. pars.* Tum exemplo Christi, qui solos viros ordinavit in Sacerdotes; tum ex perpetua Ecclesiæ traditione, tum etiam, quia per ordinationem confertur gradus aliquis præminentix ordinato, super reliquos: ergo solis viris & non fæminis, quæ Genesi 3. viris subjectæ esse debent, & 1. ad Timoth: 3. docere non debent, congruenter confertur.

*Prob: 2. pars.* Tum quia Baptismus est janua omnium Sacramentorum, cujus character necessario imprimi debet ante usum aliorum Sacramentorum: Tum etiam ex c. *Si quis de Presbytero non baptizato.*

*Ætas requisita in  
subjecto  
Ordinum.*

*Jam probatur ultima pars.* Nihil deest infanti, ad hoc ut sit capax hujus Sacramenti, sicuti est Confirmationis, & Eucharistiæ: ergo non solus adultus est capax ordinis Sacerdotalis. Peccaret tamen mortaliter Episcopus, qui in Sacerdotem, Diaconum, aut Subdiaconum infantem promoveret, ut constat ex Trid: sess: 23. c. 12. de reform: ubi in Subdiacono ætatem petit 22. annorum: in Diacono 23. & in Presbytero 25. inchoativè saltē.

*Quo jure  
Cælibatus  
annexus  
est Ordini-  
bus.*

*Obijc:* In primitiva Ecclesia fuerunt Presbyterissæ, & Diaconissæ, sed hoc non esset verum, si solus vir esset capax; ergo.

*Confirm:* Fæmina fuit semel Romæ in Papam electa: ergo. R. Verulas illas, de quibus in Concilij interdu sit mentio, fuisse uxores Sacerdotum, & Diaconorum, quibus tunc licebat habere uxores, quia Cælibatus jam sacris Ordinibus jure tantum Ecclesiastico

co annexus, tunc sub præcepto non erat. Ad confirmationem respondeo primò, quòd quavis hoc verum esset, nihil esse contra nos, quia nec Episcopalem, nec Sacerdotalem characterem suscipere potuit. R. 2. Figmentum esse hæreticorum, quòd ulla talis unquam Romæ regnaverit.

ASSERTIO VIII. Præter jam enu- *Effectus*  
meratos effectus, Sacramentum Ordinis con- *Sacramen-*  
fert gratiam, & characterem; imò tot cara- *ti Ordinis.*  
cteres, quot sunt Ordines.


*Prima pars patet*, tum ex dictis de Sacramentis in genere. Tum etiam ex Trident: sess: 23. c. 4. & probatur iisdem rationibus, quibus ostendimus, quòd baptismus imprimat characterem, & alia Sacramenta conferant gratiam.

*Probatur 2. pars.* Tum quia non est potior ratio, cur unus ex illis Ordinibus imprimeret characterem, & non alius; tum etiam, quia impresso caractere Diaconatus, v. g. non imprimitur character Sacerdotalis, aut Episcopalis, aliàs Diaconus posset consecrare, & Ordines conferre.

## EPISTYLIUM PROBLEMATICUM COLUMNÆ XLIII.

*An consultum esset Summo Pontifici in  
cœlibatu, cum Parochis secularibus dis-  
spensare?*





## COLVMNA XLIV.

*De Sponsalibus ad Matrimonium re-  
quisitis, ac ipsius Matrimonij  
natura.*

*Quid sint  
Sponsalia.*

**A**SSERTIO I. Sponsalia bene descri-  
buntur, promissio deliberata, volunta-  
ria, & mutua, signo aliquo sensibili expressa,  
futuri matrimonij, inter personas jure ha-  
biles.

*Non suffi-  
cit propo-  
situm.*

*Probat:* Tum quia habet conditiones bonae  
descriptionis, tum illam explicando. Dici-  
tur *promissio*, quia Sponsalia inducunt obli-  
gationem, & sic non sufficit propositum con-  
trahendi, nec consequenter sponsalia contra-  
hit, qui tantum diceret, *Solo te habere in u-*  
*xorem, aut accipere*; quia verba illa tantum  
propositum significant. Dicitur *voluntaria*.

*Promissio  
indelibe-  
ta non suf-  
ficit.*

*& deliberata* (intellige de deliberatione suffi-  
ciente ad peccatum mortale) quia cum spon-  
salia, etiam sine juramento contracta, obli-  
gant sub mortali ad Matrimonium, ut colli-  
gitur ex c. *ex literis*, & ex gravitate materiae  
obligantis, consensus involuntarius & inde-  
liberatus ad validitatem illorum non sufficit,  
& propterea in c. *ad literas*, & in c. *ad dissol-*

*Obligant  
sub mor-  
tali,*

*Requiri-  
tur etas  
septē saltē  
annorum.*

*vendum de desponsatione impuberum*, ad validē  
contrahenda sponsalia, requiritur, ut contra-  
hens ad minimum septem sit annorum. Ad-  
ditur *mutua* ad denotandum, quod contra-

*ctus*

Stus sponsaliorum, qui onerosus est, recipro-  
cus esse debet. Unde infertur, quòd si Titius  
promiserat nuptias Cajæ, & illa sine repro-  
missione acceptet, neuter obligatur vi spon-  
saliorum, quamvis bene Titius, vi suæ pro-  
missionis teneatur. Additur *signo aliquo sen-  
sibili expressa*, quia est contractus humanus,  
& sic non nisi signo aliquo sensibili exprimi  
potest; Vnde si promittente Titio, Caja con-  
sensu tantum interno, promitteret, sponsalia  
essent nulla; at si pro illa tacente, & præ-  
sente, Parentes vel Tutor contrahat, valida  
erunt sponsalia, quia in hoc casu, in jure ac-  
cipitur taciturnitas, pro expresso signo. Ad-  
ditur, *futuri matrimonij*, quia sponsalia sunt  
contractus, quo duo promittunt sibi invicem  
matrimonium inire pro futuro. Subditur  
deniq; *inter personas habiles*, (id est, quæ & æ-  
tatem à jure præscriptam habent, & nullo  
impedimento prohibentur) ad denotandum  
qualitatem personarum contrahentium.

ASSERTIO II. Ad validitatem spon-  
saliorum, requiritur, ut contrahentes verè  
intendant promittere, & se ad-servandum  
promissum obligare.

*Debent cõ-  
trahentes  
seriò pro-  
mittere.*

*Probatur.* Contractus iste, est reciprocus,  
utramq; personam verè obligans: ergo, de-  
bet esse vera, & non ficta promissio.

Hinc sequitur, quòd si quis sponsalia con-  
traxerit fictè, animo nimirum decipiendi,  
& deflorandi Virginem, non tenetur vi pro-  
missionis exequi quod promisit, tamen si de-  
floravit Virginem, quamvis per hoc non va-  
lidavit sponsalia, adhuc ratione injuriæ & da-

*Exceptio  
ratione  
qualitatis  
personae.*

nni illati, existimo eum teneri ad matrimo-  
nium cum deflorata contrahendum, nisi vir  
esset genere & divitijs notabiliter excedens  
defloratam; aut nisi ex certis signis deceptæ  
difficile non fuit deprehendere, se à promit-  
tente decipi.

*Modi qui-  
bus solvū-  
tur spon-  
salia.*

ASSERTIO III. Sponsalia ritè con-  
tracta, solvuntur mutuo consensu libero con-  
trahentium: & ingressu alterutrius in Reli-  
gionem approbatam, & etiam voto illius;  
Item per alia sponsalia, & per fornicationē.

*Probatur 1. pars.* Tum quia in hujusmodi  
contractibus de futuro, conditio hæc, *si non  
unanimitè consensu voluerimus resilire*, supponi-  
tur semper: ergo quando volunt liberè resi-  
lire, cessat obligatio contractus, etiam jura-  
mento firmati. Tum etiam, quia res quæ-  
cunq; dissolubilis, per easdem causas dissol-  
vitur, per quas nascitur; & habet regula ju-  
ris, sed sponsalia solubilia sunt, & ex mutuo  
sponsorum consensu nascuntur: ergo mutuo  
illorum consensu dissolvi possunt.

*Ingressus  
Religionis,  
votū ejus-  
dem, &  
etiam Ca-  
stitatis.*

*Probatur 2. pars.* Ingressus Religionis di-  
rimit matrimonium ratum: ergo & sponsa-  
lia à fortiori. *Probatur etiam de voto*, quia  
qui vovit ingressum Religionis, vel suscepti-  
onem factorum Ordinum, satis ostendit se,  
ex parte sua sponsalijs renunciare: ergo  
eo insalutato sponsa cum alio licitè contra-  
here potest. *Dixi potest*, quia si vult cum  
illo Matrimonium contrahere, non obstante  
suo voto, potest illum adigere ad matrimo-  
nium contrahendum, quia per votum subse-  
quens sponsalia, sponsa jure suo non cense-  
tur,

tur privata. Et idem de sponso exeunte ex Religione censendum est. At si votum præcessit sponsalia, dirimit illa, sicut & facit susceptio sacri Ordinis sequens. Quod etiam per alia sponsalia dissolvantur, eodem argumento probatur, quo ostendi, quod per votum castitatis & Religionis.

*Probatur jam ultima pars.* Fornicatio est sufficiens causa divortij inter conjuges; ergo ad solvenda sponsalia sufficiens est.

ASSERTIO IV. Solvuntur etiam. *Alia causas solutionis Sponsaliorum.*  
sponsalia per discessum alterutrius, altero non salutato, in longinquas partes, sicut & per Matrimonium de præsentis, & per mutationem adeo gravem alteri supervenientem, quæ si prævisa fuisset, facile hominem honoratum, à contrahendis sponsalibus deterre-

*Prob: 1. Pars.* Tum ex cap: de illis, extra de Sponsalibus. Tum etiã, quia qui sic discedit, sponsalibus renunciare censetur, & consequenter sponsa manet libera ab ipso, non tamen è contra; quia si sponsa suo juri cedere noluerit, redeunte sponso, ad matrimonium cogi potest, quamvis tempus in sponsalibus præfixum sit elapsum, quia sponso in mora non est, & consequenter per ipsam non stat, quo minùs sponsalia debito non compleantur tempore: ergo.

*Prob: 2. pars.* Matrimonium illud reddit impossibilem effectum sponsaliorum: ergo eo ipso dissolvuntur.

*Prob: ultima pars.* Quia supponi debet, quòd in contractu sponsalicio excipiat sem-



per talis casus tam gravis mutationis, inopinatæ supervenientis alteri: ergo.

*Mutationes varia.*

Mutatio autem hæc contingit varijs modis, ut si alteruter incidat in morbum aliquem contagiosum, qui viro etiam cordato horrorem incuteret, qualis est lepra, morbus Gallicus, Epilepsia, morbus caducus, &c. Item, si alteruter privetur naso vel oculo, & sic notabiliter fiat deformis. Item si inter parentes & consanguineos contrahentium, gravis & irreconciliabilis inimicitia intervenit: aut si ad tantam devenerunt pauperstatem, ut ad dotem solvendam inepti videantur. Item, si in alterutro rusticitas morum, vel humorum sævitia cognoscatur. Hæ, & similes mutationes in communi sententia, annullant contracta sponsalia; & si processerunt, personas reddunt inhabiles ad contrahendum. Pro intelligentia sequentium..

*Definitio Matrimonij.*

Adverte, Matrimonium posse dupliciter capi, primò enim pro vinculo, quo ligantur inter se vir, & femina matrimonio conjuncti: secundò pro contractu, ex quo oritur illud vinculum: unde sicut Sacramentum Ordinis non est ordo, sed potius signum sensibile quo confertur Ordo; sic & vinculum ex contractu matrimoniali ortum inter conjuges, non debet dici Sacramentum Matrimonij, licet bene Matrimonium à multis dicatur. Jam sit.

ASSERTIO VIII. Sacramentum Matrimonij est signum sensibile, quo vir & femina indissolubiliter inter se ligantur, ita ut durante vitâ, possint absq; culpa, mutuo corpo-

corporum usu, in ordine ad procuracionem proles, & concupiscentiæ remedium, uti.

*Prob:* Tum quia constat genere, & differentia, ly *signum sensibile*, est genus, in quo matrimonium convenit cum alijs Sacramentis, reliquæ verò particulae sunt differentia illorum, ab illo. ergo.

Hinc facillè colligitur quid sit matrimoniū, ut capitur pro vinculo, quo contrahentes ligantur; nam nihil aliud est, quàm contractus ille per signa sensibilia inter ipsos initus, manens semper moraliter, dum vivunt, sine legitimo impedimento, contrahentes, & sic habens vim denominandi eos semper ligatos. Et ratio est, quia ad ipsos hic denominandos frustra aliquid aliud requireretur; sicut ad denominandum Leopoldum I. semper Augustum, Regem Boëmiæ, requireretur aliquid aliud, distinctum ab ipsa institutione, quā ante annos aliquot fuit legitimè nominatus Rex.

*Matrimonium pro-  
ut est vincu-  
culū con-  
trahentiū.*

ASSERTIO VI. Quamvis Matrimonium à Deo sit institutum, & sic per se bonū est, ac legi naturæ conforme, non est tamen ulli ex toto genere humano necessarium illud inire, necessitate præcepti legis naturæ.

*Necessitas  
Matrimo-  
nij.*

*Probatur 1. & 2. pars.* Tum quia Deus, ante & post Protoparentum lapsum, teste scripte Genes: 1. & 9. Matrimonium approbavit, quod non faceret, nisi esset res bona: ergo est. Tum quia Christus Matth: 19. dum indissolubilitatem matrimonij contra Judæos tueretur his verbis: *Non legistis, quia qui fecit hominem ab initio, &c.* docet illud à Deo institutum

tutum

tutum esse, dum ait: *Quod Deus conjunxit, homo non separet.* Tum etiam, quia Salvator ille noster, Joannis 2. suâ præsentia cohonestavit nuptias, in Cana Gallilææ. Tum deniq; , quia Matrimonium in sacris litteris, præsertim 2. Corinth: 7. & ad Hebr: 13. laudatur. ergo per se res bona est.

*Conformitas ad legem naturæ.*

*Prob: 3. pars.* Inseparabilis illa liga viri, & femineæ, maximè conducit ad proportionatam multiplicationem generis humani, bonam proles educationem, & ad vitandas multas inconvenientias, quæ sequerentur, si solubilis esset: ergo legi naturæ conforme est.

*Sub præcepto non est.*

*Probatur ultima pars.* Tum quia alias peccarent, qui Matrimonium non inirent. Tum etiam, quia quamvis esset præceptum legis naturæ, ut homines ad conservacionem suæ speciei, per generationem individuorum se multiplicarent; tamen ut hoc faciant, ineundo indissolubilem contractum duorum, deduci non potest ex ullis principijs evidentibus, quod sit præceptum legis naturæ; ergo non est.

*Obijcies.* Matrimonium ordinatur ad copulam conjugalem; sed copula illa non est in se honesta: ergo nec Matrimonium. R. concedendo maj: & negando min: & consequentiam, quorum falsitas de fide constat ex c. *Dominamus*, de summa Trinit: & ex Trident: sess: 24. c. 1. & 2. sicut ex adductis pro conclusione Scripturæ locis, quæ docent Deum, qui mali author esse non potest, Matrimonium instituisse.

*Matrimonium in.*

ASSERTIO VII. Matrimonium in Nova Lege verum est Sacramentum, à Chri-

sta

sto Domino institutum. *Prob:* Tum ex di- *nova lege*  
 ctis de Sacramentis in genere: tum ex Flo- *est Sacra-*  
 rent: in Decreto unionis, & Trident: sess: 24. *mentum.*  
 c. 1. ubi expressè definitur Conclusio. Tum  
 deniq; , quia Matrimonio in nova lege, con-  
 venit definitio Sacramenti ut sic, à nobis assi-  
 gnata assertione 1. Colum:

*Obijc:* Si Christus Dominus author esset  
 hujus Sacramenti, constaret nobis ex Script:  
 vel traditione certa, de tempore determina-  
 to institutionis ipsius; sed non constar. ergo.  
 R. negando absolutè maj: quia ut dixi colu-  
 mnâ 42. multa sunt à Christo instituta, & fi-  
 delibus necessariò credenda; de quorum  
 determinato institutionis tempore nobis non  
 constar. Respondent alij negando min: quia  
 putant, quòd Christus instituerit hoc Sacra-  
 mentum, Joann: 2. dum interfuisset nuptijs.  
 Alij verò dicunt, quod Matth: 19. dum de in-  
 dissolubilitate matrimonij disputâssent.

*Obijc:* 2. Virginitas 1. Corinth: 7. præfertur  
 ab Apostolo Matrimonio; sed hoc non bene-  
 fieret, si matrimonium esset Sacramentum.  
 ergo non est. R. negando min: quia quam-  
 vis matrimonium, quatenus ex opere opera-  
 to confert gratiam, perfectius esset virginita-  
 te; tamen propter incommoda multa ipsi an-  
 nexa, de quibus ibidem agit Apostolus, præ-  
 ferri illi meritò posset Virginitas.

ASSERTIO VIII. Solus contractus *Quis con-*  
 inter Christianum & Christianam initus, Sa- *tractus sit*  
 cramenti rationem defacto habet; unde si *dicendus*  
 Pontificiâ dispensatione fidelis cum infideli *Sacramē-*  
 contraheret, contractus ille Sacramentum *tum Ma-*  
 non foret. *Prob: trimony?*



*Probat: 1. pars.* Ex qua evidenter sequitur veritas 2. partis, Trid: & Florent: definiunt matrimonium fideiū verum esse Sacramentum; & ex dictis Columnâ de Baptismate, constat solos renatos capaces esse Sacramentorum, quia baptismus est janua reliquorum Sacramentorum: sed hoc non esset verum, nisi solus contractus fidelium esset Sacramentum. ergo.

*Confirm:* Non potest subsistere Sacramentum sine applicatione formę debitę ad materiam; sed in contractu fidelis cum infideli, non applicaretur forma debita hujus Sacramenti materię. ergo. *Probat: min:* Mutuus consensus duorum baptizatorum, diversimodè consideratus, materia est, & forma hujus Sacramenti; sed in contractu fidelis cum infideli, non applicaretur consensus duorum baptizatorum: ergo nec debita materia formę, aut è contra.

*Obijc:* pro Hiquæo & Pontio ejus discipulo, nulla est ratio, ob quam excludi potest contractus ille à ratione Sacramenti. ergo. *R.* falsitatem antecedentis, ex rationibus nostrę conclusionis evidenter apparere, unde nego antecedens.

*Obijc: 2.* Illud Apostoli 1. Corinth: 7. *Sanctificatus est enim vir infidelis per mulierem fidelem, & sanctificata est mulier infidelis, per virum fidelem:* ergo Virtute contractus matrimonialis, confertur fidei gratiâ, quâ ipse sanctificatur, & conjugem infidelem sanctificat, & consequenter erit Sacramentum. *R.* negando consequentiam, quia Apostolus nō loquitur in sensu formali, & effectivo sanctifi-

cati-

tationis; sed potius in sensu dispositivo, quasi veller dicere, quod vir infidelis, cohabitans cum uxore sancta, & fidei, posset illius exhortationibus, conversatione & exemplo, ad justificationem disponi, sicut & mulier infidelis per virum fidelem: quod & frequenter contingit, ut patet legenti vitam S. Cæcilie, quæ suum sponsum Valerianum ad veritatis agnitionem deduxit.

Dixi, *accedente Pontificiâ*, &c. quia sine *Matrimoniali dispensatione*, consuetudo Ecclesiæ *dominium infidelis cum nullum*, etiam in ratione contractus, quam *fidelis nullum sine* vis in primitiva Ecclesia contrarium fuit in *consensu* usu, quia tunc Ecclesia non prohibuit talem *Papa.* contractum.

Ex hac assertionem inferitur primò, matrimonium fidelis cum fidei esse semper Sacramentum, quia non possunt tales contrahere matrimonium, quin omnia habeat requisita ad rationem Sacramenti, ut colligitur ex Concilijs, Flotent: nimirum, & Trid: jam supra citatis, & etiam, quia eo ipso fideles nollent contrahere matrimonium, ut habet rationem Sacramenti, suppositâ elevatione ejus ad talem rationem, contractus esset nullus, & invalidus: ergo nunquam fideles possent licitè matrimonialiter contrahere, sine eo, quod contractus ille habeat rationem Sacramenti.

Inferitur secundò, Matrimonium infidelium non solum non esse Sacramentum, durante infidelitate; sed etiam, postquam converuntur ad fidem, non habere rationem contractus sacramentalis, nisi postquam de novo

contrahant. Unde qui ex illis contrahere non vellet, à fide data alteri in infidelitate, liber existit. Vide Doct: in 4. d. 39. q. unicâ, & nostrum Hiquzum Tuomoniensem, in Commentarijs supra dictum locum.

*Materia  
& forma  
Matrimonij.*

ASSERTIO IX. Materia ex qua, & proxima hujus Sacramenti, est mutuus consensus contrahentium, verbis vel signis alijs externis expressus, forma verò est idem ille consensus, quatenus habet rationem acceptionis: Minister verò ejus non Parochus, sed ipsi contrahentes sunt.

*Probatur 1. pars.* Illud debet dici materia & forma hujus Sacramenti, quo applicato à sufficiente ministro, cum debita intentione, ponitur ipsum matrimonij Sacramentum, sed posito mutuo consensu, jam in Conclusione dicto, ponitur hoc Sacramentum, seu contractus matrimonialis: ergo mutuus ille consensus erit materia & forma illius.

*Confirm:* Verba Sacerdotis nec materiæ, nec formæ rationem habent, quod inde patet, quia ante Trident: in absentia Sacerdotis, validum fuit matrimonium contractum; sicut & defactò validum est, etiam in ratione Sacramenti, ubi Tridentinū non est receptum, quia ibi sponsalia transeunt in matrimonium: nec aliud assignari potest in matrimonio, cui potius attribui posset ratio materiæ ejus, & formæ, quàm illi consensui.

*Minister  
hujus Sa-  
cramenti.*

*Prob: jam ultima pars.* Tum quia in quocunq; contractu vero ipsi contrahentes soli, se mutuo obligant, & contractum efficiunt, sed Sacramentum Matrimonij est legitimus  
& ef-

& essentialis contractus: ergo ministri ejus erunt ipsi contrahentes. Tum etiam, quia in Florentino, in decreto unionis, dicitur, quod causa efficiens matrimonij regulariter, est mutuus consensus per verba de præsenti expressus; sed soli contrahentes per verba de præsenti, mutuò consentiunt, ergo illi soli conficiunt hoc Sacramentū, & consequenter ministri illius dici debent. Tum deniq; ex mox dictis de materia & forma, ubi dixi, quod in absentia Sacerdotis antiquitus fiebant, & defaëto multis in locis fiunt matrimonia valida, in absentia Sacerdotis: sed hoc esset falsum, si ille esset minister hujus Sacramenti; ergo non ille, sed contrahentes sunt ministri.

*Confirmatur.* Christus circa matrimonium nihil mutavit, nisi quod elevaverit ipsum ad esse Sacramenti: ergo qui erat Minister illius ante institutionem Christi, est etiam defaëto; sed antea soli contrahentes erant ministri matrimonij, ergo defaëto sunt.

*Obijc:* Ex præscripto ritualis Romani, Parochus interrogatis prius Sponso, & Sponsâ, eorūmq; consensu audito, dicere debet: *Ego vos conjungo in Nomine Patris, &c.* ergo ipse est minister hujus Sacramenti. R. cum communi, negando consequentiam, quia per illa verba non intendit, ut minister conjungere contrahentes, sed potius declarare & approbare, contractum ab ipsismet contrahentibus, effectum.

ASSERTIO X. Ad validè contrahendum Matrimonium, non requiruntur de- *Ad validum Matrimonium, non requiruntur de-*  
M m nun-



*Matrimonij non requiruntur denunciations* nunciationes jam fieri solitæ; nec præsentia testium, ubi Trident: non est receptum; bene tamen ut licitè.

*nunciationes in aliis quibz ter-  
tis.* *Probatur 1. pars.* Quia Trident: ad validitatē hujus Sacramenti aliud non petit, quàm legitimum contrahentium consensum, verbis, vel æquivalentibus aliis signis expressū, præsentiam Parochi & testium; sed illa omnia possunt haberi absq; prævijs denunciationibus: ergo sine illis valide potest contrahi matrimonium.

*Probatur 2. pars.* Quia, ut jam dixi, sine præsentia Parochi potest fieri, ut Matrimonium sit validum: ergo & sine præsentia testium.

*Probatur ultima pars.* Quod Ecclesia mandat ut fiat, omitti non potest absq; peccato, nisi intercedat dispensatio, aut alia legitima causa, sed Concilium Trid: sess: 24. c. 1. inhærens vestigijs Concilij Lateranensis, sub Innocentio III. celebrati, præcipit, ut antequam Matrimonium contrahatur, à proprio contrahentium Parocho, tribus continuis festivis diebus, inter Missarum solennia, solitæ fiant denunciations, &c. & postea, ut Matrimonium coram Parocho, & duobus vel tribus testibus celebretur: ergo sine his licitè celebrari non potest.

*Præsentia  
Parochi  
requiritur*

ASSERTIO XI. ubi receptum est Trident: nullus consensus contrahentium ad validitatem hujus Sacramenti sufficit, sine præsentia Parochi, aut alterius ab eo delegati, & duorum ad minimum testium. Hæc est inter Catholicos certa, & de fide definita, in ipso

ipso Tridenti: sessi: 24. c. 1. cujus autoritate, probatur.

Hinc sequitur, quod cum præsentia Parochi tantum requiratur ad valorem Sacramenti, ut de contractu licito in foro externo, quories opus fuerit, testari possit; non sufficere, ut contrahatur coram Parocho dormiente, vel formaliter ebrio, aut delirante, quia sic perinde esset ad finem intentum ab Ecclesia præsentia, sicut absentia Parochi: secus dicendum est, si contractus fiat coram Parocho vi in loco detento, aut dolo ad illū adducto, vel casu ibi reperto, dummodo advertat quæ aguntur; & idem dic de præsentia testium: Lege Hiquæum in 4. d. 26. & sequentibus. Interea

Adverte, quod difficultas hujus loci sit in ostendenda ratione, quomodo Ecclesia suo decreto potuit efficere talem mutationem, circa materiam & formam hujus Sacramenti, cur jam sine præsentia Parochi, & Testium, non sufficiunt, ad quam, respondeo, rationē *Rationē ostenditur,* esse, quia matrimonium essentialē rationē *CC. potuisse invalidare clandestinam.* contractus includit; unde sicut ad legitimē contrahendum in civilibus, reges in suis regnis possunt statuere certas condiciones, sine quibus contractus omnes civiles invalidi essent; & possunt iterum illas condiciones tollere, vel mutare, prout expedire visum fuerit; sic etiā Ecclesia in suis Principibus congregata, potuit sine ulla inconvenientia efficere, ut contractus matrimonialis, qui antea validus erat, sine præsentia Parochi ac testium, amplius sic non foret, & consequenter potuit ordinare, sicut & de facto fecit, ut

præsentia Parochi, & duorum testium, tanquam conditio, sine qua non ad validitatem hujus Sacramenti requiratur.

*Consensus  
parentum  
nō requi-  
ritur ad  
validitatē  
Matrimo-  
nij.*

ASSERTIO XII. Ad validitatem contractus matrimonialis, necessarius non est consensus parentum; bene tamen ut sit liber consensus contrahentium.

*Probatur 1. pars.* Tum ex Trident: jam citato, anathematizante eos, qui dicunt matrimonia clandestina esse nulla; sed certum est, quod plurima ex illis fiebant sine consensu parentum: ergo consensus parentum non est necessarius ad validitatem hujus Sacramenti. Tum etiam, quia Trident: ibidem enumerat omnia necessaria ad validitatem matrimonij, & nullam facit mentionem de consensu parentum: ergo signum est, consensum illum non esse necessarium.

*Requiri-  
ritur liber  
consensus  
contrahē-  
tium.*

2. *Pars patet* ex dictis Colum: 17. Assert: 1. & 5. de justitia contractuum, ubi ostendi satis fusè, quomodo & quando metus & conditio, de præsentī, præterito, & futuro, irritent contractum, quæ omnia huc applicari possunt; unde de hac re nil aliud restat, quod hic examinemus, nisi ut advertamus, quod graviter peccent filij, contra obedientiam debitam parentibus, si sine illorum consensu, saltem negativo, contrahant matrimonia; nisi legitimam habeant causam, qualis esset, si parentes vellent, ut intraret filius Religiosum, ad quam non habet vocationem; aut ut ducat in uxorem personam suo statui decentem; aut quia à parentibus nimis asperè in adulta ætate tractatur; aut deniq; quia paren-

*Causæ ex-  
cusantes si  
lii à pec-  
cato.*

parentes de procuranda ei uxore nullo modo sunt solliciti.

ASSERTIO XIII. Polygamia (con- *Definitio*  
tractus est unius viri cum pluribus uxoribus, *Polyga-*  
aut è contra unius fæminæ cum pluribus si- *mia.*  
mul viris) plurium virorum cum una fæmi-  
na, naturali & positivo jure prohibita, divi-  
nitùs licitè contrahi potest. Polygamia verò *Ejus pro-*  
unius viri cum pluribus uxoribus, non natu- *hibitio.*  
rali, sed positivo divino, & Ecclesiastico præ-  
cepto, prohibita est.

*Probatur 1. pars* de jure naturæ, quia Polygamia illa maxime obstat fini principali matrimonij, qui est conceptio, & commoda educatio prolis; nam quæ multos admittunt viros, expressum ponunt impedimentum generationi prolis, ut docent medici, & experientiâ patet meretricum, quæ raro aut nunquam concipiunt, quamdiu in illo consistunt statu. Deinde impedit bonam educationem prolis, propter incertitudinem parentis. Deinde maxima esset causa jurgij & dissensionis virorum inter se; & cum fæmina, sed mala, illa jure naturali prohibita sunt, ergo & Polygamia.

*Probatur etiam 2. pars.* Tum ex communi consensu Ecclesiæ; tum ex illo Script: Lucæ 17. *Omnis qui dimittit uxorem suam, & alteram ducit, mæchatur, & qui dimissam à viro ducit, mæchatur.* Sed hoc non esset verum, nisi præcepto positivo prohiberetur Polygamia, vel saltem ex illo loco bene colligitur præceptum divinum: ergo positivo divino præcepto prohibetur.



*Probatur 3. pars.* Tum ex dictis assertione 9. Colum: 10. ubi probavi, quòd Deus possit dispensare in omnibus omninò præceptis juris naturæ. Tum etiam, quia non esset Deo difficile invenire media, quibus obviaret inconvenientijs jam assignatis, & legi naturali prohibitis: ergo.

*Probatur ultima pars* (quod non prohibeatur lege naturæ, inde colligitur, quia pro statu illius legis, nec non veteris testamenti, Polygamia talis fuit licita) ex Trid: sess: 24. ca: 2. his verbis: *Si quis dixerit Christianis licere plures simul habere uxores, & hoc nullâ lege divinâ esse prohibitum, anathema sit;* ex quo loco colligitur, quòd Polygamia sit divino & Ecclesiastico jure prohibita. Probatur etiam ulterius ex Script: Matth: 19. ubi Christus revocat facultatem concessam Judæis ducendi simul plures uxores. Tum ex Apostolo 1. Corinth: 7. ubi monet, ut unusquisq; suam uxorem habeat, vitandæ fornicationis causâ, id est unam, non vero tres aut plures simul, alias non diceret *suam*.

*Quibzmo-  
dis solvi  
possit Ma-  
trimoniũ  
quoad the-  
sum.*

ASSERTIO XIV. Matrimonium ratum, non verò consummatum, dissolvi potest quoad vinculum, tam per professionem Religionis, quàm per dispensationem Pontificiam.

*Prima pars* est de fide definita in Trid: sess: 24. ca: 6. Secunda vero pars manifestè patet experientiâ, inquit Navarrus in summa c. 22. n. 21. ubi affirmat varias Conjuges suo consilio petijisse dispensationem, matrimonij rati, eamq; obtinuisse à Paulo III. & Pio IV.


Henri.

Henriquez lib: II. c. 8. testatur Greg: XIII. eadem die II. matrimonia rata dissolvissè; sed hoc non facerent Pontifices, si non possent; ergo.

Quòd verò Matrimonium consummatum *Matrimo-* sic non posset dissolvi; *Probat*ur, cum ex *Tri-* nium con-  
denti: sess: 24. cap: 3. ubi definitivè id affirmat, *summatū*  
tum ex Script: Mar: 10. *Qui dimiserit uxorem indissolu-*  
*suam, & aliam duxerit, adulterium committit bile.*  
*super eam, &c.* Et Rom: 7. *Nam qua sub viro*  
*est mulier, vivente viro alligata est legi, &c.* ergo matrimonium consummatum inter Christianos dissolvi non potest. Dixi, *inter Chri-*  
*stianos*, quia Matrimonium consummatū inter infideles, si unus ex eis baptismum suscipiat, & alter in infidelitate perseverat, dissolvitur, & sic fidelis cum alia persona nuptias contrahere potest, ut pater ex C. *Gaudemus*, de divortijs.

## EPISTYLIUM PROBLEMATI CUM COLUMNÆ XLIV.

*An melius est nubere, quàm uri?*



## COLVMNA XLV.

*De impedimentis & obligationibus  
Matrimonij.*

*Impedi- mēta alia sunt diri- mentia, a- lia impedi- entia tan- tūm.* **I**mpedimenta Matrimonij in duplici sunt. differentia; alia enim sunt, quæ tantūm illicitum reddunt Matrimonium; alia verò, quæ etiam irritum. Priora impedimenta, impedientia tantūm dicuntur, quia scilicet impediunt, ne matrimonium licitè contrahatur; sed etiam irritant contractum, ita ut contrahentes separari debeant, nisi iterum, validè contrahant. Impedientia tantūm his comprehenduntur versibus:

*Impedien- tia tantū eorūmq; explicatio.* *Ecclesie vetitum, nec non tempus feriarum, Atq; Catechismus, sponsalia, jungito votum, Incestus, raptus, sponsata mors mulieris, Susceptus propriæ sobolis, mors presbyteralis, Vel si pœniteat solenniter, aut monialem, Accipiat, prohibent, permittunt facta teneri.*

*Per Ecclesie vetitum,* intelligitur prohibitio facta ab Episcopo, in universa Ecclesia, quæ vetat, ne aliqui ad certum tempus ineant matrimonium, *per tempus feriarum,* intelligitur jam post Trident: sess: 24. c. 10. de reformat: tempus ab adventu, incipiendo à media nocte post primas vespervas, usq; ad Epiphaniā, & à feria quarta Cinerum, usq; ad Dominicā in Albis inclusivè, quo tempore non prohibetur.

betur contractus, aut ejus consummatio, sed tantum nuptiarum solemnitates, quales sunt: Benedictio Nuptiarum, solennis sponsæ in domum sponsi traductio, convivium nuptiale, tripudia, & hujusmodi.

Per ly *Catechismus* intelligitur cognatio olim contracta ab eo, qui respondebat pro infante, quando supplebantur cæremoniæ, post baptismum collatum in necessitate. Sed hoc impedimentum sublatum est per Tridēt: sess. 24. c. 2. ubi declaravit cognationem spiritua-lem non contrahi, nisi inter certas personas, de quibus egi Columna. Per *Sponsalia*, intelligitur promissio futurarum nuptiarum, facta alicui, de qua antea egimus. Per *Votum*, intelligitur votum simplex, sive castitatis, sive Religionis, sive non nubendi. Per ly *Incestus* intelligitur copula carnalis, scienter habita à viro, cum consanguineis suæ uxoris, usq; ad secundum gradum; & è contra uxoris, cum consanguineis viri. Per *Raptum sponsatæ*, intelligitur raptus alienæ sponsæ. Per *mortem mulieris*, intelligitur uxoricidium ex mala intentione, sine animo tamen contrahendi cum alia, si enim talem haberet animum, esset impedimentum dirimens matrimonium. Per ly *Susceptus propria sobolis*, intelligitur susceptio proprii filij, vel infantis de sacro fonte, facta animo insidiandi matrimonio, id est, privandi alteri conjugem debiro conjugali ratione affinitatis spiritualis, ex ea susceptione inter eos ortæ; hoc enim animo qui filium suscipit, & tenetur alteri conjugi reddere debitum quoties petierit; eiq; prohibetur, ut si uxori super-



vixerit ne ad alias nuptias ampliùs transeat. Per mortem Presbyteralem, intelligitur occisio Presbyteri injustè facta. Per ly *Si pœniteat solenniter*, intelligitur solennis pœnitentia, qualem defacto in usu non videmus in Ecclesia, & sic cessavit illud impedimentum. Per ly *Monialem suscipiat*, intelligitur matrimonium initum cum moniali professsa scienter, (quale fuit sordidi Lutheri) quod impedimentum, est dirimens respectivè ad ipsam monialem, & in pœnam peccati, impediens respectivè ad omnes alias fœminas.

**Potestas Episcopalis.**

Hic tantùm notandum est, Episcopum, posse dispensare in omnibus jam dictis impedimentis, præter quam in Sponsalibus ac voto castitatis ac Religionis. Et hoc pater ex praxi communi totius Ecclesiæ.

Impedimenta matrimonij, quæ dirimentia dicuntur, vulgaribus hisce versibus comprehenduntur.

**Impedimenta dirimentia.** Error, conditio, votum, cognatio, crimen, Cultus, disparitas, vis, ordo, ligamen, honestas, Ætas, affinis, si fortè coire nequibis, Si Parochi, & duplicis deesset præsentia testis, Raptæve sit mulier, nec parti reddita tutela, Hec socianda vetant, connubia fœla retractant.

**Error circa personam dirimit.**

ASSERTIO I. Error circa personam, quando scilicet una persona in matrimonio supponitur pro alia, v.g. Helena pro Marina, irritat contractum matrimoniale.

**Probat.** Tum ex C. unico. 29. q. 1. tum etiam ex dictis Assert: 2. colum: 16. ubi probavi, quò error circa substantiam rei, ipso naturali jure, omnem contractum irritum fa-

cit;

cit; sed in contractu matrimoniali, error circa personam, est absolutè circa substantiam objecti: ergo irritat matrimonium. Tum deniq; quia reverà Antonius non intendit contrahere cum Helena, ergo cum illa sibi supposita non contrahit matrimonium.

ASSERTIO II. Error circa conditionem personæ subinde matrimonium irritum facit, & subinde non. *Quomodo cognitio personæ irritat.*

*Probatur 1. pars.* Quia si quis duceret servam, seu subditam, putans se ducere liberā, absolutam haberet nolitionem ducendi eam, ut suppono; ergo conditio illa servitutis verè irritum facit matrimonium, ut habetur in C. ad nostrum de conjugio fervorem; & colligitur ex illis quæ dixi assert: 3. & 4. Col: 16.

*Probatur etiam 2. pars.* Si quis putaret se ducere rusticam, & tamen persona illa nobilis esset, aut civissa, non deterioraretur ejus conditio per hoc, sed potius melioraretur (suppono contrahentem, crassum aliquem, non esse rusticum, qui non nisi suæ conditionis rusticam absolutè ducere veller) ergo conditio illa non irritat matrimonium. Deinde posset contingere, ut præsentem quam habet Virginem, quam putaret nobilissimam & non esset, sine respectu ad conditionem ducere vellet; sed in tali casu error ille, non tollit consensum: ergo nec contractum irritum facit, & consequenter non semper error circa conditionem personæ, irritat matrimonium.

ASSERTIO III. Votum solenne castitatis in Religione approbata emissum, ab- *Votum solenne castitatis*  
solu-

*ſtitatis di-  
rimit.*

ſolute dirimit Matrimonium. Eſt de fide, ex Trid: ſeſſ: 24. Can: 8. cujus authoritate ſi-  
cut ex conſtanti Eccleſiæ praxi, ac communi  
priorum hominum conſenſu *probat*ur.

*Conſangui-  
nitas uſq;  
ad 4. gra-  
dum.*

ASSERTIO IV. Cognatio, ſeu con-  
ſanguinitas uſq; ad quartum gradum dirimit  
Matrimonium. *Probat*ur, tum ex praxi  
Eccleſiæ, tum etiam ex extravag: de conſang:  
c. *non debet*, ubi habetur, quod prohibitio  
copulæ conjugalis, quartum conſanguinita-  
tis gradum non accedat; & ut hoc impedi-  
mentum melius intelligatur.


*Quid ſit  
conſangui-  
nitas.*

*Adverte*, conſanguinitatem eſſe conjun-  
ctionem aliquorum deſcendentium ab uno a-  
liquo parente, per carnalem propagationem,  
in quo ſenſu, omnes homines conſanguinei  
dici poſſunt; quia ſic deſcenderunt ab Ada-  
mo, proto-parente omnium; ſed non ſolent  
ſic dici, quia deſacto ſoli illi dicuntur con-  
ſanguinei, qui inter ſe ſunt connexi, ad cer-  
tos gradus, non valde remotos: perſona au-  
tem illa per ordinem, ad quam meſſuratur  
conſanguinitas, vocatur ſtipite, quia eſt radix  
& fons, unde habent originem conſanguinei,  
ut videre poſſunt in arbore affinitatis, & or-  
dine graduum conſanguinitatis inferius po-  
nendo.

*Quid ſit  
linea con-  
ſanguini-  
tatis.*

*Adverte. 2.* Lineam conſanguinitatis aliud  
non eſſe, quàm ordinem deſcendentia con-  
ſanguineorum à ſtipite. Linea autem hæc eſt  
duplex, recta una, altera tranſverſalis. Li-  
nea recta eſt illa, in qua tot ſunt gradus aſcē-  
dentium, & deſcendentium, quot ſunt per-  
ſonæ, unâ exceptâ ſtipite ſcilicet: ſic Pater

& fi-





Stipes Consanguinitatis seu totius  
Propagationis in descensu.

Pater & Mater

Filius  
vel  
Filia  
1

Filius  
vel  
Filia  
1

Frater vel Soror Germani.

PRIMVS GRADVS.

In Secundo Gradu Sunt isti  
Pater, Mater, Frater, Soror.

Nepos  
2

Nephis  
2

Fratrueles vel Sobrini  
Secundus Gradus.

In Tertio Gradu Sunt isti  
Pater, Mater, Frater, Soror, Filius, Soror.

Pronepos  
3

Proneptis  
3

Frater, Matrueles  
Tertius Gradus.

In Quarto Gradu Sunt isti  
Pater, Mater, Frater, Soror, Filius, Soror, Filius, Soror, Filius, Soror.

Abnepos  
4

Abneptis  
4

Consobrini  
Quartus Gradus.


In Quinto Gradu Sunt isti  
Pater, Mater, Frater, Soror, Filius, Soror, Filius, Soror, Filius, Soror, Filius, Soror.

Trinepos  
5

Trineptis  
5

Consobrini remoti  
Quintus Gradus.

Si ascendere  
Volueris, verte in oppositu.

& filius consanguinei sunt in primo gradu; Nepos & avus in secundo gradu, pronepos & Proavus in tertio gradu. Linea verò transversalis est illa, in qua inter personas inæqualiter distantes à communi stipite, quot gradibus remotior persona distat à stipite, tot gradibus distat inter se; unde si Pater habet ex filio nepotem, & pronepotem, & ex filia tantum nepotem, remotior est pronepos à patre, quàm est ab illo nepos ex filio; & sic pronepos ex filio, & nepos ex filia, tot habebunt consanguinitatis gradus inter se, quot sunt gradus in linea recta à Patre ad nepotem; unde cum in illa linea tres sunt gradus inter pronepotem & proavum, nepos ex filia, & pronepos ex filio, in tertio sunt consanguinitatis gradu. Hoc totum in adjuncto schemate clare patet. 

Præter jam declaratam consanguinitatis cognitionem, adhuc datur cognatio legalis, & cognatio spiritualis; unde in genere triplex est cognatio, legalis scilicet, spiritualis, & consanguinitatis.

*Cognatio triplex cōsanguinitatis, legalis, & spiritualis.*

Cognatio legalis est propinquitās personarum, proveniens ex adoptione perfecta (adoptio hæc exigit, ut extranea persona assumatur in filium, vel nepotem, ita ut transeat in potestatem adoptantis, illiq; succedat, ex testamento, vel tanquam filius ab intestato, in totum, vel tanquam hæres necessarius in 4. parte) & hæc inter adoptantem & adoptatum, aliósq; descendentes ab illo, dirimit.

*Quid sit cognatio legalis?*

Ma-

Matrimonium usq; ad quartum gradum, ut patet ex C. per *adoptionem* 3. q. 3. & ex C. diligere 30. q. 3. nec non communi consensu Doctorum, paucis exceptis, qui post Lessiū docent, quod tantum dirimat usq; ad secundum gradum inclusivè.

*Quid spiritualis.*

Cognatio verò spiritualis, est propinquitas quædam personarum Ecclesiastico jure orta, inter personas aliquas ratione Baptismi & confirmationis. Cognatio hæc, dirimit tantum matrimonium, usq; ad secundum gradum inclusivè, ut habetur in C. 1. de cognatione, spirituali in 6. & constat ex Trident: sessi. 24. cap: 2. ubi dicit, quod intercedat tantum inter baptizantem & baptizatum, confirmantem & confirmatum, horumq; baptizatorum scilicet, Patrem & matrem; & etiam inter patrilinos, ac baptizatum vel confirmatum, eorumq; parentes, ut antea diximus, agendo de baptismo.

*Impedimentum homicidij.*

ASSERTIO V. Criminis impedimentum triplex est, homicidij scilicet, adulterij, & raptus. Hæc est communis, & patet declarando ejus in ambra. Crimen homicidij est occisio conjugis, ab altera conjuge, vel alio aliquo tertio, eo animo, ut postea inter se matrimonium contrahant, & hoc semper dirimit matrimonium.

At si cædes tantum tentata sit, sed non perpetrata; vel perpetrata, sed non animo contrahendi matrimonium: vel cum intentione quidem contrahendi, externo tamen signo aliquo nunquam expressa, vel non communi consilio, sed ab altero tantum, non di-

*De impediment: matrimonij, &c. § 43*

dirimit matrimonium, nisi præcesserit copula carnalis: si autem præcessit, quamvis altero ignorante, unus tantum homicidium patravit, animo contrahendi matrimonium, verè dirimit, ut docent communiter Canonistæ.

Crimen adulterij dirimit matrimonium, *Impedimentum adulterij.* quando vivente alterius conjuge, duo se carnaliter cognoscunt, sibiq, de præsentì mutuò promittunt matrimonium, vel promittunt post mortem alterius conjugis se velle illud inire.

Crimen raptus est, per quod persona vi abducitur, libidinis exercendæ, vel matrimonij ineundi causâ. Impedimentum hoc teste Trident: suprâ citato, durat, quamdiu rapta est in potestate raptoris.

ASSERTIO VI. Disparitas cultus, quæ est inter baptizatum & non baptizatum, impedit matrimonium inter ipsos jure divino & Ecclesiastico, non verò disparitas cultus Catholici ab Acatholico.

*Probat. 1. pars.* Primò de jure divino, ex Apost: 2. Corinth: 6. *Nolite* (loquitur baptizatis) *jugum* (id est matrimonium, ut explicat D. Hieron: lib: contra Jovinianum) *ducere cum infidelibus*: ergo jure divino disparitas illa cultus dirimit matrimonium. Probat. etiam secundò de jure Ecclesiastico, ex Concilio Eliberitano Can: 5. & 17. & ex Concilio Toletano Can: 62. ubi ordinatur, ut Judæi cum Christianis matrimonio conjuncti, aut convertantur, aut separentur: ergo jure Ecclesiastico etiam scripto, disparitas cultus impedimentum est dirimens matrimonium.



*Probatur jam 2. pars.* Quia sciente, & non contradicente Pontifice Romano, in multis Regnis, Catholici cum hæreticis Matrimonium ineunt: ergo disparitas illa non dirimit.

*Impedimẽtum Ordinis, & Ligaminis.* ASSERTIO VII. Ordo sacer, & ligamen, hoc est, matrimonium validè contractum cum alia, adhuc vivente persona, dirimunt matrimonium.

*Prima pars patet ex Trident: sess: 24. his verbis: Si quis dixerit, Clericos in sacris Ordinibus constitutos, posse matrimonium contrahere, contractumq; validum esse, anathema sit.*

*Moraliter certus de morte conjugis contrahere licet potest* *Probatur etiam 2. pars.* Tum ex Trident: jam citato c. 1. Tum etiam ex dictis assertione ultimæ Columnæ præcedentis. Unde hic tantum notandum est, quod licet & sine peccato contraheat, qui moraliter certus est de morte conjugis; qui si postea compareat, tenetur ad eandem redire, dimissâ posteriori.

*Impedimẽtum publica honestatis.* ASSERTIO VIII. Impedimentum publicæ honestatis, est illud, quod oritur ex justitia publicæ honestatis, prohibente, ut quis non contrahat matrimonium cum consanguineis illius, cum qua contraxit sponsalia, vel matrimonium ratum.

Hæc est certa, & non habet difficultatem, nisi ut advertat, quod hoc impedimentum jure antiquo, ut colligitur ex C. *Sponsam de Sponsalibus*, dirimebat matrimonium inter sponsum, & consanguineos sponsæ, usq; ad quartum gradum: jam jure novo in Trident: sess: 24. c. 3. declarato, restringitur jus illud antiquum, & sic impedimentum illud non oritur ex sponsalibus invalidis; nec etiam ex vali-

validis, nisi usq; ad primum gradum; ex matrimonio verò rato, oritur usq; ad quartum gradum.

De ætate non est quod dicam, nisi quòd jure Ecclesiastico requiritur annus 14. in viro, & 12. in fœmina completus; nisi tamen malitia ætatem suppleat, & citius adsit, & doli capacitas, & potentia ad copulam, prout frequenter fit; nam à meo Patruale piæ memoria, Illustrissimo ac Reverendissimo Do-*Casus ra-*  
mino Joanne de Mollony, Episcopo Laonensi, *rus,*  
quondam audiui, se vidisse decem annorum puellulam jam gravidam à puerulo 11. tantum annorum, quapropter Decreto sui Consistorij annuit, ut copulari, prout petierunt parentes, possent.

ASSERTIO IX. Affinitas est impedimentum ortum ex copula carnali, sive licita, *Impedimẽ-*  
sive illicita, ratione cujus jure Ecclesiastico *tum affini-*  
dirimitur matrimonium. Hæc etiam est cõmunis & pater, tum ex C. *non decet de consanguinitate & affinitate*; tum etiam ex communi praxi Ecclesiæ, unde pro illius ulteriori intelligentia;

*Adverte* ex Trident: jam citato C. 4. copulam licitam dirimere matrimonium usq; ad *Gradu af-*  
quartum gradum: illicitam vevò, modò præcedat matrimonium, usq; ad secundum tantum gradum: si verò subsequatur, v. g. si Cajus cognosceret uxoris suæ consanguineam, in secundo gradu, non dirimit matrimoniũ, facit tamen, ut Cajus non possit debitum amplius petere, licet bene reddere petenti possit. At si cognovit cognatum uxoris suæ in 3. gradu, non impeditur à petendo debito ab

uxore, quia affinitas quæ non impedit matrimonium, si esset contrahendum, non impedit jus ad debitum, si est contractum.

De gradibus & lineis affinitatis, idem est sentiendum, sicut & de gradibus consanguinitatis; unde qui uxoris est consanguineus in primo gradu, sive rectæ, sive transversæ lineæ, in eodem gradu lineæ rectæ, vel transversæ, affinis erit marito.

*Discrimen peccatorū peccantis cum consanguineis uxoris & concubinæ*

*Adverte 2.* Discrimen peccati illius, qui cognovit consanguineam uxoris in 3. gradu, à peccato ejusdem cognoscente consanguineā suæ concubinæ in eodem gradu, esse, quod priori actu committit incestum, quia sicut cum consanguinea illa uxoris, validè matrimonium inire non possit, mortuā uxore, sic nec peccare cum illa sine incestu potuit: posteriori verò actu non committit incestum, sed adulterium, quia cum illa posset licitè contrahere matrimonium mortuā uxore.

*Impedimentum impotentie.*

ASSERTIO X. Impotentia dirimens matrimonium, est inhabilitas consummandi illud, sive se tenet ex parte viri, sive ex parte femina; hæc si perpetua est, & incurabilis, dirimit matrimonium, non verò si temporalis est, aut superveniat post consummatum matrimonium.

*Probatur 1. pars.* quia convenit omni & soli. *Probatur etiam 2. pars.* Tum ex praxi Ecclesiæ; Tum etiam ex C. *Quod sedem.* Et C. ultimo, de *frigidis & maleficiatis.* Tum, deniq; quia per matrimonium conjuges obligant se ad reddendum debitum maritale; sed obligatio illa redditur impossibilis, suppositā impotentiā: ergo.

*Pro-*

*Probatur ultima pars.* Tum ex C. *Fraterni-* *In impedi-*  
*tatis.* Tum etiam, quia temporalis impoten- *mentis di-*  
 tia non officit fini matrimoniali: ergo non- *rimenti-*  
 dirimit ipsum matrimonium. De alijs im- *bus solus*  
 pedimentis, provenientibus ex absentia Pa- *Papa or-*  
 rochi, & testium, jam supra egi: unde hic *dinaria po-*  
 tantum restat notandum, quod in enumera- *testate di-*  
 tis impedimentis soli summo Pontifici ordi- *spensare,*  
 naria concessa est dispensandi facultas. *poteft.*

ASSERTIO XI. Quamvis conjuges  
 non tenentur per se loquendo debitum pete- *Conjuges*  
 re, reddere tamen sibi invicem ex-justitia te- *tenentur*  
 nentur. *sibi redde-*

*Probatur 1. pars.* Non petendo debitum- *re debitū*  
 conjuges nulli injuriam faciunt; nam licitū *si requira-*  
 est unicuiq; juri suo renunciare, ut constat. *tur.*  
*ex C. Si de terra.* Ergo licitè possunt non pe-  
 tere debitum.

*Probatur etiam 2. pars.* Justitia exigit, ut  
 unicuiq; detur quod suum est; sed corpus u-  
 xoris viri est, & è contra viri corpus, uxoris  
 in ordine ad usum matrimonij: ergo uxor  
 tenetur debitum reddere viro petenti, & vir  
 uxori. Unde est illud Apostoli 2. Corinth: 7.  
 ad hoc propositum: *Uxori vir debitum red-*  
*dat, similiter autem uxor viro.*

Hinc colligitur, obligationem reddendi *Obligantur*  
 debitum gravem esse, & obligare sub peccato *sub*  
 mortali, nisi circumstantia aliqua excuset; *mortali.*  
 unde si jejunando redderetur quis inhabilis  
 ad reddendum debitum, non teneretur jeju-  
 nare, quia præceptum naturale de redditio-  
 ne debiti, prævalet præcepto Ecclesiastico de  
 jejunio. Similiter si jejunando uxor efficitur *Quomodo*  
 defor- *uxor ex-*



*excusatur à  
præceptis  
Ecclesiæ.*

deformis, aut marito exosa, à jejunio excusatur, quia præceptum jejuniij non obligat cum dispendio amoris & pacis, quæ inter cōjuges servari debet.

*Causa excusantes à  
redditione  
debiti.*

Varias tamen ob causas excusari potest conjunx à redditione debiti: Prima est, quando sine gravi detrimento, aut periculo salutis, illud reddere nequit. 2. Ad evitandum grave aliquod nocumentum in bonis fortunæ, aut ad comparandum notabile augmentum rei familiaris. 3. Quando non suppetunt facultates ad plures filios alendos. 4. Quando exigens petendo debitum peccat. 5. Quando conjux spatio duorum mensium sibi à jure concesso, post contractum matrimonium, deliberat de ingressu religionis.

*Notetur  
versus.*

ASSERTIO II. In usu matrimonij servari debet modus, finis & circumstantiæ, his versibus comprehensæ, quarum explicationem vide apud moralistas.

*Sit modus, & finis, sine damno, solvæ, cohere.  
Sit locus, & tempus, tactus, ne spernito votum.*

*Causa divor-  
tj.*

ASSERTIO ULTIMA. Adulterium unius ex conjugibus, non solum sufficiens causa est negandi debitum, sed etiam causandi divortium. Hæc est communis & patet, tum ex auctoritatibus Scripturæ Matth: 19. & 1. Corinth: 7. circa finem præcedentis colum: à nobis adductis. Tum etiam ex Innoc: 32. q. 6. ex quo loco colligitur maritum divertere posse ab uxore adulterante, & vicissim uxorem posse relinquere virum adulterantem, quia ut ait Hiquerus noster hic, ubi par est  
ratio

ratio, par debet esse iudicium, ut nempe:  
*Frangenti fidem, fides frangatur eidem.*

EPISTYLIUM PROBLEMATICUM  
COLUMNÆ XLV.

*An si Adam hodie vixisset, validè posset  
cum ulla ex viventibus matrimonium  
contrahere?*

Quæ de Statu Religionis, Purgatorio, Indulgentijs & Censuris à me desiderari possunt, favente Deo, brevi sequentur. Interea tam de Sacramento hoc, quàm de omnibus materijs, in compendioso hoc Theologico cursu, contentis ut dicta cedant, ad gloriam omnipotentis Dei, nec non honorem, Immaculatæ Virginis MARIÆ, Sanctorumq; Francisci, Antonij, Bonaventuræ, VVen-ceslai, ac Patritij laudem, animitus opto.

BIBLIOTECA NAZ.  
ROMA  
VITTORIO EMANUELE

F I N I S.



# INDEX RERUM, ET VERBORVM,

c. Columnam, a Assertionem, p.  
paginam designat.

## A.

**A**bsolvendus est, qui nullum doloris signum dare potest. Col: 39. a. 10. p. 466.

Absolutionis essentialis forma. c. 39. a. 11. p. 467.

Acceptor personarum Deus non est. c. 5. p. 56.

Accidentia Eucharistia manent sine subiecto. c. 34. a. 15. p. 417.

Actio effectiva incarnationis communis est tribus personis. c. 26. a. 1. p. 315.

Actione incarnativa vera producta est unio, quae est relatio extrinsecus adveniens. c. 25. a. 6. p. 303.

Actus humani libertas unde sumitur. c. 9. a. 3. p. 101.

Unde actus dicitur humanus, & moralis. c. 9. p. 104.

Actus moralis boni conditiones. c. 9. a. 10. p. 105.

Actus boni formale constitutum. c. 9. a. 11. p. 105.

Actus etiam moraliter boni lege humanam prohiberi possunt. c. 11. a. 16. p. 137.

Actus ex metu elicitum voluntarium sunt. c. 9. a. 6. p. 103.

Actus externus addit malitiam actui interno. c. 9. p. 106.

Actus humani bonitas per circumstantias diversificatur. c. 9. a. 13. p. 108.

Actus moraliter bonus describitur. c. 9. a. 9. p. 105.

Actus

# INDEX RERVM

- Actus indifferens datur. c. 9. a. 8. p. 104.*  
*Actus interni lege humanâ præcipi possunt. c. 11. a. 17. p. 137.*  
*Idem actus potest esse scientia, fides & opinio. c. 18. a. 5. p. 210.*  
*Adam primus hominum rufus erat. c. 8. p. 90.*  
*Adamo non peccante incarnatio fuisset. c. 26. a. 2. p. 315.*  
*Adoratio describitur. c. 30. a. 1. p. 363.*  
*Adorandi sunt sancti cultu dulci, Virgo verò beata cultu hyperdulci. c. 30. a. 4. p. 365.*  
*Adoratione latriæ humanitas Christi adorari debet. c. 30. a. 2. p. 364.*  
*Agens naturale, potest agere in species Eucharisticas. c. 34. a. 16. p. 417.*  
*Amor inordinatus fuit primum Angeli peccatum. c. 7. a. 18. p. 86.*  
*Angeli creati sunt in cælo sidereo. c. 7. a. 1. p. 76.*  
*Angeli custodes. c. 7. a. 20. p. 87.*  
*Angelicus intellectus indiget speciebus. c. 7. a. 11. p. 83.*  
*Angeli non habent speciem universalem. c. 7. a. 12. p. 84.*  
*Angeli omnes sunt ejusdem speciei. c. 7. a. 4. p. 70.*  
*Angelorum loquela neq; per signa, neq; per volitionem intelligendi conceptum alterius bene explicatur. c. 7. a. 9. p. 82.*  
*Angelorum loquendi modus explicatur. c. 7. a. 10. p. 83.*  
*Angelos dari, fides, non ratio docet. c. 7. a. 1. p. 76.*  
*Angelus assumit, sed nō informat corpus. c. 7. a. 15. p. 84.*  
*Angelus est in loco determinato per ubi spirituale. c. 7. a. 13. & 14. p. 84.*  
*Angelus in primo instanti non peccabit. c. 7. a. 17. p. 85.*  
*Angelus potest se ipsum & alia objecta cognoscere intuitivè. c. 7. a. 7. p. 80.*  
*Anima Christi videt omnia in verbo, habitualiter tamen. c. 28. a. 4. p. 344.*



# INDEX RERUM

- Non descendit ad loca damnatorum. c. 29. a. 13. p. 361.  
 Appetitus viatoris ad beatitudinem. c. 8. a. 11. p. 96.  
 Aqua vino in consecratione miscenda non mutatur in sanguinem. c. 33. a. 9. p. 398.  
 Atributorum Dei divisio. c. 2. a. 6. p. 14.  
 Attritionis objectum formale assignatur. c. 38. a. 2. p. 448.  
 Attritio describitur. c. 38. a. 1. p. 448.  
 Attritionis elicende motibum. c. 38 a. 3. p. 449.  
 Dolor ad attritionem requisitus. c. 38. a. 4. p. 449.  
 Authoris parentes, Milerus mac Bruodin (quod apud Hibernos significat Mac, vel O, ante cognomina posita, hoc apud Germanos per Von, & apud Latinos per de, denotatur). & Margarita de Mollony, ambo nobiles & py. c. 8. p. 92.

## B.

- Baptismi definitio & institutio. c. 32. a. 13. p. 379.  
 Baptismi effectus. c. 32. a. 13. p. 386.  
 Baptismi materia & forma. c. 32. a. 3. p. 380. (381.  
 Baptismi forma à Latinis usitata bona est. c. 32. a. 4. p.  
 Baptismi ministri. c. 32. a. 6. p. 383.  
 Baptismi necessitas etiam respectivè ad parvulos. c. 32. a. 10. p. 384. (p. 383.  
 Baptismus fluminis ab alijs specie distinguitur. c. 32. a. 5.  
 Baptismus necessariè est necessitate medij. c. 32. a. 12. p. 386  
 Ad valide baptizandum quorum consensus requiritur? c. 32. a. 11. p. 385.  
 Baptizare Franciscani non debent sine necessitate. c. 32. a. 7. p. 384.  
 Beatitudinis subjectum & objectum. c. 8. a. 9. p. 95.  
 Beatitudo principalitè consistit in fruitione. c. 8. a. 10. p. 95.  
 Beatorum nullus tantum videt, quantum ipse Deus. c. 32. a. 7. p. 28.  
 Beatus tantum moraliter necessitatur ad amandum Deum. c. 8. a. 12. p. 97.  
 Bene

## ET VERBORUM.

*Beneficiary pauperibus ex iustitia nihil tenentur. c. 14.*

*a. 12. p. 173.*

*Bernardus Comes à Martinitz, supremus Regni Boëmæ  
Burggm: seu Prorex, casualiter laudatur. c. 11. p. 31.*

*Bona vacantia sunt primi occupantis. c. 14. a. 14. p. 174.*

*Bruadinus junior reycitur. c. 8. p. 92.*

## C.

*Cause creaturarum contingentium. c. 4. a. 5. p. 40.*

*Chrisma ab Episcopo benedici debet. c. 32. a. 18. p. 388.*

*Christus describitur. c. 26. a. 11. 325.*

*Christus est creatura. c. 27. a. 3. p. 333.*

*Christus filius Dei naturalis est, non verò adoptivus. c.  
26. a. 9. p. 322.*

*Christus incepit esse. c. 27. a. 4. p. 334.*

*Est Dei servus. c. 27. a. 5. p. 334.*

*Communicatio idiomatū in Christo. c. 27. a. 7. p. 336.*

*Est caput Ecclesiæ. c. 27. a. 14. p. 338.*

*Fuit rex non temporalis, sed spiritalis. c. 29. a. 6. p.*

*Ejus impeccabilitas. c. 29. a. 8. p. 358. (357-*

*Christus venit ad delendum omne peccatum. c. 26. a. 3.  
p. 318.*

*Christus multa meruit, sed non incarnationem. c. 26. a.*

*Christus rufus erat. c. 8. p. 91. (11. p. 325.*

*Circumcisio verum fuit Sacramentum. c. 31. p. 372.*

*Circumstantie diversificant bonitatē, & malitiam actus,  
eig. communicant bonitatem. c. 9. a. 13. & 14. p. 108.*

*Circumstantie mutantes speciem peccatorum confitendæ  
sunt. c. 39. a. 9. p. 464.*

*Circumstantias non mutantes speciem, etiā interrogatus  
à Confessario, fateri non tenetur. c. 39. a. 9. p. 465.*

*Circumstantiarum numerus. C. 9. a. 15. p. 109.*

*Clerici sunt multarum rerum Domini. c. 14. a. 11. p. 172.*

*Coactum & involuntarium describitur. c. 9. p. 103.*

# INDEX RERUM

*Cognatio seu consanguinitas usq; ad quartum gradum  
dirimit matrimonium. c. 45. a. 4. p. 540.*

*Quotuplex sit cognatio. c. 45. p. 541.*

*Impedimentum criminis dirimens matrimoniū quo-  
tuplex. c. 45. a. 5. p. 542.*

*Compositio repugnans Dei simplicitati. c. 2. a. 8. p. 15.*

*Conceptio immaculata Virg: probatur. c. 26. a. 10. p. 323.*

*Conclusiones Theologicae specie differunt. c. 1. a. 11. p. 9.*

*Conclusio Theologica de fide non est. c. 1. a. 7. p. 6. & 7.*

*Concuniscētia voluntariū & liberū minuit. c. 9. a. 7. p. 103.*

*Confessio peccatorum integra necessaria. c. 39. a. 7. p. 462.*

*Confessio per interpretē necessaria non est. c. 39. a. 8. p. 463.*

*Confessarij ignari obligatio. c. 40. a. 10. p. 477.*

*Confessario non licet negare schedulam confessionis. c. 41.  
a. 3. p. 485.*

*Non semper licet uti notitiā in confessione habita. c.  
41. a. 5. p. 486. (p. 487.)*

*Casus in quibus usus talis est licitus. c. 41. a. 6. 7. & 8.*

*Confessario licet imponere pœnitentiam pro suo arbitrio  
consideratā qualitate peccatorū. c. 41. a. 12. p. 491.*

*Confirmatio describitur. c. 32. a. 16. p. 387.*

*Confirmationis materia & forma. c. 32. a. 17. p. 388.*

*Confirmationis ministri. c. 32. a. 18. p. 388.*

*Connexio virtutum Theologicarum. c. 19. a. 1. p. 219.*

*Conscientie descriptio. c. 9. a. 17. p. 109.*

*Conscientia dubia describitur. c. 9. p. 111. (110.)*

*Conscientia erronea obligat ad sui sequelam. c. 9. a. 19. p.*

*Conscientia probabilis sufficit ad bona operandū. c. 9. a.  
18. p. 110.*

*Consensus pœnitentis sufficit, ut quis referat quæ in confes-  
sione audivit. c. 41. a. 9. p. 489.*

*Contractus describitur. c. 17. a. 1. p. 199.*

*Contractus errore irritatur. c. 17. a. 2. p. 199.*

*Contractus metu irritatur. c. 17. a. 4. p. 200.*

Con-

## ET VERBORVM.

- Contritio perfecta describitur.* c. 37. a. 7. p. 441.  
*Contritio debet esse dolor super omnia mala.* c. 37. p. 442.  
*Contritio justificat extra Sacramentū.* c. 37. a. 12. p. 447.  
*Contritio non requirit nisi dolorem summū appetiati-*  
*vē.* c. 37. a. 9. p. 445.  
*Contritio versatur circa singula peccata.* c. 37. a. 10. p. 446.  
*Correctionis fraternæ modus.* c. 20. a. 15. p. 242.  
*Criminis notoriū revelatio, quando est peccatum.* c. 16.  
a. 11. & 12. p. 194.  
*Crumbel parentes authoris tyrannicè privabit bonis.* c. 8.  
*Culpa materialis & formalis.* c. 15. p. 178. (p. 92.

## D.

- Deflorator Virginis ultrò consentientis, non peccat con-*  
*tra justitiam, nec peccato distinctæ speciei à simplici*  
*fornicatione.* c. 16. a. 17. p. 198,  
*DEI descriptio.* c. 2. a. 3. p. 12.  
*Dei ignorantia in adulto, rationis compote, quomodo*  
*haberi potest.* c. 2. a. 3. p. 12.  
*Delegatus minister describitur.* c. 40. p. 474.  
*Delegatus potest subdelegare.* c. 40. p. 474.  
*Delegata jurisdictio non expirat in morte delegantis.* c.  
40. p. 474.  
*Denominationes nobæ Deo non repugnant.* c. 2. a. 7. p. 16.  
*Deo repugnat mentiri.* c. 18. a. 4. p. 208.  
*Desperat licitè cui sit revelatio de damnatione.* c. 20. a.  
5. p. 232.  
*Detractio quid sit, & quando peccatum est.* c. 16. a. 10.  
p. 194.  
*Detrahere alteri coram uno solo mortale est.* Ibidem.  
*Deum esse, per se notum non est.* c. 2. a. 1. p. 10.  
*Deus naturaliter invisibilis est, & divinitus incompre-*  
*hensibilis, non verò ineffabilis.* c. 2. a. 12. p. 19.  
*Deus nec de potentia absoluta ab oculo corporis videri*  
*potest.* c. 3. a. 8. p. 24. Deus



# INDEX RERVM

- Deus peccati causa non est. c. 10. a. 8. p. 119.  
 Deus potest disponere in toto Decalogo. c. 11. a. 9. p. 130.  
 Deus super omnia quomodo diligendus est. c. 20. a. 9. p.  
 Deus unus tantum est. C. 2. a. 5. p. 13. (235.  
 Diana sententia ad evitanda infinita mala rejicitur & re-  
 futatur. c. 11. a. 17. p. 139.  
 Dies creationis propria dicta erant dies. c. 8. a. 1. p. 88.  
 Disparitas cultus dirimit matrimonium. c. 45. a. 6. p. 543.  
 Dispensatio quid sit? c. 11. a. 9. p. 131.  
 Distinctio formalis probatur. c. 3. a. 6. p. 27.  
 Distinctionis formalis descriptio, & fusior probatio. c. 4.  
 a. 2. p. 34. & 35.  
 Distinctio specifica peccatorum unde sumitur. c. 10. a. 9.  
 p. 123.  
 Dolor requisitus ad Sacramentum poenitentiae, non debet  
 semper confessionem precedere. c. 39. a. 12. p. 468.  
 Dotes Corporis Christi. c. 29. a. 14. p. 362.  
 Dominium definitur. c. 14. a. 1. p. 165. (13. p. 273.  
 Dominiorum divisio gentium jure introducta est. c. 14. a.  
 Dominium insolidum duorum repugnat. c. 14. a. 8. p. 168.  
 Dona protoparentibus concessa in primo instanti creati-  
 onis. col: 8. af: 7. p: 94.  
 Donatio non obligat in conscientia. col: 17: a: 6. p: 201.  
 Durandus carpitur & rejicitur. col: 10. p: 121.

## E.

- Aeternitas decretorum Dei libertati creata non praeju-  
 dicat. col: 4. p: 40. & 41.  
 Aeternitas increata describitur. col: 2. a: 10. pag: 18.  
 In Ecclesia duo sunt fora seu tribunalia, duaeq; simili-  
 ter potestates. col: 11. p: 140.  
 Ecclesiastici subiecti sunt legibus civilibus. c. 11. a. 18. p. 141.  
 Emphyteusis descriptio. col: 14. af: 6. pag: 168.  
 Epikeia descriptio. col: 11. pag: 131.

Epispa-

## ET VERBORUM.

*Episcopatus est verus Ordo.* col: 43. pag: 509.

*Minister Episcopatus non potest esse simplex sacerdos.*  
col: 43. af: 6. pag: 515.

*Errores hæreticorum varij circa gratiam.* col: 21. p: 253.

*Error circa personam dirimit matrimonium.* c: 45. af:  
1. & 2. pag: 538.

*Eucharistia omnium Sacramentorum præstantissimum.*  
col: 33. a: 1. p: 390.

*Eucharistiæ essentia consistit in solis speciebus consecratis.*  
col: 33. a. 2. p. 391.

*Eucharistia describitur.* col: 35. a. 3. pag: 393.

*Ejus unitas declaratur.* col: 35. a. 4. p: 393. (p. 396.

*Materia Sacramenti Corporis Christi.* cap: 33. af: 7.

*Materia illa debet esse determinata.* col: 33. a. 11. p. 401.

*Determinata verba sufficientia pro consecratione.* col:  
33. a: 12. p. 401.

*Eucharistiæ effectus.* col: 35. a: 12. pag. 428.

*Eucharistiæ consecratio solis Sacerdotibus, dispensatio  
verò ejusdem, etiam Diaconis convenit.* col: 35. af:  
8. p. 426.

*Eucharistiæ administratio religiosis mendicantibus con-  
venit.* col: 35. a: 9. pag: 427. (p. 418.

*Eucharistia necessaria non est necessitate medij.* c. 35. a. 1.

*Exercitium virtutū moralium Deo negatur.* c: 5. a. 6. p. 52.

*Existentiæ Christi duæ sunt.* col: 27. a: 1. pag: 330.

*Existentiæ Dei demonstrari à nobis nequit.* c. 2. a: 2. p: 10.

*Existentiæ nullatenus in Deo ab essentia distinguitur.* c.  
2. a: 4. pag: 12.

*Extrema unctio definitur.* col: 42. af: 2. pag: 500.

*Materia & forma ejusdem.* col: 42. a: 3. p: 500.

*Ut extrema unctio sit valida, sufficit ut una pars un-  
gatur.* col: 42. a: 4. p: 502.

*Extremæ unctionis minister.* Ibidem a: 5.

*Extremam unctionem plures sacerdotes eidem conferre  
possunt.* col: 42. pag: 503.

Sub-

# INDEX RERVM

*Subiectum capax extremae unctionis. c: 42. a: 7. p: 304.*

*Non tenetur quis suscipere hoc Sacramentum. c: 42.  
a: 8. p: 305.*

*Extrema unctionis effectus. col: 42. a: 9. p: 307.*

## F.

*Fama restituenda. col: 16. af: 8. & 9. pag: 193.*

*Quomodo fama restituenda. col: 16. a: 13. p: 195.*

*Famam restituendi modus. col: 16. a: 13. p: 195.*

*Feddum describitur. col: 14. af: 7. p: 168.*

*Fidei descriptio, ejusq; objectum. c: 18. a: 1. & 2. p: 205.*

*Fidei libertas. c: 18. a: 8. p: 212.*

*Fidei certitudo. col: 18. af: 9. p: 213.*

*Fidei mysteria non aqualiter ab omnibus credi debent.  
col: 18. a: 7. p: 214.*

*Fidei necessitas. col: 19. af: 2. & 3. pag: 221.*

*Fidei unitas. col: 18. af: 7. pag: 211.*

*Fidem negare nemini licet. col: 19. af: 10. p: 225.*

*Fides in Christo non fuit. col: 27. af: 15. pag: 339.*

*Fides sola non justificat. col: 23. af: 8. p: 279.*

*Filiationes in Christo duae sunt. col: 26. af: 8. p: 320.*

*Forma consecrationis Eucharistiae profertur recitative,  
& significative simul. col: 33. aff: 13. p: 403.*

*Forma supernaturalis in substantia quae dicenda. c: 3. p:*

*Fortitudo definitur. col: 12. af: 10. p: 149. (21.*

*Furtum describitur. col: 16. a: 1. pag: 188. (4. p: 190.*

*Quando minutis furtis peccatur mortaliter. c: 16. a:*

*Furti gravitas prudentis arbitrio aestimanda est. co: 16.  
af: 2. p: 189.*

*In hac materia regula assignatur. col: 16. a: 3. p: 190.*

*Furtis minutis, qui à diversis qualitatibus futatur magnā  
non peccat mortaliter. col: 16. a: 5. p: 191.*

*Extrema non verò gravis necessitas excusat furem à  
peccato. col: 16. a: 6. p: 192.*

## ET VERBORVM.

Futura à Deo quomodo cognoscuntur. col: 4. a. 4. p. 38.  
Non cognoscuntur in aternitate. Ibidem.

### G.

- Gratia Divina describitur. col: 21. a. 1. p. 242.  
Gratia est semper ex meritis Christi. col: 21. a. 3. p. 244.  
Gratia divisio bona. col: 21. a. 4. p. 245.  
Gratia speciale auxilium in actu intellectus consistit. c. 21. a. 6. p. 246.  
Sine auxilio gratia levis tentatio superari potest. c. 22. p. 261.  
Gratia cum peccato compatibilitas. col: 23. a. 12. p. 282.  
Sine auxilio speciali gratia quid homo potest cognoscere, & quid non? c. 22. a. 1. 2. 3. p. 275. 278. & 279.  
Gratia animæ Christi. c. 27. a. 12. p. 336. (aliàs 338.)  
Gratia justificans est qualitas permanens. c. 23. a. 2. p. 271.  
Gratia justificans prærequirit dispositionē. c. 23. a. 6. p. 277.  
Gratiam primam nemo sibi meretur. c. 24. a. 6. p. 291.  
Gratia nec formaliter à charitate distinguitur. c. 23. a. 3. p. 272.  
Gratia prædeterminans Thomistarum rejicitur. col: 22. a. 10. p. 265.  
Gratia seu charitas habitualis sola formaliter sanctificat. c. 23. a. 4. p. 276.  
Gratia sanctificans creatur. c. 23. a. 5. p. 277.  
Gratia sufficiens ad bene agendum unicuiq; datur. c. 22. a. 5. p. 261.  
Gratia unde dicitur efficax. c. 22. a. 12. p. 267.

### H.

- Habitus in entitate physica unus, potest esse nunc virtus, nunc vitium. c. 12. a. 2. p. 142.  
Habitus supernaturalis necessitat. c. 12. a. 14. p. 153.  
Hæreticus formalis describitur. c. 19. a. 14. p. 228.

Homi-



## INDEX RERUM

*Homicida quid tenetur restituere.* c. 16. p. 197.

*Honestatis publica impedimentum quid sit.* c. 45. p. 544.

### I.

*Idea principalis divini intellectus est essentia.* c. 4. p. 47.

*Imagines sanctorum colenda sunt.* c. 30. p. 367. (p. 19.

*Immensitas convenit Deo, non quia ubiq; operatur.* c. 2.

*Incarnatio naturaliter cognosci nequit.* c. 25. a. 3. p. 300.

*Infidelitas quando incurritur.* c. 19. p. 227.

*Intellectio divina scientia est perfecta.* c. 4. p. 33.

*Intellectus physice concurrat ad visionem beatã.* c. 3. p. 26.

*Intellectus habens rationem actus primi in Deo admittitur.* c. 4. p. 32.

*Judicium de authoritate scientie medie.* c. 4. p. 42.

*Judicium temerarium peccatum est.* c. 16. p. 192.

*Juris stricti definitio & divisio in reale & personale.* c. 14. p. 164.

*Justificatio contingere potest sine forma intrinseca.* c. 23. p. 269.

*Justificatio definitur, ejusq; causa & effectus assignantur.* c. 23. p. 279.

*Qualiter potest quis de sua justificatione certus esse.* c. 23. p. 283.

*Justitia originalis durante statu innocentie duraret.* c. 8. p. 94.

*Inter quos justitia rigorosa intercedere potest.* c. 13. p. 158.

*Quid sit justitia distributiva, & quid commutativa.* c. 13. p. 161.

*Justitie cõmutative à distributiva distinctio.* c. 13. p. 163.

### L.

*Lex definitur, ejusq; conditiones & objectum assignatur.* c. 11. p. 126.

## ET VERBORVM.

*Legis eterna ratio.* c. 11. p. 228.

*Legis obligatio varijs modis tollitur.* c. 11. p. 130.

*Lex naturalis creata est actus intellectus.* c. 11. p. 129.

*Lex vetus à Deo condita bona fuit & iusta.* c. 11. p. 134.

*Libertas demonstrari non potest.* c. 9. p. 100.

*Libertas in ordine ad actus meritorios ostenditur.* c. 9.  
p. 100.

*Loci Theologici varj.* c. 1. p. 8.

*Lucifer angelorum seductor.* c. 7. p. 87.

*Luminis gloriæ descriptio & necessitas.* c. 3. p. 25.

## M.

*Matrimonium definitur.* c. 44. p. 522.

*Matrimonij necessitas.* c. 44. p. 523.

*Materia & forma hujus Sacramenti.* c. 44. p. 528.

*Minister hujus Sacramenti.* Ibidem.

*Ad validitatem hujus Sacramenti non requiruntur u-  
biq. denunciationes, nec præsentia Parochi.* c. 44.  
p. 529. & 530.

*Quibus modis & qualiter solvi possit matrimonium.*  
c. 44. p. 534.

*Quæ & quotuplicia sint impedimenta matrimonij.* c.  
45. p. 536.

*MARIA Virgo sine originali concepta.* c. 26. p. 323.

*Mereri nemo potest reparationem post lapsum de condi-  
gno.* c. 24. p. 294.

*Metus minuit voluntariam.* c. 9. p. 103.

*Meritum describitur.* c. 24. p. 284.

*Merita mortificata reviviscunt.* c. 24. p. 296.

*Meriti à satisfatione distinctio.* c. 4. p. 491.

*Meriti de condigno conditiones.* c. 24. p. 286.

*Christus non meruit sibi incarnationem.* c. 26. p. 325.

*Beata Virgo non meruit incarnationem.* c. 26. p. 327.

*Meruit nobis per actus portiois inferioris.* c. 28. p. 347.

## INDEX RERV

*Mereri incepit primo instanti conceptionis. c. 28. p. 349.*

*Meruit angelis & hominibus omnem gratiam & gloriā.*

*c. 28. p. 351.*

*Mediator est Dei & hominum. c. 29. p. 356.*

*Minacula ejus moraliter procedebant à natura humana.*

*c. 29. p. 356.*

*Minister ordinarius Sacramenti pœnitentiæ. c. 40. p. 471.*

*Minorum Fratrum potestas in res sibi datas. c. 14. p. 167.*

*Modi quibus cooperatur quis ad inferendum damnum proximo. c. 15. p. 184.*

*Modus agendi Dei ad extra. c. 5. p. 51.*

*Molina rejicitur. c. 4. p. 43.*

*Mors speciebus non movetur Corpus Christi localiter.*

*c. 34. p. 410.*

## N.

*Natura humana Christi ubiq; non est. c. 29. p. 359.*

*Natura humana per se considerata non adoratur nisi cultu hyperdulia. c. 30. p. 365.*

*Necessarium quid sit. c. 9. p. 102.*

*Necessitas medij à præcepti necessitate distinguitur. c. 18. p. 220.*

*Nota Catholica Ecclesiæ. c. 18. p. 218.*

## O.

*Objectum primarium scientiæ Dei est ipsa essentia. c. 4. p. 34.*

*Objectum charitatis Theologicæ. c. 20. p. 233.*

*Objectum justitiæ rigorosæ. c. 13. p. 160.*

*Objectum virtutis supernaturalis, attingi potest actu virtutis naturalis. c. 12. p. 153.*

*Occidere si nemini licet. c. 16. p. 196.*

*Occi.*

## ET VERBORVM.

Oculo corporeo non potest videri Corpus Christi, ut in  
Eucharistia est. c. 34. p. 411.

Odium inimici licitum. c. 20. p. 239

Omissio puri & libera dabilis est. c. 9. p. 102.

Omnipotentia Dei fide & ratione probatur. c. 5. p. 59.

Opera nostra ut satisfactoria sint, debent esse pœnalia.  
c. 41. p. 490.

Operationes Christo in Eucharistia convenientes. c. 34.  
p. 409.

Opinio probabilis explicatur. c. 9. p. 111.

Opus primæ & secundæ diei creationis. c. 8. p. 88.

Opus 3. 4. 5. & 6. diei. ibidem p. 89. & 90.

Opus operantis. c. 31. p. 371.

Ordo quid & quotuplex sit. c. 43. p. 508.

Ordo quilibet est partiale Sacramentum. c. 43. p. 511.

Ejus Materia & Forma à Christo non sunt determinatè  
instituta. c. 43. p. 514.

Quis sit minister Ordinum? c. 43. p. 514.

Subiectum capax ordinum. c. 43. p. 516.

Ordo & ligamen dirimunt matrimonium. c. 45. p. 544.

## P.

Paradisus existit defacto. c. 8. p. 93.

Parochi obligatio in ordine ad confessiones audiendas.  
c. 40. p. 476

Patrini in Baptismate non debent esse plures quàm duo.  
c. 32. p. 387.

Paulum in raptu Deum vidisse probabile est. c. 3. p. 31.

Peccata venialia ex se puniri non possunt pœnâ æternâ.  
c. 10. p. 18.

Peccati habitualis formalis ratio. c. 10. p. 124.

Peccati ratio formalis in positivo consistit. c. 10. p. 113.

Peccatorum venialium multiplicatio non facit mortale.  
c. 10. p. 118.



## INDEX RERV

- Mereri inceptit primo instanti conceptionis.* c. 28. p. 349.  
*Meruit angelis & hominibus omnem gratiam & gloriā.*  
c. 28. p. 351.  
*Mediator est Dei & hominum.* c. 29. p. 356.  
*Miracula ejus moraliter procedebant à natura humana.*  
c. 29. p. 356.  
*Minister ordinarius Sacramenti pœnitentia.* c. 40. p. 471.  
*Minorum Fratrum potestas in res sibi datas.* c. 14. p. 167.  
*Modi quibus cooperatur quis ad inferendum damnum*  
*proximo.* c. 15. p. 184.  
*Modus agendi Dei ad extra.* c. 5. p. 51.  
*Molina rejicitur.* c. 4. p. 43.  
*Motus speciebus non movetur Corpus Christi localiter.*  
c. 34. p. 410.

## N.

- Natura humana Christi ubiq; non est.* c. 29. p. 359.  
*Natura humana per se considerata non adoratur nisi*  
*cultu hyperdulia.* c. 30. p. 365.  
*Necessarium quid sit.* c. 9. p. 101.  
*Necessitas medij à præcepti necessitate distinguitur.* c. 18.  
p. 220.  
*Notæ Catholica Ecclesia.* c. 18. p. 218.

## O.

- Objectum primum scientia Dei est ipsa essentia.* c. 4.  
p. 34.  
*Objectum charitatis Theologica.* c. 20. p. 233.  
*Objectum justitia rigorose.* c. 13. p. 160.  
*Objectum virtutis supernaturalis, attingi potest actu vir-*  
*tutis naturalis.* c. 12. p. 153.  
*Occidere se nemini licet.* c. 16. p. 196.

Occi-

## ET VERBORVM.

*Oculo corporeo non potest videri Corpus Christi, ut in  
Eucharistia est.* c. 34. p. 411.

*Odium inimici licitum.* c. 20. p. 239

*Omissio pura & libera dabilis est.* c. 9. p. 102.

*Omnipotentia Dei fide & ratione probatur.* c. 5. p. 59.

*Opera nostra ut satisfactoria sint, debent esse pœnalia.*  
c. 41. p. 490.

*Operationes Christo in Eucharistia convenientes.* c. 34.  
p. 409.

*Opinio probabilis explicatur.* c. 9. p. 111.

*Opus primæ & secundæ diei creationis.* c. 8. p. 88.

*Opus 3. 4. 5. & 6. diei. ibidem* p. 89. & 90.

*Opus operantis.* c. 31. p. 371.

*Ordo quid & quotuplex sit.* c. 43. p. 508.

*Ordo quilibet est partiale Sacramentum.* c. 43. p. 511.

*Ejus Materia & Forma à Christo non sunt determinatè  
instituta.* c. 43. p. 514.

*Quis sit minister Ordinum?* c. 43. p. 514.

*Subiectum capax ordinum.* c. 43. p. 516.

*Ordo & ligamen dirimunt matrimonium.* c. 45. p. 544.

## P.

*Paradisus existit defacto.* c. 8. p. 93.

*Parochi obligatio in ordine ad confessiones audiendas.*  
c. 40. p. 476

*Patrini in Baptismate non debent esse plures quàm duo.*  
c. 32. p. 387.

*Paulum in raptu Deum vidisse probabile est.* c. 3. p. 31.

*Peccata venialia ex se puniri non possunt pœnâ aternâ.*  
c. 10. p. 118.

*Peccati habitualis formalis ratio.* c. 10. p. 124.

*Peccati ratio formalis in positivo consistit.* c. 10. p. 113.

*Peccatorum venialium multiplicatio non facit mortale.*  
c. 10. p. 118.

# INDEX RERUM

- Peccatum mortale describitur.* c. 10. p. 112.
- Peccatum nullum est infinita malitia.* c. 10. p. 118.
- Peregrinus potest se conformare legibus patrie quam transit.* c. 11. p. 141.
- Personae divinae tres tantum sunt, constituuntur formaliter proprietatibus relativis.* c. 6. p. 62.
- Personarum circumincessio in divinis admittitur.* c. 6. p. 69.
- Pena parvulorum cum originali decedentium mitigatur.* c. 10. p. 116.
- Pena peccati originalis.* Ibidem.
- Pœnitentie Sacramenti descriptio.* c. 39. p. 457.
- Pœnitentie virtus describitur.* c. 27. p. 435.
- Pœnitentia persolvi potest etiam in statu peccati mortalis.* c. 41. p. 496.
- Pœnitentie virtus distinguitur à charitate & religione.* c. 37. p. 437.
- Pœnitentie virtutis objectum formale.* c. 37. p. 438.
- Pœnitentie efficacia.* c. 38. p. 455.
- Pœnitentie præceptum quoties obligat.* c. 38. p. 454.
- Pœnitentie Sacramentum nunquam est validum & informe.* c. 39. p. 468.
- Pœnitens non tenetur sequi probabilem confessarii opinionem contra propriam.* c. 40. p. 479.
- Pœnitens tenetur acceptare pœnitentiam à Sacerdote sibi impositam.* c. 41. p. 493.
- Pœnitentes turbandi non sunt nimis à curiositate interrogationum, præsertim in materia carnis.* c. 40. p.
- Polygamie definitio.* c. 44. p. 533. (476.)
- Possessores bonæ fidei & malæ fidei ad quid teneantur.* c. 15. p. 167.
- Positivè cooperantes ad damnum alterius ad quid teneantur.* c. 15. p. 184.
- Præcepto annuæ confessionis satisfaciunt, qui mendicantibus considentur.* c. 40. p. 473.
- Præcepto Ecclesiæ ad licitè celebrandum multa requiruntur.* c. 36. p. 434.

## ET VERBORVM.

- Præcepto positivo suscipientes Eucharistiam, obligantur ad jejuniū. c. 35. p. 428.*  
*Præceptum de elicienda pœnitentia. c. 38. p. 452.*  
*Præceptum consecrandi sub utraq; specie quoties obligat. c. 35. p. 422.*  
*Præceptum de dilectione Dei quando obligat. c. 20. p. 237.*  
*Præceptū divinum de sumenda Eucharistia. c. 35. p. 420.*  
*Præceptum Ecclesiasticū annuæ Confessionis. c. 35. p. 432.*  
*Satisfit illi, qui quocunq; anni tēpore confitetur. c. 39. p. 362.*  
*Præceptum nullum extat, quo obligentur laici ad communicandum sub utraq; specie. c. 35. p. 423.*  
*Prædestinatio Christi causa est nostræ prædestinationis. c. 26. p. 319.*  
*Prædestinationis definitio & formalis ratio. c. 5. p. 54.*  
*Prædestinandi modus. Ibidem.*  
*Prædestinatus potest damnari. c. 5. p. 57.*  
*Præsentia Dei ad res creatas triplex. c. 2. p. 19.*  
*Principium quo & quod divinarum personarū. c. 6. p. 70.*  
*Privilegia mendicantium circa celebrationem missæ extra loca sacra. c. 36. p. 434.*  
*Propositio vera nulla possibilis, quæ non est revelabilis. c. 18. p. 207.*  
*Pater non voluntate, licet volens, generat. c. 6. p. 72.*  
*Providentia descriptio. c. 5. p. 53.*  
*Providentiæ formalis ratio. Ibidem.*  
*Proximus quomodo diligendus. c. 20. p. 238.*  
*Prudentia definitur. c. 12. p. 147.*  
*Prudentia tendit etiam in media. Ibidem. p. 148.*  
*Puer sex annorum mirabiliter datus. c. 28. p. 346.*

## R.

- Ratio formæ supernaturalis repugnat substantiæ creatæ. c. 3. p. 22.*



# INDEX RERVM

- Regule actûs humani.* c. 9. p. 109.  
*Regule fidei.* c. 18. p. 215.  
*Relationes divinæ varias dicunt perfectiones.* c. 6. p. 66.  
*Reprobationis causa.* c. 5. p. 58.  
*Reservatio casuum licita est.* c. 40. p. 474.  
*Restitutio fame facienda.* c. 15. p. 193.  
*Quando quis tenetur restituere dampnum illatum.* c. 15. p. 178.  
*Quid tenetur restituere qui dampnum non impedit.* c. 15. p. 186.  
*Quid tenetur, qui privet hominē ratione.* c. 15. p. 187.  
*Revelatio criminis notory peccaminosa non est.* c. 17. p. 194.  
*Rufi laudantur & defenduntur.* c. 8. p. 91.

## S

- Sacramentum definitur.* c. 3. p. 370.  
*Sacramenta causant gratiā moraliter tantum.* c. 31. p. 373.  
*Sacramenta conferunt gratiā in opere operato.* c. 31. p. 371.  
*Sacramenta instituta sunt à Christo.* c. 31. p. 374.  
*Improbitas ministri non invalidat Sacramentum.* c. 31. p. 375. & 376. (p. 377.)  
*Sacramenta nova Legis constant materiā & formā.* c. 31.  
*Verba requisita ad Sacramenta sunt consecratoria,*  
*& constant materiā & formā invariabili.* c. 31. p. 378.  
*Sacramenta tria imprimunt caracterem, quæ est qualitas*  
*realis.* c. 31. p. 374.  
*Sacramentum extrema unctionis datur.* c. 42. p. 499.  
*Sacrificium propriè dictum describitur.* c. 36. p. 429.  
*Sacrificij Missæ formale constitutivū assignatur.* c. 36. p. 431.  
*Sacrificij Missæ hostia & effectus.* c. 36. p. 431. (c. 42.)  
*Sacrificij missæ valor & effectus.* c. 36. p. 432.  
*Sacrificium missæ exigit locum consecratū.* c. 36. p. 433.  
*Satisfacere potest unus pro alio.* c. 41. p. 497.  
*Satisfactio Christi non fuit de rigore justitiæ.* c. 29. p. 352.  
 Potuit

## ET VERBORUM.

*Potuit purus homo satisfacere pro peccatis generis humani.* c. 29. p. 355.

*Scientia Christi perfectio.* c. 28. p. 343.

*Scientia Dei divisio in simplicis intelligentia & visionis, bona est.* c. 4. p. 41.

*Scientia animæ Christi.* c. 28. p. 342.

*Scientia certa Confessario necessaria est.* c. 40. p. 475.

*Scientia infusa Christi.* c. 28. p. 345.

*Scientia media reijcitur.* c. 4. p. 44. & 45.

*Scotus Hibernorum gloria.* c. 2. p. 18.

*Secreta cordium soli Deo nota.* c. 7. p. 79.

*Sensus Scripturæ multiplex.* c. 1. p. 8.

*Sigillum sacramentale describitur.* c. 41. p. 481.

*Sigilli obligatio juris est naturæ Divinæ & Ecclesiastice: Ibidem.*

*Sigillo confessionis quinam obligantur. Ibidem.*

*Signa Divinæ voluntatis.* c. 5. p. 50.

*Simoniam descriptio.* c. 17. p. 203. (p. 116.)

*Solacium parvulorum cum originali decedentium.* c. 10.

*Spei formalis ratio & objectum.* c. 20. p. 230.

*Sperare quid adultus tenetur.* c. 24. p. 232.

*Spes describitur.* c. 20. p. 229.

*Spiritus privatus hæreticorum.* c. 18. p. 217.

*Spiritus sanctus si non procederet à filio, adhuc ab eo realiter distingueretur.* c. 6. p. 74.

*Sponsalia quid sint.* c. 44. p. 518.

*Quid ad validitatem eorum requiruntur.* c. 44. p. 519.

*Status innocentie cum peccato compatibilis.* c. 8. p. 93.

*Status puræ naturæ possibilis est.* c. 21. p. 250.

*Alij status naturæ rationalis.* c. 21. p. 252.

*Stuprum non distinguitur specie morali à simplici fornicatione.* c. 16. p. 198.

*Substantia panis & vini non manent in Eucharistia simul cum corpore & sanguine.* c. 34. p. 408.

*Subsistentia absoluta in divinis admittitur.* c. 6. p. 68.

## INDEX RERVM

- Sumptio unius speciei consecratae tantam gratiam causat, quantam utriusq. speciei sumptio. c. 35. p. 425.*  
*Superiores mendicantium respectu suorum subditorum, ordinariam habent potestatem administrandi Sacramentum poenitentiae. c. 40. p. 473.*  
*Possunt instituere propriam auctoritate Confessarios fratrum. Ibidem.*

### T.

- Terminus à quo & ad quem transubstantiationis. c. 34. p. 414.*  
*Terminus absolutus transubstantiationis est Corpus Christi. Ibidem.*  
*Theologia descriptio. c. 1. p. 1.*  
*Theologiae objectum materiale & formale. c. 1. p. 2.*  
*Theologiae necessitas. c. 1. p. 6.*  
*Theologia nostra principia. c. 1. p. 7.*  
*Theologia Sapientia est, & certior alijs scientijs. c. 1. p. 4.*  
*Temperantiae definitio. c. 12. p. 148.*  
*Testamentum describitur. c. 17. p. 201.*  
*Transubstantiationis definitio & possibilitas. c. 34. p. 413.*  
*Per transubstantiationem non producitur, nec conservatur Corpus Christi. c. 34. p. 415.*  
*Transubstantiatio actio est tantum adductiva. c. 34. p. 416.*  
*Trinitatis descriptio. c. 6. p. 60.*  
*Ejus existentia demonstrari non potest. c. 6. p. 61.*

### V.

- Venditionis conditiones. c. 17. p. 203.*  
*Verbum immediate sanguinem non assumpsit. c. 25. p. 209.*  
*Verbum non eque primò omnes corporis partes assumpsit. c. 25. p. 312.*  
*Verbum non assumpsit naturam mediante gratia. c. 25. p. 313.*  
*Verbum non procedit in cognitione creaturarum. c. 6. p. 71.*

*Videri.*

## ET VERBORVM.

*Videri potest essentia sine attributis, & è cōtra.* c. 3. p. 27.

*Violentum quid sit.* c. 9. p. 103.

*Virtus non semper in medio consistit.* c. 12. p. 145.

*Virtutes actuales supernaturales generant habitum naturalis ordinis.* c. 12. p. 152.

*Virtutes intellectuales à Deo admittuntur.* c. 4. p. 48.

*Virtutes in voluntate subiectatæ.* c. 12. p. 144.

*Virtutes naturales nec inter se, nec cum supernaturalibus connectuntur necessario.* c. 12. p. 147.

*Virtutes per se infusæ, sunt supernaturales in substantia.*  
c. 12. p. 152. (c. 12. p. 145.)

*Virtutis moralis in quatuor cardinales divisio bona est.*

*Una persona potest plures naturas simul assumere.* c. 25.  
p. 307.

*Unico actu Deus se ipsum & omnia alia vult.* c. 2. p. 17.

*Unio hypostatica compositio non est, nec in omni sensu maxima.* c. 25. p. 304.

*Unionis hypostaticæ possibilitas.* c. 25. p. 299.

*Voluntarij divisio in liberum & necessarium.* c. 9. p. 100.

*Voluntarium describitur.* c. 9. p. 99.

*Quomodo voluntas divina mutabilis est.* c. 5. p. 51.

*Voluntas potest violentari.* c. 9. p. 103.

*Voluntates Christi liberae sunt, & inter se conformes.* c.  
27. p. 333.

*Voluntatis divinae divisio.* c. 5. p. 50.

*Voluntatis divinae efficacia.* c. 5. p. 52.

*Votum solemne dirimit matrimonium.* c. 45. p. 339.

*Usura describitur.* c. 17. p. 102.

*Usucapio definitur.* c. 14. p. 175.

*Usus distinguitur à Dominio.* c. 14. p. 166.

*Usus juris descriptio.* c. 14. p. 165.







# INDEX

## COLVMNARVM, ET MATERIARVM.

### COLUMNA I.

- Ex prologo Sententiarum.
2. De DEO uno, ejusq; attribetis negativis.
  3. De Supernaturalitate entis, & visione beati-  
fica.
  4. De Scientia Dei, ejusq; intellectu.
  5. De voluntate DEI.
  6. De SS. Trinitatis mysterio.
  7. De Angelis.
  8. De opere sex dierum, statu innocentiae, & be-  
atitudine.
  9. De actibus humanis.
  10. De Peccatis.
  11. De Legibus.
  12. De virtutibus moralibus & supernaturalibus  
infusis.
  13. De natura & divisionibus justitiae.
  14. De usu & Dominio.
  15. De restitutione in genere, & causis excusanti-  
bus ab illa.
  16. De restitutione bonorum fortunae & famae, nec  
non obligationibus contractis ex laesione famae.
  17. De justitia contractuum in genere, & causis ex-  
cusantibus ab illa.
  18. De natura & regulis fidei supernaturalis.

## INDEX COLUMNARVM.

19. De habitu, necessitate & confessione fidei, nec non infidelitatis peccato illi opposito.
20. De virtutibus Theologicis Spei & charitatis.
21. De auxilijs gratiæ Divinæ.
22. De necessitate & efficacia auxiliij specialis gratiæ.
23. De gratia sanctificante,
24. De merito.
25. De existentia & convenientia Incarnationis.
26. De causis Incarnationis.
27. De existentia, idiomatum communicatione, ac gratia Christi.
28. De Scientia & merito Christi.
29. De satisfactione, potentia, & defectibus animæ Christi.
30. De adoratione & cultu imaginum.
31. De Sacramentis in genere.
32. De Sacramentis Baptismi, & Confirmationis.
33. De essentia, materia & forma Sacramenti Eucharistiæ.
34. De reali præsentia Corporis Christi, & transubstantiatione.
35. De necessitate præcepti, & ministri Eucharistiæ.
36. De Sacrificio Missæ.
37. De natura, objecto, & specie perfectissima virtutis pœnitentiæ.
38. De attritione, necessitate, & efficacia pœnitentiæ.
39. De natura, & necessitate Sacramenti pœnitentiæ, nec non confessione Sacramenti.
40. De ministro Sacramenti hujus.
41. De sigillo & sacramentali satisfactione.
42. De extrema unctione.
43. De Ordine.
44. De Sponsalibus ad matrimonium requisitis, ac ipsius matrimonij natura.
45. De impedimētis & obligationibus matrimonij.

INDEX

# INDEX

## EPISTYLIORVM

### PROBLEMATICORVM.

1. An demonstrabile sit Theologum non posse damnari?
2. Somniantne, qui Deo in spatijs imaginarijs sedem ponunt?
3. An beata visio Seraphici Francisci, infinitæ sit perfectionis?
4. An condemnare scientiam mediam, rei scholasticæ sit nocivum?
5. An numerus electorum excedat numerum reproborum?
6. An reprehendendus esset, qui ingeniosè Trinitatis mysterium demonstraret?
7. An in sedem nobilissimi quondam Archangeli Luciferi, Seraphicus Franciscus sit sublimatus?
8. An si perseverasset status innocentiae, electi jam ex reprobis nati, nascerentur?
9. An ignorantia invincibilis excuset à peccato?
10. Utrū Deus infernali igne torquere possit innocentem?
11. An legislator teneatur suis legibus? (centē?)
12. An dona Spiritūs Sancti distinguantur specie à virtutibus moralibus, & Theologicis?
13. An justitiā vindicativa respiciat proportionem arithmeticam?
14. An bona incerta ex delicto occupata donari debeant pauperibus?
15. An creditores hypothecarii præferendi sint creditoribus chirographarijs.
16. An volenti & consentienti possit fieri injuria?


# INDEX EPISTOLARUM

17. An qui lucratur per fraudem, teneatur ad restitutionem?
18. Alexandrum VII. legitimum esse Petri successorē an sit de fide?
19. An inter Germaniæ Acatholicos, plures sine materiales quàm formales hæretici?
20. An duellum sit licitum ad defendendam famam vel honorem?
21. An status naturæ integræ per unam diem naturalem duravit?
22. An tutius sit silere, & consultius orare, quàm de efficacia gratiæ discurre?
23. An donum perseverantiæ ut diversum à gratia justificante finali?
24. An si meritorum præmium ex miraculis colligitur, primum post Apostolos locum in cælo Thaumaturgo nostro Antonio Paduano assignare sit necesse?
25. An Unio hypostatica concursu physico B. V. producta sit?
26. Quisquis B. V. sine labe conceptam fuisse corditatis propugnat, Scotista est; an ergo neutristsæ Scotistsæ dicendi sunt?
27. An gratia capitis in Christo distinguatur à gratia ejus habituali?
28. An plaga lateris Christi fuerit meritoria, & operativa salutis nostræ pro illo instanti, pro quo fuit inflicta?
29. An Corpus Christi in sepulchro fuisset putrefactum, si per centum annos resurrectio fuisset dilata?
30. An decipiantur Poloni, qui S. Adalberti Reliquias hic Pragiæ existentes Gneznæ, in Polonia, tanquam præsentēs venerantur?
31. An ad validè conficiendum Sacramentū ebriosi ministri intentio sufficiens sit?



## INDEX EPYSTIL:

32. An Sacerdotes Franciscani, in partibus ubi desunt Episcopi, possint hodie gaudere Privilegio Adriani VI. circa administrationem confirmationis?
33. An forma Eucharistiæ de rigore sermonis, logicè loquendo, sit vera?
34. An simul cum puerili forma in hostia apparente, maneat Corporis Christi vera substantia?
35. An Papali dispensatione licitè possit Sacerdos sub una tantum specie consecrare?
36. An satisfacit præcepto de audiendo Sacro, qui illi adstat animo tantum peccandi?
37. An ad contritionem perfectam sufficit duratio instantanea?
38. An pœnitentiæ præceptum ad ullum ex decem Decalogi referatur?
39. An pœnitens teneatur Confessario interroganti, an habuerit consuetudinem peccandi, fateri veritatem?
40. An Religiosus extra Monasterium existens, cū omnimoda necessitate peccandi, possit etiam à reservato casu absolvi per Clericum sæculare approbatum?
41. An inferior Sacerdos quā talis possit pœnitentiā à superiore Confessario injunctam pro reservatis commutare?
42. An extrema unctio causat suos effectus finitā unā unctione, an verò finitis omnibus?
43. An consultum esset summo Pontifici in cœlibatu cum parochis sæcularibus dispensare?
44. An melius est nubere, quàm uri?
45. An si Adam hodie vixisset, validè posset cum ulla ex viventibus matrimonium contrahere?



## ERRATA PRÆCIPVA.

**Q**uod rogem, est, amice Lector, ut si inter legendum occurrent errata (occurent aliqua, Typographi, an correctoris negligentia, nescio; forte utriusq;) hæc animo non iniquo feras, absens enim, & occupatus Olomucij in Guardianatus Officio eram, dum Opusculum hoc Pragæ imprimeretur; sic culpandus non sum, si tam correctè opus non prodit, ac speravi. Præcipuorum errorum emendationem hic subjungo.

*Pag: 74. l. 4. saancti, lege sancti. Item l. 15. ut, le: & Pag: 75. l. 22. perfectius, le: perfectio. Pag: 80. l. 24. cognoscere, le: cognosceret. Pag: 16. l. 18. 7. le: 9. Pag: 86. l. ult: hanc, l. hunc. Pag: 89. l. 29. visceribus, adde, terræ. Pag: 102. l. 25. voluntatis, le: voluntati. Pag: 105. l. 34. approbationem, le: approbativam. Pag: 114. l. ultima, respondeo, adde, 2. Pag: 116. in marg: origine, le: originali. Pag: 118. l. 3. min: le: maj: Item l. 5. quo, le: qua. Pag: 120. probantur, le: probatur ant: Pag: 121. (per errorem 123.) l. 20. nobis, ade, nullū. Pag: 123. l. 31. loco quidem periret, le: primum privaret. Pa: 125. l. 2. remaneat, le: remanet. Pag: 130. l. 4. rerum, le: legum. Pag: 137. l. 27. hic, adde, Pragæ. Pag: 138. l. 18. ultima, le: ultimo. Pag: 170. l. 14. monemus, le: monemur. Pag: 180. l. 13. extero, le: externo. Pag: 185. l. 32. proposione, le: proportionem. pag: 189. l. 9. rem, adde, exiguam. Pag: 223. l. 27. habeat, le: habeant. Pag: 263. l. 34. affectione, le: affectiones. Pag: 288. l. 12. iustitia, adde ad faciendam. Pag: 301. l. 23. perfectionis, le: perfectiones. Pag: 319. in margine, loco, Deus est, le:*

*le: Christus. Pag: 329. l. 17. divinitus, le: cordicitus.*  
*Pag: 358. l. 19. Almachano, le: Ardmachano. Pag: 364.*  
*l. 34. id, le: illi. Pag: 387. l. 8. chrismate, le: chrifinale.*  
*Pa: 414. l. 19. substantialis, deletis aliis usq; ad confirm:*  
*adde, est ipsa substantia Corporis & sanguinis Chri-*  
*sti. Prob: Non est assignabilis ulla substantia alia, quæ*  
*esset terminus formalis ad quem, illius conversionis,*  
*præter jam assignatam: ergo jam assignata substantia*  
*est terminus formalis ejus ad quem. Pag: 414. l. 23.*  
*discipulis, adde, &. Pag: 436. l. 13. præcisè, adde qua.*  
*Pag: 447. l. 19. Script: adde i. Joan: Pag: 451. l. 16. nisi,*  
*le: sine. Et l. 23. fit, l. fuit. Pag: 455. l. 23: &, le: ut.*  
*Pag: 460. l. 31. materia objectum, le: objectum mate-*  
*ria fit. Pag: 462. l. 6. assertionis, le: assertionem. Pag: 485*  
*l. 11. pœnitenti, le: pœnitentis. Pag: 51. l. 28. habiles.*  
*le: habiles. Pag: 523. l. 15. hic, le: sic. Pag: 525. l. 7. co-*  
*lum: adde 31. Pag: 531. l. 21. cur, le: quod. Pag: 533. l.*  
*21. deinde, le: deniq;. Pag: 534. l. 6. legi, le: lege. Pag:*  
*557. l. 13. colum: adde, 32. Pag: 538. l. 35. quosle: quod.*  
*Pag: 539. l. 15. fervorem, le: fervorum. Pag: 540. l. 11.*  
*accedat, le: excedat. Pag: 541. l. 7. distat,*  
*le: distant.*




Impressio hæc totaliter finita est  
 die 21. Decemb: Anno 1663.











5-1





